


515-1



ორბანო კართული ეროვნული კოლიტიკისა და კულტურისა

შინაარსი

- 1. აჯანყების ოცი წლის თავზე . . . . . ბ. ბაბუარიშვილი
- 2. საბჭოთა რეჟიმის რეალიზაცია . . . . . ი. გურული
- 3. საბჭოთა საქართველოს სახე . . . . . ინგო. ლაშაური
- 4. ბოლშევიზმის ძირები და მისი გავლენა რუსეთში . . . . . დ. საღირაშვილი
- 5. აღმოსავლეთი ევროპა . . . . . ბ. პარღანი
- 6. ლაშქრები, სიზმრები (ლექსი) . . . . . ბ. ბ-ძე
- 7. საქართველოს სათავენი . . . . . ბრ. რობაქიძე
- 8. ეროვნული ერთობის საფუძვლები . . . . . ვ. ნოზაძე

№ 12/14

ავვისთო, სექტემბერი, ოქტომბერი.  
ბერლინი 1944 წ.



# აჯანყების ოცი წლის თავზე

ეროვნული თუ სოციალური ბრძოლის ასპარეზზე ყველაზე უფრო მჭრელი მახილი და სახიფათო იარაღი — აჯანყებაა. იგი მოითხოვს ბევრ მსხვერპლს, — და ხშირად მიზანს ვერ აღწევს. ეს იცის ერმა, ეს იცის აჯანყებულმა ფენამ, — მაგრამ ისტორიაში აჯანყება დღესაც მეორდება.

ჩვენი გრძელი ისტორია კარგად იცნობს ეროვნულ აჯანყებას, ვინაიდან საქართველო აჯანყების სამაგალითო ქვეყანაა. მარტო მეცხრამეტე საუკუნე რომ მოვიგონოთ, საქართველოში ოცდახუთჯერ მანც მოხდა აჯანყება. 1801 წლიდან 1900 წლამდე აჯანყებითი ბრძოლის დროში მრავალჯერ აფრიალდა და მრავალჯერ ჩამოიგლიჯა, სისხლში გასერილი. დამარცხების მიუხედავად, — უტყუარი ისევ აჯანყებას რჩებოდა.

ცივი გონების საზომით: აჯანყება წინასწარ განწირულია უმრავლეს შემთხვევაში, — მაგრამ, როგორც ეტყობა, მარტო გონება არა სწყვეტს აჯანყების საკითხს და იარაღზე ხელის წაქეზებას სხვა გამომწვევი მიზეზები უნდა ჰქონდეს.

აჯანყების საკითხი არ განისიჯება საფუძვლიანი ანგარიშით, — აქ ამგვარი ხასიათის ბრძოლაში უფრო მეტი, თუ გნებავთ, ირრაციონალურია, ანუ მოქმედება გამომწვეულია მწარე გრძობით: — ასეთ სიცოცხლეს, სიკვდილი სჯობია!

როდესაც ერის ნაწილი, უმრავლესობა თუ უმცირესობა, იმ დასკვნამდე მიდის, რომ მონობაში სიცოცხლეს სიკვდილი ურჩევნია, მაშინ აჯანყება უკვე აუცილებლობას წარმოადგენს, თუგინდ წინასწარ განწირულიც იყოს იგი. ასეთი სააჯანყებო დასკვნის გამოტანა თითოეულ ისტორიულ ხანაში სხვადასხვა უმეშვეო მიზეზებითაა გამომწვეული, მაგრამ მას ისტორიულად ყოველთვის ღრმად აქვს ფესვები გადგმული.

ყველა ერი აჯანყებულა დამპყრობელის წინააღმდეგ, — მაშასადამე, — დაპყრობას არაიენ ურიგდება. ევროპის ერთა ისტორია ცნობილია აჯანყებათა მთელი რიგით. ხალხი, რომელიც თავისთავს ერად გრძნობს, — თავის ეროვნულ პიროვნებას ვაზიციდის, თავის უფლებულ სახეს სცნობს, სხვის მიერ დაპყრობასა და უცხო ბატონობას არ შეურიგდება. მაშასადამე, ერი ცდილობს გადაიგდოს დამპყრობელის უღელი; ერი ლაშობს გააძევოს ბატონი. ესაა წადილი და ბუნებრივი სურვილი: — თავისუფლებისა. მაშასადამე, ყველა ეროვნულ აჯანყებას საფუძვლად უძევს: განთავისუფლებისათვის ბრძოლა, თავისუფლებისათვის მიღწევის მიზანი. თავისუფლებისათვის მიღწევის ეს მიზანი გარკვევით შეგნებულბც რომ არ იყოს და დროშაზე ასობით წარწერილი, — აჯანყება მაინც, თავისთავად, თავის ხასიათში სწორედ ამ მისწრაფებას ატარებს.

შეიძლება აჯანყება გამომწვეულია იმ მძიმე შემთხვევის გამო, რომ გაბატონებული ერის ჯარისკაცებმა, სალდათებმა, ქალებს შეურაცყოფა მიაყენეს და ხალხი აწამეს (ქალები გააუბატოურეს და ძაბრივით ღვინო ჩასახეს! გლეხებს ცემეს! აჯანყება მთიულეში, კახეთ, ხევსურეთში, 1802 წ.);

აჯანყება შეიძლება გამოიწვიო დაბეგვრამ და კუდათ მოპყრობამ (ხარკამეჩი დაგვეხოცა, ქირა არ მოგვცეს! 1804 წ. აჯანყება მთიულეთში).

შეიძლება აჯანყებამ მოიკვას ხალხი მტრის სიძულვილით (არა გვსურს რუსები! აჯანყება მთიულეთში 1804 წ.).

შეიძლება აჯანყება მოხდეს პოლიტიკური მიზეზის გამო (ჩვენ გვსურს ჩვენი მეფეც, ქართლ-კახეთის აჯანყება 1812 წ.).

შეიძლება იგი მტრისადმი გაბოროტებით აღმოხდეს (ციმბირელმა კაცმა რა იცის ჩვენი ზნეჩვეულება! აჯანყება კახეთისა და მთიულეთის, 1813 წ.).

შეიძლება აჯანყება იმის გამოც დაიწყოს, რომ მღვდელ-მთავრები დაზოცეს (ასეთი ამბავი თავს არ დაგვტყდომია ურჯულოების დროსაც კი! იმერეთის აჯანყება 1819 წ.);

შეიძლება აჯანყება იყოს შედეგი სამეურნეო კრიზისისა (იქმნა შექვივებისა გამო! აჯანყება რაჭაში, 1820 წ.);

შეიძლება აჯანყება იყოს გადასახადების სიმძიმის გამო (შაურის გულისათვის! აჯანყება გურიაში 1840 წ., იმერეთში);

შეიძლება აჯანყება ფულის სიძვირემ მოგვცეს (ცეცხლის ფასი დაედო ყველაფერს! აჯანყება თბილისში, 1849 წ.);

შეიძლება იგი გამომწვეულია სოციალურ ნოღაგზე, სოციალური ჩაგვრის შედეგად (ბატონყმობა, მიწის სიმცირე! აჯანყება სამეგრელოში, გურია, იმერეთ, ქართლში, 1857—62 წ. წ.);

შეიძლება იგი ადმინისტრაციული უწყსოების გამოა მომხდარი (აჯანყება საინგილოში, 1863 წ.);

შეიძლება აჯანყება იმიტომაც მოხდა, რომ გადასახადს მოუმატეს (თქვენ ცხენს არჩინო, ჩვენ კი ცხენი გვარჩინს! აჯანყება თბილისში, 1865 წ.);

შეიძლება აჯანყებამ ხალხი შეიპყროს იმით, რომ მას საკუთარი ადმინისტრაცია მოესპო და უცხო მიღება არა სურს (აჯანყება აფხაზეთში 1866 წ.);

ან იმიტომ, რომ ახალი წესები მისთვის შეუგუებელია, როცა იგი უცხო მოაქვს (აჯანყება სევანეთში, 1875 წ.);

ან იმიტომ კიდევ, რომ უცხო ძალა ჯარსა ჰკრებს (ჩვენს შეიღებს რუსს არ მივცემთ სალდათად! აჯანყება კახეთში, 1878 წ.);

ან და იმიტომ, რომ უცხო ძალა სარწმუნოებრივ დევნას იწყებს (აჯანყება აჭარაში 1882 წ., გურიაშიც) და სხვა და სხვა.

მრავალია აჯანყების გამომწვევი მიზეზი — იგი შეიძლება სულ უბრალოც იყოს (ამის გულისათვის როგორ შეიძლება აჯანყდეს კაცი!); მაგრამ ყველა ამ აჯანყებას დაპყრობილი ერის მღვდმარეობაში მხოლოდ ეროვნულ-პოლიტიკური ხასიათი აქვს და თავის საშოში ბუნებრივადაც თავისუფლებისათვის სწრაფვას ჩასახავს.

მეცხრამეტე საუკუნის გასწვრივ ქართველმა ხალხმა ოცდახუთი აჯანყება გამოსცადა და ყველა იგი დამსჯებით დასრულდა. გარნა ხალხი თუ კიდევ მაინც აჯანყებას მიმართავს, ეს იმის აუცილებელი ნიშანია, რომ იგი უკიდურეს მღვდმარეობაშია და იარაღს ჰკიდევს ხელს. მაშასადამე: აჯანყება თავისთავად შეურთავლობისა და სასოწარკვეთის შედეგია. ხალხი არ ეთვისება უცხო ბატონობას, ებრძვის მას, ხოლო როცა ჩვეულებრივი ბრძოლით იგი მას ვერ იშორებს, სასოწარკვეთილი იარაღს ხელს ჰკიდებს, რათა მტერს თავი შეაკლას: აჯანყებულს თავისუფლებისათვის სიკვდილი ურჩევნია!

აჯანყება არის აღმონთქვა ხალხის სიძულვილისა, გულისძვრა დაჩაგრულისა დამჩაგრულის წინააღმდეგ. ესაა განუზომელი ეროვნული წყრომა და შეუღარებელი ეროვნული რისხვა მტრისაკენ მიმართული; როცა ეს წყრომა მწვერვალს აღწევს, რისხვა — ცას, მოთმინების ფიალა ივსება და სიძულვილი ნაპირებიდან გადმოდის, იწყება გულისძვრაც: აჯანყების ალი ეღება ქვეყანას.

ძველად აჯანყება ადვილიც იყო. სამხედრო ტექნიკა არ იყო ჯერ კიდევ მაღალ საფეხურზე ასული და კავიანი თოფი თუ მაჭახელა, თუმცა მაშინაც ძველი საშოვნელი იყო, მაინც მოსახერხებელი. აჯანყებულნი მტრის,

წინააღმდეგ ხმარობდნენ შინაურ იარაღსაც: — ცულს, წალღს, ნამგალს, ცულს, კეტს! მოწინააღმდეგე ყოველთვის უკეთესად იყო შეიარაღებული, რადგან ბატონი ერი მოწყობილი ჯარის საშუალებით ებრძოდა ყოველნაირ აჯანყებას, — და სუსტად შეიარაღებულ აჯანყებულებს სასტიკად ამარცხებდა. ვერც წყობითა და წესრიგით შეიძლება აჯანყებულნი ძლიერნი ყოფილიყვნენ: წყობა და წესრიგი ჯარის დამახასიათებელია. ვერც სტრატეგიაში იქმნებოდნენ აჯანყებულნი გამობრძმედინნი! (ესეც მეცნიერება!) აშკარაა: ვერც ტექნიკურად, ვერც სტრატეგიულად აჯანყებულნი ჯარის წინააღმდეგ უპირატესობას ვერ მოიპოვებდნენ. გარნა აჯანყებას ახალია თვის ყოველთვის: — ბრძოლის ჟინი, მაგარი ნებისყოფა და თავისუფლების წყურვილი! აჯანყება მარად მტკიცეა სულით და მუდამ შეუღრეკელი გულით, იგი მაინც მარცხდება; სისხლის გაღწევა და ძაძვითა მისი ნაყოფი. გარნა არის კიდევ ერთი უხილავი და შეუხები შედეგი: ზნეობრივი დაკმაყოფილება, ბრძოლის ჟინის მოკვდა და თავისი თავის წინაშე სიმართლის დამტკიცება, ისტორიის გზაზე თავისი მეობის გამოყვანა და დამკვიდრება.

მსხვერპლთა მიუხედავად, ასეთ ბრძოლაში იზრდება ერი, კაჟდება მისი ნება და საკლდედდება მისი გული; ერი ხდება სულიერად მაღალი და თავისი პიროვნების შემცნობი და მლაღადებელი. ამიტომ ყოველ დამარცხებულ აჯანყებას აქვს თავისი უდიდესი გამარჯვება: — გამარჯვება ზნეობრივი, გამარჯვება სულიერი, გამარჯვება ეროვნული სახის დადგინებით.

1918 წელში საქართველომ დამოუკიდებლობა გამოაცხადა, თავისუფალი სახელმწიფო დააფუძნა და თავისი საკუთარი ეროვნული ოჯახის მოწყობას შეუდგა. იგი ცდილობდა ყველა მეზობელთან კეთილი ურთიერთობა დაემყარებინა, და მათ შორის, რუსეთთანაც. ამ გზით საქართველომ რუსეთთან ხელშეკრულებაც დასდგო 1920 წლის შედ მისს, რომლის მიხედვით მოსკოვმა აღიარა საქართველოს დამოუკიდებლობა და აღუთქვა მის შინაურ საქმეებში არ ჩარეულიყო. ასეთი ხელშეკრულების მიუხედავად რუსეთი 11 თებერვალს 1921 წელს თავს დაესხა საქართველოს და გადათელა იგი. მაშასადამე: რუსეთმა გასტეხა სიტყვა, ნაკუწებად აქცია ხელშეკრულება, დაიპყრო თავისუფალი საქართველო; დაიპყრო და შემოიღო იქ რუსული ბოლშევიკური წესწყობილება. ამით რუსეთმა დახატა ქართული ეროვნული ოჯახი და მსოფლიოს ამცნო: ქართველი მუშები და გლეხები აჯანყდნენ, წითელი ჯარები მხოლოდ დაეხმარნენ მათ მენშევიკურ-კაპიტალისტური წესწყობილების მოსასპობად და კომუნისმის დასამყარებლათო! ამ ცნობაში თითოთეული სიტყვა, რასაკვირველია, ყალბი იყო.

ჩვენ ოჯახი, აგია თუ კარგი, — ჩვენი და საკუთარი. იქ ჩვენ კაპიტალიზმი გვექნება თუ კომუნისმი — ეს ჩვენი საქმეა; სამოთხეს დაემყარებთ იქ ჩვენ, თუ ჯოჯოხეთს, — ესეც ჩვენი საქმეა. რუსეთმა ეს კარგად იცოდა, მაგრამ ვითომდა ქართველი ხალხის გასაბედნიერებლად მოსპო საქართველოს დამოუკიდებლობა და დაუმყარა მას რუსული სამოთხე.

ასეთი ბოროტი შპაკვრობის წინააღმდეგ ქართველმა ხალხმა იბრძოლა, რაც შეეძლო: ხუთი მხრივ შემოსეულ რუსეთს ეომა და ამ ომში დამარცხდა. ქართულ სახელმწიფოს ჰყავდა ჯარი, მართალია: მცირე და სუსტიც. მაგრამ მან ებრძოლა როგორც შეეძლო მრავალრიცხოვან და ძლიერ რუსულ ჯარს და ეს ბრძოლა წააგო. რუსეთმა საქართველოში შემოიღო რუსული წესწყობილება და დააყენა რუსული ჯარები.

ცხადია: საქართველომ თავისუფლება დაჰკარგა და მას ძლიერი დამპყრობელი დაეპატრონა.

ცივი გონების ადამიანს უნდა ფიქროს: მორჩა, გათავდა! ჩვენ რუსეთს ვეღარ ამოვუდგამთ ფეხს საქართვე-

ლოდან, — ამიტომ მას უნდა შეგვრიგდეთ და დავეპორჩილოთ. მოვუცადოთ ახალ დროს, ველოდეთ ახალ მოვლენებს და იქნებ მერმე მოხერხდეს რამეო. მაგრამ, არა! ასე არ იმსჯელა ხალხმა. და არც ასე გადასწყვეტა მან.

ბარის საქართველოში ბოლშევიკური წესების შემოღების შემდეგ, საბჭოთა მთავრობა სვანეთს მიადგა. სვანეთი ძნელად მისავალი მხარეა და ხალხმა ბოლშევიკების მიღებაზე ცივი უარი განაცხადა. ამას მოჰყვა იარაღით ბრძოლა, რომელმაც არაერთი მსხვერპლი შეიწირა, და სვანეთის აჯანყება 1921 წ. დამარცხდა. სვანეთის აჯანყებას მთელი ქართველი ხალხი სულ განაბული უთვალთვალებდა და თვითონაც მას ბრძოლის ჟინი ეღვიძებოდა და უძლიერდებოდა.

საქართველოს დამოუკიდებლობის დაკარგვას ხალხი არ შეუურიგდა; ქართული საზოგადოებრივი აზრი აღშფოთებული იყო რუსეთის მუხანათური მოქმედების გამო და რუსულ ბოლშევიკურ წესწყობილებას არ ეგუებოდა. დაიწყო პირველად პასიური ოპოზიცია, რომელსაც ხელისუფლების მხრივ დაწინევა მოჰყვა. ორი მოწინააღმდეგე ძალა — უცხო ბოლშევიკური და ქართული — ერთი მეორეს ეჯახებოდა ცხოვრების ყოველ დარგში. ქართველთა შეურაცყოფილი იყო ბრძოლის წაგებითა და ეროვნული თავისუფლების დაკარგვას მწარედ განიცდიდა. პასიური ბრძოლა თანდათან ქმედთან ხასიათს ღებულობდა და ხელისუფლება ძალადობას მიმართავდა. აქტიური მებრძოლნი უკვე იძალებიან, სარდაფებში ჩადიან ან ტყეში გარბიან. იწყება ეგრედწოდებული არალეგალური მუშაობა და ბრძოლა. პირველად ეს ხდება თავისთავად, ბუნებრივად. აქ გადაწყვეტ როლს ფსიქოლოგია თამაშობს. აჯანყების სურვილი იბადება. აჯანყების ტემპერატურა ჩნდება.

შეთქმულემა ორგანიზაცია აჯანყებისათვის. ყველაზე ძნელად იგია მოსაწყობი და ეს თვითეულმა იცის. ასეთი საფრთხის მიუხედავად, საქართველოში შეთქმულება მოეწყო და მასში ფრიად დამსახურებული და ხანდაზმული ხალხი იღებდა მონაწილეობას. საფრთხე სინამდვილედ იქცა: შეთქმულება აღმოაჩინეს 1922 წ. ეს იყო სამხედრო აჯანყებისათვის გამზადებული შეთქმულება და, რასაკვირველია, შეთქმულნი მხედარნი იყვნენ. 15 მხედარი სიკვდილით დასაჯეს.

საქართველოში ტრიალებდა კიდევ აჯანყებულთა სულის მეორენაირი, აქტიური გამოხატულება. ესენი იყვნენ შეიარაღებული მებრძოლი ძალები, რომელნიც ხელისუფლებას იარაღით ებრძოდნენ: კრაწაშვილისა, მათიაშვილისა — კახეთში; კასრაძისა, ფაღვინიშვილისა, ლაშქარაშვილისა — ქართლში; ფორიასი — ბორჯომის რაიონში; ვოგუაძის, მუხანაშურის, მათითაიშვილისა — გურიაში და სხვ.; მაგრამ ყველაზე უფრო სახელგანთქმული და აქტიური იყო ქაქუცა ჩოლოყაშვილის შეფიცულთა რაზმი.

ძველი აჯანყებანი სპონტანური, იჩიითი იყვნენ ხოლმე: მათ არც წინასწარი დიდი მზადება ჰქონიათ და არც დაეგეგმოს ზრახვანი; ძველი აჯანყებანი მოიკოტლედნენ ხოლმე ორგანიზაციის სისუსტით და ხშირად გარკვეული მეთაურობის გარეშეც ხდებოდნენ. მაგრამ 1921 წლის საქართველოში და შემდეგ, შინაურ ასპარეზზე, მართალია არა ღიად და აშკარად, არამედ მალულად, არალეგალურად ქართული პოლიტიკური პარტიები ბატონობდნენ და ისინი ხალხის მეთაურობას სცდილობდნენ. მაშასადამე: იყო ორგანიზაციაც და ხელმძღვანელობაც. ამ მოვლენის ნაკლი ჩვეულებრივია: — პარტიობა ძალთა განაწილებასა და ორგანიზაციულ დაყოფას ნიშნავს. ბრძოლისათვის — კი საჭიროა მთლიანი ძალის შექმნა, დანაწილებულ ერთეულთა გაერთიანება და შემკიდროება, ერთ კალაპოტში მოთავსება. მაგრამ ქართული პარტიები, რომელნიც თავისუფლების ხანაში ერთმანეთს დაჯახებული იყვნენ, დაპყრობის შემდეგაც

აგრძელებდნენ ერთმანეთ შორის ქიშპობასა და მეტოქეობას; ამას დაემატა კიდევ ის მძიმე ბრალდება, რომ გაბატონებულმა პარტიამ საქართველო წააგო და ამის გამო ყველა პარტია მას პასუხსა სთხოვდა, უნდობლობას უცხადებდა. პარტიათა შორის ინერციით გაგრძელებული ბრძოლა და ახლად წამოჭრილი დავაც უნდა შენელებულიყო, ამოწურულიყო და გაერთიანებული ძალებით შემოჭრილი მტრის წინააღმდეგ ბრძოლა მომზადებულიყო. ამ საკითხის მოგვარება არც ისე იოლი უნდა ყოფილიყო, მაგრამ ბრძოლის მიზანი უბრძანებდა პარტიებს ეს ნაბიჯი გადაეღვათ. მართლაც, სულ მალე შესდგა ინტერპარტიული კომიტეტი, რომელსაც ამ ეროვნული ბრძოლის მეთაურობა უნდა გაეწია. ძნელია დღეს ჩვენთვის ამ მეთაურობის მოღვაწეობის აღწერა, — ბევრი რამ არ ვიცით ჯერ კიდევ. მაგრამ საერთოდ მისი ბრძოლა ცნობილია და მის გამო ზოგადი შეხედულების მიღებაც შეიძლება.

ინტერპარტიული კომიტეტი ცდილობს მოვლენებს უხელომდევანელოს და დამპყრობელისადმი სწრაფ ზრდაში მყოფი მოწინააღმდეგეობის ნებისყოფა ერთი გზით მიმართოს. მაგრამ ჯერ ამას ხელს უშლის თვით კომიტეტში პარტიათა-შორისო დავა და მეტოქეობა, რომელიც გარედ მის ორგანიზაციულ სიმტკიცეს ასუსტებს და ძალებს ქსაქსავს. ეს ამბავი განსაკუთრებით გამოჩნდა მალე, როცა ხევსურეთში აჯანყება მოხდა, 1922 წ. მოლოდინის დამტყვევება. აჯანყებამ ამ მხარეში ფართო ხასიათი მიიღო თავიდანვე, ბრძოლებიც ხელისუფლების წინააღმდეგ სასტიკად დაიწყო, მაგრამ ბრძოლის გეგმა არ შესრულდა პარტიული მეტოქეობის გამო და აჯანყებაც სასტიკად დამარცხდა. ცხადია, ბრძოლის წარმოების ასეთი დიდი ნაკლი პარტიებს არ გამოეპარებოდათ და იგი უნდა გამოსწორებულიყო. მაგრამ თვით პარტიების მდგომარეობა და არა-ლეგარული მუშაობა — ბრძოლის წარმოება ძნელდებოდა იმ რღვევისა და ჯამუშუარის სისტემის შედეგად, რომელიც ხელისუფლებამ საქართველოში დაამკვიდრა და რასაც დღითიდღე აძლიერებდა. ამ საქმის ოსტატი იყო ჩეკა. ამ ორგანიზაციის მსგავსი არასოდეს არსად არსებულა, — ეს შეიძლება გადაუჭარბებლად ითქვას. ხელისუფლება ჩეკის საშუალებით არღვევდა: ქართულ ოჯახს, ქართულ მორალს, ქართულ საზოგადოებას და ქართულ პარტიებს, — ესე იგი: ჩეკა ძარღვებს აგლეჯდა და უწიწკნიდა ქართველ ხალხს, რაც თავის მხრივ წინააღმდეგობის დაქიმვას იწვევდა. მთელი საქართველო გაიყო ორ სლამჭრო ბანაკად: რუსეთის დამქაშები ჩეკის მეთაურობით და მებრძოლი ქართველი ხალხი ქართულ პარტიათა ხელმძღვანელობით. ჩეკამ ამიტომ განსაკუთრებული იერიშები პარტიებზე მიიტანა და მის წერეკას ლამობდა. ჩეკამ ბევრგან გაარღვია ფრონტი, ბეგრჯან შექმნა ხარვეზი და ვინაიდან მთელი სახელმწიფო აპარატი მთელი სიმძიმით პარტიების გაჭყლებას ლამობდა, თავდაცვითი ბრძოლა პარტიებს გაუჭირდათ. ქართულმა პარტიებმა თავისი ხელმძღვანელობის რეორგანიზაცია არა ერთჯერ მოახდინეს და დაბოლოს აირჩიეს შეტევიით ბრძოლის ხასიათი. დაარსდა დამოუკიდებლობის კომიტეტი, რომელსაც შემოკლებით დამკომი დაერქვა. ეს დამკომი გახდა ეროვნული ბრძოლის მედროშე და მისი სტრატეგია.

დაზვერვითი ბრძოლის ხანაში ჩეკა დიდ ზიანს აყენებდა პარტიებს და საერთოდ მებრძოლთ; ბევრს იჭერდნენ, ბევრს ასახლებდნენ რუსეთში, ბევრს ხვრეტდნენ. აჯანყებისათვის მზადებამ ბევრი მსხვერპლი შეიწირა და ხალხი სასოწარკვეთილების გზაზე დააყენა. ყოყმანი და დაყოვნება უკვე შეუძლებელი იყო: — მოზღვავედა ბრძოლის აღმადგურება, აიწია და გადავიდა ნაპირებს დაკარის წადილმა, აჯანყების სიციხე ორმოც გრადუსს მიაღწია და დაუწყა სულთმობრძავის კრიზისი. აჯანყება, დღეს

თუ არა ხვალ, უეჭველი აუცილებლობით უნდა აღმოხეთქილიყო. ამას ყველა გრძობდა. ეს ყველამ იცოდა: ხალხმაც და ჩეკამაც; ხელისუფლებისა და ხალხის შორის წინააღმდეგობის წნევის უმალესად განვითარება ამას აშკარად აჩვენებდა. და 29 აგვისტოს 1924 წ. ქართველი ხალხის აჯანყებამ რუსული ხელისუფლების წინააღმდეგ იფეთქა...

ტრაგიზმითა და დრამატიზმით აღსავსეა ხელჩართული შეტაკება ქართველი ერისა რუსეთთან და მის დამქაშებთან 1924 წელში. აჯანყების ალი მოედო მთელ საქართველოს და ქართველი ერის ყველა ფენამ დიდი მსხვერპლი გაიღო: მუშა და გლეხი, ვაჭარი და მოხელე, მასწავლებელი და მოწაფე, მოხუცი და ჯაბუჯი, მამაკაცი და დედაკაცი, ვაჟი და ასული, — ყველა გამოვიდა ბრძოლის ველზე. დაქირავებულ ჩეკისტთა და რუსულ დამქაშების მცირე რიცხვის გარდა, მთელი ერი, დიდ პატარიანად წინააღმდეგ დამპყრობელ რუსეთს და ამ გამოსვლით, საქართველომ ეროვნული ერთობის განვითარება უმალეს მწვერვალზე მიიტანა და ერთი მთლიანი ნებისყოფით გამოსჰედა იგი. 1924 წლის აჯანყება — ეროვნული ერთობის წარჩინებული და დიდებულ გამოცხადება, — ასახვა ერის მთლიანობისა და ბრძოლის შემოქმედებისა: ეროვნული თავისუფლებისათვის. ბევრია თავანწირულობისა და გმირობის მაგალითი, ბევრია თავდადებისა და ვაჟაკობის წარმატები სურათი. ერთსულოვნად ერი ჩაება ბრძოლაში, და აჯანყება მაინც დამარცხდა. საშინელი და თავზარდამცემი იყო ხელისუფლების შურისძიება, აუწერელი მისი მხეცობა: ხვრეტდნენ უდანაშაულო ხალხს და ციხიდან — სასაკლავოზე გაჰყავდათ დიდი ხნით აღრე დაჭერილი ხალხი. ხოცვა-ჟლეტა მონღოლისებური სისასტიკით ხდებოდა და გოდების მწარე მოთქმა ცამდე აღწევდა. ეს გაუღებია ისეთი დიდი იყო, რომ მართალი თქმაა თბილისელი ერთი ყასაბის ყოვლად ცინიკური და შემზარადი პასუხი ერთი მუშტარისადმი, რომელმაც მას შესჩივლა, ხორცი ძვირიაო. პასუხი იყო: იაფი ხორცი თუ გინდა დედაჯან, წადი საბურთალოზე, იქ ქართველებს ბევრსა ჰკლავენო.

აჯანყების შემდეგ საქართველო შეიმოსა შავი მძიმე ძაბით. მაგრამ ეს გლოვა იყო გმირულად დაღუპულ რაინდზე. მგლოვიარე ამაყი იყო თავისი გმირებით; კმაყოფილი იყო თავისი გაღებულ სისხლით; შვევა მიეცა მის აჯანყებულ სულს და დიდი მღელვარებას შემდეგ რისხვათა ტალღებმა დაიწია და დადგა, თუმცა ფსკერზე ხეტიალი გრძელდებოდა.

1924 წლის აჯანყება დამარცხდა. როგორც ყველა აჯანყებას, მასაც ჰქონდა თავისი საბედისწერო ნაკლი. მთელ საქართველოს სიერცხზე სამხედრო ორგანიზაციების ფარულად მოწყობა მეტისმეტად ძნელი საქმეა. კიდევ უფრო ძნელია იარაღით მათი აღჭურვა და საიდუმლოების დაცვა, როცა ჩეკის წუნკალი ფენბატენ მოედევს. და თუ აჯანყების დაწყების გეგმა თავიდანვე ჩაიშალა, — მაშინ საქმე სწრაფად დაღუპულია.

აჯანყების გამარჯვებისათვის ორი აუცილებელი პირობაა საჭირო: შინაური და გარეული. აჯანყება პირველ რიგში უნდა შეეცადოს ცენტრების ხელში ჩაგდებას ესე იგი პირველად თბილისი და ბათუმი უნდა დაეკავებინათ. ვინაიდან პროვინციებიდან ანუ კუთხებიდან დაწყებული აჯანყების ჩაქრობა ხელისუფლებისათვის იოლია. საქართველოს აჯანყების გეგმაში სწორად იყო დასახული თბილისის შეგინდან აღება. და ეს არ გამართლდა; თუ რა მიზეზით, ამის შესახებ სხვადასხვა მოურიგებელი მოსაზრებაა.

აჯანყების გამარჯვებისათვის საჭირო პირობაა აგრეთვე აჯანყებული ქვეყნისათვის ხელსაყრელი საგარეო მდგომარეობა. თუ არსაიდან ჩამიჩუმე არ ესმის, დამპყრობელს ქვეყანა მტკიცედა და მას არავითარი საგა-



რეო და საშინაო გართულება, ომი თუ რევოლუცია არ აწუხებს, — აჯანყება ამ შემთხვევაშიც განწირულია. დამპყრობელს ასეთ შემთხვევაში ყოველთვის შეუძლია აჯანყება სისხლში ჩაახრჩოს. 1924 წლის აჯანყება ისეთ საერთაშორისო ვითარებაში მოხდა, როცა ყველგან, ევროპაში, და რუსეთში, სიწყნარე იყო. მსოფლიო ომისაგან დაღლილ-დაქანცული ევროპა ახლად დაარსებულ ერთა ლიგის პირველ ოცნებაში იყო და საუკუნო ზავის ნატვრას მისცემოდა. რუსეთში გარეგნული სიმშვიდე სუფევდა და საბჭოთა ქვეყანა ევროპის ქვეყნებთან ურთიერთობას ამყარებდა. არც ერთ სახელმწიფოს არ შეეძლო აჯანყებული საქართველოსათვის დახმარება გაეწია, დახმარება საქმიანი. — 1924 წლის საქართველოს აჯანყება ასეთ მშვიდობიან გარემოში მოხდა და მთელი მსოფლიოს ყურადღება მიიქცედა. არ დარჩენილა არც ერთი ევროპული გაზეთი — ჟურნალი, არც ერთი საერთაშორისო ყრილობა, რომ თავისი გულითადი თანაგრძნობა და მხურვალე სიმპატია აჯანყებული, გამორული პატარა ხალხისათვის არ გამოეცხადებინა. ევროპამ იგრძნო და გაიცნო მაშინ საქართველო. პარლამენტებში, მთავრობის წრეებში, პოლიტიკურ პარტიებში, ერთა ლიგაში თუ სხვადასხვა ყრილობებზე, საქართველოს გამარჯვებას ულოცავდნენ: — შაჰია, ვაჟაკი საქართველოვეებერთელა რუსეთს იარაღით აღუდგა თავისი ეროვნული თავისუფლების დასაცავად და ამით მთელს მსოფლიოს ამცნო თავისი უდრეკი ნებისყოფის გამობატულებაო. საქართველოს სურს თავისუფლება, საქართველოს სწადია დამოუკიდებლობა, — გაისმოდა ყოველ მხრივ აქ, — და მოითხოვდნენ რუსეთისაგან: — გაეყვანა მას თავისი ჯარები საქართველოდან. ევროპის მხრივ ეს იყო მორალური დახმარება.

საქართველოს დიდი ეროვნული აჯანყება 1924 წელს, მართალია, დამარცხდა, მაგრამ ხალხი რუსეთს ამის გამო მანაც არ შერიგებია და დაიწყო ბრძოლა ძველი ნაცადი ხერხით: პასიური წინააღმდეგობით.

თანამედროვე ომის დაწყებამდე, (და ალბად დღესაც), ჩეკა ისევ მძვინვარებდა და ხალხის უკმაყოფილებას ციხით, გადასახლებით და ხერხებით ებრძოდა. ეს ბრძოლა მუდმივი იყო და დღესაც გრძელდება საქართველოში. ხოლო თანამედროვე ომის ასპარეზზე — რუსეთსა და გერმანიის შორის საომარ ველზე, რუსულ ბატონობაში

მყოფმა ყველა ერის შვილებმა და ბოლშევიკური რეჟიმით უკმაყოფილო რუსებმაც კი — იარაღი დაჰყარეს და ტყვედ გადმოვიდნენ. არც ერთ ომში ნებაყოფლობით ამდენ ჯარისკაცს არ გადატურბენია, საშიშროების მიუხედავად, მტრის ბანაკისაკენ. ქართველ წითელარმიებს რომ რუსეთის დაცვა ან საბჭოთა კავშირის გულისათვის ბრძოლა სურვებოდათ — ტყვედ არ წამოვიდოდნენ. მათ რომ რუსეთი ჰყვარებოდათ და რუსული რეჟიმი მათთვის ბედნიერება ყოფილიყო, — ისინი თავს შეაკლავდნენ მტერს და ტყვედ არ ჩავარდებოდნენ. მაგრამ მათ იოლად მიახებეს თავი ბრძოლის ველს და კიდევ მეტი: შემდეგ იარაღს მოჰკიდეს ხელი. ტყვეებს რომ რუსეთის დაცვა და ბოლშევიზმის გულისათვის თავგანწირვა ნდობოდათ, — ისინი ტყვეთა ბანაკს არ დასტოვებდნენ და იარაღს ხელს არ მოჰკიდებდნენ. ძალით მათთვის იარაღი არავის აუკიდია. მაგრამ თუ იარაღი მიიღეს, — ეს მათი სურვილიც იყო. ასე მოხდა დიდ უმრავლეს შემთხვევაში. შედეგად: ათიათასობით ქართველობა შეიარაღდა და რუსეთის წინააღმდეგ ომში წავიდა — საქართველოს გამოსახსნელად, შინ დასაბრუნებლად! ეს მოვლენა არის იმ აჯანყებათა გაგრძელება და იარაღით ბრძოლა, რომელსაც ქართველი ხალხი წარსულში რუსეთის მიმართ აწარმოებდა. ესაა საქართველოს უდიდესი აჯანყება! ქართველი ხალხის ახალგაზრდობის დიდზე დიდი უმრავლესობა სამი წლის განმავლობაში ებრძოდა რუსეთს და ამ ბრძოლას დღესაც განაგრძობს. ეს უფრო მეტია ვიდრე შინაური ძალებით მოწყობილი აჯანყება, — აქ ჩვენ მოკავშირე გვყავს და მოკავშირესთან ერთად ვიბრძვით. ეს ბრძოლა ჯერ დასრულებული არაა.

1924 წლის აჯანყების მიზანი: საქართველოს განთავისუფლება, ჯერ კიდევ მიღწეული არაა, — თავისუფლების დროშის ქვეშ დღეს იარაღით ხელში იბრძვიან შვილები იმ ხალხთა, რომელიც აჯანყებებმა შეიწირეს: გამირულად დაღუპულთა სული ჩვენ მიგვიძღვის, და როგორი ვითარებაც არ უნდა შეიქმნეს, ჩვენი ბრძოლის მიზანი ყოველ პირობებში მუდმივად რჩება: საქართველოს გამოსხნა რუსეთისაგან და სამშობლოს თავისუფლება.

ბ. ბაგურიშვილი. —

ვ. ნ. შაძე



# საბჭოთა რეჟიმის რაობა

„ჩვენ შევქმენით ახალი ცხოვრება, ახალი წყობა, უკლასო საზოგადოება. ჩვენი რევოლუციის მონაპოვარია შესანიშნავი კონსტიტუცია, რომლის მსგავსი არავის აქვს, ნამდვილი სახალხო სასამართლო, რომლის ბადალი არავის მოეპოვება. ჩვენ გავანადღეთ ეროვნებათა თანამშრომლობის მაღალი იდეა.

თქვენთვის ყოველივე ეს მიუღებელია. შემარბიგებელ ხაზს ჩვენსა და თქვენს შორის ვერ ვხედავ“.

ასეთი დასკვნა გაუკეთა ჩემმა მოსაუბრემ მის გრძელ მსჯელობას. იგი ლაპარაკობდა დინჯად, აუღელვებლად, რწმენით. მის გამომეტყველებაში ყალბ ხაზს ვერ შეამჩნევდით და მას ჰქონდა უცოდველი ბავშვის გამოხედვა; მისი მსჯელობა ჰგავდა მექაში მიმავალ მუსულმანის“ გაზეპირებულ ლოცვას, რომელმაც არ იცის რა არის საღი და კრიტიკული აზროვნება.

ეს იყო კაცი 45—50 წ., ტყვედ ჩაგარდნილი, მგონი, ყირიმში, 1942 წ., საბჭოთა სინამდვილის კარგი მცოდნე, მის თავისებურებაში საკმაოდ ჩახედული; იქაური დონის მიხედვით ღრმად განათლებული; რეჟიმის გულწმავლი მუშაკი და მოზრდილი თანამშრომელი.

ჩვენი შეხვედრა იყო აზირებული. ერთმანეთს ვერაფერი ვერ გავაგებინეთ. განშორებისას მე ვიგრძენი ამ აღამიანისადმი საშინელი სიბრაღე. იგი ჰგავდა მარსიდან მოფრენილს. მას ამ ქვეყნიური არაფერი გაჩნდა და არაფერი ვაგებოდა.

ჩვენ ვერ ვთანხმდებოდით საზოგადოთ მიღებულ და კანონებულ ცნობების განმარტებაშიც კი. ეს იყო სულიდან ხორცამდე უცნაური ფანტიზმით შექმნილი ადამიანი და ეს ფანტიზმი მასში არა ნორმალობამდე იყო მისული:

მე მოვსახოვე მას განმარტება საზოგადოთ ქართველი ინტელიგენციის განადგურებისა და კერძოდ დიდი მეცნიერის — გრიგოლ წერეთლის დახვრეტაზე. მოუთმენლად ველოდი პასუხს, როგორ დამისაბუთებდა ამ უზარმაზარი მეცნიერის დაკვლას ჩემი მოსაუბრე. — ადამიანი რომელიც პოლიტიკაში არასოდეს არ ვარეულა, უაღრესად ფაქიზი მაღალი მორალის პიროვნება, დიდი ქართველი.

ჩემი მოსაუბრე ოდნავ არ დაბნეულა, როგორც ყველაფერზე აქაც პასუხი მის თავში მზად აღმოჩნდა — „პო, ეს მართალია, მიპასუხე მან, მაგრამ ალუუაზიესაც მოსჭრა რევოლუციამ თავი, ხომ იცით!“ — ეს სიტყვები მან თუთიყუშისვით გადმოაგდო პირიდან. მე არა მარტო გავიგონე ეს სიტყვები, არამედ, ასე მგონია, დავინახე კიდევ როგორ უაზროდ და უხეზად დაეცა ჩვენს მაგიდაზე, როგორც მთიდან მოშვებული გაურანდავი ქვა.

მისი შუშის თვალები ოდნავ არ განძრეულა. იგი საშუალო საუკუნის ნიჭიერად დახატულ ფრესკასავით იდგა ჩემს წინ და შეინძრა მხოლოდ მაშინ, როცა მე მოთმინებიდან გამოსულმა, გაბრაზებით ხმას ავუწიე.

არ ვიცი საქართველოში რამდენ ადამიანს აქვს თავის ქალაში ტვინის უჯრედები ამნაირად ჩალაგებული, აზროვნება ასეთ ყაიდაზე მოწყობილი, ზნეობა და მორალი ასეთნაირ შეფარდებულ შელაგებული. შეიძლება ვივარაუდოთ შეუცდომლად, მათი რიცხვი ჩვენს ეროვნულ საზოგადოებაში მნიშვნელოვან ფენას არ უნდა წარმოადგენდეს.

ერთია როცა ამათუიმ პოლიტიკურ ან რელიგიურ სისტემას იზიარებ, ამათუიმ სექციის წევრი ხარ. ამ შემთხვევაში იდეალის მხოლოდ წარმოდგენა შეიძლება. აზროვნებაში განსახებულ იდეალს როგორც ვინდა ისე

წარმოიდგენ. აქ ყველაფერი მიმზიდველად და ლამაზად გეჩვენება, მაგრამ როცა რეალობაში შევდივართ, მაშინ სხვაა. აქ თვალდახუჭული მოძრაობა შეუძლებელია; მით უმეტეს, როცა საქმე ეხება სახელმწიფო ორგანიზაციის მოწყობას, ერის, საზოგადოებისა და პიროვნების ბედს.

1941 წ. როცა გერმანიისა და საბჭოთა კავშირს შორის ომი დაიწყო კომუნისტური რევოლუცია უკვე დამთავრებული იყო. ამ რევოლუციამ მხოლოდ სისასტიკესა და ხანგრძლიობაში გადააქარბა დანარჩენებს. შედეგების მხრივ ასეთი უმწეო, სულიერად, მორალურად და პოლიტიკურად ღარიბი რევოლუცია ისტორიამ არ იცის.

24 წელი იბობოქრა კომუნისტურმა რევოლუციამ და ერთს შედეგს მიაღწია: ძველი კლასები იქმნა მოსპობილი და განადგურებული.

ვინც რუსის ხალხს იცნობს მისთვის უხეშობა და მსხვერპლის სიდიდე ნათელი იქნება. ვიკითხოთ მხოლოდ: მართლა საჭირო და აუცილებელი იყო სოციალური კლასების მოსპობა? მათი ნივთიერად და ფიზიკურად სავსებით განადგურება? — რასაკვირველია, არა. აქ არის კომუნისტური რევოლუციის მთელი სისუსტე. ამიტომ გადაიქცა იგი ერის, საზოგადოების და პიროვნების ჯალათად.

ცხოვრების უღმობელმა კანონმა თავისი მოითხოვა და გაიტანა. ამ განადგურებულ სოციალური კლასების ნაცვლად ახალი შეიქმნა და ჩამოყალიბდა. ცნობილია კომუნისტური არისტოკრატია, კომუნისტური შეძლებული წოდება, მდიდარი და ღარიბი სოციალური ფენები. ცნობილია აგრეთვე კომუნისტი მილიონერები, რეჟიმის მიერ დაშვებული და დაკანონებული. აღვილი არ იქნება მომავალი ისტორიკოსებისთვისაც იმის მტკიცება, რომ ახალი მილიონერები ძველზე უკეთესია, უფრო მორალური და ზნეობრივი სიფაქიზით დაჯილდოებული?

არ აქვს მნიშვნელობა რანაირად მიიღო ივანემ თუ პეტრემ ეს მილიონები, ჩივის გაყიდვით თუ ხოტბის წერით ან საპროპაგანდო სცენარის მოხერხებულად დადგმით. ასე რომ კომუნისტური რევოლუციის მიღწევა — უკლასო საზოგადოების შექმნა ვერ ყოფილა ის უებარი წამალი, რომლის საშვალეობით ახალი ცხოვრების შექმნას ლამობდნენ. რათ ან ვისთვის იყო საჭირო ძველი კლასების დაკვლა, თუ ახალის შექმნა სხვანაირი ფორმით აუცილებელი იქნებოდა?!

ჩემმა მოსაუბრემ გულით სცადა ერების თანამშრომლობის იდეა დაესაბუთებინა და ბოლოს ზოგ თავის შერჩეულ საბუთებში თითონ შეეპარა ეჭვი, როცა იძულებული იყო ზოგიერთ კითხვაზე პასუხი მოეცა.

რატომ კავკასიისა და საქართველოში რუსული ენა უნდა იყოს სახელმწიფო ენად დაკანონებული? რატომ ლიანხზე თუ არაგზე ასაგებ ხიდის გეგმა და ხარჯთაღრიცხვა კრემლში უნდა დაამტკიცონ? რატომ საქართველომ უსათუოდ იმდენი ჩაი უნდა მოიყვანოს, რამდენიც საბჭოთა კავშირის ხალხების მალას დააკმაყოფილებს? — ხომ შეიძლება საქართველომ თავისი ჩაი უკეთეს ფასებში ბალკანეთში, ცენტრალურ ევროპაში, ან სკანდინავიაში გაყიდოს ვიდრე მოსკოვში, სამოედებსა ან ჩუვაშეთში? შეიძლება დასახელოთ საბჭოთა კავშირის გარდა მეორე ქვეყანა, სადაც პოლიტიკით ზომავდნენ ყველაფერს, პოლიტიკა შექმნიდნენ ყველაფერში: ოჯახში, ეკლესიაში, სკოლაში, მწერლობაში, ხელოვნებაში? არსებობს ისეთი ქვეყანა სადმე, სადაც მხატვრულ ნაწარმოებს (ლექსი, რომანი, პიესა, ოპერა, ქანდაკება, ნახატი) მთავრობის ან პარტიის გენერალური ხაზის მიხედვით ასწორებდნენ? ეს გენერალური ხაზი ხომ მუდამ იცვლება ქვეყნის საშინაო და საგარეო ვითარების მიხედ-



ვით და რა მდგომარეობაში ვარდება მწერალი ან ნაწარმოები, როცა მის ღირსებას ამ ხაზის ადლის მიხედვით ზომავენ?

— ყოველივე რაც მე ჩამოვთვალე, არის არანორმალური. რაც არანორმალური არის, იგი მიუღებელია.

მართალია, ასეთი დრო იცის კატობრიობის ისტორიამ: საშუალო საუკუნოები და მისი წინა ხანა, როცა ეკლესია განუკითხავად ბატონობდა თავისი სქოლასტიკური დოგმებით. საყოველთაოდ ცნობილია, თუ რა დიდი ბრძოლა გადაიტანეს კულტურული ერების საუკეთესო შეილებმა ამ ინსტიტუტის დასამარცხებლად, შემდეგ კაცობრიობა ფრიად წინ წავიდა. დაიწყო ჰუმანიზმის და რენესანსის ეპოქა. რომელზედაც დაფუძნდა მთელი შემდეგი და თანამედროვე კულტურა და ცივილიზაცია. დღეს კომუნისმი ათასჯერ უფრო მეტ საფრთხეს წარმოადგენს ერების განვითარების, ადამიანის აღზრდის სულიერი და ნივთიერი კულტურის შექმნის საქმეში, ვიდრე ეს იყო თავის დროზე სქოლასტიკა.

კომუნისტურმა რევოლუციამ საბჭოთა კავშირი მიბრუნა საშუალო და მის წინა საუკუნოების ხაზზე. არც ერთი ქვეყანა, ამდენ სიბრძნევას, ბოროტმოქმედებას, ამდენი მსხვერპლის გარეშე არ ჩაიდენდა, რუსეთს გარდა. არც ერთ ქვეყანას ამდენი აბრუნდის ვაკეთება არ შეეძლო.

თანამედროვე კულტურისა და ცივილიზაციის ერთ უდიდეს მიღწევად ითვლება სამოსამართლო უწყების განცალკავება აღმასრულებელი ხელისუფლებიდან. საბჭოთა კავშირში კი კომუნისტებმა ეგ ორი უწყება ერთმანეთს გადააბეს; მართალია, ქალაქებზე ეს უწყებები ცალკელე არსებობს, ისე როგორც ბევრი რამ ამ დალოცვილ ქვეყანაში, მაგრამ სინამდვილეში სამოსამართლო უწყება პირდაპირ დაქვემდებარებულია აღმასრულებელ ხელისუფლებასზე.

თანამედროვე რთულ საზოგადოებრივ ორგანიზაციაში ასეთი დაქვემდებარება უდიდესი უბედურება და ბოროტმოქმედებაა. აქედან შეიქმნა ის უცნაური ვანუკითხაობა და საშინელი ტერორი, რომელიც ბატონობს საბჭოთა სამოთხეში.

აქ ყოველთვის მოსალოდნელია ადამიანი გაჩხრიკონ ქუჩაში თუ სახლში, მატარებელში, თუ სამუშაოზე ყოველგვარი ხელმოსაკიდებელი საბუთის გარეშე, ეჭვით, ყურმოკრული ნათქვამით, ჭორით, გაჩხრიკონ და დაპატიმრონ, დაპატიმრონ და თავი მიათალონ ძირში.

საბჭოთა კავშირში უდანაშაულოდ დასჯილი ადამიანების სტატისტიკა ვინმემ რომ შეადგინოს, აღმოჩნდება: დასაბამიდან დღევანდლამდე არც ერთ ქვეყანაში ამდენი უდანაშაულოდ დასჯილი არ შეიძლება იყოს, როგორც 24 წ. მანძილზე ამ იდეალურ მუშათა და გლეხთა ქვეყანაში, სადაც თითქო ყველაფერი უაღრესი სამართლიანობით არის დალაგებული.

როცა ყოველივე ეს იცის იქაურმა, ადამიანმა და მაინც გულწრფელად ამ რეჟიმს იცავს, გიყვირს, ვერ აგისხნია, როგორ? საიდან შეიქმნა ასეთი უცნაური ფანატიზმი ამ საშინელების დასაცავად?

მოვსინჯოთ გამოკვლევა, რა მიზეზებმა შექმნა და ჩამოაყალიბა ის კადრები, რომლებიც ასე გულმოდგინეთ იცვენ ამ რეჟიმს, რეჟიმს, რომელიც მიუხედავად ყოველ გვარი შეღავათისა და გამართლებისა, კაცობრიობის ისტორიაში დარჩება სამარცხენოდ, როგორც მონობა და ინკვიზიცია.

კომუნისტური რეჟიმის გაბატონება მოხდა განსაკუთრებულ პირობებში, კულტურისა და ცივილიზაციის ისეთ რაიონში, სადაც არსებობდა ყოველმხრივ შესანიშნავი ხელსაყრელი პირობები დიდ სოციალურ მსხვერვიდან ასეთი სამარცხენო და მახინჯი შედეგები მიეღოთ, როგორც არის საბჭოთა წყობილება.

მე-19 საუკუნეში კაპიტალისტურმა განვითარებამ დასავლეთში შექმნა სოციალიზმის შესახებ კოსმოპოლიტუ-

რი ზანგელა (ზანგელა — შავ წითელი). სისტემები. ეს სისტემები მოედვა მთელ მსოფლიოს. თვითუღმა ერმა მოინდომა მისი გამოყენება თავისი დონისა და ინტერესების იხედვით. პირველად რუსეთმა სცადა მისი განაღდება, როცა რუსეთზეა ლაპარაკი აქ განსაკუთრებული სიფთხილე და მიუღდომლობა არის საჭირო.

1914—18 წ. ომის დასაწყისში რუსეთი წარმოადგენდა ვეებერთელა ჩამორჩენილ კოლონიალურ იმპერიას, რომელიც არამც თუ განიცდიდა ყოველმხრივ დასავლეთის გავლენას, არამედ ყოველმხრივ დამოკიდებული იყო დასავლეთზე. აი ეს უკულტურო და ჩამორჩენილი რუსეთი შეუდგა ორი დიდი ამოცანის გადაწყვეტას: ა) თავის გამახსნა დასავლეთის კულტურული და ფინანსიური მემკვიდრეობის. ბ) დასავლეთში შემუშავებულ სოციალ-პოლიტიკურ სისტემის ნიადაგზე სოციალიზმის განხორციელება. რუსეთში დაიწყო დასავლეთის სოციალიზმის სისტემის მწვალელობა ერთსა და იმავე დროს როგორც პრაქტიკაში, ისე თეორიაში. მწვალელობა საზოგადოთ ცუდი საქმეა, ხოლო უკულტურო ქვეყანაში მისი მახინჯი შედეგები დიდი უნდა ყოფილიყო.

რუსეთის სექტანტებმა მთელი დასავლეთის ცივილიზაცია და კულტურა ბურჟუაზიულად, დამპყლად გამოაცხადეს, ხოლო დასავლეთიდან მიიღეს მარტო მარქსიზმი, მეცნიერული თვალსაზრისით ყველაზე სუსტი, დაუსაბუთებელი და გაუმართლებელი მოძღვრება. დასავლეთში მარქსიზმს უკვე დიდი ხანია არავენ სწავლობს, ხოლო უკულტურო რუსეთში მის შესასწავლად საგანგებო ინსტიტუტები ააშენეს.

საბჭოთა კავშირში მარქსისტებმა რომ მარქსის და მის საუკეთესო მოწაფეების ლენინის და სტალინის თითქო გაყალბებისათვის ხალხი დასაჯეს, არა მგონია რომელიმე მწვალელობას ასეთი რამ ჩაედინა, ასე გაუმძღარი ყოფილიყოს სისხლის მხრივ.

ჩვენ ვიცნობთ მწვალელობის რამდენიმე შემთხვევას ისტორიაში, მაგრამ ასეთ საზიზლარს კი არცერთს.

როცა ისტორიულ პერსპექტივის ხაზზე ვსინჯავთ რუსეთის ამბებს, ჩვენთვის ადვილია მის მდგომარეობაში გარკვევა, რადგან ჩვენ მას საფუძვლიანად ვიცნობთ, ხოლო სხვები რომ რუსეთის ამბებში გაერკვნენ, ამისათვის განსაკუთრებული ცოდნა მიუღდომლობა და მახვილი თვალა საჭირო, და ვიდრე ამას ევროპა და ამერიკა დაინახავდეს, მანამდე შეიძლება რუსულმა კომუნისმა კიდევ უდანაშაულოთა ზღვა სისხლი დალიოს და ამ უდანაშაულოთა ძვლებზე მომავალი რუსეთის უძლეველი იმპერია აეგოს.

თუ რუსეთი საბჭოთა კავშირის სახით ამ ომიდან დაუღრვეველი გამოვიდა, შემდეგ მისი მომავალი დიდი ხნით უზრუნველყოფილია, იგი ოკეანეებზე საფუძვლიანად დაადებს თავის ბანჯგვლიან თათებს და გათავდა. თუ რუსეთმა ეროვნულად ჩამოყალიბება და წელში გამართვა მოახერხა შემდეგ მას ბევრი რამ საკვირველის ვაკეთება შეეძლება.

სამწუხაროდ, ევროპამ საკითხის სიმძიმე ამ მნიშვნელოვანი კუთხით ვერ გაითვალისწინა, თორემ რუსეთი ენლა ევროპის გულთან ასე ახლო ვერ უნდა ყოფილიყო. ენლა საკითხი ისმის ევროპამ უნდა გაყოს თავი რუსულ სექტანტების მწვალელობის ხაფანგში თუ არა.

დაუბრუნდეთ ჩვენ მიერ დასმულ საკითხს. რა მიზეზებმა შექმნა და ჩამოაყალიბა ის კადრები, რომლებიც ასე გულმოდგინედ იცვენ საბჭოთა რეჟიმს?

კომუნისტური ხელისუფლება გაბატონდა განუკითხავი ტერორით. ტერორით დაიწვეს ყველაფრის განადგურება. სახელმწიფოებრივი და საზოგადოებრივი დაწესებულებები, არსებული სახალხო მეურნეობის ფორმები, სკოლა, ოჯახი, ეკლესია, ყოველივე ეს დანგრეული და განადგურებული იქმნა. ამ ნგრევას შეეწირა რამდენიმე თაობა და სოციალური კლასები. ეს კლასები დაკლული

იქმნა უანგარიზოდ უმიზეზოდ, უაზროდ, მხოლოდ ერთი მოსაზრებით, განზრახული ექსპერიმენტის ხელის შემშლელი მიზეზები მინიმუმამდე შემცირებინათ. კომუნისტურმა პარტიამ მოინდომა პოლიციური ზომებით უკლასო საზოგადოების შექმნა, მთელი მოსახლეობის ხელოვნურად გაღარიბება და ერთ დონეზე დაყენება. კერძო ინიციატივა აკრძალული იქმნა ყველაფერში: ვაჭრობაში, მრეწველობაში, სოფლის მეურნეობაში. იწყება ხანა საბჭოთა მეურნეობის ჩამოყალიბებისა და კოლექტივიზაციის. მთავრობამ მთელი სახელმწიფო ერთ უზარმაზარ ქარხანად გადააქცია და ნივთიერად გათანასწორობული მოსახლეობა დაქირავებულ ყმებად. ოდნავი არ დაიმორჩილება დაქანობებული მდგომარეობისადმი ისჯებოდა უმაღლესი სასჯელით.

ამავე დროს სახელმწიფოს საზღვრები ჩაკეტილი იქმნა სასტიკად. კომუნისტურ სახელმწიფოს მოსახლეობას აბსოლუტურად ყოველ გვარი კავშირი გაუწყდა მსოფლიოსთან, საბჭოთა მოქალაქეს არაფიქროს წარმოდგენა არ ჰქონდა, თუ რანაირ პირობებში ცხოვრობდნენ მისი მეზობელი ან შორეული სახელმწიფოს მოქალაქეები. ქვეყანა დაიბანგა და გაყრდნა. იწყება ახალი თაობების აღზრდა ინტერნაციონალურ პრინციპებზე და იდეებზე. წარსულ ისტორიულ ტრადიციებთან და კულტურულ მემკვიდრეობასთან გადაიჭრა ყველა გზები.

ერთის მხრივ: ყოვლის-შემძლე პოლიცია, რომელიც „სამართალსა“ აკანონებს, „სამართლიანობას“ ანორციელებს, ვაჭრობა მრეწველობას ხელმძღვანელობს, დოვლათს ანაწილებს; მეორეს მხრივ: ერთნაირ უუფლებო მდგომარეობაში ჩაყენებული ხალხი. საბჭოთა კავშირის მთელი სულიერი და ნივთიერი ცხოვრება დაყენებული იქმნა საშინელი კონტროლის ქვეშ, პოლიცია დარაჯად დაუდგა ყველაფერს: პრესას, გამომცემლობას, თეატრს, კინოს, სასწავლებლებს, ადამიანების აზრსა და ფიქრს, ვაჭრობა მრეწველობასა და სოფლის მეურნეობას. თვით კომპარტიაში შეიჭრა ტერორი და სიკვდილითი დასჯილი იქმნა მთელი ძველი გვარდია; ყოველგვარი გადახრები მარჯვენა თუ მარცხენა მოიშალა. ყოველგვარი საზოგადოებრივი აზრის კონტროლი დაიბრუნა და მოისპო ელემენტარული ზნეობრივი და ეთიკური ნორმები.

კომუნისტური დოგმებით დაიწყეს ყველაფრის ზომვა: — ლექსიდან დაწყებული სიმფონიურ ორკესტრამდე. პოლიცია და მთავრობა გახდა ყველაფრის ბატონ ბატონი, ყოვლის შემძლე. ყოველივეს, რაც შენდებოდა: გზა თუ ხიდი, ქარხანა თუ ელექტრონის სადგური, საცხოვრებელი შენობა. თუ სკოლა, თეატრი თუ საავადმყოფო, მთავრობა იწერს თავის აქტივში. ასე ათასი დაქირავებული მწერლები სწერენ ამის შესახებ. მთავრობის და პოლიციის სამსახურშია აყვანილი მთელი ინტელექტუალური ძალები პოეტებიდან დაწყებული პროფესორებამდე. ყველაფრის ავტორად გამოდის კომუნისტური პარტია, მისი მთავრობა და პოლიცია, ხოლო შემდეგ ყოველივე ამის დამგვირგვინებელი პარტიის ხელმძღვანელი, ბელადი იგი ფორმალურად არსად სჩანს, თითქო არაფითარი მნიშვნელოვანი თანამდებობა არა აქვს, მაგრამ ნამდვილად მთელი აპარატი მის ხელშია, ყოველგვარ მნიშვნელოვან საკითხებს თვითონ სწყვეტს; ამ ასე ათას დაქირავებულ მწერლებს, ქვეყნის მთელ ინტელექტუალურ ძალებს ნაბძანები აქვს სიტყვა შეასხან მთავრობას, პარტიას, პოლიციას, ბელადს. ხოლო თუ აღებული ხაზი

რაიმე საკითხში მცდარი აღმოჩნდა, ამ დაქირავებულმა მწერლებმა შეცდომა უნდა გადააბრალონ სხვებს, ხალხის მტრებს. ამ შემთხვევაში არ ინდობენ არც შინაურს, არც გარეშეს; შეუმცდარია მხოლოდ ბელადი და მისი გენერალური ხაზი. აქედან მოხდა გაღმერთება პარტიის? მთავრობის; პოლიციის, განსაკუთრებით კი ბელადის. არც ერთ დიქტატორს თავის სიცოცხლეში არ ღირსებია ამდენი ქებადიდება, რამდენიც იოსებ ჯუღაშვილს. ამ შემთხვევაში მართლ მორწმუნე მარქსისტებმა — კომუნისტებმა, მარქსის ერთი მოზრდილი თეზა დაივიწყეს, თითქო პიროვნების როლი ისტორიაში უმნიშვნელო იყოს.

ტერორის სისასტიკე აღწევს უმაღლეს მწვერვალს: იყო წლები როცა ოჯახის წევრებს არ შეეძლო ერთმანეთში თავისუფლად მუსაიფი. ორი ან სამი მოქალაქის ქუჩაში ერთად გავლა იყო საეჭვო და სახიფათო. მამა შვილს ვეღარ ენდობოდა და დაეძმას. როცა საღამოს ძილის დრო მოახლოვდებოდა, სრულწლოვანი ოჯახის წევრები პირველი საჭიროების ნივთებს და ფულს ადვილად მისაგნებ ადგილზე იმარაგებდნენ, რომ ვინცობაა პოლიცია მოზრძანებულიყო, ადვილად შესაძლებელი ყოფილიყო გაქცევა, ისე როგორც დღეს ტოტალური ომის პირობებში, დიდი ქალაქების მშვიდობიანი მცხოვრებნი, მზად უნდა იყვნენ თავრესაფარში გასაქცევად განგაშის დროს, მტრის თვითმფრინავთა მოსვლის გამო.

შიში მძინვარებდა ყველგან ამ ვებერთელა სახელმწიფოში, როგორც შავი ჭირი, პიროვნება და საზოგადოება საბოლოოდ დამარცხებულ იქმნა და ჩაყენებული მონის მდგომარეობაში. ასეთ პირობებში, რასაკვირველია, შეუძლებელია ქვეყანაში რაიმე საღი აზრი ან მიმართულება დაიბადოს. მეოთხედ საუკუნის მანძილზე ის პირები, რომლებიც მთავრობამ დაქირავა, მონაწილე გახდნენ ამ უცნაური სოციალური ექსპერიმენტისა, ჩათრეული იქმნენ მუშაობაში და ერთგვარად დახარჯული, და ბოლოს და ბოლოს იწამეს ის რეალობა, რომელშიც თითონ თავიდან ფეხებამდე ჩაქედილი დარჩნენ. ეს დაქირავებული ხალხი და სხვადასხვა სოციალური ფენების ის ნაწილები, რომლებიც ყველაზე მეტად გამძრომი, წამწოლი, შემგულებელი აღმოჩნდნენ, გადაიქცნენ მთავრობის წოდებად: ეს ის კონტინგენტია, რომელზედაც კომუნიზმი დაეყრდნო. ამიტომ არის, რომ საბჭოთა კავშირიდან გადმოსული მოქალაქეთა დიდი უმრავლესობა უცნაურია, საკუთარ მეობას მოკლებული, სტანდარტული აზროვნების, ანუ უკეთ: მას აზროვნება არ გააჩნია, იგი ლაპარაკობს გაზეპირებულ ფრაზებს გრამაფონის ფირფიტასავით, როგორც ამას წლებების მანძილზე ასე ათასობით დაქირავებული მწერლები ერთნაირად უჩიჩინებდნენ მოსახლეობას. საბჭოთა კავშირში მარქსი, ლენინი და სტალინი წარმოდგენილი ჰყავთ ისე როგორც ტიბეტში დალაილბა, როგორც კათოლიკე ბერ-მონაზვნებს რომის პაპი, რომელიც შეუმცდარია სადაც კრიტიკა არ შეიძლება, და არა თუ არ შეიძლება, დანაშაულადაც ითვლება.

მაშ როგორ მოხდა, რომ ასეთი უცნაური და საშინელი რეჟიმი კიდევ ფეხზე სდგას? დღევანდელი ომის მთელი სიმძიმე გადაიტანა და შიგნით ყველაფერი თავის ადგილას არის? ან მე ვაჭარბებ საბჭოთა რეჟიმის დაფასების დროს ანდა აქ კიდევ სხვა მიზეზებია, რომელსაც უნდა გავეცნოთ, ამაზე შემდეგ.

ი. შუბლი  
ი. შუბლი





# საბჭოთა საქართველოს სახე

1921 წლის 25 თებერვალს შეწყდა საქართველოს სახელმწიფოებრივი ცხოვრება, იგი რუსეთის ორბიტში მოექცა. ამ საბედისწერო დღიდან დაიწყო საქართველოში ე. წ. „ორტოდოქსალური მარქსიზმის“ უკიდურესი მიმდინარეობის სოციალისტური ექსპერიმენტები.

ბოლშევიკური „ახალი სისტემა“ შეეხო ქართული ცხოვრების ყოველივე დარგს; დაიწყო ქართული სულის აღრევა. კომუნისტების ქურუმი ლენინი ამთავად ფრთხილად მოქმედებდა და არა ერთხელ აფრთხილებდა ქართველ კომუნისტებს, — არ დაეშვათ საქართველოში ის შაბლონი, რაც ჩაიდინეს რუს კომუნისტებმა რუსეთის თვალუწვდენ სივრცეზე.

ამიტომ პირველ ხანებში საბჭოთა იმპერიალისტური რუსეთი ფრთხილად იქცეოდა; ის არ იჩენდა დამპყრობელ სახეს, და საქართველოს მოევლინა, როგორც „მუშათა და გლეხთა“ განმანათლებელთა კაპიტალიზმის უღლისაგან. „შოლავერში“, „ლარინ-ლატაკთა და დაჩაგრულ ეროვნებათა“ მიერ „არჩეულმა“ საქართველოს რევკომმაც თავის შხრივ „სახეიმო“ ვითარებაში დაადასტურა ეს „კეთილშობილი და სამართლიანი აქტი“ განსაკუთრებული დეკრეტით.

საბჭოთა საქართველოს „დამოუკიდებლობა“ დიდხანს არ გაგრძელდებოდა, რადგან ქართველ მუშებმა და გლეხებმა „მოითხოვეს“ ძმური გაერთიანება მეზობელ მუშებთან და გლეხებთან; 1921 წელს, დიდი დაბრკოლების შემდეგ, ბოლშევიკებმა გააერთიანეს ამიერ-კავკასიის რკინიგზები და 1922 წელს კი დაარსდა ამიერ-კავკასიის „ფედერაცია“, რის შემდეგ თბილისი აიკისო რუსული დაწესებულებებით: ზაკსოვნარკომი, ზაკაკაი, ზაკიეკა, ზაკპროფსოვეტი, ზაკენმეტორგი, ზაკპლოდოვოში, ზაკნარკომში, ზაკკოდნოში, ზაკავტარომტორგი, ზაკკოენტორგი, ზაკგოსტორგი, ზაკსლოპკომი, ზაკსკოტი და მრავალი აუარებელი „ზაკები“, რომლის ჩამოთვლა მეტად ძნელია.

საქართველომ ფაქტიურად დაპყრობა ის კულდოკეცილი უფლებაც, რაც მას „განთავისუფლების“ პირველ დღეს გააჩნდა; ამ გარემოებამ გამოიწვია რეაქტია თვით ქართველ კომუნისტებს შორის. ამის შემდეგ, დაივიწყეს რა ლენინის ცნობილი გაფრთხილება „რუსული შაბლონის“ თაობაზე, დაიწყეს აშკარა ცენტრალიზმი, რუსული სისტემის გაბატონება.

## ნაციონალური საკითხი

ყველაზე თავგამოდებულად ბოლშევიკები „იბრძოდნენ“ ნაციონალური საკითხის გადაჭრისათვის. ლენინმა ძველი რუსეთის იმპერიას „ეროვნებათა და ხალხთა საპყრობილე უწოდა“. თავისუფლება თითოეულ ერს სრულ გამოყოფამდე, ასეთი იყო მათი ლოზუნგი რევოლუციის პირველ დღესვე. მათ სპეციალური ეროვნებათა საქმის კომისარიატიც კი დაარსეს რომელსაც სათავეში ი. ჯუღაშვილი ჩაუყენეს. მოსკოვის კარნახით ქართველმა კომუნისტებმა „იშვიათად“ გადასჭრეს ნაციონალური საკითხი. ჯერ ერთი ოსმალეთს გადასცეს ჩვენი ნაციონალური ტერიტორიის (ბათუმის ოლქის, ართვინი, არდავანი) საგარეო ნაწილი, არც ჩვენი მოსაზღვრე მეზობლები ბელტრევეს გულნაკლული, პირდაპირ ძალით, „მიაჩივნეს“ ხელში ახერბაიჯანს კახეთის ბუნებრივი გაგრძელება — საქათლის ოლქი და სომხეთს კი, „ჩამოუჭრეს“ ბორჩალოს მაზრიდან კარგათ ნათალი ლუქმა.

საქართველოში „დაჩაგრულ“ ოსებს ქართლის შუაგულში — გორის მაზრაში რესპუბლიკა შეუქმნეს და ტერიფონის ველიდან „სახელმწიფო“ საზღვარი გაატარეს ოსეთის ავტონომიურ ოლქსა და საქართველოს შორის. მეტად „დაჩაგრული“ აფხაზებიც არ დატოვეს „უყურად-

ლებოდ“ ბზიბისა და ენგურის შუა შექქმნეს აფხაზეთის ა. ს. ს. რესპუბლიკა, რომელიც განსაკუთრებული სახელმწიფოებრივი ურთიერთობაში იმყოფებოდა საქართველოსთან. სამურზაყანო, სადაც მცხოვრებთა 90 პროცენტს მეგრელები შეადგენენ აფხაზეთს „მიუსაკუთრეს“. ვალის რაიონის მოწინავე ინტელიგენციის შუამდგომლობას ამ რაიონის საქართველოსთან შეერთების შესახებ, ხიშტებით შეხედნენ, მოწინავე პირები „ბურჟუაზიულ ნაციონალისტებად“ მონათლეს და შორეულ მხარეში გადაასახლეს.

„ეროვნული“ თავისუფლება აჭარასაც არგუნეს. შექქმნეს აჭარის ა. ს. ს. რესპუბლიკა და საქართველოს შორის საზღვარი მდინარე ნატანებთან დაწესდა. ამგვარად საქართველოს ნაციონალურ ტერიტორიაზე სამი ავტონომიური ერთეული შექქმნეს. თუ ვასაბჭოების პირველ წლებში, საქართველოს მთავრობის დეკრეტი სრულიად საქართველოს სახელით გამოდიოდა, ამ ბოლო დროს ესეც შეწყვიტეს. საქართველოს საბჭოთა მთავრობის განკარგულებანი სავალდებულო იყო მხოლოდ და მხოლოდ ე. წ. საკუთრივ საქართველოს ტერიტორიაზე, რათქმა უნდა აფხაზეთის. აჭარისა და სამხრეთ ოსეთის გამოკლებით. იყო შემთხვევა, როცა ავტონომიური რესპუბლიკები არ ემორჩილებოდნენ თბილისს ე. ი. საქ. ცენტრალურ მთავრობას. მაგალითად: აფხაზეთში გაბატონებულიყო რუსოფილური მიმდინარეობა და უშუალოდ მოითხოვდა, „ფედერაციაში“ შესვლას. ქართული ენა ამ „განაპირა სახელმწიფოებში“ მეტისმეტად შევიწროებულა, აფხაზეთსა და სამხრეთ ოსეთის (შუაგული ქართლი-გორის მაზრა) დაწესებულებებში საქმის წარმოება სწარმოებს რუსულ ენაზე. ქართული წარწერას მხოლოდ აბრებზე თუ შეხვდებით.

„საბოლიში“ ვახდა სამხრეთ-საქართველოს რაიონებიც, ახალციხე (მესხეთი) და ახალქალაქი (ჯავახეთი). მესხებს სასებით დაივიწყეს საკუთარი ეროვნება და სტატისტიკურ ცნობებში ისინი იხსენიებდნენ ახერბაიჯანელებად, მათ ახალციხეში, ბენარაში, ადიგენში და სხვა რაიონებში გაუხსნეს თურქული სკოლები, და მთელი საქმის წარმოება სწარმოებს რუსულ ენაზე.

ახალქალაქის რაიონის შესახებ ამ თავად „ფრთხილად“ და „თავაზიანად“ წამოაყენეს საკითხი მისი ლენინაკანისათვის (ალექსანდროპოლი — სომხეთი) შეერთების შესახებ, იმ მოტივით, რომ ლენინაკანი ახლოა ხელმძღვანელობა უფრო ელასტიური იქნებაო, მაგრამ ამაში აშკარად მოსჩანდა „ნეოდაშნაკიზმი“. ასეთივე მდგომარეობას აქვს ადგილი ბორჩალოსა და ყარაიაზში. ბორჩალო — ეს ქართლის მოწინავე სადროში „ეროვნულ“ გადაგვარების გზას ადგია.

ყველაზე „კურიოზი“ იყო ის გარემოება, რომ სვანებსაც სადაოდ ხდიდნენ, მათ „არწმუნებდნენ“ რომ ისინი არ არიან ქართველები და ყველაზე საველადო მდგომარეობა იყო ე. წ. მეგრელ ნაციონალისტების „მაფალინისტების“ „მოძრაობა, რომლებიც „ამტიკებდნენ“ რომ მეგრელები ქართველთა ტომს არ ეკუთვნიან და მოითხოვდნენ სამეგრელოს „თვითგამორკვევას“ სწორად რომ ვთქვათ „სამეგრელოს ანუ ოდიშის რესპუბლიკის“ დაარსებას.

საბჭოთა საქართველოს მოსახლეობა იზრდება მოსულთა ხარჯზე. განსაკუთრებით ჩვენი დედაქალაქი თბილისი. ამავე დროს საქართველოში გრძელდება ძველი რუსული პოლიტიკა უცხოელთა და განსაკუთრებით რუსების ჩახახლება საქართველოში: ნავთილი იზრდება რუსებისა და სომხების ხარჯზე, ასევე ხდება ნაძალადევიც, თბილისის ეს წმინდა ქართული უბანი რუსი მოსახლეობით აიკისო. კახეთში, სადღურ წნორის წყალთან გაშენებულია რუსებისა და სომხური სოფლები.

ნაციონალურ საკითხში ადგილი აქვს ერთგვარ პროვოკაციას მეზობელ ერთა შორის. მაგალითად საქართველოს გასაბჭოების ყოველივე წლის თავზე, როცა ლაპარაკია საქადმოუკიდებლობის კრიტიკაზე, ყოველთვის ხაზგასმით აღნიშნავენ რომ საქართველოში იდევნებოდა და ეროვნულ ჩაგვრას განიცდიდა განსაკუთრებით სომხური მოსახლეობა, რომ საქართველო ფართოდ იყენებდა თავის ხელსაყრელ გეოგრაფიულ პირობებს და არსებობის საშუალებას არ აძლევდა სომხეთს, გამოდის რომ 1918 წელს ორ ისტორიულ მეზობელ ერთაშორის ატეხილი ომისათვის პასუხისმგებელია მხოლოდ საქართველო.

მთელს საქართველოში და განსაკუთრებით თბილისში გაბატონებულია რუსული ენა, საქართველოს სახალხო კომისართა საბჭოს სხდომა რუსულ ენაზე მიმდინარეობს, კანონი პირველად იწერება რუსულ ენაზე და შემდეგ სწარმოებს მისი ვადაქართულება. ახალციხის, ახალქალაქის, ადიგენის, აწყურის, ნაწილობრივ ბორჯომის, მანგლისის, ბორჩალოს, ყარაიხის რაიონებში, სამხრეთ ოსეთსა (ქართლის შუაგული) და აფხაზეთში მთელი საქმის წარმოება სახელმწიფო დაწესებულებებში და სასამართლო ორგანოებში სწარმოებს რუსულ ენაზე. თბილისის დაწესებულებებში თუ რუსული ენა არ იცი თითქმის შეუძლებელია სამუშაოს მიღება, საქართველოს ს. ს. რესპუბლიკის კონსტიტუციის მე-4 მუხლის ძალით ყველა სახელმწიფო წარმოება-დაწესებულებებში საქმის წარმოება უნდა ხდებოდეს სახელმწიფო ენაზე — ქართულ ენაზე, მხოლოდ ქალაქ ლზეა დარჩენილი. რუსული ენა ბატონობს ყველგან და ქართულ კინოსურათების ვადაღებაც რუსულ ენაზე ხდება და შემდეგ წარმოებს მისი ვაქართულება. რუსული ენა გამოცხადებულია საერთო საკავშირო ენად, „დიდი ოქტომბრის რევოლუციის“ ენად, მსოფლიო რევოლუციის „მამამთავრის“ ლენინის ენად და ვაი იმას ვინც გაბედავს ამის უარყოფას.

**ქვეყნის ეკონომიკა**

ბოლშევიკებმა ცენტრალურ ლოზუნგად საბჭოების ქვეყნის ინდუსტრალიზაცია წამოაყენეს. ათი წლის მანძილზე უნდა დაეწყოთ და გაუსწროთ ბურჟუაზიულ ევროპას, სწერდნენ ისინი. საქართველო — აგარული ქვეყნისად მიწინავე ინდუსტრიალური რესპუბლიკად უნდა გადაეჭვირათ, ამბობდნენ ქართველი ბოლშევიკები. შექმნეს მთელი რიგი მძიმე ინდუსტრიებისა, მაგრამ არა საქართველოს ნაციონალური ეკონომიური ინტერესების მიხედვით, არამედ მათი შექმნა გამომდინარეობდა საბჭოთა კავშირის ინტერესებიდან და მართლაც საქართველოს ეკონომიკის მთავარი დარგები: ქიათურის მარგანცი, ტყინულის ქვა-ნახშირი, ზესტაფონის ფერომარგანცის საწარმო, ბარიტის მრეწველობა, ელექტროსადგურები, თბილისის სარემონტო ქარხანა, მაჟდის ფაბრიკა, საავტომობილო სარემონტო ქარხანა, ოქროს მოპოვების საბადოები, ანდრეიტი წარმოება, აგარის შაქრის ქარხანა და მთელი რიგი მსხვილი საწარმოებისა სავსებით დაუმორჩილეს საკავშირო მრეწველობის სახკომისარიატს; საქართველოს მთავრობას არ ჰქონდა უფლება ამ საწარმოებით სარგებლობისა. შოთა რუსთაველის ძეგლის ასაშენებლად საქართველო მასალის ნებართვისათვის დაუსრულებელი მიმოწერას აწარმოებდა საქართველოს სახალხოკომისართა საბჭო საკავშირო მთავრობის მიმართ.

ახალციხის რაიონმასკომმა საქართველოს კოოპერატივთა კავშირის „კეკავშირის“ წარმომადგენელს ვაშლის დამზადების ნება არ მისცა, რადგან ამ რაიონში ხილის დამზადებას აწარმოებდა მოსკოვის სატრანსპორტო კოოპერატივის ორგანიზაცია. ასეთივე იყო ციტრუსოვან და ტექნიკურ კულტურათა დარგში, მაგალითად: ლიმონისა და მანდარინის დამზადება — ვასაღება საკავშირო ლიმონტრესტის ხელშია, თამბაქოს საქმეს განაგებს თამ-

ბაქოს ტრესტის საკავშირო სამმართველო, (ტაბტრესტი) მატყლი მონოპოლიის საგანია, მას განაგებს საკავშირო მატყლის ორგანიზაცია (სოიუზშერსტი).

საბჭოთა საქართველოს ელექტროსადგურები: ზაპესი, რიონჰესი, სოხუმჰესი, ტყვარჩელ ჰესი, აჭარჰესი, ხრამჰესის მშენებლობა და სხვა მნიშვნელოვანი სადგურები იმყოფებიან აგრეთვე საკავშირო გაერთიანების ხელში. (სოიუზენერგო) აბრეშუმის ნაწარმოები საკავშირო გაერთიანებაშია (სოიუზშიოლკი).

საქართველოს შავი ზღვის ნავსადგურებს (ბათუმი, ფოთი, ოჩემჩირე, სოხუმი) უდიდესი ეკონომიური მნიშვნელობა აქვთ, უცხოეთიდან მოსული საქონლის და გასაცანი საქონლის ექსპორტ-იმპორტი ამ სადგურებიდან სწარმოებს, განსაკუთრებით ფოთის ნავსადგური, მაგრამ ეს ნავსადგურები არ შედიან საქართველოს მთავრობის განკარგულებაში, იგი ემორჩილება საკავშირო სახლვაოსნო მიმოსვლის კომისარიატს თუ სამმართველოს.

ფოთის ქალაქის ხელმძღვანელმა დააყენა საკითხი ფოთის ნავსადგურიდან შემოსული თანხების განსაზღვრულ პროცენტების დატოვების შესახებ ადგილობრივ ბიუჯეტის შესავსებათ, ამ აღმანიას „ნაციონალისტური“ განდამხრელობა დააბრალეს და ისიც სადღაც ვადაკარგეს.

საქართველოს რკინიგზები გააერთიანეს ამიერ-კავკასიის მასშტაბში და იგი უშუალოდ იმყოფება საკავშირო გზათა მიმოსვლის კომისარიატის გამგებლობაში.

როგორც ვიცით საქართველოს რკინიგზები მეტად მომგებიანია და ეს თანხა რომ ნაციონალურ ბიუჯეტში შედიოდეს საქართველოს რა უქირდა მაშინ.

ვარდა რკინიგზებისა საქართველოს გააჩნია კარგად მოწყობილი სატრანსპორტო გზები, მაგრამ მნიშვნელოვანი გზები როგორცაა — საქართ. სამხედრო გზა, ოსეთის სამხედრო გზა, სამტრედია — სენაკი — ზუგდიდი — სოხუმი-სოჩის გზატკეცილი საკავშირო მთავრობის განკარგულებაშია, საქართველოს მთავრობას ალბად, წნორისა და ჩხარის გზები თუ გააჩნია გამგებლობის ობიექტად.

როგორც ჩანს საქართველოს სიმდიდრენი არ არიან გამოყენებული ნაციონალური ეკონომიკის სიმდიდრისათვის, ამიტომ საქართველო, როგორც ძველი რუსეთის, ისე საბჭოთა რუსეთისათვის კოლონიალური განაპირა ქვეყანას წარმოადგენს, რომლის ეკონომიური რესურსები მთლიანად ცენტრალიზებულია და გამოყენებულია, როგორც საინდუსტრიო ბაზა საბჭოთა რუსეთისათვის.

უცნაურია სწორედ საბჭოთა სისტემა. აქ თითქოს კონსტიტუცია არსებობს, მაგრამ ეს კონსტიტუცია ისეა შებოქილი, რომ საქ. მთავრობას უბრალო თვით მართველობის ფუნქციაც არ გააჩნია, მას არ შეუძლია დამოუკიდებლად მოაწესრიგოს თუ გინდა სამტრედიის კვერცხის დამზადების თუ გაყიდვის ორგანიზაცია. ამა თუმი მრეწველობის და სოფლის მეურნეობის დარგს განაგებს ორი კომისარიატი, რესპუბლიკური და საკავშირო, მაგალითად: არსებობს საქართველოს მიწადმოქმედების კომისარიატიც და საერთო საკავშირო მიწადმოქმედების კომისარიატი, აქედან სავსებით გასაგებია თუ საქართველოს რომელი სახელმწიფოებრივ და ეკონომიურ უფლებაზე შეიძლება იყოს ლაპარაკი. ვითომდა ერთადერთი „დამოუკიდებელი“ კომისარიატად ითვლება ვანათლების სახალხო კომისარიატი, მაგრამ მთელი მისი მოღვაწეობა და მოქმედება გამომდინარეობს საქ. კ. პ. (ბ) ც. კ. სასკოლო სამმართველოსა და საკავშირო სახკომსაბჭოს უმაღლესი სასკოლო კომიტეტის დირექტივებისაგან, ამავე დროს საქ. განათლების კომისარიატისათვის „რეკომენდირებულია“ იხელმძღვანელოს რსფსრ-ის განსახკომის პრაქტიკით, რაც ჩვენებურად დაქვემდებარებას ნიშნავს.

საქართველოს ბიუჯეტის საქმეს კონსტიტუციის მიხედვით საქ. მთავრობა განაგებს, მაგრამ პარალელურად ამისა მოქმედებს საკავშირო ფინსახკომის კანონი, ასე რომ



ბიუჯეტის საქმეშიც საქ. მთავრობა განზეა დამდგარი. მაგალითად, თელავისა თუ ჩხარის სარაიონო აღმასკომის ბიუჯეტი მტკიცდება მოსკოვის მიერ.

ს ო ფ ე ლ ი

უწინარეს ყოვლისა იერიში მიიტანეს ჩვენი ეროვნული მეურნეობის წინააღმდეგ. საქართველო სასოფლო სამეურნეო ქვეყანაა, დიდი უმრავლესობა მოსახლეობისა მიწის დამუშავებას მისდევს. ქართველ გლეხში ისტორიულად განმტკიცებულია კერძო საკუთრების ინსტიქტი; მას უყვარს თავისი მამული, თავისი კერა, მისთვის უცხოა „ველიკორუსული“ თემური სისტემა მიწადმოქმედებისა. ის რაც მისაღებია ტამბოველი მუყეიკისათვის არ გამოადგება სიღნაღელ ან ზესტაფონელ გლეხს.

1929 წლიდან დაიწყო ქართული ეროვნული სოფლის აფორიაქება, პირველად აქაიქ შემოიღეს საკოლმეურნეო სისტემა და 1930 წლიდან კი დაიწყო მთლიანი კოლექტივიზაციაზე გადასვლა. საშინელი იყო ეს დღე საქართველოში, გლეხობის კოლმეურნეობებში მოქცევა დაიწყო „ლაშქრული“ მეთოდით და სოფელს მოევიდნენ სხვა და სხვა ბრიგადები: მიწსახომიდან, ცეკადან, ცაკადან, რაიკომიდან, კომკავშირის და წითელი არმიის ორგანიზაციებიდან, საშეფო საზოგადოებებიდან, თავდაცვა-ავიაქიმიდან, რედაქციებიდან და სხვ.

ერთი ხელის მოქნევით ეცნენ „ბურჟუაზიულ კერძო საკუთრებას“ და დაიწყეს მიწების, ბალ-ვენახების გაერთიანება, გაერთიანეს არა მარტო მუშა-პირუტყვეები, არამედ შინაური წვრილფეხა ფრინველებიც.

მრავალი პატიოსანი, გამრჯე გლეხი შეიწირა ამან, მრავალს სული გადასახლებაში ამოხდა, და ვინც გადაურჩა ამ უბედურებას, იმან მონურ შრომაში ამოყო თავი, განწირულემა კი იარაღს მიმართეს, დაიწყო გამოსვლები ჩვენი ქვეყნის სხვა და სხვა კუთხეში.

ამ მდგომარეობამ გამოიწვია სტალინის ცნობილი ბროშურის „თავბრუნდახვევა წარმატებისაკენ“ სასწრაფოდ გამოშვება; ბოლშევიკური „ექსპერიმენტებით“ გამოწვეული შედეგი სოფლის კომუნისტებს გადააბრალეს და შეუდგნენ მთლიანი კოლექტივიზაციის ლიკვიდაციას, მაგრამ კოლმეურნეობები მაინც დატოვეს, რადგან იგი წარმოადგენს ბოლშევიკური აგარარული პოლიტიკის ერთად ერთ ძირითად სისტემას.

სოფლის მეურნეობაში ჩატარებულ „ექსპერიმენტს“ მოჰყვა ანტი-რელიგიური კამპანიები: ეკლესიებს ზარები ჩამოხსნეს და პურის ბედლებად გამოიყენეს.

თავისუფალი გლეხი, მიწისა და მამულის მესაკუთრე, რომლის საკუთრება კანონით მემკვიდრეობის უფლები-ცათ კი იყო დაცული, გადაიქცა საკოლმეურნეო მონად, დაჰკარგა საკუთარი ინიციატივა, თუ წინად გლეხი მამლის ყვილისას სამუშაოზე, გულგაღელილი, სიამაყის გრძობით მიეჩქარებოდა, ესლა დილის 10—11 საათამდის საკოლმეურნეო გამგეობის წინ ყაყანს უნდებდა.

როგორი იყო თვით კოლმეურნეობის სტრუქტურა? მის მართველ ორგანოს წარმოადგენდა საერთო კრების მიერ „არჩეული“ გამგეობა, (გამგეობის თავმჯდომარედ ინიშნებოდა ხშირად ცენტრიდან მოვლენილი პიროვნება, რომელიც არც იცნობდა ადგილობრივ მოსახლეობას) აბარატი, შესდგებოდა თავმჯდომარის, პარტორგის, მონაგარი-შის, ქონსამკითხველს გამგის, საწყობის გამგისა და ქონსალბორატორიის ხელმძღვანელისაგან. ეს იყო ფასიანი აბარატი, რომელთა ჯამაგირი შრომადღეებით ნაზღაურდებოდა. კოლმეურნეობის გამგეობა ფორმალურად პასუხისმგებელია საერთო კრების წინაშე, მაგრამ სინამდვილეში ასე არ არის.

ყველაზე მძიმე ქართველი გლეხისათვის არის სახელმწიფო დამზადება ხორცის, პურის, რძის ნაწარმის, კვარცხის, ხილის, თაშბაჯისი, ყურძნის, ღვინის, მატყლის და

სხვა, რომლის ჩამოთვლა შეუძლებელია. სახელმწიფოსათვის პურის ჩაბარება სწარმოებს კალოდან. ვაზნეები სავსეა ასეთი ლოზუნგით: „პირველი გალენილი პური კალოდანვე სახელმწიფოს“, წლიური მოსავლის განაწილება ხდება იანვრის რიცხვებში და ისიც არა ყოველთვის.

ტექნიკური კულტურა

მოკლედ საბჭოთა მეურნეობის ამ დარგსაც უნდა შევეხებით. საქართველო გადააქციეს ტექნიკური კულტურათა მთავარ ბაზად საბჭოთა კავშირში. აფხაზეთი, გორი, სამეგრელო და ნაწილობრივ ზმერეთი გადააქციეს ჩაისა და ციტრუსების სავანეთ. ქართლი ხილისა და შაქრის ქარხლის რაიონად გამოაცხადეს, კახეთში ნაწილობრივ თამბაქოს მოყვანას შეუდგნენ და ამ მიზნით სიღნაღის რაიონში ვენახები აჩვენეს, რამაც უკმაყოფილება გამოიწვია გლეხობაში.

განადგურდა სოფელი, ჩვენი ეროვნული მეობის-ბურჯი და გლეხი გულაცრუებული, იმედ დეკარგული ქალაქისკენ მიემუხრება ლუკმა პურის საძიებლად. აღსრულდა მარქსიზმის ბოგანო და მოხეტიალე თეორია გლეხობის გაპროლეტარების შესახებ. ასეთია ის „სოციალისტური“ ექსპერიმენტები, რომელმაც მრავალი ადამიანთა სიცოცხლე შეიწირა საქართველოში.

ქ ა ლ ა ქ ი

საბჭოთა სისტემამ არ იცის კერძო საკუთრება, ამიტომ „სოციალიზმი“ ქალაქის მრეწველობასაც შეეხო. არსებული საწარმოები სახელმწიფო საკუთრებად გამოაცხადეს და სათანადო უწყებას დაუქვემდებარეს; აკრძალეს კერძო ვაჭრობა და მთელი ვაჭრობა მოექცა სახელმწიფო და კოოპერატივების ხელში. გახსნეს აუარებელი უნივერსალური მაღაზიები, მაგრამ პირველ მოთხოვნების სავანების შოვნა მეტად ძნელი იყო. ამიტომ გახშირდა რიგები, საქონლის მიღება შეეძლო მხოლოდ იმათ, ვისაც მაგარი მკლავები გააჩნდა.

ამ ნიადაგზე ადგილი აღვირახსნილ სპეკულაციას; მთავრობა ებრძოდა სპეკულიანტებს და არა იმ უკუღმართ საბჭოთა ეკონომიურ სისტემას რომელმაც ამ სპეკულიაციას იწვევენ და ხელს უწყობდა. კოოპერატიული სავაჭრობები ყველაზე სავალალო მდგომარეობაში არიან და ბოლოს კი სულიც დაღაფეს და მათი ადგილი დაიჭირეს სახელმწიფო სავაჭრო ორგანიზაციებმა.

ქალაქი დაუპირისპირდა სოფელს, მათ შორის მტრობას აშკარა ხასიათი აქვს. სავაჭროდ ჩამოსული გლეხი ქალაქში ვერ შრულობს პირველ მოთხოვნილებების სავანებს; მიტკალი, რკინა, ჩითი, ნარმა, ტანისამოსი, ამის შეძენა მას უნდება მომატებულ ფასებში, იგი მას იძენს ქურდულად, შავს ბირჟაზე, ამან რა თქმა უნდა გამოიწვია სოფლის ნაწარმოების ზღაპრული ფასები.

საბჭოთა ეკონომიკამ ვერ გაართვა თავი „ექსპერიმენტებს“, ამან წარმოშვა ე. წ. „მემარჯვენე“ გადახრა ბოლშევიკური პარტიაში, რომელიც აშკარად იბრძოდა პარტიის გენერალური ხაზის წინააღმდეგ ეკონომიურ საკითხში. მრავალი ადამიანის სიცოცხლე შეიწირა პარტიის ამ „გენერალურმა“ ხაზმა.

პროფკავშირები

ყველაზე აბუჩად აგდებული ორგანო საბჭოეთში და კერძოდ საქართველოში არის პროფკავშირი. დეკრეტით იგი „კომუნისზმის სკოლა“ ითვლება, მაგრამ მას არაფერს ეკითხებიან. იგი პარტიის „თანაშემწე“ იწოდება, მაგრამ კონპარტიას ის გამოყენებული ჰყავს მხოლოდ როგორც აპარატი.

მუშათა და მოსამსახურეთა მატერიალური უფლებების დაცვა მას კარგა ხანია რაც ჩამოართვეს.

პროფკავშირის ადგილობრივი ორგანოები (ადგილკომები, შემფასებელ საკონფლიქტო კომისიები, საწარმოებში შრომის დაცვის ინსპექტურა, სოციალური დაზღვევა

და სხვა) მართალია ფორმალურად პროფკავშირებს ეკუთვნის, მაგრამ ფაქტურად წარმოება-დაწესებულებათა ადმინისტრაციის ხელშია და პროფკავშირის ეს აპარატი საესეებით მის ხელში იმყოფება. თვით ამ აპარატში მომუშავეთა ხელფას დირექცია იხდის იმ ანარიცხებიდან, რაც გათვალისწინებულია პროფკავშირებისათვის. ამ გვარად პროფკავშირის ადგილობრივი მუშაკი დირექციის ინტერესებს ემსახურება, მუშათა უფლებბრივი და მატერიალური საკითხები უკანა პლანზეა მოქცეული. ამიტომ მუშასა და ადმინისტრაციას შორის მომხდარი კონფლიქტი ყოველთვის დირექციის სასარგებლოდ წყდება.

პირველ ხანებში ადგილობრივი შემფასებელ-საკონფლიქტო კომისიის დადგენილების გასაჩივრება შეიძლებოდა შრომის სასამართლოში, მაგრამ ამ უკანასკნელად ესეც აკრძალეს.

წარმოება-დაწესებულება საბჭოეთში სახელმწიფო ორგანიზაციაა დაკერძო ინტერესები საესეებით დაქვემდებარებულია ამ ინტერესებზე. იქ დამჭირავებელია სახელმწიფო ორგანიზაცია და ბრძოლა ამ ორგანიზაციის წინააღმდეგ ყოველად წარმოუდგენელია.

გაფიცვები კანონით აკრძალულია, ანდა ამას არც შეიძლება ჰქონდეს ადგილი „მუშურ-გლეხური“ სახელმწიფოში, სადაც ხელისუფლების სათავეში „მუშები“ უდგანან.

**სტახანოვური მოძრაობა.**

ქართული ცხოვრების რა დარგი გინდათ, რომ ბოლშევიკებს არ მოეხდინათ თავისებური „ექსპერიმენტები“, ამ მხრივ შრომის საკითხშიაც „ფართოდ“ გამოიყენეს იგი. ხელისუფლების სათავეში ჩადგომისთანავე საწარმოებში მოახდინეს ხელფასის გათანაბრება. მუშისა და ინჟინერის ხელფასი ერთნაირი იყო. ამან გამოიწვია სპეციალისტების მხრივ გულაცრუება და არა ინტერესი საქმისადმი, მუშებიც ამ მხრივ არ ცდილობდნენ კვალიფიკაციის ამაღლებას, რამაც საწარმოები დალუპვის გზაზე დააყენა. მაშინ ბოლშევიკებმა უარყვეს გათანაბრება, მას „წვრილბურჟუაზიული გათანაბრება“ დაარქვეს, რათქმა უნდა ესეც, როგორც ყოველთვის სხვას გადააბრალებს, ამ თავად თავიანთი „ექსპერიმენტებით“ დამლუპველი შედეგი ე. წ. „მუშათა ოპოზიციას“ მოახვიეს და მოახდინეს პროფკავშირების „რეფორმები“.

ამის შემდეგ ხელფასის „გათანაბრების“ ნაცვლად, შრომის ნაყოფიერების აწევის მიზნით შემოიღეს ე. წ. „სანარდო სისტემა“ და ხელფასის გაცემა სწარმოების ნორმების გამომუშავეების მიხედვით, მაგრამ უნდა აღინიშნოს, რომ ნორმების მომატება ხდება სისტემატიურად და ხელფასის ანაზღაურება კი მაღალი ნორმების მიხედვით, შრომის ნაყოფიერების ნორმებს ადგენს საწარმოს დირექცია პარტორგანიზაციის ხელმძღვანელთან ერთად, პროფკავშირის წარმომადგენლის უსიტყვო „დასტურით“.

ამ მდგომარეობას მარქსისტული ტერმინოლოგიით შრომის ექსპლოატაცია ეწოდება. ამით არ შეჩერებულა ეს მდგომარეობა და დაიწყო სტახანოვური მოძრაობა, რომელიც წარმოადგენს შრომის ექსპლოატაციის ახალი ფორმას. გაჩნდნენ „სასწაულმომქმედი“ პირები: ქიჭინაძე დავითი, სამხარაძე, კილაძე, სარსანია და სხვები. ამგვარად შეიქმნა მუშათა „არისტოკრატია“. საკუთარი სახლებით, ავტომანქანით და ყოველგვარი პრივილეგიით.

სხვათა შორის შემდეგში ეს მოძრაობა იმდენად გაზარდეს, რომ „შაბლონად“ გადაიქცა. ეხლა ეს მოძრაობა მოედდა ქართული ცხოვრების ყოველივე დარგს. სტახანოვური პროფესორი, სტახანოვური მსახიობი, სტუდენტი, ექიმი, მასწავლებელი, ინჟინერი, პოეტი. იღებოდა სოციალისტური ხელშეკრულება ექიმებს შორის თუ რომელი ვადაზე აღრე მოარჩენდა ავადმყოფს, სკოლები ეჯობებოდნენ ერთმანეთს აკადემიურ მიღწევათა საქ-

მეში და სწარმოებდა მოწაფეთა აკადემიური წარმატების აწვეა პროცენტებით, შედეგი ყველასათვის გასაგებია — გამომუშავებული პროდუქციის უხარისხობა.

**ოჯახი**

ყოველივე კეთილმოწყობილ და უფლებბრივ სახელმწიფოში ოჯახი წარმოადგენს მის ძირითადი საყრდენს. ამიტომ ოჯახს, როგორც სახელმწიფოს ქვა-კუთხედს ევროპული სახელმწიფოებში მთავარი ყურადღება ექცევა. ამ მხრივ მეტად უნუგეშო მდგომარეობაა საბჭოეთში და კერძოდ საქართველოში.

ბოლშევიკებმა აქაც გამოიყენეს თავიანთი „ექსპერიმენტები“. იგი პირველ ხანებში, „ბურჟუაზიული“ ინსტიტუტად იქნა აღიარებული, გაიხსენეთ კოლონტაის „ცნობილი“ წერილები თავისუფალი სქესობრივი ცხოვრების შესახებ, ამ ნიადაგზე საქართველოში დაიბეჭდა მეტად უნიჭო რომანი ის. თალაკვაძისა „ოჯახი“ სადაც მისი რომლის უარყოფამდე მივიდა ეს „ახლად მოვლენილი“ რომანისტი.

მრავალკოლიანობამ და „თავისუფალმა“ სიყვარულმა ფართე ნიადაგი ჰპოვა საბჭოთა საქართველოში. ქართველი ქალი, როგორც ქართული ოჯახის ფუძემდებელი, მანდილოსანი, ოჯახის სიამაყე, სახლობა, ჩამოყენებული იქნა უკანა პლანზე. ზოგიერთი პასუხისმგებელი პარტიული მუშაკი რატომღაც „საღვთო“ მოვალეობად თვლიდა ამა თუ იმ რაიონში ჰყოლოდა ცოლი, გაზეთი „კომუნისტის“ ფურცლებზე სისტემატიურად ნახავდით წერილებს სადაც ცოლი დაეძებდა ქმარს, შვილი მამას; ამის შესახებ გაზეთის ფურცლები სავეს იყო ცნობილი ფელეტონისტის გერმანე შუბიძის მეტად დამაფიქრებელი წერილებით.

სამართლო ორგანოებში უმთავრესად ირჩეოდა საალიმენტო საქმეები.

ჯანსაღი ოჯახი დაირღვა, ზნეობა და მორალი ბურჟუაზიულ გავებით იქნა „მონათლული“. ცოლისა და ქმრის არა მეგობრული ურთიერთობა, უარყოფითი გავლენას ახდენდა ბავშვებზე, ამ ნიადაგზე საბჭოთა ბავშვი საბავშვო ბაღშია ის თუ სკოლაში ნერვიულოა, უხეშია, მეტს დროს ქუჩაში ატარებს, ქუჩა ახდენს მასზე უარყოფითი გავლენას. სკოლა უძლურია ამის წინააღმდეგ იბრძოლოს, რადგან მოსწავლეთა აღზრდის საქმე მთლიანად მინდობილი აქვს კომკავშირულ და პიონერულ ორგანიზაციას, რომელიც თვით მოითხოვს აღზრდას.

მცირე წლოვანთა შორის სხვა და სხვა სახის დანაშაულებრივი ქმედობამ (გამოძალვა, თაღლითობა, ქურდობა, მოტაცება) ფართედ იჩინა თავი, ამის გამო სპეციალური კაკონიც კი გამოვიდა მცირე წლოვანთა შორის დანაშაულის შესახებ.

**იუსტიცია და ადმინისტრაცია**

საბჭოეთში და კერძოდ საქართველოში საკანონმდებლო და აღმასრულებელი ორგანო ერთი და იგივეა. სასამართლოს დანიშნულებაა პროლეტარიატის დიქტატურის განმტკიცება. მოსამართლე, სასამართლოს წევრები, პროკურორი და დამცველი, (სადაც ვეჭვითა ინსტიტუტი გაუქმებულია), სასამართლო პროცესის შემადგენლობად ითლება, სასამართლო მხოლოდ კანონს ემორჩილება, იგი დამოუკიდებელია კონსტიტუციის მიხედვით, მაგრამ სასამართლო ორგანოების მოღვაწეობა ბევრად დამოკიდებულია პარტიულ ორგანოებზე.

გასაბჭოების პირველ ხანებში ფორმალურად გაჩნდა სასამართლო ორგანოებს დამოუკიდებლობა, სწარმოებდა საჯარო პროცესები, მაგრამ 1937 წლიდან რომელიც ცნობილია საბჭოეთში „ეკოვშინაით“ შეიძლება ისე „გააქრონ“ ადამიანი, რომ მის კვალს ვერასდროს ვერ მიაგნოს ვინმემ, თუ რომელიმე მოქალაქე დააპატიმრა შინსახკომის ორგანოებმა, მერე უნდა გამოეთხოვო მას სამუდამოთ, მეტად ძნელია გაიგო თუ რა ბედი ეწია მას. თუ რომელი-



მე მოქალაქე დაპატიმრეს, მისი ოჯახი და უახლოესი ნათესავი გამუდმებით საფრთხეშია, იგიც დაპატიმრებას მოელის ყოველ წუთს, ამიტომ ხშირია მოვლენა, როცა შვილი პრესის ფურცელზე აცხადებს, რომ ის სწყევტს ყოველგვარ ურთიერთობას თავის კონტრ-რევოლუციონერ მამასთან; იგი გამოდის საერთო კრებაზე და ხელი-სუფლებას მაღლობით იხსენიებს სიფხიზლის გამო, რომელსაც მოჰყვა მამის თუ ახლო ნათესავის დაპატიმრება.

თვით კადრი იუსტიციის დარგის მუშაკებისა მეტად მოუშანდებელია, მართალია ბევრია იურიდიულ ფაქულტეტზე კურს დამთავრებულები, მაგრამ უპარტიოები არ შეიძლება პროკურორებად ან მოსამართლის თანამდებობაზე, ამ დარგში მხოლოდ პარტიის წევრებია და მეტწილად პარტიული სტაჟის მქონე დაწინაურებული მუშები, რომლებსაც ელემენტარული წარმოდგენა არა აქვთ იურისპრუდენციისა.

იურისპრუდენცია მეტად რთული სახელმწიფოებრივი დარგია და აქედან გასაგებია თუ რა ზიანის მოტანა შეუძლია არამც თუ მარტო მოქალაქის დაცვის, არამედ თვით სახელმწიფოს განმტკიცების თვალსაზრისით ამ დარგში შემთხვევითი წამოყენებულ პირს.

**ქართული წითელი ჯარი**

მთელი მსოფლიო შეანძრის, დახეთ რას ჩადიოდა რუსეთის ძველი მთავრობა, განაპირა ქვეყნებს ეროვნულ და კლიმატიურ თავისებურებას ანგარიშს არ უწევდაო, კერძოდ ქართველი ახალგაზრდობა რუსეთის შორეულ ქვეყნებში გაყავს სავალდებლო სამხედრო სამსახურის მოსახდელად და სხვ. ისტორიამ მხოლოდ ჩვენ დაგვაკისრა ამ ბოროტებას ბოლო მოუღოთ და პირველ ხანებში მართლაც შეადგინეს ქართულ ნაციონალური წითელი ჯარი. შეიქმნა ქართველ მეთაურთა სკოლა, გამოიზარდნენ მშვენიერი კადრები ქართველი მეთაურებისა, ძველი მხედრებმაც თავიანთი წვლილი შეიტანეს ამ საქმეში, მაგრამ აქაც არ დაივიწყეს ნაცადი „ექსპერიმენტები“ და 1936 წლიდან დაშალეს იგი. ქართველ ჯარისკაცს ნახავდით შორეულ ციმბირში, მურმანსკისა და ფინეთის ყელზე, მონღოლეთის საზღვარზე, უკრაინის ტრამალებზე და ვინ იცის სად. ქართველი ძველი ოფიცრები ზოგი დახვრიტეს და ზოგი გადაასახლეს; ბოლოს დროს წითელჯარში ქართულ ენაზე სამსახურის დროს ლაპარაკიც აკრძალეს.

**იდეოლოგიური ფრონტი**

ყველაზე საშინელი იყო „იდეოლოგიური ფრონტის“ ინსცენირება. ეს „დალოცვილები“ ყოველ წელიწადს ახალდაახალი თავსატეხ და ნერვებ ასაშლელ საქმეს გამოგონებდნენ. განსაკუთრებით ეს დაიწყო 1927 წლიდან. ჯერ პარტიულ კადრებს დაერივნენ, შემოიღეს პარტიის რიგების წმენდა და ათასობით რიცხავდნენ პარტიიდან თავიანთი წევრებს, ბოლოს შეუდგნენ საბჭოთა აპარატის წმენდას, ამის შემდეგ დაიწყეს სახელმწიფო აპარატის „გამუშურება“ რის გამოც წარმოებებს მოსწყვიტეს კვლილციური მუშათა კადრები. მათი აღვილი შესცვალეს აგრეთვე „სახელდახლოდ“ დაწინაურებულმა არაკვალიფიცირება კადრებმა, ამან გამოიწვია საწარმოებებში ჰაოსი, რკინისგზებზე დაუსრულებელი კატასტროფები და სხვ.

აპარატის ე. წ. „გამუშურებამ“ ცოტა ზიანი როდი მიაყენა წარმოება-დაწესებულებებს. განსაკვირვებელია ის გარემოება, რომ თუ საბჭოთა კავშირის ცენტრში, „აღმორჩიდებოდა“ რაიმე სახის მანებლობა, ამის მზგავს მოვლენას აუცილებლად ადგილი უნდა ჰქონებოდა საქართველოში, თითქოს ეს სავალდებულო ყოფილიყო.

რუსეთში სპეციალისტ აგრონომს, პროფესორ კონდრატიევს მავნებლობა დასწამეს, რაც ცნობილია „კონდრატიევშინის“ სახელით და ამის შემდეგ მიღწენ და დაე-

რინენ ქართველ სპეციალისტებს და აგრონომ-პროფესორებს. ამ მოძრაობამ მრავალი სპეციალისტი შეიწირა, ამავე მოძრაობის მსხვერპლი ვახდა პატიოსანი ადამიანი, ცნობილი ეკონომისტი ბიქტორ თევზაია.

„იდეოლოგიური ფრონტის“ ინსცენირება შეეხო აგრეთვე ქართული უნივერსიტეტის პროფესურას; ცნობილი იურისტი, პროფესორ ლუარსაბ ანდრონიკაშვილის ნაშრომი კონტრ-რევოლუციონურ შრომად გამოაცხადეს. შიშით შეპყრობილმა ცნობილმა პროფესორმა, გიორგი ჯავახიშვილმა ეცხლში დასწვა ზოოლოგიის საუნივერსიტეტო კურსი.

ქართულ კლუბში ტალახაძის ხელმძღვანელობით მოეწყო ყოფილ პოლიტიკურ მოღვაწეთა საჯარო „დამუშავება“. ეს მოხდა ღია კარებში, ხალხით გაჭედილ დარბაზში, ამ საჯარო „დამუშავებამ“ სამარცხვინო მარცხი განიცადა, დამსწრე საზოგადოება მიუხედავად ჩეკის აგენტების შიშისა თანაგრძნობით და მრავალშემთხვევაში ტაშის ცემით ხვდებოდა ამა თუ იმ ცნობილ მოღვაწის „დამუშავებს“. მთელი დარბაზი ტაშის ცემით შეხვდა ცნობილი პოლიტიკური მოღვაწის გრიგოლ გიორგაძის გაბედულ გამოსვლას დარბაზში.

მეტად საინტერესოა განსაკუთრებით გრიგოლ გიორგაძისა და „პროცესის“ ხელმძღვანელის ტალახაძის „ბაქრობა“. დარბაზში ზის გრ. გიორგაძე და ელოდება გამოცხადებას. ტრიბუნაზე პორტფელით ხელში ადის ის. თავმჯდომარე ტალახაძე რუსულად აძლევს მას მთელ რიგ შეკითხვებს, იგი ქართულ ენაზე უპასუხებს, ტალახაძის წინააღმდეგობას ის საქართველოს სსრ კონსტიტუციის მენ-4 მუხლის ძალით მკვეთრად უპასუხებს, რომ საქართველოს ტერიტორიაზე სახელმწიფო ენა არის ქართული და თვით თქვენ, როგორც საკანონმდებლო ორგანოს წარმომადგენელს გვევალებათ მტკიცედ დაიცვათ თქვენს მიერ შექმნილი კანონი.

მოსკოვის „ხალიფატის“ ეს ყურმოჭრილი მონა „სთხოვს“ გიორგაძეს, ილაპარაკოს რუსულად, რადგან აქ სტუმრები გვესწრებიან და მათ არ იციან ქართული ენაო.

სამარცხვინო მარცხის შემდეგ საჯარო „პროცესი“ გადაიტანეს ტრამვაის მუშათა კლუბში, იმ მოტივით, რომ თვით მუშებს გამოეტანათ დასკვნა, მაგრამ აქ უარესი მოუვიდა ტალახაძეს; ტრამვაის მუშები ტაშის გრიანით ხვდებოდა თვითეული მათგანის ტრიბუნაზე გამოჩენას. ეს „სამარცხვინო“ ინსცენირება რითი დამთავრდა არ ვიცით, მხოლოდ ფაქტია ის, რომ ამ პროცესს შეეწირა თვით გრ. გიორგაძე, თბილისის უნივერსიტეტის ლექტორი, ცნობილი იურისტი, სერგი დავითისძე ჯაფარიძე, პროფესორი ზოზო ნანეიშვილი, ვეჩილი ბიქტორ ნინიძე და სხვ.

არ დაინდევს ცნობილი პოლიტიკური მოღვაწე, შემდეგში „მონანიებული“ სეთი დევდარიანი და სადღაც გააქრეს. საქართველოს სახალხო კომისართა საბჭოს პარტიული ორგანიზაციის დახურულ სდომაზე „ამზილეს“ ცნობილი ბოლშევიკი თედორე კალანდაძე, რომელმაც ამავე სდომაზე თავის მჭერმეტყველებათ სასაცაო მდგომარეობაში ჩააყენა საკავშირო საგარეო საქმეთა კომისარიატის რწმუნებული ამიერ-კავკასიაში ოტო კარკლანი.

რამდენი ასეთი საჯარო პროცესები ჩატარებულა საქართველოში, სხვათა შორის სახკომსაბჭოს პარტიულ ორგანიზაციას „გვემაში“ ჰქონდა საჯარო პროცესის ჩატარება თვით სახკომსაბჭოში, ამ მიზნით მოიწვიეს ასეთი პროცესების ცნობილი „სპეციალისტი“, ყოფილი ახალგაზრდა მარქსისტი, აწ უკვე გაკომუნისტებული ზოსიმე ჩახავა. საჯარო კრებაზე უნდა „ემზილათ და დაემუშავებიათ“. სხვათა შორის უწყინარი ადამიანი, ცნობილი ძველი მოღვაწე ილია ზურაბიშვილი, რომელსაც „ბრალი“ მიუძღოდა იმაში, რომ მან 1918 წლის 26 მაისს მთავრობის სასახლის აივანიდან მოედანზე თავმოყრილ ხალხს წაუკითხა საქარ-

თველოს დამოუკიდებლობის აქტი. აქვე სკოლაზე უნდა მომხდარიყო აგრეთვე სახკომსაბჭოს კონსულტანტების და რეფერანტების გ. თულაშვილის, კანინთა კუბელის კოლფიკატორის ი. გამრეველის, ბეგი ფალავა და სხვების საჯარო „დამუშავება“ მაგრამ სახკომსაბჭოს მაშინდელი თავმჯდომარის ფ. მახარაძის ჩარევით. ეს „პროცესი“ აღარ შემდგარა. არ ვიცი რა მოუვიდა ილია ზურაბიშვილს და ბეგი ფალავა კი დღესაც არ იციან თუ სად არის.

საუბედუროდ არც ამ ქვეყნიდან სამუდამოდ წასულები დაივიწყეს და „იდეოლოგიური“ ბრძოლა გაუმართეს ქართულ გარდაცვლილ მწერლებსა და პოლიტიკურ მოღვაწეებს, ამ მხრივ განსაკუთრებულ მზანში ილია ჭავჭავაძე ამოიღეს. ერთხანს სულ ამოშალეს ის ქართული ლიტერატურის სახელმძღვანელოდან, ბოლოს კი დაიწყეს მის წინააღმდეგ „საჯარო პროცესები“ წარმოება-დაწესებულებებში, ამ საქმეში წილი მიუძღვის ქართული ლიტერატურის შემთხვევითი „კრიტიკოს“ ბესო კლენტს. მთავარი მომხსენებელი ილია ჭავჭავაძის ზიროვნების შესახებ გამოყავდათ ვილაც ყალიბა უნივერსიტეტიდან, რომელიც „შემდეგში“ მთელი რიგი სისხლის სამართლის დანაშაულებრივი ქმედობის გამო იძულებული გახდნენ უნივერსიტეტიდან გაეძევიათ. ეს არა მკითხველთა, ეს არა „ვიგინდარა“ საჯარო კრებებზე გამოდიოდა ილია ჭავჭავაძის წინააღმდეგ, გამოყავდა ის როგორც ბატონ-ყმობის ინსტიტუტის მოტრფიალე, თავად-აზნაურობის იდეოლოგი და ბურჟუაზიული რეაქციონერად.

აქაც „ექსპერიმენტები“ და ამ უკანასკნელად ილია ჭავჭავაძის იუბილევ გაუმართეს, კრემლის „ხალიფატის“ ცენტრალურმა პრესამ „პრავდამ“ ილია ჭავჭავაძე აღიარა ნაციონალურ განმანათლებელ მოძრაობის იდეოლოგიად და კინაღამ კომუნისტად გამოიყვანეს იგი, მაგრამ აქ გვიხსნა განგებამ და რაღაც სასწაულით ეს სახელი აშორდა ჩვენს საამაყო მოღვაწეს.

**8. სწავლა-განათლება**

საქართველოს გასაბჭოების პირველ წელსვე დახურეს ქალთა და ვაჟთა გიმნაზიები, როგორც „ბურჟუაზიული“ სასწავლებლები, ამის ნაცვლად შემოიღეს ორი საფეხურიანი სისტემა, რომელიც მალე უარყვეს და 1927 წლიდან ორ საფეხურიანი სკოლები გადააკეთეს არასრული და სრული საშუალო სკოლებად.

სასწავლო სისტემა ავებულა საბჭოთა პედაგოგიკის პრინციპზე, რომელიც სწავლა-აღზრდის ძირითად დებულებად აღიარებს „ლენინ-სტალინის პარტიის“ ერთგულებად აღზრდას.

ერთხანს მეტად გავრცელდა ე. წ. „სკოლის კვდომის“ თეორია, რომლის მიხედვით მოწაფე თვითონ იძენდა ცოდნას ბუნებაში, სკოლას და მასწავლებელს არავითარი როლი არ ენიჭებოდა.

სკოლა გადააქციეს შრომის სახელოსნოებად, განდევნეს თეორია, მთავარი საკითხად ლაბორატორული მეთოდი და პრაქტიკა აღიარეს. სკოლა დაეცა, მასწავლებლის როლი დაქვეითდა.

იმათ ვისაც გული შეტკიოდათ ამ საქმის გამო ხმა ამოიღეს, მაგრამ სამუდამოდ დაადუმეს ისინი. მრავალი ცნობილი პედაგოგი და პროფესორი ციმბირში გადასახლეს. ბოლოს კი „ექსპერიმენტების“ ეს შედეგიც „მემარცხენე ტროცკისტებს“ გადაბრალეს.

ამას მოჰყვა სკ. კ. პ. (ბ) ცუკასა და საკავშირო სახკომსაბჭოს 1935 წლის სექტემბრის დადგენილება სასკოლო რეფორმების შესახებ, რომლის ძალითაც უარყოფილი იქნა ლაბორატორული მეთოდი და სწავლის ცენტრალურ ფიგურად აღიარეს მასწავლებელი, ძალიან ძვირი დაუჯდა ქართველ ერს ეს რეფორმებიც.

მართალია დეკრეტით „აღადგინეს“ მასწავლებლის უფლება, მაგრამ სინამდვილეში მდგომარეობა უცვლელი დარჩა; მასწავლებლობა გამოყენებული იყო სხვა და სხვა კამპანიების ჩამტარებლად: სოფლად სახელმწიფო

სესხის გავრცელება, იძულებითი დამზადებაში ხელმძღვანელობის გასაწევად, სხვა და სხვა ფულადი რესურსების აკრეფა. ამ ნაირად გლეხმა მასწავლებელში დაინახა არა მასწავლებელი, არა აღმზრდელი, არამედ სოფლის საბჭოს მოხელე, რომელიც წარმოადგენდა სასოფლო საბჭოს დამატებას. ამიტომ მშობლებმა გული აიციურეს სკოლაზე. „დიდებულათ“ გაატარეს ლენინის მოძღვრება რომელიც ამბობდა, რომ „სახალხო მასწავლებელი უნდა ავიყვანოთ იმ სიმილზე, რომელსაც ადგილი არ ჰქონია არც ერთ ბურჟუაზიულ სახელმწიფოში“ და მართლაც არც ერთ მასწავლებლობა, როგორც ეს საბჭოთა საქართველოშია.

მასწავლებელს არა აქვს უფლება დასაჯოს მოწაფე, მოწაფეს არ ერიდება მისი. მის მოთხოვნას ანგარიშს არ უწყევს, რადგან მან იცის რომ მასწავლებელს არ გააჩნია არავითარი უფლება, ამიტომაცაა რომ საბჭოთა საქართველოს სკოლებში აღვირახსნილ ხულოგნობას აქვს ადგილი, რასაც არ უარყოფს თვით საბჭოთა პრესა. „ავწიოთ“, „ზექსი“, „ჩავაფლაოთ ვაკვეთილი“ ასეთი ტერმინები ბატონობენ საბჭოთა სკოლაში. თუ მოსწავლეს დაემუქვე ცუდი ნიშანის დაწერით, მას ეციენება, რადგან იცის განათლების ორგანოების დადგენილება სადაც ნათქვამია „მოსწავლის ამა თუ იმ საგანში ჩამორჩენის მთავარი მიზეზია მასწავლებელი“. ამ არგუმენტით ის არ სწავლობს, არაფერს აკეთებს წლის განმავლობაში, რის შედეგად უმადლესი მასწავლებლები იყნება მოუმზადებელი კადრებით.

მოსწავლის აღზრდის მთავარ პრინციპად აღიარებულია მხოლოდ „ლენინ-სტალინის პარტიის“ ერთგულებად აღზრდა და სხვა არაფერი. მშობლის ავტორიტეტი არაფერს ზრუნავს, ხშირად მოსწავლე-პიონერი გამოყენებულია ერთგვარი „მეთვალყურედ“ საკუთარ ოჯახში.

აგრეთვე მოსწავლეთა შორის მთავარ დებულებად მიჩნეული მათი სამხედრო სულისკვეთებით აღზრდა, ამიტომ სასკოლო კედლის გაზეთები და ხელნაწერი ჟურნალები გამოდიან „შემდეგი სახელწოდებით“. „მხედარი“, „ტანკისტი“, „მფრინავი“ „წითელი არტილერია“ „მეზღვაური“ და სხვ.

საშუალო კურსდამთავრებულმა არ იცის საფუძვლიანად გავლილი მასალა და ამიტომაც სწორედ ის რომ საბჭოთა საშუალო სკოლის კურსდამთავრებული მოქალაქე მოუმზადებელია პრაქტიკული ცხოვრებისათვის. მან კარგად იცის „ბრტყელი“ ლაპარაკი, ძალიან „ემარჯვება“ პოლიტიკურ თემებზე საუბარი, გაურბის შრომას და ცდილობს ადვილად „გაძვრეს“ ცხოვრების ასპარეზზე.

**ქართული უნივერსიტეტი.**

როგორც ვიცით 1918 წელს ჩვენმა საამაყო მეცნიერმა, პროფესორ ივანე ჯავახიშვილმა საფუძველი ჩაუყარა ქართულ უნივერსიტეტს, რომელიც შემდეგში გადაიქცა სახელმწიფო ნაციონალურ უნივერსიტეტად. ქართულმა უნივერსიტეტმა თავის კედლებში აღზარდა სათანადო კადრები რომლებიც საქვეყნოდ ცნობილი არიან.

ბოლშევიკებმა პირველ ხანებში ხელუხლებლად დატოვეს უნივერსიტეტი, სავსებით ვერ შესძლეს მისი გასაბჭოება. ძრწოდნენ ისინი, ივანე ჯავახიშვილის ავტორიტეტის წინაშე მაგრამ ათი წლის ბრძოლის შემდეგ მიიწვეს შესძლეს უნივერსიტეტის დაპყრობა. თამამად შეიძლება ითქვას, რომ თუ საქართველო დაიპყრეს ორთვეში, სამაგიეროდ უნივერსიტეტი ქედ მოუხრებლად იდგა ათი წლის განმავლობაში.

ქართული უნივერსიტეტი შეგნიდანვე „ააფეთქეს“; უნივერსიტეტის კედლებში შეჰქმნეს ე. წ. „ახალგაზრდა პროფესორთა და მეცნიერთა“ ოპოზიცია, რომელმაც სამკვდრო-სასიცოცხლო იდეოლოგიურ ბრძოლა გამოუცხადა



„ძველ დრომოჭმულ და დახვსებულ პროფესურას“: ივანე ჯავახიშვილს, ფ. გოგიაშვილს, გ. ზანდუკელს, გრ. წერეთელს, სვ. ყაუხჩიშვილს, კ. კეკელიძეს, ალ. წერეთელს, ლ. ანდრონიკაშვილს, ზ. ნანეიშვილს, ს. ჯაფარიძეს, ს. ჯანაშიას, შ. ნუცუბიძეს, ა. შანიძეს, გ. კოტეტიშვილს, და სხვ. „პროგრესიული“ თაობის პლეადაში იბრძოდნენ: თედო ღლონტი, „წითელი პროფესურის ქურუმები“ ვაშაყმაძე, დოლიძე და სხვ.

ივანე ჯავახიშვილმა ოლიმპიურ სიმშვიდით დასტოვა მეცნიერებათა სავანე და რამოდენიმე წლის განმავლობაში „ჩაიკეტა“ მაგრამ ამ ხნის განმავლობაში შექმნა მან მთელი რიგი ხელთუქმნელი ძეგლებისა, რომლითაც საუკუნის მანძილზე იამაყებს ჩვენი თაობა.

ამ „ტრიუმფიალურ“ გამარჯვებას მოჰყვა ქართული უნივერსიტეტის, როგორც „ბურჟუაზიულ შოვინისტური“ დაწესებულების დახურვა და მის ნაცვლად სოციალური მომრავლდა საქართველოში „უმალღესი“ სასწავლებელი. თბილისში: პედაგოგიური ინსტიტუტი, დაუსწრებელი სექტორით (ქართული, სომხური, რუსული, აზერბაიჯანული) საბჭოთა სამართლისა და აღმშენებლობის ინსტიტუტი (ნაცვლად ქართული უნივერსიტეტის იურიდიული ფაკულტეტისა) ფინანსური და ეკონომიური ინსტიტუტი საკოლმეურნეო ფაკულტეტით, სამედიცინო ინსტიტუტი, საინჟინერო ინსტიტუტი, აგრონომიული და პედაგოგიური ინსტიტუტი დაუსწრებელი სექტორით ქუთაისში, სამსწავლებლო ინსტიტუტი ზუგდიდში, პედაგოგიური ინსტიტუტი გორში, აუარებელი ფილიალები, საქართველო მოიფინა უმალღესი ინსტიტუტების ქსელით, სოციალური დამრავლდა სტუდენტობა, მაგრამ ეს ის სტუდენტი არ გახლდათ, რომლის დანახვა მონარქიზმის დროს მთავრობის მოხელეს შიშს ვგრძობდა და მოსახლეობაში კი მომავლის იმედს აღძრავდა. არ იყო საკმარისი კადრი პროფესორებისა, მართალია მოსკოვის „წითელ პროფესურაში“ და „აკადემიებში“ იგზავნებოდნენ „დასტობით“ მოწინავე სტახანოველები, მაგრამ ეს სახელდახელოდ გამოცხვარი კადრები არ ვარგოდნენ, აქაც „ექსპერიმენტები“ ამხანაც ადამიანთა მრავალი სიცოცხლე შეიწირა, არ დაინდეს თავიანთი პარტიული კადრებიც კი, მაგალითად საღლაც გააქრეს თბილისის უნივერსიტეტის რექტორი კ. ორაგველიძე, რომელსაც სწავლა-განათლება გერმანიაში ჰქონდა მიღებული.

„ექსპერიმენტი“ არ გამოდგა და ერთ მშვენიერ დღეს, მას შემდეგ რაც „მეწინააღმდეგეებს, ტროცკისტ-ბუხარინელებსა და სირცოვ — ლომინაძის ოპოზიციას“ ვადაბრალდეს, ხელ ახლა აღადინეს უნივერსიტეტი, მაგრამ არა ქართული არამედ სტალინის სახელობის უნივერსიტეტი (ქართულ, სომხურ, აზერბაიჯანულ და რუსულ სექტორებით). ხელისუფლება შეუღდა ინტელიგენციის მიმართ „დათმობას“ და ივანე ჯავახიშვილი უმალღესი საბჭოს პრეზიდენტის წევრად აირჩიეს.

ამნაირად საბჭოთა ხელისუფლებამ ქედი მოიხარა ამ დიდი ადამიანის წინაშე.

**წერა-კითხვა.**

ხელისუფლებამ სამკედრო-სასიცოცხლო ომი გამოუცხადა წერა-კითხვის უცოდინარობას. განსაკუთრებული დეკრეტს ლენინმაც კი მოაწერა ხელი და საბჭოთა კავშირის მასშტაბში ამ საქმეს სათავეში ჩაუდგა მისი მეუღლე, ქალბატონი კრუჰსკაია რომელიც ითვლებოდა ამ საქმის უდიდესი „თეორეტიკოსად“ და სპეციალისტად.

დიდიან გასაბჭოებისა აუარებელი დეკრეტები გამოვიდა, მაგრამ წერა-კითხვის ლიკვიდაციას არაფერი ეშველა. აუარებელი ლიტერატურა და სახელმძღვანელოები გამოიკა; მაგრამ ამის მთავარი მიზეზი იყო ის ყოველად ცნობილი „ექსპერიმენტები“ რომლის პრინციპებზეა ავე-

ბული მთელი ცხოვრება საბჭოეთისა. გულუბრყვილო მკითხველი ალბად შეგვეკითხება, რატომ არ ეშველა ამ საქმეს. იმითომ რომ აქაც „ლაშქრობა“.

რამდენი ასეთი „ლაშქრობა“ ახსოვს საქართველოს. 1933 წელს დიდი „კულტლაშქრობა“ რომელიც „ზეიმით“ დამთავრდა ამიერ-კავკასიის „პროლეტარულ“ ცენტრში ბაქოში. ამის შემდეგ ყოველ წელიწადს ასეთი დეკრეტი იცემა: „გასაბჭოების ათი წლის თავზე დაკვრითი წესით უნდა დავამთავროთ წერა-კითხვის უცოდინარობა“. მაინც არაფერი ეშველა „1-ლი მაისისათვის — საერთაშორისო პროლეტარიატის დღესასწაულის დღისათვის უნდა დავამთავროთ წ-კითხვის უცოდინარობა“. მაგრამ მაინც ვრძელდება „ექსპერიმენტები“ და გამოდის ახალი ლოზუნგი: „დიდი ოქტომბრის რევოლუციის ოცი წლის თავზე უნდა დავამთავროთ ბურჟუაზიის მემკვიდრეობით დატოვებული ბოროტება“.

1937, 1939, 1940 წელი, დაკვრით წელი იყო, მაგრამ არაფერი ეშველა ამ საქმეს და არც ეშველება მას ამ სისტემის დროს.

**ქართული მწერლობა**

მეტად გაუჭირდათ ჩვენი ნაციონალური სიამაყის — ქართული მწერლობის გასაბჭოება. ქართული მწერლობა თავიდანვე მტრულად შეხვდა საქართველოს დაპყრობის აქტს. ბოლშევიკები პირველხანებში „ითმენდნენ“ მათ თავისუფალ მემოქმედებას, მაგრამ ყველაფერს დასასრული აქვს და თავიანთი იერიშები აქაც მიიტანეს.

შეიქმნა ე. წ. პროლეტარული მწერლობა, რომლის იდეოლოგიათ მეტად უხიჭო ჟურნალი „ქურას“ გარშემო თავმოყრილი პროლეტარული მწერლები იყვნენ. სანდრო ეული, ნოე ზომლეთელი, რ. კალაძე, სამსონიძე, შინატეხელი, გ. ხეჩუაშვილი, შ. ნავთილელი, ამათ გამოეყო და საკუთარი უფრო „მემარცხენე“ ფრონტი შექმნეს „პროლეტარულმა“ ახალგაზრდობამ, რომელიც დაირაზმა გაზეთი „პროლეტარის“ გარშემო, ამ მიმართულების სულის ჩამდგმელი იყო მეტად მყვირალა ახალგაზრდა, პლატონ ქიქოძე, რომლის გარშემო თავი მოიყარეს კარლო კალაძემ, ფრიდონ ნაროუშვილმა, ე. ასტვაცატუროვმა, ალ. გომიაშვილმა. ალ. მაშაშვილმა და სხვ.

დაიწყო დაუსრულებელი დისპუტები, ეს ქუჩის ახალგაზრდობა ლიტერატურ კამათში ჩაება ჩვენი მწერლობის კორიფეებთან, შრომის სასახლის დიდ დაბრბაზში მწერალთა კონფერენციის ერთ ერთ სხდომაზე დეკლარაციით გამოვიდა პლატონ ქიქოძე, რომელმაც მოითხოვა ქართველი კლასიკოსების — ილიას, აკაკის, ვაჟას, ალ. ყაზბეგის, ნ. ლომაურის, ე. გაბაშვილის, ნ. ბარათაშვილის, გრ. ორბელიანის ნაწარმოებთა სანაგვე ყუთში გადაყრა. მან ქართულ პოეზიის სიამაყედ ქუჩის მოხეტიალე, მუდმივად ვალოთებული ფრიდონ ნაროუშვილი და კალეფეოდოსიშვილი აღიარა.

კარიერისტმა კალე ბობოხიძემ თბილისის მილიციელთა სალიტერატურო წრის შეკრებაზე განაცხადა, რომ ქართული პოეზიის წამყვანად მე და ჩემი ამხანაგები ვითვლებითო (გულისხმობდა ალბად კ. ფეოდოსიშვილს, ალ. მაშაშვილს, ფრ. ნაროუშვილს და მთელ რიგი სხვა უხიჭო პოეტებს, რომლითაც დამძიმებელი იყო ისედაც აშშორებული ატმოსფერო).

პლატონ ქიქოძის შემდეგ ამ „მყვირალა“ მიმართულებას სათავეში ბენიტო ბუაჩიძე ჩაუდგა, რომელსაც ერთ ერთმა უპარტიო ძველმა მწერალმა „ლიტერატურული ჩეკა“ უწოდა, მართლაც და ეს „ლიტერატურული“ გარეწარი პირნათლად ასრულებდა შინსახკომის დავალებას მწერალთა შორის, სანამ ბოლოს თვით შინსახკომელებმა არ შებოჰეს ეს ბოროტი სული, როგორც ტროცკისტი.

დიდხანს ებრძოდა ბოლშევიკები ქართულ მწერლობას და ბოლოს შესძლეს კიდევ მათი დაპყრობა, ესლა შეიქმნა ე. წ. „თანამგზავრთა მიმართულება“ ბოლოს მწერალთა ყრილობაზე საბოლოოდ ჩამოყალიბდა როგორც საბჭოთა

მწერლობა და დაუქვემდებარეს სრულიადსაკავშირო საბჭოთა მწერლობის ცენტრალურ კავშირს. ამის შემდეგ ქართული მწერლობა, როგორც თეატრი და უნივერსიტეტი სავსებით დაუმორჩილეს ცეკას კულტურობის განყოფილებას, რომლის იდეოლოგს ერთხანს წარმოადგენდა ვალია ბახტაძე, შემდეგ ვარდინ-მგელაძე და ბოლოს პ. შარია. ბახტაძესთან და მგელაძესთან კიდევ შეიძლება აღმოაჩინოთ ენის გამონახვა, შარიასთან ლაპარაკი მართლაც რომ შარი არის ამბობდნენ ჩვენი პოეტები.

ამის შემდეგ დაიწყო „შეკვეთები“ ყოფილი ერობის თავმჯდომარე ლეო ქიაჩელმა სახელი გაითქვა ახალი რომანი, მისი „გვადი ბიგვა“ აღიარებული იქნა საუკეთესო ნაწარმოებად და სტალინური პრემიაც კი არგუნეს, ერთხანს დევნილი შალვა დადიანი, რომელიც „აწამეს“ მისი მეტად ნიჭიერი რომანის „გიორგი რუსის“ გამო, ეხლა „თეთხუდით“ გამოვიდა; ამის შემდეგ იგი უფრო გაითქვიფა საბჭოთა სინამდვილეში და ეს სერიოზული მწერალი და დრამატურგი იმდენად „დახურდა“ რომ შეუღდა პიესა-პლაკატის გაკეთებას, რომლის საუკეთესო მაგალითს წარმოადგენს პიესა „ნაპერწყლიდან“ რომელიც აგებულია ლ. ბერიას მოხსენებიდან „ა-კავკასიის ბოლშევიკების ისტორიის შესახებ“. კონსტანტინე გამსახურდიამ მთელი რიგი ნაწარმოებით „მივიდა“ საბჭოთა სინამდვილესთან, რომლის მთავარ „დაგვირგვინებს“ წარმოადგენს მისი რომანი „ბელადი“.

ქართ. საბჭოთა მწერლობის იდეოლოგიით თუ არა ყოველ შემთხვევაში ერთ ერთი „ტრიბუნად“ ითვლება კარგად ცნობილი ბესო ჟღენტი, რომელსაც აქვს „უნარი“ თავისებური დაალი დაასოს ამათუიმ მწერალს და რომელიც არ დაგიდევს თუ რა შედეგი მოჰყვება მის „მჭერმეტყველებას“ საჯარო ტრიბუნიდან.

ჩვენმა ცნობილმა დრამატურგმა „ბერდო ზმანის“ და „უგვირგვინო მეფენის“ ავტორმა, ბევრი დუმილის შემდეგ რუსული პიესების გადაკეთებას შეუღდა და მართლაც ერისთავის შემდეგ პიესების გადაკეთების საქმეში სანდრო მანშიაშვილს ბადალი არა ჰყავს საქართველოში, მისი „ანზორი“ ორიგინალურ ნაწარმოებს უფრო შეადგენს; ამ უნიჭო პიესას სული ჩაუღდა ჩვენმა ნიჭიერმა დრამატურგმა.

ბოლშევიკებს ყოველთვის და ყველაფერში ჩვევით „ექსპერიმენტები“, და სწორედ ერთი ასეთი, ექსპერიმენტთაგანია ცეკას დადგენილება მწერლობაში ე. წ. მუშათა გაწვევის შესახებ ე. ი. მწერლობის გამშუშების შესახებ; ამ მიზნით ამა თუ იმ წარმოებას პირდაპირ ეწეოდნენ გეგმა, თუ რამდენი მუშა უნდა გაეწვია მას მწერლობაში, ამ ნიადაგზე შეიქმნა აუარებელი მუშათა ლიტერატურული წრეები, ამ მხრივ ყველაზე „ბედნიერება“ ზედა წილად გაზეთ „კომუნისტის“ სტამბას, აქ „წამოაყენეს“ დრამატურგად ვილაც მუშა იაშვილი, რომელმაც ჩვენს დრამატურგის „შესძინა“ პიესა „მოხუცი ენტუზიასტი“, საუბედუროდ ეს პიესა გადასცეს დასადგმელად მარჯანიშვილის თეატრს, ამ თეატრმაც „დიდი სიამოვნებით“ მიიღო ეს „ნაკოდვილარი“ ალბად იქნება ამით მაინც დაეხლო თავი ამ „ბურჟუაზიულ“ ხელოვანს. ხსენებული პიესა დაიდგა და ძლივს გაუძლო სცენას ერთი თვე. რუსთაველის თეატრი დიდხანს გასტანჯა ალიო მაშაშვილის „განგაშმა“ და პეტრე სამსონიძის „სალტემ“.

**თეატრი**

გასაბჭოების პირველ დღიდან ბოლშევიკებმა იერიში მიიტანეს ქართულ თეატრზე, 1922 წელს საქართველოს განათლების კომისარიატში დაისვა საკითხი „დროებით“ დაეხურათ ქართული აკადემიური დრამის თეატრი იმ მოტივით, რომ მას მაყურებელი არ გააჩნია, არა ჰყავს მსახიობთა საკმარისი კადრები, არა აქვს რეპერტუარი და სხვ.

ჩვენ, ვიცით, რომ ქართული თეატრი ჯერ კიდევ თვითმპყრობელობის დროიდან წარმოადგენდა ქართული კულ-

ტურისა და ქართული ენის ტრიბუნას. თეატრი ზრდიდა და აღვივებდა ჩვენს ერში ნაციონალურ სულს.

ამ ტრადიციისათვის მას არ უღალატნია არაოდეს, მიუხედავად საქ. გასაბჭოების შემდეგ.

ერთად ერთი ადამიანი, რომელმაც გაილაშქრა ქართული თეატრის დახურვის წინააღმდეგ იყო ჩვენი საამაყო ხელოვანი კოტე მარჯანიშვილი. ამ სასახელო ადამიანს და ქართველი ინტელიგენციის საუკეთესო წარმომადგენლებს უნდა უმაღლოდეთ რომ ქართული თეატრი გასაბჭოების პირველ დღეებში არ გადაიქცა ბოლშევიკური „ექსპერიმენტების“ ობიექტად.

როგორც ქართული უნივერსიტეტი ისე ქართული თეატრი სალკლდესავით იდგა ჩვენი ნაციონალური მეობის სადარაჯოზე.

კოტე მარჯანიშვილის მიერ მტკიცედ შეკრულ „დურჟულთა“ კორპორაციას მხარში ამოუღდა ჩვენი პოეზიის ერთ ერთი მწვერვალო გრიგოლ რობაქიძე, რომელსაც კოტე მარჯანიშვილმა „ქეშმარიტი ქურუმი მზისა“ უწოდა. ამ ორმა ადამიანმა ქართული თეატრი მაღალ მწვერვალზე აიყვანეს.

დიდხანს აწამეს საბჭოეთში ეს ორი ადამიანი. გრიგოლ რობაქიძე — ჩვენი პოეზიის თავისებურება და სიამაყე ქართველი ხალხის მტრად გამოაცხადეს.

კოტე მარჯანიშვილს კი „ბურჟუაზიული“ ხელოვნების „იარლიკი“ მიაკერეს და ყოველ მხრივ შეავიწროვეს ხელოვნების ეს ჯადოქარი. ბოლშევიკებმა თავიანთი ნაცადი ხერხი აქაც გამოიყენეს, მას აუმხედრეს მისი ნიჭიერი მოწაფე ალ. ახმეტელი, ფაფარ აყრილ „დურჟულს“ ლაგამი ამოსდევს, კოტე მარჯანიშვილი თეატრიდან წავიდა.

„გასაბჭოვდა“ ქართული თეატრი. ალ. ახმეტელმა პირნათლად შეასრულა პარტიის ცეკას კულტურობის შეკვეთები და ქართული აკადემიური დრამა „მემარცხენეობის გზაზე“ დააყენა. „განახლებული“ ქართული თეატრის სეზონი უნიჭო, რუსულიდან თარგმნილი პიესა „საქე მარცხნივ“ გაიხსნა.

ქართული თეატრის მშვენიერება „ლამარა“ „მალშტრემი“ და „ლონდა“ „ლალატი“ და „სამშობლო“. „პამლეტი“ და „კაიუს გრაქი“. ნაციონალისტურ-ბურჟუაზიულ პიესებზედ გამოაცხადეს და ქართული თეატრის რეპერტუარი შეაგეს „იდეოლოგიურად გამართლებული“ პიესებით, ამერიკელი ძია „დეზერტირკა“, კირშონის „ლიანდაგი გუგუტებს ქართაქალაქი“, „პური“, ლავრენიევის „რღვევა“, ნიკიტინის „ანათეთ ვარსკვლავნო“, პროტესტი, ოლევის „სამი ბღენძი“.

ქართული თეატრი გაშიშვლდა. ხალხი თეატრში არ დადიოდა; მაშინ ხელოსუფლებამ საქე შებარუნა, კვლავ მიმართეს კლასიკოსებს, მაგრამ ღიდი „ხორუგოიულ“ ოპერაციების შემდეგ იდგმებოდა მათი პიესები.

სიტყვა საქართველო ყველგან ამოშალეს და მის ნაცვლად ხმარობდნენ „სამშობლოს“.

მეტად ამალეღვებელი და დაუფიწყარი სცენა „ლალატიდან“ როცა ოთარბეგი გლახა ანანიას სიტყვების შემდეგ სპარსულ ჩაბმას თავიდან გადაიძრობს და პირჯვარის გამოსახვის საქართველოს ერთგულად აცხადებს თავის თავს, ეს აღგვილი ამოიღეს.

დიდხანს არც ალ. ახმეტელი შერჩა ქართულ თეატრს, იგი და მთელი რიგი ნიჭიერი მსახიობებისა თამარა წულუკიძე, ე. ლორთქიფანიძე, აბაშიძე, ია ქანთარია და სხვები სადღაც გააქრეს.

თბილისის სახელმწიფო ოპერის თეატრში დაიდგა არაყიშვილის ოპერა „თქმულება შოთა რუსთაველზე“. ქართველმა საზოგადოებამ გულთბილად მიიღო იგი, მაგრამ პრესამ ასტეხა განგაში. გაზეთ „კომუნისტის“ ფურცლებზე გამოვიდა სილია თოდრიას უნიჭო, ლანძღვით აღსავსე რეკენზია. მან აღნიშნა, რომ ოპერა მერის მეტად შოვეინისტური იყო. რაში გამოიხატებოდა ეს? აი რაში! სცენაზე თამარ მეფის გამოჩენას ქართული ჯარი ეროვნული დრო-





შებითა და „ქართველო, ხელი ხმალს იკარ“ — სიმღერით შეხვდა, ალბად თოდრიას სურდა წითელი დროშებითა და მარქსის სურათით შეხვედროდნენ მხედრები ქართველ მეფეს მე-12 საუკუნეში.

ამ გვარად თეატრალური ხელოვნება პარტიულ არტახებში მოაქციეს და კულტპროპის თანამშრომლებს დაუქვემდებარეს. დიდხანს „ხელმძღვანელობდა“ ქართული ხელოვნების საქმეს გარეწარი შურა დუღუჩავა, რომლის მოქმედებას შეეწირა ჩვენი საამაყო კოტე მარჯანიშვილი.

საქართველოში თეატრები სოკოსავით გამრავლდნენ, მაგრამ რეპერტუარის ერთგვარობა მოსაწყენი იყო.

საინტერესოა თეატრალური კრიტიკა საბჭოთა საქართველოში, ის როგორც ასეთი არ არსებობს. მაყურებელს ეშინია საკუთარი აზრი გამოსთქვას ამა თუ იმ დრამატიული ნაწარმოებისა თუ დადგმის გარშემო, ის ელოდება თუ რას იტყოდა პრესა ამის შესახებ. ხშირია შემთხვევა როცა რეცენზენტი არ დასწრებია წარმოდგენას და გაზეთის ფურცლებზე კი პიესისა და დადგმის შეფარებას იძლევა, მაგრამ ამაზე ქვევით.

**საბჭოთა პრესა**

საბჭოთა პრესას საგანგებო დღეც კი აქვს დათმობილი, 5 მაისი საბჭოთა პრესის დღეთ ითვლება. მართლაც საქართველოში აუარებელი გაზეთები გამოდის; არ არის რაიონი რომელსაც თავისი ორგანო არ გააჩნდეს, მაგრამ არც პრესაა დამოუკიდებელი ორგანო საბჭოთა საქართველოში. აქაც მტკიცედ არის გატარებული უკიდურესი ცენტრალიზმი.

წამყვანი გაზეთად საქართველოში ითვლება გაზეთი „კომუნისტი“ დიდი ფორმატის გაზეთი, რომელიც წარმოადგენს საქ. კ. პ. (ბ) ცეკას და უმაღლესი საბჭოს პრეზიდიუმის ორგანოს; თითქმის ეს გაზეთი უნდა ითვლებოდეს საბჭოთა საქართველოში პოლიტიკისა და ეკონომიკის გეზის მიმცემად, მაგრამ სინამდვილეში ასე როდია, მას არ შეუძლია მეთაური წერილი მიუძღვნას ამა თუ იმ პოლიტიკურ საკითხს, ამიტომ მეთაურად ქვეყნდება გაზეთი „პრავდის“ მეთაური წერილი უცვლელად.

კომკავშირულ ახალგაზრდობასაც გააჩნია საკუთარი ბეჭდვითი ორგანო, ეს არის, „ახალგაზრდა კომუნისტი“, ერთხანს საქართველოს პროფსაბჭოსაც ჰქონდა საკუთარი ორგანო გაზეთი „მუშა“.

გარდა პარტიული გაზეთებისა თბილისში გამოდის სახელოვნო-სალიტერატურო და იუმორისტული ჟურნალ-გაზეთები, მაგრამ ყველა ესენი დაქვემდებარებულია კულტპროპგანყოფილებასთან და წარმოადგენენ პარტიული და საბჭოთა პროპაგანდის ორგანოს. პრესის მუშაკთა უმრავლესობას არა აქვს ჟურნალისტიკის სკოლა გავლილი, თუმცა ბევრი მათგანი „ჟურნალისტიკის“ პრეტენზიით არიან გაუღწეული. მუშაკები შერჩეულნი არიან სათანადო პარტიულ და კომკავშირულ ორგანოებიდან, და ყველას როდი აქვს „ბედნიერება“ მუშაობდეს საბჭოთა პრესაში.

პრესის მუშაკთა „მოღვაწეობის“ საფუძვლად უდევს ყოველად უმზავსო „თეორია“. თუ მასალა შეიცავს სინამდვილის ხუთ პროცენტს, მამასადამე შეიძლება წერა. როგორც ჩვენი ცხოვრების სხვა დარგი პრესის მუშაობაც „ლაშქრულ და იერიშიანობის“ ხასიათს ატარებს. განსაკუთრებით პრესის მუშაკთა გამოჩენა სკოლებში, წარმოება-დაწესებულებებში თუ უნივერსიტეტში, კოლმეურნეობებში თუ საბჭოთა მეურნეობებში შიშს იწვევს, რადგან საბჭოთა პრესიდან შინსახკომის ჯურღმულეებამდე ცოტა მანძილია გასავლელი. ვი იმას ვინც „და-

მუშავებული“ იქნება პრესის ფურცლებზე, მისი საქმე გათავებულია. ტერმინი „დამუშავება“ ახალია, არ გეგონოთ რაიმე მეცნიერული საკითხის დამუშავება ხდებოდეს, არამედ „დამუშავება“ ეს არის განწირული პიროვნება, რომელიც გაიწერა გაზეთში. სხვათა შორის უმრავლეს შემთხვევაში ამათუიმ პირის გაზეთებში გაწერისას მრავალი კურიოზსა და დიდი უპასუხისმგებლობას აქვს ადგილი.

პრესის ზოგიერთი მუშაკი, „ფაქტებს“ შეუმოწმებლად სწერს, ხშირია შემთხვევა, როცა რეცენზენტი გაზეთში სწერს რეცენზიას ამათუიმ დადგმის გარშემო, როცა იგი წარმოდგენას არც დასწრებია, ასეთნაირად ხდება კინოსურათის შეფასებაც.

გაზეთი „კომუნისტის“ უნიჭო თანამშრომელმა შ. ჯიქიამ 1937 წლის აგვისტოს ნომერში გაზეთში გასწერა საშუალო სკოლის ერთერთი დირექტორი, შ. ჯიქიამ ალბად მიიღო „შეკვეთა“ და წილად ერგო ამ ადამიანის „დამუშავება“. არც აცივა, არც აცხელა შ. ჯიქიას და დასწერა, რომ იგივე პიროვნება იმავე დროს ითვლებოდა მოზრდილთა-საღამოს საშუალო სკოლის დირექტორადაც, წლის განმავლობაში არაფერს აკეთებდა და ხელფას, „არხეინად“ ლებულობდაო. სკოლის დირექტორმა მიმართა გაზეთი „კომუნისტის“ მთავარ რედაქტორს ერ. ბედიას, მას წარუდგინა განათლების ორგანოებიდან ცნობა, იმის შესახებ, რომ გაზეთში მოხსენებულ რაიონში არავითარი საღამოს მოზრდილთა სკოლა არ არსებობს და არ არსებული სკოლის დირექტორად იგი არასოდეს არ ყოფილა, მაგრამ ამით არაფერი გამოვიდა.

როდესაც 1938 წელს ზოგიერთი ინტელიგენტი გადაურჩა 1937 წლის საშინელებას „ეჭვოშინას“ იმავე შ. ჯიქიამ ფოტო-სურათი მოსთხოვა გაზეთში მოსათავსებლად იმ ადამიანს, რომელიც 1937 წელს საჯაროდ, დაუმსახურებლად „ამხილა“ გაზეთის ფურცლებზე. ამგვარი უპასუხისმგებლობას მრავალს ჰქონდა ადგილი.

მეტად აუტანელი იყო ე. წ. „გამსვლი“ რედაქციების მოსვლა ამათუიმ კოლმეურნეობებში თუ საბჭოთა მეურნეობებში. რამდენი პატიოსანი, მშრომელი ადამიანი მოუშორებიათ საკუთარი ოჯახიდან, რამდენი ადამიანისათვის აუშლიათ ისედაც დაწყვეტილი ნერვები საბჭოთა პრესის ამ „მჯღანელებს“. ზოგიერთი მათგანი ამა თუ იმ კოლმეურნეობის ავკარგიანობას პირადი გამოკრევის გარეშე, ტელეფონით მიღებული მასალაზე დაქრდნობილი ათავსებდა გაზეთის ფურცლებზე.

მუშაობის ყოველგვარი სურვილი ჩაუხშევს, ქართული ლიტერატურის მკვლევარს, საყვარელ პროფესორს მიხეილ ზანდუკელს, მას სრულიად დაუმსახურებლად პლაგიატობა დააბრალეს და გაზეთის ფურცლებზე „ამხილეს“. გაიყვამდე მიიყვანეს აგრეთვე პროფესორი ალ. წერეთელი.

მლიქვნელობა მთავარ საქმიანობად ჰქონდათ გადაქცეული, ამ მხრივ მოლოდინს „გადააჭარბა“, ქიათურის სარიონო გაზეთმა. მის ფურცლებზე ნახავდით ასეთ „შემოქმედებას“. ... ქალაქის თეატრში შეიკრიბა პარტიულ და კომკავშირული აქტივი, დღის წესრიგში იდგა რაიკომის მდივნის მოხსენება. ამის შემდეგ იწყება საბჭოთა პრესის მუშაკის მლიქვნელური სტილზე აგებული წერილი. რაიონის ხელმძღვანელის სცენაზე გამოჩენას აქტივი ხანგრძლივი ოცაციებით შეხვდა.. როცა რაიკომის მდივანი ტრიბუნასთან მივიდა ხელახლა იგრილა ტაშმა... აქტივი ხშირად ტაშის ცემით აწყვეტინებდა მომხსენებელს სიტყვას... მან ჩვეული მკერმეტყველებით და

კონკრეტული მასალებით მოუთხორო აქტივს და სხვ. სიტყვის დასასრულს აქტივმა ფეხზე აღდგომით და ხანგრძლივი ტაშისცემით გააცილა რაიონის საყვარელი ხელმძღვანელი...

პრესის იგივე მუშაკს თუ ხვალ „შეუკვეთდნენ“ ამავე რაიკომის მდივნის წინააღმდეგ, იგივე გაზეთის ფურცლებზე „საბრალმდებლო აქტით“ გამოვიდოდა.

**კამპანიები**

საბჭოეთი და კერძოდ საბჭოთა საქართველო დაუსრულებელი კამპანიების, კრებებისა და კონფერენციების ქვეყანაა; ამ მხრივ მას ბადალი არა ჰყავს მთელ მსოფლიოში.

მოსავლის აღებისა და პურის დამზადების კამპანია, მძრალად წვნის კამპანია, ვათოხვნის კამპანია, წერა-კითხვის სალიკვიდაცია კამპანია, ინდუსტრიული სესხის კამპანია — ეს უკანასკნელი კამპანია, მეტისმეტად მძიმე ტვირთად აწევს საბჭოთა საქართველოს მოსახლეობას. როგორც ეს ჩვევით ბოლშევიკებს, ხალხნათვის ამ საბჭოელო კამპანიის ჩატარებას წინ უსწრებს მათი ნაცადი „ინსცენირება“. ინდუსტრიული სესხის გამოშვებისას, წინასწარ „ახსნა-განმარტებით“ კამპანიას ჩაატარებენ პრესის ფურცლებზე, ბოლოს რომელიმე დიდი ქარხნის თუ ფაბრიკის მუშათა კოლექტივი „თხოვნით“ მიმართავს მთავრობას „როგორმე“ დასრულოს მათი სურვილი და გამოუშვას სესხი; მუშების ამ „თხოვნას“ მთავრობა სასწრაფოდ „შეიწყნარებს“ და უკვე ქალაქებში და სოფლად გამოკრულია პლაკატები და ლოზუნგები. იწყება მუშებსა და მოსამსახურეთა შორის სრული „ნებაყოფლობის“ საფლქველზე სესხზე ხელის მოწერის კამპანია და, როგორც მთელ რიგ სხვა კამპანიებს, ამასაც დაკვრითი წესით ამთავრებენ.

აუტანელია ამ სესხის გავრცელება ისედაც ნივთიერად შევიწროებული მოსახლეობისათვის. მაგალითისათვის მოვიყვანოთ საშუალო მოსამსახურის თვიური ბიუჯეტი:

შემოსავალი: (თვიური ხელფასი) 500 მანეთი.

გასავალი: (თვეში) 1. ინდ.სესხს 50 მან. 2. პროფკავშირის საწევრო 10 მან. 3. კულტ. და საშემოსავლო 25 მან. 4 „თავისუფალი“ შესატანი თვითმფრინავის თუ ტანკის ასაგებ ფონდში 10 მან. 5. თავისუფალ სახ. საწევრო 2 მან. სულ: 97 მანეთი.

ეს 97 მანეთი მოსამსახურემ სალაროში უნდა დასტოვოს თვიური ხელფასის მიღებისას; დანარჩენი თანხიდან ე. ი. 403 მანეთიდან უნდა გადაიხადოს ბინის ქირა, მეცხოვის, წყლის, ნავის გადასატანი; დაახლოებით თვეში 20 მანეთი და ხელზე რჩება მას 383 მანეთი. ამ დანარჩენი თანხიდან უნდა გამოკვებოს მან მთელი ოჯახი თვის განმავლობაში, იმ დროს როცა, მას არ შეუძლია სურათ-სანოვაგე შეიძინოს კოოპერატიულ ან სახელმწიფო ფასით და იძულებულია გავიდეს კერძო ბაზარზე.

ათი თვის განმავლობაში წელში წყდება ის; ვათავდა ათი თვე და როგორც იქნა „ამოისუნთქა“, მაგრამ ერთი თვის შემდეგ, ახლა რომელიმე მალაროს მუშების კოლექტივმა კვლავ „თხოვნით“ მიმართა ხელისუფლებას; „გვიშველეთ“, გამოუშვით სესხით. რა ქნას მთავრობამ, უწევს რა მუშების „თხოვნას“ ანგარიშს, როგორც „მუშურ-გლეხური“ მთავრობა „იძულებულია“ აწარმოოს კამპანია.

მეტად კუროზულია შემდეგი ამბავი; ვთქვათ დაგქირდათ ფული, ამ მიზნით შემნახველ-სალაროში მიგაქვთ გადასახურდავებლად თქვენი ობლიგაცია, ვთქვათ 100 მანეთის რაოდენობის. შემნახველი სალარო 100 მა-

ნეთის ნაცვლად იხდის 30 მანეთს. მუშის თუ მოსამსახურის ამაზე მეტი ექსპლოატაციას შეიძლება ჰქონდეს ადგილი, რომელიმე ქვეყანაში, როგორც ეს საბჭოეთშია?

კონფერენციებს და კრებებს ხომ დასასრული არა აქვს. ბელადი რაიმე საკითხის გამო იტყვის თუ არა ორიოდ სიტყვას, ამას მოჰყვება კრებები და დემონსტრაციები; არის ერთი დაუსრულებელი ტაშის ცემა.

პოლიტწრებმა, კონსტიტუციისა და საკ. კ. პ. (ბ) ისტორიის მოკლე კურსის შემსწავლელ წრეების მეცადინეობაზე დასწრებამ ხომ მთლად ბოლო მოუღო ისედაც მოღლილ და მოქანცულ ადამიანს. საკ. კ. პ. (ბ) ისტორიის მოკლე კურსის გამოშვება დიდი ზეიმებით და ტრიუმფებით აღინიშნა; რა არ დაერქვა ამ წიგნს: რომ ის არის თვით ბელადის „ბრძნული“ მონაწილეობის შედეგი, რომ ის მეცნიერული წიგნია, რომ იგი თვითველ პარტიულ თუ საბჭოთა მუშაკს უნდა ედოს ყოველთვის მოუშორებლად მაგიდაზე, რომ თვითველ მეცნიერს, ხელოვანს, პოეტსა თუ მუშას მხოლოდ ამ წიგნის სათანადო შესწავლის შემდეგ შეუძლია სავსებით დაეუფლოს თავის პროფესიას და ჰქონდეს სწორი ორიენტირება. მოკლედ ეს წიგნი წარმოადგენს მე-20 საუკუნის სახარებას და ყურანს; და ვაი იმას ვისაც არ ამლოაჩნდება იგი. ამიტომაც ნახავით შიშით დამფრთხარ საბჭოთა ადამიანის ოჯახში ამ წიგნის ქართულ-რუსულ გამოცემას, ყდაში და უყდოთ.

პირველ ხანებში როცა მოკლე კურსის მასალები იბეჭდებოდა გაზეთებში და ჯერ კიდევ არ ჰქონდათ „ბედნიერება“ მისი ხილვისა, კრებებზე სწარმოებდა ამ „მეცნიერული“, მასალის წაკითხვა, რომელსაც ერთ და იმავე დარბაზში ესწრებოდნენ პროფესორი და იატაკის მწმენდავი, მსახიობი და თეატრის დარაჯი, მასწავლებელი და პიონერი, ინჟინერი და მუშა, ბალეტის მოცეკვავე და მეჯინბე, ქართველი და სომეხი, რუსი და თათარი, მუშა და გლეხი, და ყველანი ერთად ზოგი მიძინარე, ზოგი მთქნარებით ისმენდა ამ მე-20 საუკუნის ყურანის აბღაუბდას. ბოლოს დაინახეს, რომ ეს „მეთოდი“ არ გამართლდა და შემოიღეს მისი ინდივიდუალური წესით შესწავლა, მაგრამ მეტად განსაცვიფრებელი იყო ის მდგომარეობა, რომ ყველას უჭირდა ამ წიგნის მე-4 თავის (ისტორიული თუ დიალექტიკური მატერიალიზმის) გაგება. როგორც ამბობდნენ ამ წიგნის მე-4 თავი დაწერილია თვით სტალინის მიერ და რატომ უნდა „ყველა უბრალო მომაკვდავს“ როდი შეეძლო მისი გაგება. პარტიული მლიქვნელები დათვურ სამსახურს უწევდნენ თავიანთ ბელადს, როცა ამბობდნენ, რომ ეს თავი ბელადის მიერ არის დაწერილი და მისი გაგება ყველას როდი შეუძლიაო. მართლაც რომ მეტად ძნელია ეს თავი ამ წიგნში, მართლაც რომ მეტად „თავისებურად“ არის განმარტებული ისტორიული მატერიალიზმი, რომლის გაგება ამ დარგის სპეციალისტსაც კი გაუჭირდება. ასეთია სურათი ამ დაუსრულებელი კამპანიებისა საბჭოთა საქართველოში.

**„ხ ა ლ ტ უ რ ა“**

როცა შევეცადეთ საბჭოთა საქართველოს სახის მოცემას, არ შეიძლება გვერდი აუაროთ ე. წ. „ხალტურის“ განმარტებას, რადგან იგი წარმოადგენს საბჭოთა სისტემის ერთ ერთ „თვალმარაგალიტს“.

სიტყვა „ხალტურას“ ვერ შეგვცდებით ვერც ერთ მეცნიერულ ნარკვევებში, არც ერთს ჩვენს მწერალს თუ საზოგადო მოღვაწეს არსად მოუხსენებია ის. იგი „ღვიძლი



შვილია“ მხოლოდ და მხოლოდ საბჭოთა სისტემისა, ამიტომ მოვიყვანეთ ის ამ წერილში.

რა არის „ხალტურა“ იკითხავს მკითხველი. ხალტურა არის გაფცქვენა ადამიანისა, მაგალითად თქვენ ცხოვრობთ რომელიმე რაიონში, რკინიგზის ხაზიდან რამოდენიმე ათეული კილომეტრით დაშორებული, სარეისო ავტომანქანაში ადგილის უქონლობის გამო, თქვენ შოფერს სამჯერ მეტი უნდა მისცეთ ფული.

ალეირასხნილ „ხალტურას“ აქვს ადგილი სასაბჭოთაო-ბში და სასტუმროებში. ვინც ხშირად ყოფილა მივლინებებში, განსაკუთრებით ცენტრალურ თუ საკურორტო ქალაქებში, სასტუმროში ბინის მოთხოვნის დროს, ყოველთვის გესმით ერთდღივივე ტრაფარეტული პასუხი „ადგილი არა გვაქვს“, მაგრამ თუ სასტუმროს მოსამსახურეს პასპორტს დაუტოვებთ და ეტყვიან „ცოტა ხანში შემოვივლი, იქნება ბინა განთავისუფლდესო“ მსახურისათვის ამის შემდეგ გასაგებია, რომ თქვენს მიერ დატოვებულ პასპორტში 10 ან 20 მანეთი ძეგს; ეს არის აგრეთვე „ხალტურა“.

თბილისში, განსაკუთრებით ზაფხულის პერიოდში ძალიან ეტანებიან მოეწყონ სამუშაოდ ლუდისა თუ გამაგრილებელი წყლის გასაყიდ კიოსკებში; აქ სამუშაოზე მოსაწყობად წინასწარ აძლევენ ფულს ან იხდიან ე. წ. „ასტუნოის“ ეს უნდა გავიგოთ ასე — ივანე რომელიც დღემდე მუშაობდა წყლის გამყიდველად, ეხლა სხვას (პეტრეს) უთმობს ადგილს, მაგრამ „ასტუნოის“ გადახდის შემდეგ ესეც „ხალტურის“ ერთერთი სახე გახლავთ. (ქრთამი კანონით აკრძალულია საბჭოეთში, ამ მდგომარეობას კი არ ვიცი რა უწოდოთ). ამ მომუშავეს თვიური ხელფასი რაღაც 200 მანეთამდე ძლივს აღწევს, მაგრამ ყველა ამკიოსისავე მისიწრაფის, რადგან აქ მას ელოდება ყოვლად სახატრელი „ხალტურა“.

არამც თუ მარტო კიოსკებში; ღვინის სარდაფებშიც ხომ „ხალტურა“ ბატონობს, გასაყიდ ღვინოს „უთაქებენ“ (ეს სიტყვა „უთაქებენ“ ღვინის სარდაფებში შექმნილი ტერმინი განხლავთ), წყალს და წყალნარევი კახური თუ სვირის ღვინო იყიდება „მამა სისხლად“; ამას საქართველოს კ. პ. (ბ) ცეკას ხელმძღვანელმა ლ. ბერიაშვილმა ცაქცია „ყურადღება“ და ერთს თავის მოხსენებაში აღნიშნა ქართული ღვინის ხარისხის გაუმჯობესების შესახებ მაგრამ „ხალტურის“ წინააღმდეგ, ქართველი ხალხის „საყვარელი შვილის“ სიტყვა უძლური აღმოჩნდა.

საუცხოვო „ხალტურა“ არიან სასაბჭოთაოში მომუშავე პირები, ხადაც განუკითხავად აძრობენ ადამიანს ტყავს. ამ საქმეში არ ჩამორჩებიან და პირდაპირ „რეკორდს“ ამყარებენ ე. წ. დამამხადებელი ორგანიზაციებებს (ტრანსტორგპიტი, კვების ტრესტი, პიშეპრომი და სხვ.) ავეტები. მათი ოჯახები საესეა „ნახალტურებით“. სიამაყის გრძობით მოგიყვებათ ხოლმე ეს „ხალტურჩიკი“ თავისი „გმირული“ მოღვაწეობაზე.

საუბედუროდ „ხალტურა“ შეიჭრა ისეთ სათუთ და საამაყო დარგშიც, როგორცაა მწერლობა, თეატრი, მუსიკა. აქ „გონებრივი ხალტურას“ აქვს ადგილი და ეს „ხალტურა“ მეტად აუტანელია. „ლიტერატურული ხალტურითა“ ცნობილი ეს გარემოება. „ხელში ვიღებ კალამს, რადგან დამკრა(?) მუხამ, თუ კარგს ხასიათზე ვიქნები, ორ ლექს შევთხზამ...“ („პოეტი“ გ. ხეჩუაშვილი).

„ერთი ორი, ერთი ორი, იყავ სწორი, მაღლა ასწი ჩვენი დროშა, ალისფერი, ცეცხლისფერი...“  
(მოეზის „ქურუმი“ სანდრო ეული).

და შემდეგ მთელი რიგი „ხალტურული“ რომანების „ვარდნილი“ (იაკინთე ლისაშვილის) „ლელი“ (ჭეიშვი-

ლის) „ოჯახი“ (თალაკვაძის) იუმორული „ნაწარმოები“ სილია თოდრიასი „დემიან ბედნის თქმა, სილია თოდრიას თარგმნა“ (ასეთი სათაურით გამოვიდა მისი „ნაწარმოი“). ანდა

„ვინ დაიარს დარიალს, ავდარიანს, დარიანს... (ალიო მაშაშვილი)

აქვე უნდა მოვიხსენიოთ პ. საყვარელიძის დიდ ტანიანი რომანები „დაფანტული ფურცლები“ და „ქვა და რკინა“, და მართლაც ქვისა და რკინის თავი უნდა ჰქონებოდა ადამიანს, რომ წაეკითხა ეს „ლიტერატურული“ ნაცოდვილარი.

„ხალტურული“ მეთაური წერილები საბჭოთა გაზეთებიდან „წიწბოს“ დამხადებაზე და „მძრალად ხენის“ საკითხებზე. „ხალტურული“ ჟურნალი, ჯერ „ტარტაროზი“ და შემდეგ „ნიანგი“, როგორ იტანჯებოდა ქართველი მკითხველი როცა „ნიშადურისა“ და „ემმაკის მათრახის“ შემდეგ ასეთ „ხალტურას“ შეაჩეჩებდნენ ხელში.

საუბედუროდ უნივერსიტეტშიაც კი შეიჭრა ეს „ხალტურა“. ზოგიერთი სტუდენტი, რომელიც წლის განმავლობაში არაფერს აკეთებდა, გამოცდების დროს „მოეცლინებოდა“ უნივერსიტეტს, აქ გამოქუშავდა ტერმინი „გაძრომა“. ესეც ხალტურაა, მხოლოდ უნივერსიტეტის კედლებში „გაკეთილშობილებული“.

შიში

ისტორიამ მრავალი მაგალითები იცის პიროვნების გაბატონებისა, დიქტატურას შორეულ წარსულშიაც ჰქონდა ადგილი, მაგრამ თანამდებობის პირისადმი უსიტყვოდ დამორჩილებას, როგორც ეს საბჭოეთშია და კერძოდ საქართველოში, არც ერთ ქვეყანაში არ ყოფილა.

მარქსიზმი თითქოს უარყოფს პიროვნების როლს ისტორიაში, მას ისტორიის მთავარ მამოძრავებელ ძალად მიაჩნია მასა, პიროვნება კი ამ მასის მიერ შექმნილია და მისი ნებისყოფის მატარებელი უნდა იყოს, მაგრამ საბჭოეთში ასე არ არის, ალბად ეს უნდა იყოს შედეგი იმ „შემოქმედებითი“ მარქსიზმისა, რომელსაც თავისი, „თეორიული“ დასაბუთება უპოვა სტალინმა.

თავისუფალი აზროვნება, თავისუფალი შემოქმედება საბჭოთა საქართველოში არ არსებობს, პოეზია თუ მწერლობა, თეატრი თუ მუსიკა, მეცნიერება თუ ფილოსოფია, ყოველივე ეს ემორჩილება დიქტატურის ნებისყოფას; ადამიანი გადაქცეულია უსიტყვო მანქანად და ყველაფერს აკეთებს არა შეგნებით, არამედ შიშით.

ეშინია მას დაწესებულებაში, იგი ცახცახებს უფროსის წინაშე, თუ პარტიის ცეკაში ამა თუ იმ პასუხისმგებელ პარტიულ მუშაკს გამოიმახებენ, იგი მაშინ დიდ სულიერ ღელვას განიცდის შიშის გამო, მით უმეტეს, შინსახკომის ორგანოებში ამ ადამიანს ქუდი, რომ შეუგდო გამოსატანად არ გაეკარება მას.

არის შემთხვევა როცა პარტიისა თუ კომკავშირის ორგანოებში მთელ რიგ ბრალდებებს უყენებენ მას, რომლის მონაწილე იგი არასოდეს არ ყოფილა, მაგრამ ყოვლად შემძლე შიშის გამო, ის ბოლოს და ბოლოს „დეკლარაციითაც“ კი გამოდის; „ბოლშევიკურად“ ახშელს თავის თავს ეს უდანაშაულო ადამიანი.

ხშირად ნახავდით საბჭოთა პრესის ფურცლებზე, განსაკუთრებით 1924 წლის ავგისტოს დიდი სახალხო აჯანყების ჩაქრობის შემდეგ ზოგიერთ პოლიტიკური მომუშავეს განცხადებას, რომ ის ეკუთვნოდა ამათუიმ პოლი-

ტიკურ პარტიას მთელი 10—15 წლის განმავლობაში, მაგრამ ეს დაარწმუნდა(?) რომ მისი იდეოლოგია აცდა სწორ გზას და ამიტომ იგი ყოველგვარ კავშირს წყვეტს თავის პარტიასთან, როგორც კონტრ-რევოლუციონურ ორგანიზაციასთან და დღეიდან სრული შეგნებით (თუ შიშით? ხაზგასმული ავტორისაა) დგება საბჭოთა პლატფორმაზე და სხვ. ასეთი „პლატფორმებზე“ ჩამოხტომის შედეგები მრავალმა პოლიტიკურმა მოღვაწემ „იწვინა“ თავის ზურგზე საბჭოთა საქართველოში.

შიშმა შექმნა ერთმანეთისადმი უნდობლობა; გაუტანლობა, უპატივცემლობა, დაბეზღება. თუ ორი მეგობარი შემთხვევით ბაასობდნენ ამა თუ იმ საკითხზე ანდა განსაკუთრებით აკრიტიკებდნენ საბჭოთა ხელისუფლების პოლიტიკას კერძო საუბრის დროს, ეს მეგობრები, იმდენად შეპყრობილი არიან შიშით, რომ ერთმეორეს ასწრებდნენ დაბეზღებაში პარტიულ თუ საბჭოთა ორგანოების წინაშე.

ყოველად შემძლე შიშს ჰქონდა ადგილი თვით ოჯახშიც, ოჯახის უფროსს ეშინოდა თავის მიუღწეულსა და საუბრისა ამათუიმ პოლიტიკურ თემაზე. შემდეგ როდესაც კომუნისტურმა პარტიამ გადმოისროლა ლოზუნგი სიფხიზლის შესახებ, შიშმა უფრო შეიპყრო საბჭოთა ადამიანი. თავისუფლად არ შეგეძლო მსჯელობა არამც თუ პოლიტიკურ საკითხებზე, არამედ როდი შეგეძლო გესაუბრა მეგობართან თუ გინდათ თეატრალურ დადგმაზე, სანამ ოფიციალური რეცენზენტი არ იტყოდა თავისი „აზრს“ პრესის ფურცლებზე, რა თქმა უნდა ამის შემდეგ შეიძლებოდა ბაასი, პრესაში მოცემული შეფასების ჩარჩოში.

თუ დაგავალბდნენ ან გენდობდნენ მოხსენების ან ლექციის წაკითხვას, რა თქმა უნდა, წინასწარ უნდა შეგეთანხმებინა იგი პარტიულ ორგანოსთან, რის შემდეგ შენი მოხსენებიდან არაფერი დარჩებოდა, მოხსენება უნდა დაგეწყო უსათუოდ სტალინის ბრძნული პოლიტიკის აღნიშვნით და უნდა დაგემთავრებია მისი პიროვნების შექებით. მთელი ლექციის თუ მოხსენების ყოველ მეოთხე სტრიქონზე უნდა გეხსენებია ბელადი, თორემ მოხსენება იდეოლოგიურად მოუღებელი აღმოჩნდებოდა.

შიშს მიჰყავდა ეს უამრავი მასა საერთო კრებებზე, მიტინგებზე, შიშით მიდიოდა ეს უამრავი მანქანა — ადამიანი დემონსტრაციაზე, შიშით ჩაუვლიდა ის მთავრობის ტრიბუნას, შიშის გამო შესძახებდა იგი საბჭოთა ლოზუნგებს, შიშით უკრავდა იგი ტაშს ამათუიმ პიროვნებას მოხსენებისა თუ სიტყვის წარმოთქმის დროს.

შიში ოჯახში, შიში დაწესებულებაში, პარტიულ ორგანოებში, შიში მიტინგზე, საერთო შეკრებაზე, შიში გარეთ, შიში მეგობრებთან საუბრის დროს „ვაი თუ რაზე არ წამომცდესო“. შიში ყველგან და ყოველთვის, ამის შემდეგ გასაგებია, თუ როგორ ცხოვრობდა და მოღვა-

წობდა საბჭოთა ადამიანი, როგორ შექმნეს მისგან „შანქანა-ადამიანი“.

არ მახსოვს კარგად, მგონი ამერიკის მუშათა დელეგაციას ჰქონდა საუბარი სტალინთან საბჭოთა სისტემის შესახებ; მუშათა დელეგაციამ მას დაუყენა საკითხად, თუ რა ძალაა ის, რომელსაც ეს ზღვა ადამიანები (იგულისხმება საბჭოთა ადამიანები) მიჰყავს საერთო კრებებზე, კონფერენციებზე, მიტინგებზე, დემონსტრაციებზე. შიში ხომ არ არის ის ძალა, რომელიც ასეთი ინერციით მოჰყავს ეს მასა მოძრაობაში და სხვა... (ბოდიშს ვიხდი ამერიკელ მუშათა დელეგაციის წინაშე, თუ მისი საუბრის შინაარსი მასალების უქონლობის გამო შეიძლება დავამახინჯე).

შიშის გამოა სწორედ ის რომ ზოგიერთი საბჭოთა ადამიანი მოკლებულია პირდაპირობას, ეშინია დაბატირების, და აკეთებს ყველაფერს ოღონდ გადაარჩეს, ოღონდ გაიტანოს თავი. უფრო პატივმოყვარენი და კარიერისტები ეწევიან მლიქვნელობას, ისინი საცხებით უსიტყვოდ ემორჩილებიან მათ. ესენი უფრო ახლოს არიან მმართველ პარტიასთან, ისინი ერთმანეთს ავსებენ და როცა საჭირო იქნება პარტია მათ „იყენებს“ ამა თუ იმ პიროვნების წინააღმდეგ „მისასევად“.

ზოგიერთი მათგანი მლიქვნელია და ამავე დროს თვით მეგობრობაშიც გაუტანელია იგი, მასში არ არის მეგობრობის ეთიკა; რადგან იგი ყველაფერს „ანგარიშით“ აკეთებს. მას არა აქვს საკუთარი აზრი და შეუძლია აკეთოს მხოლოდ ის რასაც ეუბნებიან, ამიტომაც იგი მშობარა, არა პირდაპირი, დამცინავი, ნერვიული, უხეში პასუხის მოძიებში, ინტრიგანი, გაუტანელი, გამძვილია, სხვისი ნებასურვილის უსიტყვო ამსრულებელი.

21 წლის განმავლობაში ბოლშევიკებმა მოახერხეს აღრევა შეეტანათ ქართულ რაიონულ სულოში; თუ საცხებით ვერ შესძლეს მისი დანგრევა, ნაწილობრივ მაინც გაბზარეს ქართული სულის, ზნეობისა და მორალის კედელი. გასაბჭოების შუა წლებში საქართველოდან გააძევეს ჩვენი ქვეყნის საუკეთესო ადამიანები, ბევრი მათგანი პოლიტიკური მოსაზრებით საზღვარგარეთ მოყვა, შინდარჩენილები ზოგი დანვრიტეს, ზოგიც შორეულ ციმბირში სამუდამოდ გადაასახლეს, ვინც შინ დარჩა და ბრძოლაში დაიღალა, თუ ბრძოლას თავი დაანება, მონური დამორჩილების გზას დაადგა, რასაკვირველია დროებით, რადგან საქართველო შეიძლება დაიპყრო, მაგრამ ვერ დაიმონებ მას, როგორც ეს განაცხადა ერთხელ ერთმა ევროპეელმა პროფესორმა.

ასეთია შედეგი საბჭოთა სისტემისა, რომლის შესწავლა მოითხოვს მომავალ მკვლევარს, მე შეეძლია მოგონებების საშუალებით, მომეცა საბჭოთა საქართველოს სახე; ეს ძალიან მცირეა, ეს არის მხოლოდ საკითხის დაყენება. მომავალ მკვლევარს ელოდება იგი.

ინვო. ლაშაუჩი. =  
სუჟუხიძე



# ბოლშევიზმის ძირები და მისი გაბატონება რუსეთში

მთელი დედამიწის ზურგზე ბოლშევიზმმა მხოლოდ რუსეთში მოიკიდა ფეხი. თუმცა მრავალი იყო ცდა სხვა ქვეყნებშიც შეეტანათ ეს ახალი „მოძღვრება“, სარგებლობდნენ რა მათში შექმნილი ხელ-საყრელი მდგომარეობით, მაგრამ იგი ყოველთვის დამარცხებით მთავრდებოდა, მიუხედავად იმისა, რომ რუსეთში გამარჯვებული ბოლშევიზმი ყოველ-მხრივ ეხმარებოდა მის წარმატებას, როგორც იდეურ-მატერიალურად, აგრეთვე ცოცხალი ძალით. ევროპაში ზედი-ზედ სცადეს მოეხდინათ ამგვარივე ექსპერიმენტები, პირველი მსოფლიო ომის გათავებისთანავე, განსაკუთრებით დამარცხებულ ქვეყნებში: ავსტრიაში, უნგრეთში, სადაც საკმარისი იყო ბელა-კუნის მცირე დროის ბატონობა, რომ სისხლის ტბები დაეყენებინათ. ასეთივე ცდა მოხდა ბავარიაში. ბოლოს მოხდა „სპარტაკელების“ გამოსვლა გერმანიაში, სადაც თითქო ნიადაგი მზად იყო „პროლეტარიატის დიქტატურის“ დასამყარებლად, რადგან გერმანიაში ამ დროს ოთხი წლის ომის შემდეგ მძიმე საზავო პირობების გამო, მდგომარეობა მართლაც აუტანელი შეიქმნა. თუ მარქსიზმს ოდესმე გამარჯვება ბედად ეწერა, — ეს გამარჯვება სწორედ ამ დროს და აქ უნდა მომხდარიყო, რადგან ქვეყნის უმრავლესობას გაპროლეტარული ნაწილი წარმოადგენდა და მეორე მხრივ, გერმანია მარქსიზმის სამშობლო იყო სადაც ჩაეყარა საძირკველი ამ იდეოლოგიას, რომელიც აღიარებდა, რომ მხოლოდ აქ იყო მოცემული „ობიექტური“ და „სუბიექტური“ პირობები სოციალისტური რევოლუციისათვის და არა ეკონომიურად ჩამორჩენილ რუსეთში. მიუხედავად ამისა, ვერც ძალმომრეობითი — აჯანყების საშუალებით ვერც დემოკრატიული — არჩევნების გზით ბოლშევიზმ-მარქსიზმი გერმანიაში ვერ გაბატონდა. გერმანიის ხალხმა იგი არ მიიღო.

ასეთი ხელსაყრელი პირობები ბოლშევიზმის გამარჯვებისათვის ევროპის გამარჯვებულ ქვეყნებში ვარდა იტალიისა, არ არსებობდა, ომისაგან ვალტაკებულ ამ ქვეყანას, თავისი მოკავშირეებისაგან მოტყუებულს, ბოლშევიზმის სენი საგრძობლად მოედო, ანარქიამ ქვეყანა თითქმის მთლად მოიკლა. ნიტის დემოკრატიული ლიბერალური რეჟიმი სრულიად მოუშანდებელი და უსუსური გამოდგა მის წინააღმდეგ ბრძოლაში, ვიდრე სახელმწიფოს მაგარი ხელი არ მოევიდნა მუსოლინის სახით, რომელმაც ქვეყანა გადაარჩინა.

ევროპაში დამარცხებულმა ბოლშევიზმმა თავისი მოქმედების სარბიელი ახლა აზიაში გადაიტანა. ჩინეთი, მონღოლეთი, ახლო აღმოსავლეთის ქვეყნები, თვით იაპონიაც კი ვახდნენ ასპარეზად მათი დაუბოლავებელი ცდებთან. რა საშუალებებს არ მიმართეს, რა სამოსელით არ სცადეს ამ, თითქოს ჩამორჩენილ ხალხთა, კომუნისტურ ქსელში გაბმა, რუსეთის გატყავებულ ხალხთა რაცსურსები არ შეეწირა მათ განძრახვებს, მაგრამ ყველაფერი ეს ამოცანა გამოდგა. არც ერთმა ერმა ახალი „მესია“ არ იცნო, არ მიიღო. აზიის ხალხთა ორგანიზმიც კი იმშუნე აღმოჩნდა ბოლშევიზმის ბაცილის წინააღმდეგ. არსად, რუსეთის გარეშე, არ ვახდა ბოლშევიზმი მიმზიდველი ძალად, თვით ყოფილი ცარიზმის რუსეთის მრავალმა ხალხმაც კი იგი უარჰყო. პირველად გაემიჯნენ მას და კარანტინი გაავლეს საზღვარს ფინეთმა და ბალტიის სახელმწიფოებმა (ლიტვამ, ლატვიამ, და ესტონეთმა). თვით უკრაინის და ყაზახთა ქვეყნების — ყუბანის, თერგის, დონის ხალხებმაც ეს სენი ვერ მოეკარა. კავკასიის ხალხებზე ხომ ზედმეტია ლაპარაკი, მით უმეტეს საქართველოზე, რომლის ბუნება ძირ-ბუდებიანდ ეწინააღმდეგება იმას, რასაც ეწოდება ბოლშევიზმი. დარჩა ბოლშევიზმის საბრძანებლად საკუთრივ წმინდა რუსეთი — ველიკოროსია — თავისი ცენტრებით მოსკოვით და პეტერბურგით.

საგულისხმოა ამავე დროს, რომ ეს ძირი რუსეთისა, ბოლშევიზმის მიერ მარტო ძალმომრეობით კი არ იყო ხელში ჩაგდებული, არამედ იდეური იარაღით. ყველაფერიდან სჩანდა, რომ ველიკოროსიამ მიიღო იგი და შეისისხლხორცა. ეს ნათლად სჩანს სრულიად რუსეთის დამფუძნებელი კრების საყოველთაო არჩევნებიდან, რომელიც ბოლშევიზმის გაბატონების ორი თვის შემდეგ მოხდა და სადაც არჩეულ დეპუტატთა რიცხვის ერთი მესამედი ბოლშევიკები იყვნენ. ისინი უმთავრესად არჩეული იყვნენ თვით საკუთრივ — წმინდა რუსულ მოსახლეობის მიერ — მოსკოვის, პეტერბურგის, სამარის, სარატოვის, კოსტრომისა და სხვა ველიკორუსული ოლქებიდან. ამიტომ ბოლშევიზმს, მისი გაბატონების პირველ პერიოდში მაინც ერთნაირი გამართლება ჰქონდა. სამაგიეროდ ის საშინელი ძალმომრეობად ვახდა დანარჩენ მოსახლეობის მიმართ და ამიტომ იყო, რომ ის ამ ხალხებმა მოძალადეთ აღიარეს. მაგრამ ეს ხალხები ცალ-ცალკე დამარცხდნენ ბოლშევიზმთან იარაღით შეტაკებაში. ამის მიზეზი ერთის მხრით, ამ ქვეყნების გეოგრაფიულ მდგომარეობაში უნდა ვეძიოთ. არა რუსი ერები დიდათ დაშორებულნი იყვნენ ერთი მეორისაგან, ერთმანეთის შველა, საერთო ორგანიზაციის შექმნა შეუძლებელი ვახდა და, რაც მთავარია, აქ უდიდესი როლი ითამაშა ცარიზმის მზაკრულმა პოლიტიკამ, რომელმაც განაპირა ქვეყნების სრულიად უიარაღოთ დასტოვა, და თავის დროზე გარკვეული მოსაზრებითვე არავითარი სამხედრო ინდუსტრია არ შექმნა. აი, სად უნდა ვეძიოთ ჩვენ უმთავრესი მიზეზი ამ ხალხთა დამარცხებისა ბოლშევიკურ ძალებთან ბრძოლაში და კერძოთ საქართველოს დამარცხებაც. ძველმა რუსეთის მმართველობამ სრულიად შეგნებით და განძრახ მოუყარა თავი იარაღის ქარხნებს მხოლოდ ცენტრებში, უმთავრესად მოსკოვის და პეტერბურგის გუბერნიებში და ეს გარემოება საუკეთესოდ გამოადგათ ამ ცენტრებში გაბატონებულ ბოლშევიკებს. ამ რიგათ ჩვენ ვხედავთ ზემო-ნათქვამიდან, რომ ბოლშევიზმი წმინდა მოვლენაა. ის წარმოიშვა წმინდა რუსეთში, იქ გაბატონდა იგი და შემდეგში შესძლო მან დამორჩილება ძველი რუსეთის სხვა არა რუსული ნაწილებისა სრულიად ვასაგებ მიზეზთა გამო.

ისმება ბუნებრივად საკითხი — შემთხვევითი მოვლენაა ეს, თუ მას რაიმე საფუძვლის უდევს? რაა მიზეზი, სად უნდა ვეძიოთ იმის ახსნა, რომ რუსის ხალხი მთელ მსოფლიოში განცალკავებული სდგას? ამ ამოცანის ასახსნელად უნდა მივმართოთ თვით რუსის ხალხის განვითარების თავისებურობას, მის ისტორიას, მის ფსიქიკას და ბოლოს მის ლიტერატურას, რომელშიც, როგორც სარკეში გამოიხატა მისი თავისებური განვითარება.

### 1.

რუსეთის ისტორიის წყაროები გადმოგვცემენ, რომ მეცხრე საუკუნის მეორე ნახევარშიც კი, მძიმე შინაური არეუ-დარევეთ და უწყესობით გაწვალებული პატარა სამთავროები იძულებულნი ვახდნენ უცხო ძალისათვის მიემართათ, რათა მათ ქვეყანაში წესრიგი და კანონიერება დაემყარებინათ. შვეციის ვარიგათა მთავარ რიურითან მისული რუსის მთავრები სთხოვეს მას მობრძანდეს და მოუაროს მათ, რადგან, „ჩვენნი ქვეყანა დიდია და გულ-უხვი, მაგრამ არავითარი წესი არ არის იქ“. მოკლედ, რუსეთის სამფლობელობის წესრიგის დამყარება შინაური ძალებით დასაწყისდანვე შეუძლებელი შეიქნა, ასე ვაგრძელდა დიდხანს ჩვენს დრომდე და ასევე ბატონობს იქ უცხო ძალა დღესაც.

ვიდრე კიევის სამეფო დაემხოზოდა, მდინარე ოკას მიდამოებში დაარსდა ვლადიმერის სამეფო. თვით მოსკოვი

აშენებული იქნა მე-12 საუკუნის დასასრულს, როგორც სამეფოს დასავლეთის საზღვრის ციხე-სიმაგრე. მონღოლთა შემოსევის დროს რუსეთის მთავრებმა თავიანთი რეზიდენცია მოსკოვში გადაიტანეს, სადაც მონღოლთა დიდი ხანის მოადგილეთ და მისი ბრძანებების აღმასრულებლად ითვლებოდნენ. მონღოლთა ვაბატონებით დაირღვა ის კულტურული გავლენა, რომელიც რუსეთში ევროპიდან მოდიოდა. ამ ბატონობამ რუსეთის ხალხს თავისი წაუშლელი დალი დასავა. რუსულმა ელემენტმა მონღოლებისაგან შეითვისა არა მარტო კარგი თვისებები — რაინდობა, ორგანიზაციული ნიჭი, არამედ ბევრი უარყოფითი მხარეებიც: ბედისდამი მორჩილება, ფლიდობა, მოტყუება. გაუტანლობა, სიმხეცე. ერთი გერმანელი მწერალი ამბობს, რომ თვით ის ხერხი და საქციელი, რომლითაც რუსის მთავრები „ოქროს ორდას“ წინაშე დაწინაურებას ცდილობდნენ და მათგან წყალობას იღებდნენ, ისე დამამცირებელი იყო ადამიანური ღირსებისათვის, რომ ევროპის მეზობელ ხალხებში ზიზღს და სირცხვილს იწვევდა. ამნაირი დამამცირებელი საქციელით მიაღწია იოანე მრისხანემ მეთექვსმეტე საუკუნის დასასრულს რუსეთის პირველი მთავრობას. მისი სამეფო იყო ნამდვილი აზიური დესპოტიური შერობა ყველა თავისი უარყოფითი თვისებებით. იოანე მრისხანეს ხანას რუსეთის ისტორიაში მოჰყვა ცნობილი, ეგრეთ წოდებული „აღრევის ხანა“, რომელმაც რუსის ხალხის თვისებების ჩამოყალიბებაზე ზედ-მეტად უარყოფითად იმოქმედა. ერთის სიტყვით, რუსის ხალხში მრავალი მონღოლური ელემენტი შეზავებულია სლავიანურ მოდემის ნეგატიური თვისებებთან. თვით მაქსიმ გორკი ერთ თავის ნაწერში ამბობს: „რუსის თავის ქალა, რომ გადაფხიკოთ „ბასურმანი“ დარჩება“. ამ ისტორიულ ფაქტორს ისიც უნდა დავუმატოთ, რომ რუსებმა ქრისტიანობა ძალიან დაგვიანებით მიიღეს — შეათე საუკუნეში. მან ვერ მოასწრო ღრმად გამჯდარიყო რუსის ბუნებაში მონღოლთა რამოდენიმე საუკუნის ბატონობის გამო, და ვერ შეასრულა ის უდიდესი ჰუმანიური როლი, რაც მან ხალხთა ზნე-ჩვეულებების გარკვეულ მორალურ წარმოდგენების ჩამოყალიბებაში ითამაშა. ქართველმა ხალხმა კი ქრისტიანობა მეოთხე საუკუნის პირველ ნახევარში — ე. ი. ექვსი საუკუნით ადრე მიიღო და კათალიკოს კირიონის მტკიცებით რუსთა გაქრისტიანებაში მას დიდი ღვაწლი მიუძღვის.

რომანოვების დინასტია, რომელიც 1613 წელს გამეფდა, ხოლო უმთავრესად პეტრე დიდი, ცდილობს ევროპიული რეფორმების გატარებას ცხოვრებაში, მაგრამ ისიც იძულებულია აზიური, დესპოტიური მეთოდების საშუალებით განახორციელოს ქვეყნისათვის ასე საქირო რეფორმები. რუსის ბუნება სამინელო წინააღმდეგობას უწევს გავერობილებას. პეტრე დიდის აზრით, სანკტ-პეტერბურგის აშენება სიმბოლიური უნდა გამხდარიყო რუსთა სამეფოს გავერობილებისა. საინტერესოა, რომ პეტრე დიდი სხვა ქალაქებსაც და პალატებსაც გერმანულ სახელებს არქმევს ორანიენბაუმ, პეტერჰოფ, შლუსელბურგ. ის ხელს უწყობს გერმანული ელემენტის ჩათვლას რუსეთში, ამას აგრძელებენ მისი მემკვიდრეებიც, მაგრამ ამაოდ. პეტრე დიდი იყო უდიდესი რეფორმატორი, მაგრამ მისმა ნამოღვაწარმა ვერ შესძლო რუსის ხალხის მონღოლურ-სლავიანურ შინაგან ბუნებაში შეჭრა. ამიტომ უცხოელი, რომელიც სანკტ-პეტერბურგში მგზავრად გაივლიდა და ფიქრობდ, რომ ის რუსეთს უკვე იცნობს, შემცდარი იყო, ვინაიდან ნამდვილ რუსისათვის პეტერბურგი ყოველთვის უცხო იყო. სწორედ ამიტომ მალე, ოქტომბრის გადატრიალების შემდეგ, რუსეთის სატანტო ქალაქად ისევ მოსკოვი გამოცხადდა და პეტერბურგს ლენინგრადი დაერქვა. მივაქციოთ ყურადღება, მოსკოვი ლენინისათვის სატანტო ქალაქის მოსკოვში გადატანით რუსეთი დაუბრუნდა აზიას, მონღოლთა ხანას, მხოლოდ ახალ საპოსელში — სოციალისტური ფრაზეოლოგიით.

ცარიზმის რუსეთი მხოლოდ გარეგნულად იყო ევროპიული სამეფო. შინაგანი რღვევა იქ თავისი გზით მიდიოდა. როდესაც პეტრე დიდი თავის შვილს ახრჩობს და ამით იოანე მრისხანეს საქციელს იმეორებს, როცა იმპერატორი პავლე თავისი ჯარისკაცებს „აროზგინებს“ და ხერეტავს, როცა ალექსანდრე პირველი მამის მკვლელობაში იღებს მონაწილეობას, ხოლო პეტრე დიდის ყველა მემკვიდრეები საწამლავეთ არიან მოშორებულნი ტახტს — აქ მონღოლური მეთოდები არიან მოქმედებაში.

კაპიტალიზმის შეჭრა რუსეთის ცხოვრებაში მთლად არღვევს ამ აზიურ შენობას. ალექსანდრე მეორე, რომელიც ევროპულ რეფორმების შემოტანას ჰპედავს, გლენებს ანთავისუფლებს ბატონყმობისაგან, შედარებით სამოქალაქო თავისუფლების მინიჭებას ჰფიქრობს თავისი ქვეშევრდომებისათვის, უმაღლური ხალხისგან მოკლულ — იქნა. მოწინავე მმართველი წრე განიცდის დეგენერაციას და კონსტრუქტიულ შემომქედებისათვის აღარ ვარგა. პირველი მსოფლიო ომი უღებს კარებს ევროპიულ ჯებირებს და მონღოლურ-ბოლშევიკური ტალღები ჰფარავენ მთელ უშველებელ ქვეყანას. დგება იოანე მრისხანეს ხანა, მონღოლური ტრადიცია იმარჯვებს ევროპულზე და ის რაც რუსეთის ხალხს კიდევ დარჩენია კარგი, სალი, იგი ბოლშევიკური სისასტიკით, გაუფიქრარი საღიზმით ითრგუნება. რუსი-ადამიანი ხდება უბრალო მასალად, რომლისგანაც ახალი რეჟიმი ჰქმნის ადამიანს — მანქანას.

2.

რუსეთის ხალხის ეს თავისებური განვითარება და მდგომარეობა, მისი ფსიქურ-სულიერი ჩამოყალიბება, საუკეთესოდ გამოხატა რუსულმა ლიტერატურამ, როგორც მხატვრულ-ბელეტრისტულ-პუბლიცისტურმა, ისე პოლიტიკურმა. იგი ნამდვილი სარკეა რუსეთის ცხოვრების, რუსი ადამიანის შინაგანი არსის. ამ მხრივ განსაკუთრებით საინტერესოა ორი დიდი მწერალი დოსტოევსკი და მაქსიმ გორკი, რომელთა ნაწარმოებში გასაოცარი პირდაპირობით, ახდილობით, დაუნდობლობით და სიძლიერითაა მოცემული რუს-ადამიანის სულიერი სიშიშველე, გაორება, უცნაურ უკიდურესობაში გადავარდნა.

ამასთან ერთად რუსის ბუნებას ახასიათებს: ანარქიულობა, მაქსიმალისტობა, სიძულვილი ყოველივე წესრიგისადმი. ეს თვისებები ხშირად დამახინჯებულ სახეს ღებულობენ, რომლის მსგავსი არც ერთს ერს არ მოეპოვება. ეს არის რუსი ადამიანის „გაბოსიაკება“, „გაუულიგება“. „ბოსიაკად“ ხდება ყველა წრიდან და მდგომარეობიდან გამოსული რუსი. ადამიანი ნიჭიერი განათლებული, კარგი მდგომარეობით, მაღალი საზოგადოებიდან გამოსული, უტბად ეშვება, არაყის მსხვერპლი ხდება და საბოლოოდ იღუპება, მოძულებული საზოგადოების მიერ. თავის მხრივ ის გაბოროტებულია, მისი სული აბოზოქრებულია და უკიდურესი სიძულვილით გაყრდნითი საზოგადოების წინააღმდეგ. ასეთია მაქსიმ გორკის „ნა დნე“-ს გმირები:

სატინი რომელიც ამტკიცებს, რომ „ქვეყანაზე ყველაზე უკეთესი ხალხი ჯიბგირ-ჭურდებია, რომ ადამიანისათვის შრომა, როცა იგი ვალდებულდება, მონობა“.

**პეპელი,** — „რომელიც ამბობს; რა საჭიროა პატიონება, სინიდისი. მას ჩექმის მაგივრად ვერ ჩავიცვამ. ყველაფერი ეს ესაჭიროება მას, ვისაც უფლება აქვს, ძალა“.

**პოლიციელი** მედვედევი, რომელსაც უკვირს, რატომაა საჭირო გაშვება ხალხის, როცა ისინი ქუჩაში ერთმანეთს ამტკიცვენ. — „გაუშვით, თავისუფლად იხუბონ რამდენიც უნდათ. როცა დაიღლებიან, გაჩერდებიან. შემდეგისათვის მოაგონდებათ დაბეგვილი ფერდოები და ნაკლებად წაეკიდებიან ერთმანეთსო“ — ამბობს იგი;

ან **მსახიობი,** რომელიც აცხადებს: ბატონებო „თუ სიმართლისათვის ქვეყანას გზა ვერ უპოვია, პატივი შეშლილს, რომელიც კაცობრიობას ოქროს სიხმარს დაანახ-



ვებს. თუ ხვალ მზეს დაავიწყდება ქვეყნის განათება, მას გაანათებს რომელიმე შემოიღო-ვადარეული აზრი“.

ამ ტიპებში, რომელნიც რუსულ საზოგადოების სამინელო დაავადემყოფობას გამოხატავენ, ჩამარხულია უკიდურესი ჯანჯი მთელი საზოგადოების, განათლების წინააღმდეგ.

ევროპის კულტურის სიძულვილი მარტო მაქსიმ გორკის პერსონაჟებს არ ახასიათებთ. დოსტოვესკიმ მოგვცა ასეთი სცენა თავის ნაწარმოებში — „დამცირებულნი და შეურაცყოფილნი“. კარს ქაილიევიჩი და სტეპან ტერენტევიჩი პარიზის ერთი ქალის საუკეთესოდ მოწყობილი სალონში, რაღაც უცნაური სურვილით, უნით, ძვირფას სარკეს ამტრევენ. დიასახლისის შეწუხებაზე ამ განძის დაკარგვის გამო სტეპან ტერენტევიჩი დამამშვიდებლად ეუბნება: „მადამ ყუბერტ, აი ფული, აიღეთ რამდენიც გინდათ, მხოლოდ ჩვენს ხნეს ხელს ნუ უშლით“.

იგივე დოსტოვესკიმ თავის რომან „ძმები-კარამაზოვებში“ გენიალურად განსჭვრიტა რუსეთის შემდეგი განვითარება. მან დადავებულა სრული სურათი იმისა, რაც 1917 წ. 25 ოქტომბრიდან დაიწყო, გვიჩვენა ის უფსკრული, რომელიც რუსეთსა და ევროპას შორის ძევს, და წინასწარმეტყველურად წარმოადგინა ის სურათი, რომელიც ესალა გადაშლილი, როცა ევროპის გაერთიანებულ ძალთა ბრძოლა ხდება რუსული ბოლშევიზმის წინააღმდეგ. დოსტოვესკი ამ სურათს ბრალმდებელ იბოლიტ კრილოვიჩის და დამცველის ფიუტკოვიჩის სიტყვებით გვიხატავს მითა კარამაზოვის პროტესტზე, რომელსაც მამის მკვლელობა ბრალდება.

**ბრალმდებელი იბოლიტ კრილოვიჩი ამბობს:** „ყველაზე მეტად მნიშვნელოვანი ისაა, რომ მრავალი ჩვენი ნაციონალური სისხლის დანაშაულობანი მეტყველებენ სწორედ ჩვენს საერთო, საზოგადო უბედურებაზე, ჩვენთან შესისხლბორცებულ ბოროტებაზე, რომლის წინააღმდეგ ბრძოლისათვის, სჩანს, ჩვენ ძალა აღარ შეგვკვება. დიას! რუსულ სისხლის დამნაშავეთა ფსიქოლოგიას შეისწავლიან შემდეგში ალბად საუკეთესო მოაზროვნენი ჩვენი და ევროპისა. ეს საგანი ღირს იმათ, რომ შესწავლილ იქნას. ვასული საუკუნის უდიდესი ჩვენი მწერალი (გოგოლი) მისი შემოქმედების ფინალში რუსეთის ცხოვრებას აღარებს თავშეუკავებელი „ტროიკის“ ქროლვას, რომელიც მიიღტვის რაღაცა გამოუცნობელ მიზნისაკენ და პოეტი ამაყად უმატებს, რომ ამ „ტროიკას“ ქროლვის წინ პატივით იხრიან თავს სხვა ხალხები, არიდებენ რა მას თავს: ბატონებო, მე არ ვიცი პატივით თუ სხვა მოტივით არიდებენ თავს უცხო ხალხები ამ რუსული „ტროიკის“ დოღს, მაგრამ მე ცოდვილი ვფიქრობ, რომ გენიალურმა ხელოვანმა დაათავა ასე თავისი მშვენიერი აზრი, ვიტყოდით ჩვენ, ახალგაზრდული გულ-უბრყვილობით, ვინაიდან მის „ტროიკაში“, რომ შევბათ ყველა მისი გმირები: სობაკევიჩები, ნოზდროიევი, ჩირიკოვები, მამონ, ვინც კი არ უნდა დავსვათ მეეტლედ, არაფერი საკეთილო არ გამოვა რა. ბატონებო, ნუ სტანჯავთ რუსეთის სხეულს, ხალხს და მის მოთმინების უნარს. საბედისწერო „ტროიკა“ მიჭკრის, რაღაცა გიჟური თავდავიწყებით და ხაღდაც უფსკრულში გადიხებება. უკვე დიდი ხანია რუსეთის მრავალ მხრიდან შემოგვღალადებენ შევჩეროთ ეს გადარეული, უმატრონო დოღი და თუ სხვა ხალხები თავს არიდებენ ამ შემოიღო „ტროიკას“ არა მისი პატივისცემისათვის, როგორც ეს პოეტს სურდა წარმოედგინა, არამედ შიშის გამო. გთხოვთ ეს კარგათ დაიმახსოვროთ. შიშის, ან უკეთ ზიზღის გამო მისადმი. კიდევ კარგა, რომ თავს არიდებენ, მაგრამ შესაძლებელია თავს კი აღარ მოარიდებენ, არამედ მაგარი ხელით შეაჩერებენ ამ რუსულს, გაგიჟებულს დოღს ჩვენი გათახსირებისა, საკუთარი თავის დასაცავად, განათლების და ცივილიზაციის გადასარჩენად. ყველაფერიდან სჩანს, რომ იქ (ევროპაში) უკვე იწყებენ ხმის ამაღლებას. ასეთი გამაფრთხილებელი ხმები უკვე გვცემის ევროპიდან. ნუ იწყვეთ

თქვენი საქციელით ევროპას რუსეთის საწინააღმდეგოთ? დამცველი ფეტიუკოვიჩი კი აცხადებს, რომ — „ის რაც სხვა ხალხებისათვის ცარიელი სიტყვაა ან სასჯელი, ჩვენთვის რუსეთისათვის აზრია, ნული, ჩვენი ხსნა და ახლად დაბადება, და თუ ეს ასეა და თუ ასეთია რუსეთი და მისი სამართალი, მაშ, წინ რუსეთის ხალხო, ნუ გვაშინებთ თქვენი შემოიღი „ტროიკით“, რომელსაც ზიზღით ერიდებიან ევროპის ხალხები. არა გამაგებელი „ტროიკა“, არამედ დიდებული კავალავა ზემით და წყნარად მიღწევს თავის დასახულ მიზანს“.

აქ ამომწურავად წარმოდგენილია ორი სხვადასხვა მსოფლმხედველობა: ერთი წმინდა რუსული; სლავიანო-ფილური, რომელიც აღიარებდა რუსეთის განსაკუთრებულ დანიშნულებას კაცობრიობის წინაშე, მის მესიანობას, მეორე — ევროპული, „ზაბადნიკური“, რომელიც აღიარებდა, რომ რუსეთის განვითარება უნდა წასულიყო ევროპის გზით.

ბაკუნინი და სხვა რევოლუციონერები 60 წლების სწერდნენ, რომ რუსეთის ხალხი განსაკუთრებული ისტორიული განვითარების გამო ანარქიულია, ანტი სახელმწიფოებრივი, არაა შეპყრობილი ბურჟუაზიული ცრუმორწმუნოებით. მისი კაცობრი სახელმწიფოსთან ვარეგანია, არაორგანიული. ის მხოლოდ ბეგარას, გადასახადს იხდის და სახელმწიფოს უცხო სთვლის. მისი შინაგანი მსოფლიო მხოლოდ „ობშინა“ და ბაკუნინი ფიქრობდა, რომ ეს ბუნებრივი ანარქიული იდეალი რუსეთის ხალხისა წაზაბაძი უნდა ყოფილიყო დასავლეთისათვისაც. იგი და ჰერცენი სთვლიდნენ, რომ „ობშინური“, იდეალური მმართველობა უკეთესი ფორმა იყო, ვიდრე დასავლეთ ევროპის მიერ შექმნილი მმართველობის ფორმა.

პირველი სლავიანოფილი უკატერინე მეორეს მოხელე ბელტინი სწერდა, რომ რუსეთის ბუნება თავისებურია და დასავლეთის მართველობა მას არ გამოადგება. ეკატერინე მეორე ამ შეხედულებას იზიარებდა და რუსეთის ჩამორჩენილობა მას მიაჩნდა (ოლონდაც) უკეთესად, ვიდრე ევროპის კულტურული განვითარება. დიდრო, ფრანგი მწერალი, კვერს უკრავდა ეკატერინეს და აცხადებდა, რომ რუსეთის ჩამორჩენილობა მისი უპირატესობაა(?!)

ამასვე აღიარებს ფონ-ვიზინი, რომელიც საფრანგეთიდან 1778 წელს სწერს: „აქ დაიწყეს ჩვენზე აღრე ცხოვრება, მაგრამ ყოველ შემთხვევაში ჩვენ რომ ესლა ვიწყებთ ცხოვრებას, შევქმნით ისეთ ფორმას, რომელიც ჩვენ მოგვეწონება, რითაც ავიცდეთ ყველა იმ არა სასურველ მხარეებს, რომელიც დასავლეთს აქვს. მე ვფიქრობ ისაა ბედნიერი ვინც იბადება (რუსეთი) და არა ის ვინც კვდება (ევროპა). ჰერცენის აზრით: „რუსეთის „ობშინის“ არსებობა საფუძველია სოციალიზმის, კომუნიზმისა ქალამანში, კომუნიზმისა ჩამორჩენილი, გაუთლევი გლეხისა“. ამავე შეხედულებებისა იყენენ ჩერნიშევსკი, მიხაილოვსკი. ბაკუნინი 1868 წელს ასეთი ფორმულას იძლევა: „ასეთი ახალგაზრდობით, რომელიც პრინციპაღმართად მომხრეა არსებული მდგომარეობის მოსაპობისა, სოციალური ინსტიტუტით, ბუნებრივი რევოლუციონერობით — რევოლუცია აუცილებელია. პეტრე ტკაჩევი სწერდა: „მართალია, ჩვენ არ გვყავს პროლეტარიატი, მაგრამ არა გვყავს აგრეთვე ბურჟუაზიაც. ჩვენი ხალხი გაუთლევი, ეს არის ფაქტი, მაგრამ მისი დიდი ნაწილი ინსტიტუტურად სოციალისტია, ტრადიციით. მაშ ნათელია, რომ მიუხედავად მისი გაუთლელობისა, ის უფრო ახლოა სოციალიზმთან, ვიდრე დასავლეთი, თუმცა ის უფრო განათლებულია. ერთი ორი სამხედრო დამარცხება, აჯანყება ყველა გუბერნიებში ერთ და იმავე დროს, აჯანყება სატახტო ქალაქში გინდ მშვიდობიანობის დროს და სახელმწიფოს გავლენა სწრაფად გაჭრება და მთავრობა დაინახავს თავს განმარტოვებულად, ყველაფერს მიტოვებულად. როგორც სჩანს რუსეთს ამ მხრივ უფრო მეტი შანსები აქვს, ვიდრე დასავლეთს, კერძოდ გერმანიას“.



ასეთია ის კონცეპცია, რომელზედაც აღიზარდა მრავალი თაობა რუსეთის ახალგაზრდობისა. ამ პრიმიტიულ კონცეპციის თანახმად ის მეოთხედიც, რომლითაც ერთმა ჯგუფმა, აქტიურმა რევოლუციონერებმა „ბედნიერება“ უნდა მოუტანოს რუსეთის ხალხს და ევროპასაც, უბრალოა და მარტივი: ყუმბარა, დანა, მკვლელობა, ჯანყი და სოციალისტური რევოლუცია. აი დაუგდოთ ყური რასა სწერს ამ თეორიის ერთი უკიდურესი მქადაგებელი ნეჩაევი: „განადგურე ყველა მოწინააღმდეგე ფიზიკურად და თუ საჭიროა მოსჭერი ენა, რომ საწინააღმდეგო აღარ ილაპარაკოს“ სტალინი უფრო შორს მიდის, ის ამბობს, რომ თუ ვინღათ მოწინააღმდეგე მოიშროთ, ამისათვის საჭიროა პირველ ყოვლისა თავი მოაჭრა მას, თქვენ იცით ამის შემდეგ, რომ ის გაჩუმებულია და ვეღარას გავნებს. ნეჩაევი აცხადებს, რომ რუსეთში ნამდვილი რევოლუციონერი ელემენტი — ეს ყაჩაღებია. ისინი რევოლუციონერებია უფრაზოდ. არა მწიგნობრივი რიტორიკით, დაუღალავნი, შეურიგებელნი. ვისაც რუსეთში უნდა კონსპირაციული მუშაობა აწარმოვოს, ის ვალდებულია მივიდეს ამ ავანაჟ-ყაჩაღთა დახმარებით. არ ვეთანხმებით სხვა ფორმას ჩვენი მოღვაწეობისა გარდა ამოუღებელისა, დანგრევისა და განადგურებისა, ჩვენ თანახმა ვართ, რომ ამის ფორმები იქნება სხვა და სხვა: საწამლაივი, დანა, სახრჩობელა და სხვა. აი ასპარეზი სამოქედით, ამას უწოდებენ ალბად ტერორიზმს, ასეთ მოქმედებას მიაკრავენ მაგარ სახელს, მაგრამ არა უშავს რა. ჩვენ არავითარ კომპრომისზე არ წავედით მათ მიმართ, რომელნიც არიან განწირულნი დასაღუბად. ჩვენმა თაობამ უნდა მოაშალოს და დააკავშიროს არაფრის არ დამნდობი, ტლანქი ძალა და წავიდეს გაუჩერებლივ დანგრევის და განადგურების გზაზე. მაშ ასე, დაე ყველა ჯანსაღი, ახალგაზრდა დაუყონებლივ შეუდგეს წმინდა საქმეს ბოროტების მოსპობას, დანგრევას განათლებისა და გაწმენდას რუსეთისა დედა მიწის ცეცხლით და მახვილით, ძმურად შეუერთდება რა ყველა იმით, ვინც ამასვე განაგრძობს აგრეთვე ევროპაში“. ეს წაავაგეს საფრანგეთის კონვენტის წევრის, ფოსტის მონხელის დრუეს თქმას, როელიც მოუწოდებდა ყველას, რომ ხალხის გასაბედნიერებლად ყველანი ყაჩაღებად გამხდარიყვნენ. კონვენტმა მას ერთხმად ზურგი შეაქცია მაშინ, მხოლოდ ესლა ლენინ-სტალინმა რუსეთში ეს ანდერძი ნეჩაევისა და დრუესი განახორციელეს. თუ პირველი თეორეტიკოსი რევოლუციონერ ტერორისა მარატი დასაწყისში ითხოვდა მხოლოდ 500 თავს კონვენტისაგან, შემდეგში კი იგი 200.000-მდე აიყვანა; ლენინმა, სტალინმა ეს რიცხვი რუსული მამულებით მილიონობით გაზარდა. მათ არ სჭირდებოდათ საფრანგეთის მაგალითი. თვით რუსეთში იოანე მრისხანემ მე-16 საუკუნეში აწარმოვა მასიური ტერორი თავისი ოპოზიციებით, ლენინ-სტალინმა მას ახალი, მოდერნული სახელები მისცეს — ჩეკა, გეპუ, ენკავედე, და სხვა. განსხვავება მხოლოდ იოანე მრისხანეს და ბოლშევიკებს შორის ის არის, რომ იოანე მრისხანე თავს აყრეკინებდა თავის ქვეშევრდომებს უმოწყალოდ, თვითმკრობელობის გასამტკიცებლად. მისი მიზანი იყო უფრო რეალური, ვიდრე ლენინ-სტალინის, რომელთაც „კომუნისმის“ დამყარებისათვის ნეჩაევის ავადმყოფ ფანტაზიას ბევრად გადააკარბეს.

3.

ასეთია ისტორიული განვითარება რუსეთის ხალხისა; იგი მართლაც თავისებურია, მხოლოდ არა პოზიტიური ელემენტებით აღსავსე, მდიდარი, არამედ მრავალი ნეგატიური გამოვლინებით. რაც მოხდა 1917 წ. 25 ოქტომბერს რუსეთში, მრავალ საუკუნეების მანძილზე მზადდებოდა, იმუნობოდა, ხალხის გულში გროვდებოდა, ფესვებს იდგამდა და გამოსავალს ეძებდა. მმართველი წრის, ხელმძღვანელი ნაწილის მოვალეობა იყო ნორმალური გამოსავალი მოენახა. ის წრე საზოგადოებისა კი, რომე-

ლიც ამ დამლუპველ განვითარების ტენდენციებს ნათლად ხედავდა (როგორც დოსტოევსკი), ძალიან ვიწრო იყო და გავლენას მოკლებული, თუმცა არც ამ პატარა ნაწილმა იცოდა, რა წამალი იყო საჭირო მოსალოდნელი უბედურებისაგან ქვეყნის გადასარჩენად. არ კმაროდა ავადმყოფობის შემჩნევა, საჭირო იყო სათანადო, რადიკალური ზომების მიღება. ეს კი არა სჩანდა. პირიქით, მმართველი წრე ისეთი არ აღმოჩნდა, რომ ქვეყნის სერიოზული მდგომარეობა ნათლად წარმოედგინა. ზომები, რეფორმები, რომელსაც ქვეყნის მდგომარეობა დაუყოვნებლივ თხოვლობდა, ან დაგვიანებული იყო, ან გაუთვლადი, მერყევი. იმის მაგიერ, რომ ამ უშველებელი ტერიტორიის ცხოვრება მოეწესრიგებინათ, მიზან შეწონილი ზომებით შეექმნათ კანონიერება როგორც ცენტრში ისე პერიფერიებში, რომელიც ცენტრალურ მმართველობას დაუახლოვებდა, ორგანიზულად გადააბამდა, ერთად ერთ ყოველის გამკურნებელ ზომად იყო მიჩნეული ისედაც უზომოდ გაწეული ტერიტორიის გაფართოვება. ეს იყო რუსეთის პოლიტიკის სიბრძნეთ გამოცხადებული. ამის გამო დაუსრულებელ ომებში ჩათრევა, ევროპის საქმეებში მუდმივი ხელის ფათური და ინტრიგების მოწყობა, რომლის გამო რუსეთი ევროპის ყანდარმად იქმნა მონათლული საუკეთესო მოაზროვნებისა და მოღვაწეების მიერ.

ამ იმპერიამ პირველი გამაფრთხილებელი მუჯლუგუნი მიიღო რუსეთ-იაპონიის ომის დროს, ცუსიმაში, სადაც მისი საუკეთესო ფლოტი იქმნა განადგურებული, პორტ-არტურსა და მუკდენში. 1905 წ. 9 იანვარს მღვივად გაპონის მიერ ჯვრებით, ხატებით და რუსული ნაციონალური დროშებით მოწყობილმა მანიფესტაციამ ნიკოლოზ 2-ისთვის ხალხის სურვილების გადასაცემად — პეტიციის სახით, რომელიც საშინელი სისხლის ღვრით დამთავრდა, საბოლოოდ ჩაანგრია ხიდი მეფესა და ხალხს შორის. რუსეთი შეინძრა. ვულკანი, შიგნით დღულდა და ყოველ წუთს ამოხეთქას ლამობდა. ნიკოლოზ მეორის მმართველმა წრემ შესძლო ამ სტიქიის ვარგევლად შეჩერება და ცხოვრების ძველ კალაპოტში მოქცევა, თუმცა მაინც ვახდა იძულებული ამ ვულკანისათვის ზოგიერთი ვენტილები გაეკეთებია სახელმწიფო „დუმის“ და პატარა რეფორმების სახით. ცხადი იყო, რომ ეს ზომები გამოუსადეგარი დარჩა იმ ტკივილების მოსარჩენად, რომელიც საუკუნოებით იზრდებოდა. ანაირად, ქვეყანა უცდიდა მეორე მუჯლუგუნს და მასაც აღარ დაუყოვნებია. ეს იყო პირველი მსოფლიო ომი. თუ 1904—5 წწ. რუსეთის დაობებული რეჟიმის შენჯღრევის მიზეზი იაპონია იყო, 1901—17 წწ. მისი დანგრევის მიზეზი გერმანია ვახდა. ამ ნგრევას საფუძველი დაედო ჯერ ტანენბერგში და შემდეგ კარპატებზედ, სადაც მიიღწია რუსეთის ტალღებმა ევროპაში შესაჭრელად, მაგრამ სადაც ერთი მაგარი დარტყმით უკუგდებული იქნა გერმანიის ლაშქრის მიერ 1917 წ. 28 თებერვალს ვერ გაუძლო რა ამ სახეიდროპოლიტიკურ გამოცდას, ხელისუფლება განმარტოვებული დარჩა, როგორც ხალხისაგან, ისე „ქრისტეს-მოყვარე“ მხედრობისაგან. თებერვლის რევოლუცია უსისხლოთ დამთავრდა. მისი ვალი იყო ამ თავისი გამარჯვებით გონიერად ესარგებლა და დაავადმყოფებულ სხეულისათვის, რომელმაც მიიმე ქირურგიული ოპერაცია გამოიარა 2 1/2 წლის ომით და რევოლუციონური შენჯღრევით, განვითარების სათანადო პირობები შეექმნა. აი სწორედ ეს ვერ მოხდა ობიექტურ და სუბიექტურ“ მიზეზთა გამო. ობიექტური მიზეზი იყო ძველი ისტორიული სწეულობა, რომელიც თან დაჰყვა თავიდან დიდ რუსეთის შექმნას, სუბიექტური მიზეზი კი თვით რევოლუციის რეჟისორების უსუსურობაში, სისუსტესა, უსაქმობაში — ერთის მხრივ, ხოლო მეორეს მხრით — რევოლუციაში ყოველ ჯურისა და მოდემის, შინაური და უცხო უკიდურეს მქსიმალისტურად განწყობილ ელემენტების აქტიურად ჩარევაში მდგომარეობდა. მაშინ დაუდგა საუკეთესო დრო



ლენინს, მას გადაეშალა ხელსაყრელი ასპარეზი „სამოქმედოთ“. ის ხომ დარწმუნებული იყო, რომ საკმარისია ერთი პატარა რევოლუციონური ჯგუფის ჩამოყალიბება ერთ მტკიცე ცენტრად, რომ რუსეთში ყოველგვარი გადატრიალება შესაძლებელი გახდეს. აი რასა სწერს ამ საგანზე თვით ლენინი: „მთავარია ცენტრი რევოლუციონური მუშაობისათვის... მომეცით ორგანიზაცია რევოლუციონერების და მთლად გადავატრიალებ რუსეთს... მუშები? ისინი უნდა გამოვიყენოთ რევოლუციისათვის“. ასეთია ლენინის პრიმიტიული შეხედულება რევოლუციის წარმოშობაზე. თებერვლის რევოლუციამ ეს ბლანკისტური კონცეპტია ლენინისა პირწმინდათ დაარღვია. ის მოხდა ულენინოთ, პირიქით, მის შეხედულებათა წინააღმდეგ, სახელმწიფო სათათბირო და სხვა მრავალი ლეგალური ორგანიზაციები, რომელთაც ლენინი და მისი პარტია ბოიკოტს უტყბადებდა, სთვლიდა რა მათ მანებლად მოძრაობისათვის, გახდნენ რევოლუციის მებარალტრით და მის მეთაურებად. თვით პეტერბურგის მუშათა საბჭოს დიდი უმრავლესობა ლენინის პარტიის წინააღმდეგი აღმოჩნდა. პატარა ჯგუფი მისი მიმდევრებისა კამენევის მეთაურობით ფრიად ზომიერი იყო. მაგრამ ლენინი იმედს არ ჰკარგავდა. ის მოეშურება საზღვარგარეთიდან რევოლუციის ცენტრისკენ — პეტროგრადში სამოქმედო. რაზე აწუხებს ის თავის იმედებს? რასაკვირველია მასების უვიცობაზე, მის პოლიტიკურ მოუზნებლობაზე და უფრო კი რევოლუციის ხელმძღვანელების შეცდომებზე. ამიტომ ის გაფაციცებით ადევნებს თვალ-ყურს ყოველ მათ შემცდარ ნაბიჯებს, ჰბერავს, აზვიადებს და დემაგოგიურად ხმარობს აბოზოქრებულ რუსული მასების ქვედა ინსტიტუტებს. ეს მისთვის და მისი მიმდევრებისათვის მით უფრო ადვილია, რომ კერენსკი და მისი დროებითი მთავრობა ერთ საბედისწერო, გამოუსწორებელ შეცდომას უშვებს იმით, რომ წაგებულ ომს კიდევ აგრძელებს და ამისათვის ქალთა ბატალიონებსაც კი ჰქმნის, რომელთა გამოჩენა პეტერბურგის ქუჩებში და ფრონტზე საშინელი აღშფოთებას იწვევს ჯარის ნაწილებში. რასაკვირველია, ბოლშევიკები და მათ სათავეში მდგომი ლენინი საუკეთესოდ სარგებლობენ ამით. ომის გაგრძელებით თებერვლის რევოლუცია ჩიხში მოექცა. მისმა მეთაურობამ ერთ უბრალო გარემოება ვერ გაითვალისწინა, რომ ეს გადატრიალება იყო შედეგი ომის სიმძიმის, რომ ამ ტვირთს რუსეთის ხალხი ვეღარ სწევდა. და მერმე რა უნდა მოეტანა ომის გაგრძელებას, რატომ იყო იგი ასე საჭირო? კიდევ და კიდევ, საბედისწერო დარღვევის ხელში ჩასაგდებად, ბალკანეთის სლავიანური სეკციების რუსეთის იმპერიის სფეროში ამა თუ იმ სახით ოსაქცევად. და ეს ხომ იგივე მეფის. რუსეთის იმპერიალისტური ზრახვები იყო, რომლის ზიდაცა ძველმა რუსეთმა ვერ შეძლო და რასაც იგი გადაჰყავს კიდევ. პეტერბურგში გარნიზონად. იდგა ორასი ათასი ჯარისკაცი ეს იყო ძალა, რომელმაც მუშებთან ერთად ნიკოლოზის მთავრობა გადააყარავა. ჯარი მოითხოვდა სახლში გაშვებას. ყოველ-ლდე ჯარის ნაწილები დემონსტრაციებს ახდენდნენ პეტერბურგის ქუჩებში წარწერებით: „გაგვიშვით მიწდვრად სამუშაოდ — ყანები ხმება“; ფრონტზე წასვლაზე ერთხმად უარს აცადებდნენ, თვით ოფიცრებიც კი, ვინაიდან მათი წარმოდგენით ისინი მომპოვებელნი და დამცველნი იყვნენ რევოლუციის მონაპოვართა. პირიქით, სწორედ ეს ჯარის ნაწილები იყვნენ ყველაზე არა საიმედო ამავე რევოლუციისათვის. მისი სულიერი განწყობილება ყოველ დღე უკიდურეს მიმართულებას ლებულობდა, რაც თავის მხრივ მუშათა მასებზე გადადიოდა, სწამლავდა მათ და უკიდურესობასაკენ იტაცებდა.

რა იყო საჭირო? პეტერბურგის განწმენდა ამ არასაიმედო ელემენტებისაგან, ამის ნაცვლად საიმედო ნაწილების, ნაციონალურ-რევოლუციონურ გვარდიის შექმნა. კერენსკის მთავრობა კი არც ერთს აკეთებდა და არც

მეორეს, ურემი იდგა ერთ ადგილას და შიგ შებმულნი მეთაურნი მიწას სტეკნიდნენ.

ამ მდგომარეობით საუცხოვოთ ისარგებლეს ბოლშევიკებმა. მათი დისპოზიცია, სრულიად ბუნებრივი, პეტერბურგის — ამ რევოლუციონურ ცენტრის ხელში ჩაგდება — გახდა. აქეთკენ იყო მიმართული ყოველივე მათი ცდა. და ეს არც ისე ძნელი იყო. საჭირო იყო მხოლოდ დემორალიზებული ჯარის ნაწილების ხელში ჩაჭერა და ისინიც გამოდიან ლოზუნგით — „ძირს ომი, გაუშვარჯოს ზავს“. ეს ხომ იგივე სურვილებია, რაც ამ ჯარს ამოძრავებს, ბოლშევიკები ახერხებენ ამ უდისციპლინო ჯარში თავის უჯრედების დაარსებას. უკვე ივლისის დღეებში მათ სცადეს გენერალური რეპეტიციის გათამაშება პეტერბურგის ხელში ჩასაგდებათ. ამ ჯერად ისინი დამარცხდნენ, მაგრამ ნათელი გახდა, რომ ჯარი მათ მხარეზეა. ეს გარემოება მუშებსაც იზიდავს. ისინი ამ ჯარის ფსიქოლოგიით იქვინთებიან და ბოლშევიკების რიგებს ავსებენ. ასეთმა ვითარებამ გასტანა 25 ოქტომბრამდე. ახლა კი ლენინი და მისი კომპანია ნათლად ხედავენ, რომ ნიადაგი ქალაქის ხელში ჩასაგდებად მომზადებულია და ბრძანებას იძლევიან იერიშის მისატანად. კერენსკის მთავრობის წევრები დაპატიმრებული აღმოჩნდნენ. თვით კერენსკი ვატჩინაში იპარება ქალურ ტანსაცმელში გადაცმული. იგი კიდევ ერთხელ ცდილობს ვატჩინიდან ყაზანთა ნაწილებით სატახტო ქალაქის დაბრუნებას, მაგრამ ამაოდ. მის გარშემო არავითარი სერიოზული ძალა აღარ არის. გამოირკვა, რომ არც ბოლშევიკურ ცენტრს მოეპოვებოდა საკმარისი სამხედრო ძალა. პეტერბურგის გარნიზონმა მასაც უღალატა. მან განაცხადა, რომ პეტერბურგიდან იგი არსად წავა და არავითარ ბრძოლაში მონაწილეობას არ მიიღებს. ბოლშევიკები საშინელ მდგომარეობაში ჩავარდნენ. დადგა კრიზისის დღეები. ისინი იძულებული გახდნენ ნაქარვად შეეღვინათ მუშათა ბატალიონები, მაგრამ ეს არ წარმოადგენდა რაიმე სერიოზულ სამხედრო ძალას. მაგრამ კერენსკის მდგომარეობა უფრო უარესი გამოდგა: უკანასკნელ წუთში მას არავითარი ძალა არ აღმოაჩნდა. ამიტომ ბოლშევიკების გამარჯვება იმით კი არ აიხსნება, რომ მათ რალაც განსაკუთრებული ძალა მოეპოვებოდათ, არამედ იმით, რომ მოწინააღმდეგე ძალა სრულ არარაობას წარმოადგენდა. ერთის და მეორეს ძალები დემორალიზებული, მოშლილი, დადებით მოქმედებისათვის გამოუსდევარი აღმოჩნდნენ. ამ მდგომარეობაში გამარჯვებული გამოვიდა ის, ვინც უკიდურეს, განუხორციელებელ დაპირებებს მისცემდა ხალხს,

ასეთებად აღმოჩნდნენ ბოლშევიკები და ბურთი და მოედანიც უშველებელ ტერიტორიაზე დარჩათ მათ. განუხორციელებელ დაპირებებით დაიმედებული ხალხის ხელში დასაქურად საჭირო გახდა ტერორის ამოქმედება, გამოგონება ისეთი ზომების, რომელნიც მულმივად შეუნარჩუნებდა ბოლშევიზმს ხალხზე ბატონობას. ბოლშევიკები უღვიძებდნენ რუსის ხალხს უკეთესი ცხოვრების დამყარების იმედებს, სხვისი ტერიტორიების დაპყრობის და პირველ რიგში ევროპის გასაბჭოების გზით.

საჭირო იყო მზადება და აკი ემზადებოდნენ კიდევ ამისათვის კრემლში მოკალათებულნი ვა-ბანქო — მოთამაშენი. მაგრამ, დოსტოვესკის გმირის იპოლიტ კირილოვიჩის თქმისა არ იყოს „ევროპამ დაჰკარგა მოთმინება ყველა იმ უმჯავავსოების ნახვით, რომელიც დედამიწის ერთ მეექვსედზე, სწარმოებდა“, მით უმეტეს რომ მისი „ტროიკის პირი“ ევროპისაკენ მიიმართა.

და ევროპას თავის გადასარჩენად დასჭირდა ამ გაშმაგებული პანსლავიზმ ბოლშევიზმის „ტროიკის“ შეჩერება. ევროპა ვერ მოისვენებს და მშვიდობიანად ვერ ამოისუნთქავს, ვიდრე არ აღმოფხვრის ბოლშევიზმის ძირებს.

დ. საღირაშვილი.



# ა ღ მ ო ს ა ვ ლ ე თ ი ე ვ რ ო პ ა

იშვიათია ისეთი თხზულება, რომელიც აღმოსავლეთ ევროპას შეეხებოდეს და უზარმაზარი სივრცის ცხოვრებას ჭეშმარიტებით აღწერდეს. გავცნობივართ ან ისეთ ნაწარმოებს, რომელიც ქებადიდებას უმღერის მას, ან მხოლოდ აძაგებს; მიუდგომელი და მიუკერძოებელი განხილვა იშვიათი მოვლენას წარმოადგენს და სწორედ ეს იშვიათი თხზულებაა ზემოდასახელებული ნაშრომი. და ეს არც გასაკვირიზ, ვინაიდან ავტორი — პაულ რორბახი, — ცნობილი გერმანელი მწერალი და მკვლევარი, კარგად იცნობს აღმოსავლეთი ევროპის მყოფადსაც და აწმყოსაც. წარსულში იგი არა ერთჯერ შეხებია რუსეთთან დაკავშირებულ საკითხებს და კერძოდ კავკასიის ერების ბელი მისთვის უცნობი არაა. ამიტომ, როდესაც მისი თხზულების შესწავლას შევეუდმიეთ, ჩვენ იმედი გვქონდა, ავტორი საკითხს საგნობრივად და სინამდვილით გააჩვენდა, და მართლაც, ეს იმედი ჩვენ სავსებით გაგვიმართლდა. ჭეშმარიტი მეცნიერული მიდგომით, ავტორი, პაულ რორბახი — რასაკვირველია, ჯერ განიხილავს აღმოსავლეთი ევროპის გეოგრაფიულ ვითარებას, რომელთანაც თითოეული ხალხის ისტორიაა მარად დაკავშირებული, და შემდეგ მოკლედ მოგვითხრობს იმ ამბებს, რაც ამ მხარეს თავსგადახდა შორეულ წარსულში.

აღმოსავლეთი ევროპა, ამბობს ავტორი, ბევრსა ჰგონია მეფის რუსეთი იყო, ან საბჭოთა რუსეთიაო. ეს შემცდარი შეხედულებაა, რადგან არც გეოგრაფიულად და არც ისტორიულად იგი სიმართლეს არ გამოხატავს. აღმოსავლეთი ევროპა განიყოფება ოთხ სხვადასხვა გეოგრაფიულ და ისტორიულ მხარედ. პირველია უკრაინული აღმოსავლეთი ევროპა, ძველები რომ პონტუს იუქსინუს ეძახდნენ; ესაა სამხრეთი მხარე შავ-ზღვამდე; მეორეა — ჩრდილოეთის მხარე — მოსკოვური ანუ სარმატული აღმოსავლეთი ევროპა; მერმეა — აღმოსავლეთი ზღვის — ოსტზეეს — მხარენი, ფინლანდიდან ლიტვამდე — ბალტიური აღმოსავლეთი ევროპა; და როგორც მეოთხე მხარე აღმოსავლეთ ევროპაში შემაჯალი, თუ გნებავთ, შეიძლება დავასახელოთ კავკასიის მხარეცო. აღმოსავლეთი ევროპა არც ევროპას და არც აზიას არ წარმოადგენს, არამც თუ მართო ბუნება და კულტურა, არამედ ისტორიაც და აგრეთვე მეურნეობა, რომელიც კულტურის ანარეკლია, ამართლებენ იმ მცნებას, რომელითაც აღმოსავლეთი ევროპა — იქმნა მონათლული: იგია ნახევრად აზია.

ჩრდილოეთი ნაწილი აღმოსავლეთი ევროპისა დაფარული იყო ტყით, სამხრეთი წარმოადგენდა გაშლილ ველს, სტებს და მთელ აღმოსავლეთში ურალამდე ვერცერთ მთას ვერ შეხვდებით; ზღვის დონეზე აწეული ადგილი ორას მეტრს არსად აღემატება, ჩრდილოეთის ტყიანი მხარე, სანამ იქ გაკაფვა და დასახლება დაიწყებოდა, მიუდგომელი იყო სტეპებზე მოხეტიალე მწყემს ხალხებისათვის, რომელნიც აზიიდან დასავლეთს აწყდებოდნენ ამიტომ პირველი ისტორია აქ ამ ხალხებს ეკუთვნის. აქ ცხოვრობდნენ ძველთაძველად სკვითები და სარმატები, ხოლო შავიზღვის ჩრდილო ნაპირზე იფურჩქნებოდნენ პირველად ბერძნული, შემდეგ რომაული, მერმე კიდევ ბიზანტიური, გენუის ან ვენეციის ქალაქები, რომელნიც ამ მომთაბარე ხალხებთან ვაჭრობას ეწეოდნენ. მესამე საუკუნეში ქრისტეს შემდეგ აქ დასახლდნენ გერმანული ტომები გუთები და პერულები. 375 წელს ქრისტეს შემდეგ გუთთა სახელმწიფო დაამხეს ჰუნებმა. ჰუნების მოსვლას ამ სტეპთა ქვეყანაში თან მოჰყვა ათასწლოვანი მუდმივი ტალღები ახალახალ ხალხებისა, რომელნიც ომით ერთიმეორეს სცილიდნენ: პაჭანიკები, ხაზარები, ვენი, ჰუნგრელები, ავარები და სხ.

აღმოსავლეთი ევროპის ისტორიის განვითარება კი იწყება არა აქ, ამ გაშლილ ველზე, სტეპებში, არამედ ჩრდილოეთით, ტყიან მხარეში, აქ ცხოვრობდნენ სლავები და ფინნები; ოსტზეესთან კიდევ — ლატენნი, ლეტები და ესტები, ლივენნი და კურენნი. სლავიანთა ტომებისგან, რომელნიც სამხრეთით ჰაობიან მხარეში ბინადრობდნენ, წამოიწია უკრაინულმა ტომმა და მეექვსე საუკუნეში აქედან წამოსულნი, შეიჭრნენ ბალკანეთის ნახევარ კუნძულზე და ებლანდელ იუგოსლავიაში.

მაშინდელი ყველა ხალხის მიმზიდველი იყო მდიდარი და ბრწყინვალე კონსტანტინოპოლი. აქით მიიწეოდა ყველა ან სავაჭროდ, ან საცარცვადად, სკანდინავიის ნახევარკუნძულზე მცხოვრებნი ნორმანები, კერძოდ შვედები მეცხრე საუკუნის ბოლოს, სამეფოს განმტკიცების შემდეგ, აღმოსავლეთის გზით ანუ დიდ მდინარეთა გზით მოიწევდნენ აგრეთვე ბიზანტიის ანუ საბერძნეთის დედაქალაქ კონსტანტინეპოლისაკენ, სავაჭროდ თუ გასაცარცვად. ამ შედეგელ ნორმანეებს ეძახდნენ ვარიანებს, ვარანგებს და აგრეთვე რკოს ანუ რუსი-ს. ვერენგერ შვედურად ნიშნავს რაზმელს, ხოლო სიტყვა რუს წარმოშობილია სიტყვისაგან: რუოდს ლაგენ, რაც ნიშნავს მენავეთა ან ნავოსანთა კავშირს. სიტყვა რუოდსი არის მენავე, ნავოსანი და ასე ეძახდნენ მათ ბიზანტიელებიც და ფინნებიც. მაშასადამე, სახელი რუოდსი-ანუ როსი ანუ რუსი ეკუთვნოდა ამ ვაჭარ ვაზაკ ნორმანეებს; ძველ შვედებს. როდესაც ამ როსებმა ანუ რუსებმა მდინარე დნეპრის გზით კონსტანტინეპოლთან მიმოსვლა დაიწყეს ვაჭრობისა და თავდასხმის მიზნით, მათ დაიკავეს ეს მხარე იარაღით და დამკვიდრდნენ ილმენის ტბიდან გამომავალ მდინარე ვოლგოვზე, სადაც შეიქმნა ქალაქი ნოვგოროდი და მდინარე დნეპრზე მდებარე ქალაქ კიევიში, ბატონობა ეკუთვნოდა ამ მხარეში ამ შვედელ ნორმანებს ანუ როსებს — რუსებს და აქედან წარმოიშვა სახელი რუსი და რუსეთი, როგორც ვხედავთ, რუსებს თავისი საკუთარი სახელიც კი არ გააჩნიათ!

როს რაზმელების პირველი მეთაური, რომელმაც ამ მხარეს თავისი ბატონობის უღელი დაადო, ნესტორის ქრონიკის გადმოცემით 863 წელს, იყო რურიკი, რომელიც არის შვედური სახელი პრორეკრ; მას მოჰყვა ჰელგი, რუსულად ოლეგი, ვინც თავის საჯდომ ქალაქად კიევი გახადა, რომელიც ბიზანტიასთან მშვიდობიანი თუ მეომარი ურთიერთობისათვის ხელსაყრელ წერტს წარმოადგენდა.

კიევის სახელმწიფომ განავრცო თავისი ბატონობა აგრეთვე სხვა სამთავროებზეც, რომელნიც აგრეთვე მდინარეთა გზებზე აღმოცენდნენ; მან შემოიერთა პოლოცი, ნოვგოროდი, ჩერნიგოვი. კიევის თავადები ვაჭრობდნენ ბიზანტიასთან: გაჰქონდათ ხორბალი, თაფლი, ტყავეულობა, და რაც მთავარია, მონები. მონები იყვნენ უმთავრესად ტყვედნარდნილი ან უბრალოდ დაჭერილნი, შემოჰქონდათ: ღვინო, ტანსაცმელი, ფარჩეულობა, ოქრო, ვერცხლი და სხ. როგორც სავაჭრო, ისე სამხედრო ურთიერთობის შედეგად, კიეველმა თავადმა გლადიმირმა ქრისტიანობა აღიარა და თავისი ხალხი მონათლა, ამით დაიწყო და განმტკიცდა ბიზანტიის კულტურის გავლენა კიევის სახელმწიფოზე. როგორც ვხედავთ ძველი რუსეთი ანუ კიევის სახელმწიფო დაარსებული იყო შვედების მიერ და ამ სახელმწიფოს დაარსების მიზეზი გახდა კონსტანტინეპოლთან ურთიერთობა ანუ როგორც პაულ რორბახი ამბობს:

„იაროსლავის დრომდე, მეთერთმეტე საუკუნის პირველ ნახევრამდე, უნდა წარმოვიდგინოთ ეს პირველადი რუსეთი, ძველი სახელმწიფო კიევისა, სადაც დიდთავადთა

ტახტი არსებობდა, როგორც ჩრდილო-გერმანული ბატონობა სლავიანურ ნიადაგზე, გერმანული რაზმული წესწყობილებით, გერმანული ცხოვრებისა და ბრძოლის ადათებითა. ხოლო კონსტანტინოპოლი იყო ისტორიული პირველადი მიზეზი რუსული სახელმწიფოს წარმოშობისათვის“-ო.

კიევის სახელმწიფოს ურთიერთობა ჰქონდა არამარტო ბიზანტიასთან, არამედ შუა და დასავლეთ ევროპასთან, და აღმოსავლეთანაც, და როგორც ჩვენ ვიცით, დავუმატებთ, საქართველოსთანაც. კიევის სახელმწიფომ როგორც ძლიერმა ძალამ დიდხანს ვერ იარსება, რადგან კიევის ტახტისათვის მემკვიდრეთა შორის მუდმივი ომი სწარმოებდა და ქვეყანა ნაწილდებოდა, ამავე დროს იწყება ჩრდილოეთისაკენ სლავიანების გადასვლა და იმ ადგილებში დასახლება, რომელიც ფინნებს ეკუთვნებოდა.

ვოლგისა და ოკას ნაპირებზე წარმოიშვა მეთორმეტე საუკუნეში სუზდალის სამთავრო, რომლის დედაქალაქი შემდეგ ვლადიმერ, მდინარე კლიაზმაზე, გახდა, ცოტა ჩრდილო-აღმოსავლეთით ესლანდელი მოსკოვიდან, მთელი ეს მხარე ფინნებს ეკუთრათ, რომელნიც სლავებს შეერივნენ, თვით სახელი მოსკოვი ფინურია და ნიშნავს ძროხის წყალს.

თუ კიევი იყო დედა პირველი რუსული სახელმწიფოსი, სუზდალი შეიქმნა დედა მეორე რუსული სახელმწიფოსი. ანდრეი ბოგოლუბსკი იყო პირველი თავადი (1158-1174 წ.) საუზდალისა.

მეთორმეტე და მეცამეტე საუკუნის მიჯნაზე ერთმანეთს ხვდება დასავლეთით გერმანული და რუსული გაფართოების გზები და იწყება ომები. ეს ის დროა, როცა მონღოლური ჭარიშხალი კიევის სახელმწიფოს უახლოვდება. 1224 წელს მდინარე კალკასთან შეეტაკენ თავდათა ჯარები მონღოლებს, — რუსები სასტიკად იქმნენ დამარცხებული. მაგრამ შემდეგ წელს, გარდაიცვალა მონღოლთა ბატონი ჩინგიზ ყანი, და მხოლოდ 1237 წელს გამოჩნდნენ ისევ მონღოლები, რომელთაც კიევის სახელმწიფო მიწასთან გაასწორეს. გადარჩა მხოლოდ ნოვგოროდის მხარე, ჰოსანლეობამ გადაინაცვლა დასავლეთისაკენ გალიმში და ნოვგოროდისაკენ.

მეთორმეტე საუკუნეში იზრდება ლიტვის სათავადო, რომელსაც თავისი სამფლობელო კიევამდე მიჰყავს, პალიში ანუ გალიციაში ანუ წითელ რუსეთში თავადობს რურიკის ჩამომავალი თავადი დანილევიჩი, რომლის გვარი 1324 წელს მოისპო, გადაგვარდა და ეს მხარე გახდა საომარ მიზეზად პოლონეთისა, ლიტვისა, უნგრეთისა და მონღოლებისა, ანუ როგორც ეძახდნენ თათრებისა, რომელთაც თავისი ბატონობის ჰინა ანუ ოქროს ორდა სარაიში, მდინარე ვოლგაზე ჰქონდათ. პოლონურ-ლიტვიური სახელმწიფო გაერთიანდა და ეს მხარე კიევამდე პოლონურ-ლიტვიურ სახელმწიფოში მოექცა. ამით გადარჩა ეს მხარე გადაგვარებას, რუსულ ქვაბში მოხარშვას, — და აქ ვხედავთ ჩვენ გადარჩენილ უკრაინას.

აღმოსავლეთ ევროპის ისტორიის გასაგებად ეს მნიშვნელოვანი ამბავია. უკრაინის ხალხი, უკრაინულ ენაზე მოლაპარაკე ერთია, და რუსის სახელით ცნობილი ხალხი — მეორეა.

250 წელიწადზე მეტი ბატონობდნენ მონღოლები რუსეთში. „ამ ხნის განმავლობაში ევროპამ გაიარა თავისი ეროვნულ-სახელმწიფოებრივი განვითარება, რუსეთში კი იზრდებოდა მოსკოვის დიდი სათავადო, ერთი სათავადოთაგანი, რომელიც არა ერთი და ორი იყო მონღოლთა შემოსევის დროს“, და მოსკოვი იერთებდა მათ მშვიდობიანი გზით თუ მიმძლავრებით და მიემართებოდა დიდი გაერთიანებული სახელმწიფოს შექმნის გზაზე. „მაგრამ ეს მოვლენები დაკავშირებულია არა ძველ, ნორმანელთა მიერ დაარსებულ სახელმწიფოდან გამომდინარე რუსულ ისტორიასთან, არამედ იკვლევს თავის ახალ დასაწყისს; რადგან კიევი, რუსულ ქალაქთა დედა, გაპარტახებული იყო და ის სათავადოები, რომელზეც

კიევის სახელმწიფო დანაწილდა ვლადიმერ მონომახის სიკვდილის შემდეგ (1113—1125), ერთი ეკუთვნოდნენ ლიტვას და მასთან ერთად მე-14 და მე-15 საუკუნის ზღვარზე პოლონურ-ლიტვიურ ორმაგ სახელმწიფოს, მეორენი კი, როგორც ნოვგოროდი თავისი ვრცელი სამფლობელოებითურთ, თავის საკუთარ, არა აღმოსავლეთისაკენ მიმართულ, არამედ ფართო სავაჭრო ურთიერთობით თავისთავზე დაყრდნობილსა და დასავლეთთან კავშირში მყოფ ცხოვრებას ეწეოდნენ, მონღოლების ბატონობას რუსეთისათვის ჰქონდა სამი, მძიმე წონის შედეგი: 1) ხანგრძლივი ფინანსიური გამოწოვა, 2) ღრმად ფესვგადგმული გავლურება, 3) არაპირდაპირი თანამოქმედება პოლიტიკური გაერთიანებისათვის და აბსოლუტური ძალაუფლების შესაქმნელად“.

1328 წ. ვლადიმეროსუზდალის თავადმა ივანემ თავისი სადგომი მოსკოვში გადაიტანა. აქედან იწყება მოსკოვიური რუსეთის ამბავი. მან მონღოლებისაგან მიიღო უფლება მათთვის ხარკი შეეკრიბა; იგი დაუზოგავად კრებდა მას, და მხოლოდ ნაწილს უგზავნიდა ხანს, ნაწილს თავისთვის იტოვებდა და ამ თანხით მიწებს ყიდულობდა. ამ ივანეს დაექვა კალიტა ანუ ფულის ქისა. იგია პირველი დამწყები რუსული მიწების შეკრებაში. მისმა მემკვიდრეებმა განაგრძეს პატარა სათავადოების მოსკოვისთვის დამორჩილება ხან ძალით, ხან შესყიდვით, ამავე ხნის განმავლობაში მონღოლთა სახანო სარაიში სუსტდებოდა და ოქროს ორდას თავისი ბრწყინვალეობა სწრაფად ეკარგებოდა. უკვე 1480 წელს მოსკოვის თავადმა ივანე მესაქემ (1462—1505) ხარკის მიცემაზე ხანს უარი უთხრა და ცოლად, შეირთო ბიზანტიის უკანასკნელი კეისარის შვილიშვილი პალეოლოგი სოფიო. ივანეს ამან საბაბი მისცა დაღუპული ბიზანტიური იმპერიის ორმაგი არწივი თავის ალამზე დაეხატა და თავისთავისათვის კეისარი ანუ ცეზარი, გარუსულეზულად ცარი, მეფე დაერქვა.

ივანე მეოთხემ, მრისხანემ (1535—1584) სამეფოს გაფართოება განაგრძო, შეტევაზე გადავიდა და ყაზანის სახანო, ასტრახანის სახანო დაიპყრო, ოსტეხესაკენაც მიმართა იარაღი, მაგრამ დაუმარცხდა. ამ ამბებს მოსდევს არეულობა რუსეთში და მხოლოდ 1613 წელს არჩეულ იქმნა რუსეთის მეფედ მიხეილ რომანოვი; ამ გვარმა იმეფა 1917 წლამდე.

მიხეილის შვილის დროს მოხდა შესამჩნევი ამბავი: მოსკოვს შეუერთდა უკრაინა. მონღოლების შემოსევის შემდეგ განადგურებულ კიევის სახელმწიფოს ყოფილ ადგილებზე კვლავ დაიწყო მოშენება მოსახლეობამ, რომელიც უმთავრესად გალიციიდან ბრუნდებოდა და მეცამეტე საუკუნიდან ჩნდება ამ მხარისათვის ახალი სახელი „უკრაინა“. ყველა მეზობელი ქვეყნებიდან უქმაცოფილო ელემენტები თავს იყრიდნენ აქ და კახაკების მეთაურობით დაარსებულ იქმნა „ზობოროუსკი სეჩი“, რომელიც ხშირ ომებს აწარმოებდა, როგორც ყირიმელ თათრების, ისე პოლონელების, ლიტველების და რუსების წინააღმდეგ. 1654 წელს გეტმანმა ხმელნიცკიმ რუსეთის მეფეს ერთგულების ფიცი მისცა: — უკრაინას უნდა ჰქონოდა რუსეთის მფარველობით თავისი დამოუკიდებლობა, მას შეეძლო ყველა სახელმწიფოს წარმოადგენლები ჰყოლოდა, გარდა პოლონეთისა და თურქეთისა, ავტონომიისათვის ეს ხელშეკრულება 1654 წლისა“, ამბობს ავტორი, არის თარიღი არა მარტო რუსული, არამედ ევროპიული ისტორიისათვისაც, ვინაიდან ეს ნიშნავს რუსული დიდი სახელმწიფოს დაბადების საათს“-ო.

პოლონეთი შეედავა უკრაინას, მაგრამ მოსკოვმა დაამარცხა იგი: „ამ წმინდა ბარბაროსულმა სახელმწიფომ მიიღო თათრების ბატონობის განმავლობაში სასტიკი მილიტარული, პოლიტიკური და ფინანსიური ორგანიზაცია“ და მოსკოვმა ამით გაიმარჯვა; სახელმწიფოს მოწყობის მხრივ მაშინდელ რუსეთს, მეჩვიდმეტე საუკუნეში დასავლეთის სახელმწიფოებთან შედარებით უპირატე სობაც ჰქონდა. პეტრე დიდმა (1672—1725) განაგრძო რუ-



სეთის გაფართოება და შეუღდა ქვეყნის ძალით გაეცრობილებას; მან დაამარცხა შვეიცია პოლტავის ბრძოლაში 1709 წელს, შეიერთა ესტლანდია და ლივლანდია. 1721 წელს პეტრე დიდმა თავისი თავი იმპერატორად გამოაცხადა და ამგვარად რუსეთის იმპერია დაარსდა. ეკატერინე მეორემ განავრცო იმპერიის გაფართოება, დაიპყრო ყირიმის სხანრა და ოსმალეთთან ომებშიც გაიმარჯვა. პოლონეთის სამჯერ განაწილებით რუსეთსა, პრუსიასა და ავსტრიას შორის, რუსეთმა მიიღო პოლონეთის დიდი ნაწილი და ამგვარად ევროპული სახელმწიფოების უმუალო მოსაზღვრე გახდა, ალექსანდრე პირველი უკვე ევროპის საქმეებში აქტიურად ერევა, ნაპოლეონის ომებში მონაწილეობას ღებულობს და 1809 წელს ფინეთს (ფინლანდიას) შეიერთებს.

გადავდივართ უკვე მეცხრამეტე საუკუნეში, როდესაც რუსეთი უკვე უზარმაზარი იმპერიაა და რუსეთში ჩნდება გარკვეული მიმართულება ევროპაში ბატონობისათვის. მთავარი მიზანია: — კონსტანტინოპოლის ანუ სტამბულის ხელში ჩაგდება და ბალკანეთში ბატონობა, ნიკოლოზ პირველი მარცხდება ამ მიზნისათვის წარმოებულ ომში (ყირიმის ომი, 1855 წ.), ამავე დროს რუსეთი წინ მიიწევს აზიაში და მაგრდება კავკასიაში. „თანდათან, ამბობს ავტორი, „თურქულ-ორიენტალურ ინტერესებთან ერთად მეტადნდება მეორე განვითარების ხაზი. მეფერამეტე და მეცხრამეტე საუკუნის მიჯნაზე რუსეთს ხელში უვარდება ძველი ქრისტიანული სახელმწიფოები ამიერკავკასიისა, ქართლი და იმერეთი, შედეგობრივად ამან გამოიწვია მთელი კავკასიური ყელის დაპყრობა, რაც მეცხრამეტე საუკუნის შუას მერმე მალე დასრულდა. კავკასიური მხარეებიდან იხსნებოდა გამოსადევი მისავალი სპარსეთისაკენ, რომელიც საკმაოდ სწრაფად აგრეთვე როგორც რუსული ექსპანსიის საგანი განხილვებოდა.“ — აზიაში დაპყრობილ ან შემოერთებულ იქმნენ: ხევა, ბუხარა, კოკანი, აქ რუსეთი მიუახლოვდა ინგლისის იმპერიის საფუძველს — ინდოეთს. კიდევ ზემოდ, ჩინეთზე ბატონობას ლაშობდა და იაპონიას ემუქრებოდა, ამან გამოიწვია რუსეთ-იაპონიის ომი 1904 წ., როცა რუსეთი დამარცხდა და რევოლუციის საფრთხეში ჩავარდა.

1861 წელს ბატონყმობისაგან განთავისუფლებული გლეხობა უმიწოდ დარჩა, რაც გლეხობას გამოუვალ მდგომარეობაში აყენებდა. დაიწყო სამრეწველო განვითარება და მუშებიც თავის უფლებების განხორციელებას მოითხოვდნენ; ინტელიგენცია, გატაცებული დასავლეთი ევროპის სახელმწიფოებრივი წესრიგით, თვითმპყრობელობას ებრძოდა, გლეხების სიღარიბე, მუშების სიღატაკე და ინტელიგენციის უკმაყოფილება რევოლუციურ მოძრაობას ფრთებს ასხამდა. 1881 წ. მოკლეს იმპერატორი ალექსანდრე მეორე. ერთი მხრივ იდგა თვითმპყრობელური მითვრობა, რომელსაც მრავალ მილიონიან მიწით მშენიერი ხალხის ინტერესები არ ესმოდა, მეორე მხრივ ჩამორჩენილი და უკულტურო მილიონიანი მასები, — და ეს იყო რუსეთის კატასტროფის მიზეზიც, 1905 წლის შემდეგ მოწვეულმა სახელმწიფო სათათბირომ (დუმამ) მიწა გლეხს ვერ მისცა და სტოლიპინის მიერ დაწყებული მიწის რეფორმა საბოლოოდ არ გატარდა და არც გადამწყვეტი იყო საკითხისა. ასე რომ, როცა 1917 წელს რევოლუცია მოხდა და ბოლშევიკებმა დასცეს ყოფინა; მიწა მიწის მუშას, — მას გლეხობამაც დაუჭირა მხარი და მიწას მიესია.

მეფის რუსეთის მრეწველობის განვითარება თვითონ რუსეთს თავისი სახსრებით არ შეეძლო, ამიტომ უცხო კაპიტალს მიეცა გასაქანი და სახელმწიფო ხარჯებისათვის არა ერთი დიდი სესხბც იქმნა აღებული უცხოეთში. ახალმა კაპიტალისტურმა მრეწველობამ ძველი ფეოდალური წესების ნგრევა გამოიწვია და სოციალური კანონმდებლობის უქონობამ მუშათა მასები უკმაყოფილებაში ჩაავდო. ამასთანავე ეროვნულ საკითხში, როგორც ცენ-

ტრალიზებული ქვეყანა, რუსეთი სცილობდა ჩაებრჩო ყოველგვარი ეროვნული მოძრაობა, და დაქინებით მისდევდა ვამარუსებელ პოლიტიკას, მაშინ როცა თვით სლავიანების გაერთიანების სახელით ბალკანეთში, ავსტრიაში და სერბიაში ხელებს აფათურებდა.

რუსეთის მოწინააღმდეგე ავსტრია, რომელსაც თავის სახელმწიფოს ფარგლებში მრავალი უკრაინელი ჰყავდა, უკრაინელთა შორის ნაციონალისტურ პროპაგანდას ხელს უწყობდა და ამით რუსეთის უკრაინას ემუქრებოდა. და როცა ავსტრიის მთავრობამ გადასწყვიტა უკრაინული უნივერსიტეტის დაარსება, რუსეთის მთავრობამ ეს მტრულ მოქმედებად მიიღო და „ნოვოე ვრემიამ“ დასწერა 1914 წ. „ლემბერგში უკრაინული უნივერსიტეტის დაარსება რუსეთისათვის იქნებოდა საომარი მიზეზი ავსტრო-უნგრეთთან“ — კონკურენციის შესახებ.


ამგვარად ახლოვდება მსოფლიოში (1914—1918) და რუსეთი ომში მონაწილეობას ღებულობს. რა მიზეზებით ჩაება რუსეთი ომში? პაულ რობინსის შეხედულებით ეს მიზეზები შემდეგი იყო:

1. დამპყრობელ დოგმად გადაქცეული პანსლავისტური იდეოლოგია,
2. სამეურნეო პოლიტიკურ საფუძველზე წარმოშობილი „ისტორიული“ მოთხოვნა, რომ რუსეთმა უნდა იბატონოს დარდნელზე,
3. საშიში ფინანსიური მდგომარეობა, რომლის გამოსწორება შეიძლებოდა მხოლოდ ომის კონტრაბუტით,
4. უკრაინული საკითხი,
5. რუსული ინდუსტრიის ჩივილი უცხოეთის და განსაკუთრებით გერმანული კონკურენციის შესახებ.

შემდეგ თავში ავტორი ენება მის მიერ ეგრედ წოდებულ „მესამე რუსეთს“ ანუ აღმოსავლეთი ევროპის ბალტიურ მხარეს. აქ მას მოკლედ აქვს გადმოცემული ფინეთის, ლატვია, ლიტვა, ესტონეთის და პოლონეთის ამბები, თუ როგორ დაიპყრო და შეიერთა რუსეთმა ეს ქვეყნები. შემდეგ კი მოსდევს თავი: „კავკასია“.

„გეოგრაფიულად განხილული, კავკასიის დიდი მთები წარმოადგენს გაცილებით უფრო ძლიერ საზღვარს აღმოსავლეთ ევროპასა და წინააზიას შუა, ვინემ ურალი ციმბირის წინაშე. კულტურულად და ეთნოგრაფიულად კიდევ, მთელი კავკასიური ყელი შავსა და კასპიის ზღვის შორის თავისთავად არის იმდენად თვითმყოფი, რომ ადვილი არაა იმიერ და ამიერკავკასია ერთი მეორესაგან განყო. ყუბანის ოლქი, ჩრდილო-დასავლეთი იმიერ მხარისა, რომელიც პონტიურ-ურალური შავი მიწის სარტყელის ერთ ნაწილს წარმოადგენს, უკრაინულ სტეპებს ისე ენათესავება, რომ უმჯობესია მას მიეთვალოს. იგი უმთავრესად კიდევ უკრაინელი გლეხებისაგანაა დასახლებული. თვით მთები იყო უკანდასახევი ადგილი მრავალ ხალხთა ნაშთებისათვის და ხალხთა ნამსწერევეებისათვის, რომელნიც უცნობი დროიდან აქ თავს აფარებდნენ. არაბები კავკასიას ეტახიან ენათა მთას, და ოდნავ ვადაქარბება არაა, თუ გვესმის, რომ თბილისის ბაზარზე 61 ენას ლაპარაკობენ. შავი ზღვის ნაპირზე კავკასიის მთები ისე უახლოვდება ზღვას, რომ მხოლოდ მოდერნულმა გზის შენებამ შექმნა ქვეყანასთან მიმოსვლის საშუალება, კასპიის ზღვის ნაპირი კი მოხერხებული და თავისუფალი გამოსავალია. ამიტომ არსებობდა აქ ძველთაძველი გზა ხალხებისა და აქ, მთის სამხრეთ მხარეზე სახელმწიფოებს უძველესი ხანიდან ჰქონდათ ჯებირი ჩრდილოეთიდან თავდასხმის წინააღმდეგ. კასპიის ზღვის ნაპირზე არსებული ქალაქი დერბენტის სახელი არის ამისი მლალადებული მოწამე, ვინაიდან სპარსულად იგი ნიშნავს: რკინის კარებს (სპარსულად თუ არაბულად?).

„ამიერკავკასია, დიდ მთარგზილის აქით მდებარე ქვეყანა, გეოგრაფიულად უკვე ევროპა აღარაა, მაგრამ ერთი საუკუნეა, რაც იგი რუსეთთან ისე მჭიდროდაა გადაბმული, რომ აღმოსავლეთი ევროპის ჩიენი განხილვიდან არ შეგვიძლია იგი გამოვრიცხოთ, ისე როგორც პოლონეთი, რომელიც შუაევროპაში იჭრება. სამი ხალხი, ქართველ-



ბი, სომხები და თათრები, მოსახლეობს ამიერკავკასიის მთავარ კუთხეებში. ორივე პირველი აქ ძალიან ძველი დროიდან მოსახლეობს; თათრები, პირიქით, ახალი დროის შემოჭრილები არიან. ქართველებში, გეორგიერ, რუსები ეახიან, გრუზინი შეიძლება დავინახოთ აქ უკანდახეული თამომავალნი ალაროდებელისა ანუ ხალდეველთა, იმ ალხისა, რომელიც, სანამ მეზვიდე საუკუნეში ქრისტეს წინ შემოიჭრებოდნენ ინდო-გერმანული სომხები, სახლობდნენ ეხლა ეგრედწოდებულ სომხურ მაღალ მხარეში, აქვე გვესმის მათ შესახებ ასირიელ მეფეთა წარწერებში, რომელთაც მრავალჯერ ილაშქრეს ხალდთა ქვეყანაში, მაგრამ სადაც მათ ფეხი ვერასოდეს ვერ მოიკიდეს. ხალდეები (ხალდეველები) იყვნენ მაღლად კულტურული, სწორდნენ ლურსმულით და იყვნენ კარგი ოსტატები ციხეთა აგებაში, საბინაო გამოქვაბულთა კეთებაში და კლდეში გამოჭრილ მოსარწყავ წყალსადენთა მოწყობაში. კლდევანი სიმაგრე ვანისა, რომელიც მათ მთავარ ქალაქს ტუსპას-ჰქონდა, გვიჩვენებს ხალდური მუშაობის მრავალ კვალს. და ვინაიდან მისდევარს შენებულეზანი აგრეთვე საქართველოში მოიპოვებინ, შეიძლება ვიფიქროთ, რომ ხალდთა საბინადრო უკვე უძველეს დროში კავკასიაში აღწევდა და დღეს ქართველების მიერ ასახლებულ მხარესაც შეიცავდა. საქართველოს ჰაეა არაა ისე ლბილი, ვანსაკუთრებით ზამთარში, როგორც მოსალოდნელი უნდა ყოფილიყო მხარის სამხრეთი მდებარეობისა გამო, მაგრამ მაინც იგი ატარებს ნახევრად ხმელთაშუაზღვისებური ხასიათს მარად მწვანე ბუჩქებით და ჰარბი ხილულობით, განსაკუთრებით, ვანით. ხეობანი და ბარი ჰვლობენ აგრეთვე მდიდარ მარცვლეულების ნიადაგს.


„უფრო უხეში ვინემ საქართველო, ვინაიდან უფრო მაღლა მდებარეობს, არის ამიერკავკასიური სომხეთი. სომხები ეკუთვნებიან ინდო-გერმანულ მოხეტიალე ხალხთა რიგს, რომელთაც პირველსა და მეორე ათასეულ წლებში ქრისტეს წინ თავის ევროპიულ ბუდე სამშობლოდან აღმოსავლეთისაგან წაიწიეს. ამ მოხეტიალეთა შორის უკანასკნელი იყვნენ, მესამე საუკუნეში ქრისტეს წინ, კელტები (გალეები), რომელთაც მიაღწიეს იმ მხარეს, რომელსაც მათი სახელი გალათია ჰქვია, კელტების წინ, მაგრამ ფრიგიელების შემდეგ, მოვიდნენ არმენიელები (სომხები), მათი სახელი გვხვდება პირველად სპარსეთის მეფე დარიუს პირველის მიერ კლდეზე ამოჭრილ წარწერაში. საიდან წარმოსდგება მათი სახელი, არ ვიცით, არმენები ტაბი მიგვიითობს, რომ ისინი, როგორც დამპყრობლები (სომხები თავისთავს ჰაიკს უწოდებენ). მათი ეხლანდელი ქვეყნის წინა მკვიდრო, ხალდამსა და ალბად ხეთებს შეეერთნენ. მესამე საუკუნეში ქრისტეს შემდეგ, მათ განავრცეს თავისი საბინადრო უკვე ამიერკავკასიაში. ჰანბა-ლმა, ამბობენ, სომხეთის მეფე არტაქსიას-ს დედა-ქალაქის არტაქსატას-ის გეგმა შეუდგინა, რომელიც იყო ეხლანდელი ერივანის ახლოს: პომპეიუს-მა თავის ლაშქრობაში მდინარე მტკვრის ხეობას მიაღწია, რომლის ზემო მიმდინარებაზე ქართული დედაქალაქი თბილისი ძვეს. რომაული კეისრების ხანაში აგრეთვე, შედიოდა ამიერკავკასია, თუმცა არა როგორც ორგანიზებული პროვინცია, რომის სამფლობელოში და შემდეგ ბიზანტიურში, ხანდაზმით განავრცეს აქამდე არაბთა ხალიფებმა თავისი ბატონობა, მათგან სუსტად დამოკიდებული, ხანდახან დამოუკიდებელი, მეფობდნენ მეცამეტი საუკუნემდე სომეხი მეფეები, ანი (ანისი), ამიერკავკასიის მაღალ მთებში, მრავალ საუკუნეთა მანძილზე, იყო სამეფო მეფის სატახტო ქალაქი. მონღოლთა შემოსევებმა საშინელი განადგურებით გააპარტახა აგრეთვე ამიერკავკასია, ხოლო მათ არ დაუტოვებიათ უკან ახალი ხალხური ელემენტები, მაგრამ პირიქით ხანგრძლივი იყო შემოსვლა-ლტოლვა აღმოსავლეთ-თურქული ტომებისა, ეგრედწოდებულ თათრებისა, რომელთაც სპარსეთის ჩრდილო-დასავლეთი მხარე დაიკავეს და იქიდან მტკვრის ქვედა ნაწილის მთელი მხარეზე გავრცელდნენ, თურქული წოდება აზერბაიჯან,

რომელშიც ძველებური მედია ბტრობატენე მოისმის, იხმარება ეხლა როგორც კავკასიური ისე სპარსული ნაწილის, თათრების მიერ დასახლებულ მხარის სახელად.

„საქართველომ თავი გადაიჩინა მეცხრამეტე საუკუნის ბოლომდე თურქებისა და სპარსების მუდმივი საფრთხისაგან თავის ეროვნულ მპყრობელთა წყალობით, რომელნიც მეფის ტიტულს ატარებდნენ. ქართული ხალხური ნიადაგი ვრცელდება (უწევს) დასავლეთით შავზღვამდე; სანაპირო მხარეს ეწოდება იმერეთი; ესაა ძველი კოლხეთი, სადაც რამოდენიმე ბერძნული ქალაქი არსებობდა, აქ გაითამაშა გადმოკვამ ოქროს ვერძისა და არგონავტების მოგზაურობის შესახებ. სპარსულ-თათრულ-თურქულ შეჭირვებათა მიუხედავად, ქართველებმა შეინარჩუნეს მეოთხე საუკუნეში მიღებული ქრისტიანობა. უკანასკნელმა ქართველთა მეფემ ერეკლე მეორემ, — იგია პრინცი პერაკლიუს, ლესსინგის „მინა ფონ ბარჰელმ“-ში, — თავისი ქვეყანა 1783 წელს დააყენა რუსეთის მფარველობაში და დაუმკვიდრა იგი თავისი ანდერძით რუსეთის იმპერატორს. 1801 წელს საქართველო გახდა რუსულ პროვინციად.

„საქართველოს მოპოვებას შედეგად ის ჰქონდა, რომ რუსეთმა 1828 წ. სპარსეთის წინააღმდეგ ომით სპარსულ ბატონობაში მყოფი ამიერკავკასიის ნაწილი ერივანითა და ბაქოთურთ დაიპყრო. ამით შევიდა რუსულ ბატონობაში მნიშვნელოვანი ნაწილი სომხური და თათრული ხალხებისა. ეს ბატონობა აღწევდა უკვე მთავრების გადღობა შევიდნენ კასპის ზღვამდე, მაგრამ რათა ამიერკავკასია რუსეთის იმპერიასთან მჭიდროდ ყოფილიყო დაკავშირებული, ამიტომ იგი ბატონი უნდა გამხდარიყო აგრეთვე თვით მთებში, მის შემოსავლებში და გადასავლებზე და ჩრდილო წინამხარეში. ბრძოლანი მთის ხალხებთან, რომელნიც ძნელად მიუვალ ხეობებში მწარედ თავს იცავდნენ და თავისი ისლამური კნატიზმით კიდევ უფრო განმტკიცებული იყვნენ, დიდხანს გაგრძელდნენ. მხოლოდ სამოციან წლებში საბოლოოდ მოათავეს აქ საქმე რუსებმა. ზემო კუბანის არეში მცხოვრებმა ჩერქეზებმა არჩიეს თურქეთს გადასახლება, ვინემ ქრისტიანთა ბატონობაში ცხოვრება, ორი თანამედროვე სამხედრო გზის გაკეთებით (განთქმული ქართული გზა მთავრების ცენტრალ ნაწილში და დასავლეთით მდებარე, ოსური გზა), ამასგარდა რკინისგზის გაყვანით კასპის ზღვის ნაპირის ვასწრივ, ამიერკავკასიის დაკავშირება დანარჩენ რუსეთთან უზრუნველყოფილ იქმნა. თურქეთთან ომით 1877—78 რუსულ ხელში გადავიდა მნიშვნელოვანი ნაეთსადგური ბათუმი შავზღვაზე. რუსეთისათვის მნიშვნელოვანი იყო აგრეთვე ის, რომ სომხური ეკლესიის მეტაური, სრულიად სომეხთა კათალიკოსი, რომელსაც საკათალიკოსო ტახტი ეჩმიადინის მონასტერში, ერივანთან ახლოს, რუსულ სამფლობელოში იმყოფებოდა, „ნახევარკენძულ ეპმრონზე, ბაქოსთან, მდიდარ სანავთო ბუდობების აღმოჩენამ 1859 წ. ასწია მნიშვნელოვანად კავკასიის მხარის ღირებულება რუსეთისათვის. 1900 წელში რუსეთის სანავთო წარმოება მსოფლიო წარმოების ნახევარზე ცოტა მეტი იყო, გადასწიო მაშინ შეერთებულ შტატებს, მას შემდეგ ქაბურღილების გამოსავალი ჩრდილო ამერიკაში და სხვა სანავთო წარმოების წამყვან ქვეყნები ისე დიდთა გაიზარდა, რომ ბაქოსა და სხვა მწარმოებელი ადგილების გამოსავალი კავკასიაში მხოლოდ ერთ პატარა ნაწილს წარმოადგენს მთელ მსოფლიო წარმოებაში, დიდი ღირებულებისაა აგრეთვე კავკასიური ბუდობები მანგანეცისა (შავი ქვისა) და სპილენძისა. ნახშირი და რკინაც აგრეთვე მოიპოვება, მაგრამ ჯერ კიდევ ბევრს არაფერს ნიშნავს. შესაძლებელია სომხური რკინის მადანი მნიშვნელოვანი გახდეს.

„გარუსების ცდა ალექსანდრე მესამეს დროიდან კავკასიაშიც მიმდინარეობდა, მაგრამ ქართველ, სომეხ და თათართა მტკიცე ხალხურ შეგნების წინააღმდეგ, მიუხედავად სკოლებში ნაცად ძალადობისა, ქალაქებში ნაკლებ



ლა სოფლებში სრულიად უშედეგო იყო. თავისთავად კიდევ რუსული კოლონიზაცია ამიერკავკასიაში არ არსებობდა, თუ მხედველობაში არ მივიღებთ შინა-რუსული სამშობლოდან გამოძევებულ სექტანტებს, რომელსაც აქ ძალით ასახლებდნენ, სულ სხვაგვარად დაეწყო საქმე ვაკე, სტეპურ წინააღმდეგობაში მთავრების ჩრდილო მხარეზე. აქეთვე მიემართა მაგარი, სამი წყაროდან ნაკვები ჩასახლებითი მოძრაობა; წინააღმდეგობა წარმოადგენდნენ კახაკები, რომელნიც ჩაასახლეს ყუბანის მხარეში, რათა თავი დაეცვათ ჩერქეზების ცარცვისაგან, მათ თან მიჰყვნენ შავ მიწაზე, ქვემო და შუა ყუბანზე, უკრაინელი გლეხები და აღმოსავლეთით, კასპის ზღვის პირდაპირ მდებარე იმირკავკასიის ნაწილში აგრეთვე ველიკორისების ახალშენები. ყუბანის მხარე, უწინ თითქმის უკაცრიელი, მაგრამ ნოყიერი შავი მიწა, რომელიც როგორც ხორბლეულობის ქვეყანა უკრაინას არ ჩამოუვარდება, ვადაიქცა სწორედ უკრაინულ სახალხო სამკვიდრებელ ნაწილად. წინასწარი პირობა ჩრდილო კავკასიური სტეპების კულტივიზაციისათვის იყო მთის ხალხთა ალაგმვა. მათთან ბრძოლამ რუსებს დიდად გაუჭირა საქმე, განსაკუთრებით ვანთქმულ იმამ შამილთან, რომლის ფიგურა დღესაც კი ყველა კავკასიელი მაჰმადიანისათვის თავისუფლების მოთხოვნის სიმბოლოა მოსკოვიდან გამომდინარე მძლავრობის წინააღმდეგ.

„რუსეთის რევოლუციის დროს, 1917 წ., ჩამოშორდა მოსკოვურ რუსეთს მთელი კავკასია, ისე როგორც უკრაინა. მთავრების იქეთ აღმოცენდნენ ეროვნული რესპუბლიკები ქართველებისა, სომხებისა და თათრებისა, აქეთ კი ამაოდ სცადეს კახაკთა თავისუფალი სახელმწიფოს დაარსება. გერმანულმა ჯარებმა 1918 წ. მიაღწიეს თბილისამდე და თურქების წინააღმდეგ ქართველები და სომხები მფარველობაში აიყვანეს — სომხურმა სახალხო რესპუბლიკამ, ამ სამთავან ყველაზე მცირემ, მიიღო ლტოლვილებად სომხები თურქეთიდან, რომელთაც თურქთა მიერ მათი ხალხის უღეტის დროს თავი დაახსიეს. მას შემდეგ რაც გერმანულმა ჯარებმა ამიერკავკასია დასტრავეს, ინგლისელებმა ხელთ იგდეს დროებით ბაქოს სახელმწიფო მხარე, მაგრამ დიდხანს არ შეჩერებულან. მოსკოვურ საბჭოთა მთავრობის წინააღმდეგ ამ სამმა, ამიერკავკასიურმა თავისუფალმა სახელმწიფომ ვერ შესძლო თავისი დამოუკიდებლობის განმტკიცება. გაუერთიანებელნი, ცალკეულად დაპრობილნი, ისინი იძულებით გადააბეს საბჭოთა კავშირს, ესე იგი მოსკოვურ ბოლშევიკურ ბატონობას დაუმორჩილეს. ქართველების აჯანყება წითელ ბატონთა წინააღმდეგ 1924 წ. სისხლში იქმნა ჩახრობილი. საბჭოთა საქართველოს დედაქალაქია თბილისი, საბჭოთა სომხეთის — ერევანი, საბჭოთა აზერბაიჯანის — ბაქო“.

ასე მოკლედ ვაძმოგვცემს პაულ რორბახი კავკასიის ისტორიას და თუმცა ამ ნაამბობში მცირე შეცდომებიც მოიპოვება, მაინც საერთოდ სწორ სურათს იძლევა. პირველად ყოვლისა სადავოა ის საკითხი, რომ თბილისში 61 ენას მოისმენთ, ეს ძველი ზღაპარი, დღემდე დაუფიქვებელია. ამიერკავკასია გეოგრაფიულად ევროპა არაა, მაგრამ არც აზიაა. იგი არ ეკუთვნის არც ცენტრალ და არც მცირე აზიას; შავი და კასპის ზღვის შორისი მხარე უფრო მიჯნაა, და როგორც ასეთი უფრო დამოუკიდებელი, გეოგრაფიულადაც და შეიძლება, ითქვას რასიულადაც, რამდენად იგი უმეტესად იაფეტურ ოჯახს ეკუთვნის. სადავოა აგრეთვე ქართველთა თუ სომხთა წარმოშობა. ამ საკითხის შესახებ სხვადასხვა, დღემდე გაურკვეველი შეხედულება არსებობს. ერეკლე მეორეს 1798 წელს არ დაუდევს მფარველობითი ხელშეკრულება (1783 წ.). იმ წელს ერეკლე გარდაიცვალა, და არც ანდერძით დაუძმკვიდრებია თავისი ქვეყანა რუსეთისათვის; საქართველო რუსულ პროვინციად ვახდა 1801 წელს. კავკასიის ნავთის წარმოებას დღეს არა მცირე ნაწილი, არამედ მეოთხე ად-

გილი უკავია მთელი მსოფლიო სანავთო წარმოების რიგში და სხვა ასეთი წვრილმანი შეცდომა.

შემდეგ თავში ავტორი ეხება გერმანიისა და რუსეთის ურთიერთობას და განსაკუთრებით მნიშვნელოვანია ეს საკითხები უკანასკნელი მსოფლიო ომის დროიდან. ავტორი სამართლიანად ასკვნის, რომ რუსეთის შესვლა ომში ანტანტის (საფრანგეთ-ინგლის-იტალიის) და სხ.) მხარეზე გამოწვეული იყო გერმანია-ავსტრო-ჰუნგარიის მოწინააღმდეგე ინტერესებით, კონსტანტინოპოლისა და ბალკანეთის ხელში ჩაგდებას გულისათვის, და სწორედ მსოფლიო ომის წინ, 1914 წ. პაულ რორბახი ამტკიცებდა, რომ რუსეთი დაინტერესებულია ომით, და საფრთხეში აყენებს გერმანიასა და ავსტრია-ჰუნგარიას! და რადგან ომი მოხდა, და ომი კი არის შეცვლილი საშუალებით პოლიტიკის გაგრძელება, გერმანიის პოლიტიკა უნდა ყოფილიყო რუსეთის დანაწილება, ვინაიდან არ არსებობს ერთი და ერთიანი რუსეთი, არამედ არის სამი რუსეთი, და აღმოსავლეთ ევროპაში, დიდი რუსეთის მაგივრად, განთავისუფლებულ სახელმწიფოთა შექმნით გერმანიას ზურგი თავისუფალი ექმნებოდა და შემოქალაქებს ასცდებოდა. ავტორს ეს აზრი ძველად არა ერთჯერ გამოუთქვამს და ამისათვის ლამაზი შედარებაც მოუტანია. „რუსეთი არის ფართობალი, მისი კანი იჭერს ნაწილებს, რომლის ერთი მეორედან მოშორება, კანის მოშორების შემდეგ, სრულიად იოლიაო. საქრო არ იყო რუსეთის დაჭრა, ადვილი იყო მისი დანაწილება. სხვა ევროპული სახელმწიფოს სხეულის დაჭრა გამოიწვევდა სისხლიან საზღვრებს. სულ სხვა იყო რუსეთი, რომელიც 1914 წ. ომში შეგვხვდა. მაგრამ ამის შესახებ არაფერს არა ჰქონდა წარმოდგენა, და ამ უფიცობიდან წარმოიშვა პოლიტიკური მილიტარული შეცდომითი ხელმძღვანელობა“ — ო. 1915 წ. პოლონეთში და ლიტვაში მიღწეულ დიდ გამარჯვებათა შემდეგ, პაულ რორბახს მიუმართავს გერმანიის საგარეო სამინისტროსათვის, უმაღლეს სამხედრო პირებისათვის, რაინსტაგის დეპუტატებისათვის მოხსენებით, რომლითაც იგი ამტკიცებდა, რომ რუსეთი ეხლავე უნდა იქმნეს დანაწილებული და უკრაინის სახელმწიფოებრივი დამოუკიდებლობა დაუყოვნებლივ უნდა გამოცხადდესო. გერმანიის მტრებს, ამბობს ავტორი, უკეთესად გაგებოდა რუსეთის ვითარება, ვინემ გერმანელ პოლიტიკოსებსო. საფრანგეთის ელჩი რუსეთში, პალეოლოგი ეუბნებოდა რუსეთის საგარეო მინისტრს საზონოვს 1915 წლის 30 იანვარს: „ერთი მოვლენათაგანი, ამ ერთი წლის განმავლობაში, რაც თქვენი ვცხოვრობ, და თვალში მომხვდა და რაზეც უცხოეთში (გერმანია!) ყველაზე ნაკლებ ანგარიშს უწევენ, არის მნიშვნელობა არა რუსული ხალხებისა, რომელთაც იმპერია თავის ფარგლებში შეიცავს. მე არ ვლაპარაკობ მხოლოდ მათ რიცხობრივ მნიშვნელობაზე; საქმე ეხება უმთავრესად მათ, მორალურ მნიშვნელობას, მათ ეთნიურ ინდივიდუალიზმის მტკიცე თვითშეგნებას, მათ მოთხოვნილებას, რომელსაც ისინი არღვნიენ, რათა მათ რუსული მასხებისაგან გამოყოფილი არსებობა დაიმკვიდრონ. ყველა თქვენი უცხო-რასიული ხალხები (ტუზემცები), პოლონელები, ლეტები, ლივლანდურები(?), ბალტები, ესტები, ქართველები, სომხები, თათრები და სხვები, იტანჯებიან თქვენი ცენტრალისტური მართველობის ქვეშ, და კიდევ უფრო მეტად იმით, რომ თქვენი ბიურკრატიას მსუბუქი ხელი არა აქვს. ადრე თუ გვიან თქვენ იძულებული გახდებით მხარეთა ავტონომიები მოაწყოთ“ — ო. „გერმანიაში“, ამბობს რორბახი, „შორს იყვნენ ამ შეხედულებისაგან, რომლის მოპოვებისათვის ჰქვიათ ფრანგს რუსეთში მხოლოდ მოკლე დროის ყოფნა დასჭირდა“ — ო. და პალეოლოგს უწინასწარ-მეტყველებია რუსეთის სამეურნეო მინისტრ კრივოშენინისათვის: როგორც კი შემაკავებელი სალტე მოშორდება რუსეთს, იგი დაარწმუნებდა და დანაწილებოდა. პაულ რორბახი-კი ჯავრობს იმის შესახებ, რომ გერმანელებს ამის შეგნება და წარმოდგენა არა ჰქონდათო. ამიტომ პაულ რორბახს ბევრი



ულეწვია, რათა ეს შეხედულება გერმანელთა შორის განმტკიცებინა და მრავალი ნაბიჯი გადაუდგამს ამ მიმართულებით. ჩემი საბუთები, ამბობს იგი, რამოდენიმე იყრ.

1. რუსეთი, განცდილი დამარცხებებით, უკვე გადამწყვეტად დასუსტებულია; 2. იმპერიის განაპირა კუთხეებში მცხოვრებნი „უცხო-ხალხები“ მოსკოვური რუსეთისაგან ჩამოშორებას მიესალმებიან როგორც განთავისუფლებას; 3. ეს შეეხება აგრეთვე უკრაინასაც, სადაც 40 მილიონიანი მკვიდრია, მდინარეა და შეიძლება მისი სახელმწიფოს აღდგენა; 4. რუსეთის დანაწილება აღმოსავლეთ-ევროპის სახელმწიფოებად უნდა იყოს ამიტომ გერმანიის პოლიტიკის სამხედრო მიზანი, „ვინაიდან ეს სახელმწიფოები მათ შორის არსებულ შინაგან სხვადასხვაობათა, განსხვავებულ და წინააღმდეგობათა გამო აღარაოდეს აღარ აღსდგებიან ერთ ეროვნულ ერთეულად, ზოგიერთ მათგანს დასჭირდება ხანგრძლივად გერმანიისა და ყარნობა და ამგვარად გერმანიის იქნება აღმოსავლეთში ზურგ-თავისუფალი და ამით ბოლოს მოუღებს თავის შემოსალტულ მდგომარეობას“-ო.

მაგრამ პაულ რორბახს არავინ გაუგონა გერმანიაში, და იმის მაგივრად რომ რუსეთში ეს პოლიტიკა გერმანიის ეწარმოებინა და ამით, იარაღთან ერთად, რუსეთი დაემხო, მილიტარული ოპერაციების მთავარი მოქმედება 1916 წელში გადატანილ იქმნა დასავლეთით, საფრანგეთის მიმართ, რამაც გამოიწვია დამლუპველი შედეგები გერმანიისათვისო.

პაულ რორბახს გერმანიის რაიხსკანცლერი ბეტმან-ჰოლვეგიც უნახავს ამ საკითხის შესახებ და მისთვის დასაბუთებული მოხსენებაც წარუდგენია, მაგრამ, უშედეგოდ. გენერალ ფონ ფალკენჰაინს გადაუწყვეტია 1916 წ. დამდეგს ვერდენზე შეტევა და ამით რუსული ოპერაციები შეჩერებულ იქმნა. რორბახს უცდია აგრეთვე რუსული საკითხის შესახებ ჰინდენბურგის ნახვაც და ჯერ ჰაინრიხ ანსტრეტიცის ლიუდენდორფთან. მას, სხვათაშორის უთქვამს რორბახისთვის, „ვერდენი იყო ბოროტმოქმედება“-ო. ამაზე რორბახს უპასუხნია: „ჩვენ უნდა გეჭონდეს მისახვევი საომარი მიზანი, და ეს მხოლოდ შეიძლება იყოს: რუსეთი დღევანდელი მისი სახით სამუდამოდ უნდა გაპქრობილ იქმნას ევროპის კარტიდან. რუსეთი შეიძლება დაყოფილ იქმნას მის შემადგენელ ნაწილებად, ვინაიდან იგი შეკოწიწებულია ძალადობით ცარიზმის მიერ. საფრანგეთსა და ინგლისს ჩვენ მართლა ვერ წავაქცევთ. ჩვენ მათ ომის დასრულების გადაწყვეტილებას შევუმსუბუქებთ მით, რომ არ დავისახავთ არავითარ ისეთ მიზანს, რომელიც ბრძოლის გაგრძელებას მოგვითმის. რუსეთის მაგივრათ როგორც კი მოვაწყობთ აღმოსავლეთ-ევროპიულ სახელმწიფოთა ჯგუფებს, აღარ გვექნება შიში „ქოალიციის მაჯლაჯუნის“ გამო, ბისმარკს რომ აწუხებდა. ამაზე გენერალ ლიუდენდორფმა მიპასუხა: „ეს არის პოლიტიკა, მე როგორც ჯარისკაცი მას არ ვაკეთებ. და თუ გავაკეთებდი მას, ამას ეწოდებოდა: მძაგს ინგლისი! „ჩემს შეკითხვაზე, შემიძლია თუ არა ფელდმარშალი (ჰინდენბურგი) ვინახულო-თქო, ლიუდენდორფმა მიპასუხა: „ბრაუნშვაიგის ჰერცოგი არის მასთან, მაგრამ მე სრულებითაც არა ვფიქრობ, თქვენ მოგკეთ საშუალება ფელდმარშალს თქვენი იდეები გააცნოთ“-ო.

თუ რამდენად მართალი იყო პაულ რორბახი ამას ამტკიცებს იგი იმ აზრებით, რომელიც ამ საკითხის შესახებ პალიოლოგს და შემდეგ ჩორჩილს გამოუთქვამს.

რუსეთი წარსულ ომში დამარცხდა. მონდა თებერვლის რევოლუცია, შემდეგ ბოლშევიკური გადატრიალება. მაგრამ ჩვენს გამარჯვებისათვის, ამბობს რორბახი, უკვე გვიან იყო-ო.

ბრესტლიტოვსკში მოსკოვურმა ბოლშევიკურმა მთავრობამ გერმანიისთან და მის მოკავშირეებთან საზავო მოლაპარაკება დაიწყო. პაულ რორბახი არ არის კმაყოფილი გერმანიის არც ამ საზავო პოლიტიკით. იგი ამბობს:

„თვით საზავო მოლაპარაკებანი ბრესტლიტოვსკში საბჭოთა მთავრობასთან და ბოლოსდაბოლოს უკრაინული კარტის გათამაშება მით, რომ უკრაინა, როგორც სახელმწიფო აღიარებულ იქმნა, დაზიანებული იყო იმ შეხედულების უქონლობით, რომ იგივე უნდა შეხებოდა მთელ ახალ აღმოსავლეთ ევროპას. როცა 1918 წლის მაისში მე გამიწვიეს ოფიციალურად კიევიში, რათა უკრაინელებთან ურთიერთობაში შევსულიყავი, ვიყავი გარეგნულად კმაყოფილი, როცა უკრაინულ სოციალდემოკრატიულ განხეთქილ წავეკითხე, ოსტატი მოვედი, რათა თავისი ნამოღვაწი დავათვალიერო, რომ უკრაინა, როგორც სახელმწიფო, ჩემი ქმნილება იყო, — მაგრამ ყველა გერმანულ დაწესებულებაში, რომელთანაც მე კიევიში რაიმე საქმე მქონდა, არავის არ გაეგებოდა ნამდვილი სახე უკრაინული საკითხისა, ყველა ფიქრობდა, რომ შემდეგში ავტომატიური გაერთიანება უკრაინისა რუსეთთან თავისთავად საგულისხმოა.

„ბრესტლიტოვსკში ბოლშევიკებს არ უნდა მისცემოდათ უფლება ყოფილი რუსეთის სახელმწიფოს რომელიმე ნაწილის სახელით ელაპარაკათ, გარდა იმ მხარისა, რომელიც მოსკოვური ხალხითა დასახლებული. ქვემოლ, კავკასიამდე ყველა ხალხს უნდა მოესმინა გერმანული ძაბილი: თქვენ ხართ თავისუფალი მოსკოვისაგან! თქვენ თვითონ გადასწყვიტეთ: საით გსურთ წახვიდეთ, როგორ გწადიათ მოაწყობთ თქვენი მმართველობა! ეს იქნებოდა უმაგალითო მორალური დაპყრობა გერმანიისათვის მთელს აღმოსავლეთში და მატერიალური ნაყოფი თავისთავად ხელთ ჩაგვივარდებოდა. გერმანიის საომარი მიზანი შეიძლება და უნდა ყოფილიყო, 1914 წლის რუსეთის იმპერიის სივრცეზე აღმოსავლეთ-ევროპიულ სახელმწიფოთა ჯგუფის შექმნა, რომელიც დაახლოებით ასეთ სურათს მოგვცემდა; მოსკოვია, უკრაინა, ფინეთი, პოლონეთი, ბალტიური მხარე, საქართველო, სომხეთი. ამასთან, არსად სისხლიანი საზღვარი არ იქნებოდა, პირიქით, ყველაფერი შეიძლება განხორციელებულიყო როგორც დიდი თავისუფლების პროგრამა არა-მოსკოვური ხალხებისათვის შეუწყვეტელი გაგრძელება შეტევისა 1915 წელს აღმოსავლეთში, როგორც ამას ჰინდენბურგი მოითხოვდა, მიზანს მიაღწევდა. გერმანია იქნებოდა აღმოსავლეთში ზურგ-თავისუფალი, დასავლეთით მტრები დაინახავდნენ, რომ ჩვენი დარჩება შეუძლებელი იქნებოდა. ეს დიდი თამაში 1918 წ. წაგებულ იქმნა. საბჭოთა რუსეთი, დასავლეთით ტერიტორიების დაკარგვის მიუხედავად, იმდენად ძლიერი მაინც დარჩა, რომ დაუცავი უკრაინა და კავკასია ისევ სისხლიანი ბრძოლებით, დაეპყრო. თითქმის მთელი აღმოსავლეთ-ევროპიულ ტერიტორიათა მასსა ჩაუვარდა ბოლშევიკებს ხელში და მას შეეძლო უკვე მათგან შექმნილი არსენალი განათლებული კაცობრიობის მუქარად გადაეჭკია.

„არსებობს ერთგვარი უნარი, რომელსაც ინგლისელები „ვიზონს“ ეძახიან (განჭკრეტა, ალლო), ერთნაირი ხილვა, რომელშიც ცოდნა ქვეყნისა, ერების პოლიტიკური ნებისყოფის შექმნისა, და ცნობა შესაძლებლობათა, რათა საგარეო ვითარებანი თავისი საკუთარი ეროვნული პოლიტიკისათვის გამოიყენო, ინტუიტურად ერთმანეთს გადაბმულია. ეს გვაკლდა ჩვენ მსოფლიო ომის დროს, და ამიტომ დავმარცხდით ჩვენ. უყურეთ რუსეთს!“

პაულ რორბახის ეს თხუზულება გამოქვეყნებულია 1942 წელს პოტსდამში და უკანთვალის გადავლებით იგი ჭეშმარიტებით აღნიშნავს იმ ნაკლს, რომელმაც, ჩვენის აზრითაც, გერმანიას მსოფლიო ომი მაშინ წააგებინა.

შემდეგი, მეოთხე თავი ამ თხუზულებსა, არის „აღმოსავლეთი ევროპა მსოფლიო ომის შემდეგ: საბჭოთა კავშირი“. ბოლშევიკური წესწყობილების წარმოშობის ისტორია, საბჭოთა რუსეთისა და საბჭოთა კავშირის ისტორია პაულ რორბახს, ისტორიული ჭეშმარიტებითა აქვს განხილული. მართალია, პეტრე დიდმა დაიწყო რუსული ხალხის გაევროპილება, მაგრამ რუსეთი არსებითად ისევ



აზია დარჩა, როგორც პოლიტიკურად, ისე სოციალურად და კულტურულად. ზავის მოთხოვნები და უშიშრობამ რუსის გლეხი მიიყვანა ბოლშევიკებთან. — რუსის გლეხს უშიშრობის მიზეზით სახელმწიფოსთან და მთავრობასთან ყოველგვარი კავშირი დაკარგული ჰქონდა და იგი ვაჰყვა მას, ვინც მიწა შეპირდა. ლენინმა თვითონ სთქვა: „რამ მოგვიტანა ჩვენ გამარჯვება? მან, რომ ზავი და მიწა ალუ-თქვით!“. მასების ძახილი ზავისაკენ და გლეხთა ძახილი მიწისათვის იყო ელემენტარული ძალა, რომელმაც თვით-მპყრობელობაც და დროებითი მთავრობებიც დაამხო. მოვიდა ბოლშევიკები და დამყარდა ტერორი; ნები შესცვალა კოლექტივიზაციამ. შეუძლებელია გაიგოთ ბოლშევიკური შინაური პოლიტიკა, განსაკუთრებით მისი სამეურ-ნეო პოლიტიკა, თუ მას სავარეო პოლიტიკას ჩამოაშო-რებთ. სავარეო პოლიტიკის მიზანია: მსოფლიო კომუ-ნისტური რევოლუცია, რომელსაც ყველაფერი ემსახუ-რება, და განსაკუთრებით ის მოვლენა, რომ საბჭოთა კავ-შირი მილიტარულად ისე ძლიერი უნდა გამხდარიყო, რომ მსოფლიო გადატრიალების საქმე თვითონ აეღო ხელში. ამაში მდებარეობს ფესვები სტალინის პოლიტიკისა, რომ-ლის მიხედვით უნდა მომხდარიყო საბჭოთა კავშირის მი-ლიტარიზაცია და ამ ნიადაგზე იქმნა აწყობილი საბჭოთა მეურნეობაც. კოლექტივიზაციის დაწესების მიზეზი იყო პირველი ის, რომ სახელმწიფოს პური ჰქონოდა უზოვითში გასასყიდად და იქ მანქანების შესაძენად, რათა სამხედრო, მძიმე და მზატე ინდუსტრია, განვითარებინათ; და მეორე ის, რომ კოლექტივიზაციით გლეხობა არ გამდიდრებუ-ლიყო და კერძო საკუთრებას ფეხი არ მოედვა, რაც მსოფ-ლიო რევოლუციისათვის ანგარიშში არ შედიოდა. ამგვა-რად, საბჭოთა გლეხი გადაიქცა, გადაუჭარბებლად რომ ითქვას, სახელმწიფო მონად, რომლის შრომის შემოსავა-ლი სახელმწიფოს მიაქვს და თვითონ კი უფლებაც არა აქვს თავისი ცოლშვილის გამოსაკვები ვადინახოს. კო-ლექტივიზაციის მიზანი იყო აგრეთვე, ამგვარად მიღებუ-ლი პურით მოსკოვს ქალაქები და ინდუსტრიული მხარეები გამოეკვება, გლეხები ქარხნებში შეერეკა და ჯარიც შეექმნა.

ის დიდი ინდუსტრიალიზაცია, რომელიც საბჭოთა კავ-შირში წამოიწყო მილიტარიზაციის ემსახურებოდა და ამისათვის დაწესებულ იქმნა გეგმობრივი მუშაობა, რომ-ლის შედეგად ასეთი სამრეწველო რაიონები შეიქმნა: დასავლეთის ინდუსტრიული ზონა, ლენინგრადითურთ; იაროსლავ-როსტოვის ზონა, თავისი მანქანათა ამგები ინ-დუსტრიით და ლითონთა გადამამუშავებელი მრეწველო-ბით. აქ სამხრეთით უმთავრესად შავი და ჭრელი მეტალურ-გიით და მძიმე ქიმიით, ჩრდილოეთით ელექტრო-ტექნი-კით და მსუბუქი ქიმიით; მესამე ზონა — ვოლგა, სადაც სჭარბობს მანქანათმშენებლობა, და ლითონთა გადამამუშა-ვება, ნავთის გაწმენდა, წის გადამამუშავება, ჭამისმისა და ტექსტილის ინდუსტრია; ამას მოსდევს შემდეგ ურალის დიდი ინდუსტრია და კუზნეცის სამთო-მადნო მრეწვე-ლობა, რომელიც დაკავშირებულია ურალთან და ჰქმნის ურალ-კუზნეცის კომბინატს; ამას შემდეგ მოჰყვება ციმბირში ენისეი-ანგარას სამრეწველო მხარე და სხ. ურა-ლისა და კუზნეცის კომბინატის შექმნა იმითა გამოწვეუ-ლია, რომ ურალს თავისი საკუთარი ქვანახშირი არ გააჩ-ნია და იგი უნდა მიზიდოს ყველაზე უფრო ახლო მდებარე კუზნეციდან, რომლის მანძილი ორი ათას კილომეტ-რზე მეტს უდრის; მრეწველობითი სტანდორტის თვალ-საზრისით ეს მოვლენა დიდი მეურნეული ნაკლია, მაგრამ იქ, სადაც არც ადამიანს აფასებენ და არც მის შრომას, ამას მნიშვნელობა არა აქვს.

ავტორი ენება აგრეთვე ოქროს წარმოებას, აღნიშნავს თუ როგორი სისწრაფით განავითარეს იგი საბჭოთა კავ-შირში, ადამიანთა და მისი შრომის დაუზოგავობით, და ამბობს, რომ კავკასიაშიც დაიწყო, როგორც უძველეს დროში, ოქროს ბუღებების დამამუშავებლო.

რაც შეეხება საბჭოთა კავშირის ბუნებრივ სამეურნეო

საფუძვლებს, აქ ავტორი ეყრდნობა რა სპეციალისტების მიერ გამოამუშავებულ შეხედულებებს, ასკვნის, რომ საბ-ჭოთა კავშირი თუმცა მეტად მდიდარი ქვეყანაა, როგორც ეს უცხოეთში გადაჭარბებითაც წარმოუდგენიათ, მაგრამ მისი სიმდიდრე ამ უზარმაზარ სივრცეზე ისე გაბნეულია და ხშირად ისე მიუწევდომელი, რომ თავის ღირებულებას ჰკარგავს. საბჭოთა კავშირი ავგარული ქვეყანაა, და ბოლშევიკებმა მოისურვეს მისი ინდუსტრიალიზაცია; ესო, ამბობს ნიდერმაიერი, აუცილებელი მოვლენა იყო, როგორც ეს ამერიკაში მოხდა, მაგრამ იქ განვითარება იყო ნორმალური და აქ ძალობრივი. გეგმის ძალით გან-ხორციელება, ამ ძალადობის შედეგად, რამაც მილიონ-მილიონი ადამიანთა მსხვერპლი შეიწირა, საბჭოთა კავ-შირმა მართლაც გააძლიერა თავისი მძიმე მრეწველობა; 1913 წელთან შედარებით საფრანგეთის მძიმე ინდუს-ტრიის ვოლუმი გაიზარდა 1932 წლამდე 94-ით, ამერი-კაში — 90, ჯერმანიაში — 58, საბჭოთა კავშირში — 334. ასეთ ზრდას უმთავრეს დანიშნულებად ჰქონდა პირვე-ლად ყოვლისა ავტარკია, ესეიგი ეკონომიურად უცხოე-თისაგან განთავისუფლება და თავისთავის შინაური წარ-მოებით დაკმაყოფილება, და მეორე მხრივ მსოფლიო რე-ვოლუციის მიხნით სამხედრო შეუჩერებელი მზადება. მაგრამ ზემოდ აღნიშნული გაბნეულობა და ერთი მეო-რეზე დაშორება მდიდარი ადგილებისა უმთავრეს ხელის-შემშლელად მაინც რჩება. არამც თუ მართო საწვავი მა-სალის ბალანსი, არამედ ნედლი მასალის ბალანსიც ამ უზარმაზარ ქვეყანაში მეურნეულად მხოლოდ ზარალის მომცემია და სავარეო ვაჭრობისათვის გამოუსადეგარიც. ამ მოვლენის გასაგებად მოვიტანთ აქ მხოლოდ ერთ მაგა-ლითს, — ურალ-კუზნეცის კომბინატი. იგი დაშორებუ-ლია ნოვოროსისკზე 4015 კილომეტრით, როსტოვთან — 3757 კილომ.; სემიპალატინსკიდან როსტოვამდე კიდევ 3533 კილომეტრია, და ნოვოსიბირსკიდან მოსკოვამდე 2313 კლმ. წერტთა ეს სიშორე წარმოუდგენელად აძვი-რებს საქონელს და ექსპორტის საკითხი აქ გადაუწყვეტე-ლია. ამიტომ ამ დუბჭირი ვითარებიდან გამოსავალის ძებ-ნამ ყურადღება მიაქცია ადგილობრივი, ავტარკული ზო-ნების მოწყობას და მთელი სიმძიმე განვითარების ამ ნია-დაგზე გადავიდა. მაგრამ ეს მომავლის მუსიკაა! ის მოე-ლენა, რომ რუსეთი ერთ მეურნეულ მთლიანობას არ წარ-მოადგენს, ძველადაც კარგად ესმოდათ, მაგალითად მენ-დელეევს და ვიტტეს, და განსაკუთრებით ეს უკანასკნელი სცდილობდა ეს შორიშორ მყოფი სამეურნეო რაიონები რკინისგზის ქსელის შექმნით ერთმანეთთან დაეკავშირე-ბინა. ასეთი მძიმე არის საბჭოთა კავშირის ეკონომიურ-გეოგრაფული განსაკუთრებულება და ეს კარგად ესმით ბოლშევიკებსაც, რომელთაც ძალადობით მოისურვეს ამ ნაკლთა გადალახვა და დაეგეგმოს საშუალებით ერთი მთლიანი საბჭოთა მეურნეობის შექმნა.

მაგრამ რომ საერთოდ გაგებულ იქმნას საბჭოთა კავ-შირის ვითარება, მხედველობაში უნდა მივიღოთ სამი მო-ვლენა: 1) გეოგრაფიული და გეოპოლიტიკური მდგომარეობა და მასთან დაკავშირებული ეკონომიური შედე-გები, თუ რამდენად შესძლებენ მართველობი ყველა ზემო-აღნიშნული მძიმე ნაკლულოვანებანი საწვავ და ნედლ მასალათა ბალანსისა დასძლიონ; 2) ეროვნებათა საკითხი. თუმცა ბევრს ქადაგებდნენ, რომ მეფის რუსეთი ერთი და მთლიანიაო, მაგრამ თვითონ რუსები ამ მთლიან საიშპე-რატორო რუსეთში მხოლოდ 47 პროცენტს წარმოადგენ-დნენ, საბჭოთა კავშირიც, რასაკვირველია, ეროვნებათა სახელმწიფოა და ერთა დაბირისპირება აქ უფრო გამ-წვავებულია; 3) მესამე მოვლენა მდებარეობს თვით ბოლშევიკში არსებულ სიძნელებებში, გამოცემულ გეგ-მათა ტენიკურად დაძღვევის საკითხში. უფლებებულ არ უნდა გყვით ის ფაქტი, რომ საბჭოთა რეჟიმი სრულიად ანგარიშს არ უწევს ადამიანთა მსხვერპლს და მასალათა გაფუჭებას; რომ ბოლშევიკები არაფრად აგდებენ რაციო-ნალური შეხედულებით უარყოფილ სამეურნეო ზარალს;



რომ ხალხთა მასებს ისინი დაუზოგველად ერთი ადგილიდან შორეულ მეორე ადგილს მიათრევენ, სადაც ისინი შიმშილს განიცდიან და სიკვდილს ეტრფიან. დამუშავებულ უნდა იქმნეს ამდენი და ამდენი რკინა, ამდენი ყუბბარა, ამდენი ხე, ამდენი მორტორი, სხვადასხვა, მაგრამ რა მსხვერპლით, ეს მათ არ აინტერესებთ. აქ ბატონობს მხოლოდ მილიტარიზმის მიზნები, პოლიტიკის მისწრაფება, და სხვა არაფერი. ამის დასამტკიცებლად ავტორს არა ერთი საბუთი და მკვლევართა დასკვნები მოაქვს, და ყველა ერთად ამტკიცებს, რომ მეურნეობა ზარალს იძლევა და ხალხი უბრალოდ ეწირება მეთვალყურე გეპეუს თუ ენკავედეს, რომელიც ყველა წარმოების მეთვალყურეა. ყველას უხეში პატრონი და ბატონი კომუნისტური პარტიაა, და განსაკუთრებით მისი მოწინავე ნაწილი, რომლის რიცხვი 200.000-ს არ აღემატება, და რომელიც მთელ უზარმაზარ საბჭოთა სივრცეზე უპასუხისმგებლოდ ბატონობს და „სოციალიზაციას“, „კოლექტივიზაციას“, „ინდუსტრიალიზაციას“ და სხვადასხვა „ზაციას“ დაუზოგველად და დაუთვლელად ხალხს სწირავს: ხვრეტა, გადასახლებაში თუ ლაგერებში სიკვდილი, ჩვეულებრივი მასობრივი მოვლენა და ავტორთვე ჩვეულებრივია შიმშილობა; სიყმილი, რომელიც ხალხს ანადგურებს. ესაა მიზეზი იმისა, რომ ბოლშევიკები სახალხო აღწერის ნამდვილ რიცხვს არ აცხადებენ, არც უკანასკნელი, 1937 წლის აღწერის შედეგები გამოუქვეყნებიათ! სპეციალისტების გამოანგარიშებით კი კოლექტივიზაციისა და ინდუსტრიალიზაციის დაწყების შემდეგ რუსეთს მოაკლდა ოცდაათი მილიონი ადამიანი. 1933 წლიდან 1938 წლამდე ხალხთა ზრდა კი არ მომხდარა, არამედ უკანდახვევა: 165,7 მილიონიდან 151,8 მილიონამდე! და ვ. ჰ. ჩამბერლენი ამტკიცებს, რომ სამრეწველო სუბსიდიის გეგმას ორი მილიონი ადამიანი შეეწირა, რომელთა კვალი არავინ იცის! შიმშილობა ანუ სიყმილი კიდევ აპარტახებს ქვეყანას, — მას ძველი რუსეთიც კარგად იცნობს: ერთ ნაწილში სიყმილი იყო, მეორე შორეულ ნაწილში კიდევ არ იცოდნენ ჭირანხულისათვის რა ეყოთ! ასევეა ეხლა. 1932—3 წ. უკრაინამ და ბელორუსიამ დაჰკარგა სიყმილის გამო 40 პროცენტი მცხოვრებთა! ეს იყო კოლექტივიზაციის შედეგი! და ამას მივსაღებთ იან კიდევ: ნაკლები მჭამელი იქნება! და ამგვარად სიყმილი შეიქმნა საბჭოთა ხელში პოლიტიკურ იარაღად. მთელი ძველი თაობა, ვისაც წარმოდგენა ჰქონდა სხვა ცხოვრებაზე, სამშობლოს სიყვარულზე, თავისუფლებაზე განადგურებულ იქმნა. „სტალინი ამასთან არ ზოგავს თავის საკუთარ თანამემამულეებსაც, ქართველებსაც კი. 1937 წ. უცბად გარდაიცვალა ერთი მისი ერთგულთაგანი, ქართველი ორჯონიძე. იგი იყო მთავდღამარე საორგანიზაციო კომიტეტისა მძიმე მრეწველობისათვის და პოლიტიბუროს ერთ სხდომაზე სტალინთან შეჯახება მოუხდა ქართული საკითხის გამო, „წითელმა მეფემ“ დაივიწყა თავისი ქართული ჩამომავლობა, თუმცა მის მკველთა რაზმი 200 კავკასიელისაგან შესდგება, მაგრამ იგი თვითონ ისევე უხეშად და განურჩევლად მიმართავს ეროვნებათა წინააღმდეგ პოლიტიკას, როგორც წინა დროისა. ქართული საბჭოთა რესპუბლიკის მთავრობაში დაყენებულ კომუნისტებს არ სურდათ ხალხის საცხებით და სრულიად დენაციონალიზაცია და მფარველობას პოულობდნენ ერთხანს ორჯონიძისთან. პოლიტიბუროში კონფლიქტის შემდეგ, იგი უცბად გარდაიცვალა, როგორც ქართველები ამბობენ, საწამლაკით. მაშინათვე ქართულ დედაქალაქ თბილისში დახვრეტით იქმნენ ეროვნული ოპოზიციის წარმომადგენელნი. საბჭოთა კავშირში ამისთანა შემთხვევაზე ამბობენ „ლიკვიდირებულ იქმნენ-ო“. ეს ბრძოლა ქროველ ოპოზიციასა წინააღმდეგ მთელ საბჭოთა კავშირში მიმდინარეობს და ათასობით და ათასობით ქართველები, სომხები, თათრები, უკრაინელები და სხვანი იღუპებიან; თუმცა გარეგნულად, ანუ კონსტიტუციის მიხედვით, ყველა ერთი თავისუფალია. 1923 წელს 6 ივლისს დაარსებულ იქმნა

„საბჭოთა კავშირი“. 1936 წელს დაწესდა სტალინური კონსტიტუცია, რომლის მიხედვით საბჭოთა კავშირში შემავალ რესპუბლიკათა რიცხვი ოთხიდან თერთმეტი გახდა. ამავე კონსტიტუციის მეოთხე მუხლის ძალით თითოეულ რესპუბლიკას უფლება აქვს კავშირთან გაეღებოს. მაგრამ ეს ცარიელი სიტყვაა, როგორც მთელი კონსტიტუცია, რადგან მთელი პოლიტიკური, სამხედრო და სამეურნეო ხელისუფლება მოსკოვის ხელშია. მოსკოვის ხელში: საგარეო ვაჭრობა, რკინისგზები, ფოსტა, ფინანსები, სამეურნეო დარგი, სამხედრო, საგარეო და ჩეკა ანუ გეპეუ და სხ. ადგილობრივ რესპუბლიკების ხელში: კომუნალური მეურნეობა, სასამართლო, განათლება, სოციალური უზრუნველყოფა, ადგილობრივი ხასიათის მრეწველობა და ყველაფერს ხომ საერთოდ ფლობს მთლიანი კომუნისტური პარტია!, რომელსაც ხშირად სწმენდენ, არა-სასურველ პირთ თავიდან იშორებენ. ამ კომუნისტურ პარტიაში კიდევ ებრაელებს დიდათ მნიშვნელოვანი ადგილი უჭირავთ. სხვათაშორის ებრაელთა ჩამოთვლის დროს ავტორს შეცდომა აქვს. იგი ბერის ებრაელებს მიაკუთვნებს, თუმცა ამით ქართველობა არაფერს ჰკარგავს! რუსულ კომუნისტურ პარტიას მიზნად აქვს დასახული მსოფლიო რევოლუცია და მთელი ბოლშევიკური მოღვაწეობა იქით იყო მიმართული, რომ ამ რევოლუციისათვის საბჭოთა კავშირი იარაღით ხელში მომზადებული ყოფილიყო. 1939 წ. კომუნისტურ პარტიის კონგრესზე სამხედრო კომისარმა ვოროზილოვმა განაცხადა, რომ საბჭოთა ჯარის რიცხვი გაიზარდა — 103 პროცენტით, ჯავშნოსნები — 191 პროც.; მსუბუქი არტილერია — 34 პროც.; საშუალო არტილერია — 26 პროც.; მძიმე არტილერია — 85 პროც.; ზენიტის — 169 პროც.; ავიაცია — 130 პროც.; რასთან შედარებით მოხდა ეს ზრდა, რასაკვირველია, მან არა სთქვა. და ეს ზრდა იყო ინდუსტრიალიზაციის მიზანი! და არავინ დაგიდევდა, თუ რა მსხვერპლითა და ზარალით გატარდა იგი. მარტო 1937 და 38 წლებში წუნდებული საქონლის ფასი 397 მილიონ მანეთს უდრიდა! მაგრამ ყველაფერი სამხედრო საქმისათვის უნდა გაკეთებულიყო. შედეგი?

„შედეგი ოცდაოთხწლოვანი ბოლშევიკური სახელმწიფოებრივი და ეკონომიური ხელმძღვანელობისა აღმოსავლეთ ევროპის სივრცეზე არის განადგურება კულტურისა საფუძვლებამდე. მისი ხელახლა აშენება გამოსადეგი ფორმით მეტად ძნელი ამოცანა იქნება — ყველაზე უფრო იმიტომ, რომ ადგილობრივ არავითარი მოქმედი ძალა აღარ არსებობს, ვისთანაც ერთად შეიძლება მოუშაობა. შემოფენა ძველი რუსული საზოგადოებისა და ქვეყნად წვრილ ბურჟუაზიამდე თითქმის საცხებით განადგურებულია; ბეჩავ ნაშთიდან, რომელიც ჯერ კიდევაა დარჩენილი, შეუძლებელია უნარიანი თანამშრომლების მოპოვება. გლეხი, რომლის შესახებ სამართლიანად ნათქვამი იყო, არასოდეს რუსეთში იგი ნაციონალური კულტურის მატარებელი არა ყოფილა, არამედ მხოლოდ მოუთმენია იგი, შეიძებოდა სტალინის აგრარული რეფორმით ნელნელ განვითარებულყო, მაგრამ ეს გეგმა დამარხულ იქმნა სანამ იგი შედეგებს მისცემდა. ბოლშევიზმისაგან გლეხობა უფრო მეტად დამონებულა, ვინც ეს იყო ბატონყმობის დროს და იგი მოწყვეტილ იქმნა სისხლისა და მიწის მთლიანობისაგან...“

ასეთი არის პაულ როზბახის მიერ გამოტანილი დასკვნა საბჭოთა რუსეთის მეურნეობისა და ადამიანის შესახებ. და დღესაც საბჭოთა რუსეთი ბრძოლის ველზე აგრეთვე დაუზოგავად სისხლსა ღვრის და მასალას ანადგურებს, მხოლოდ იმ მიზნით, რომ მსოფლიო რევოლუციას გაამარჯვებინოს! ხოლო თუ რას მოუტანს იგი ევროპასა და მსოფლიოს, ეს თვითელმა ქართველმა კარგად იცის, ვინც საბჭოთა წესწყობილებაში ცხოვრობდა და მოქმედებდა; ეს იქნება ნგრევა ევროპის კულტურისა, ელტა ევროპის ხალხებისა და საერთოდ ევროპის აღსასრული.

**ბ. პარლანი.**

# ღ ა მ ე ე ბ ი

გ. გ. ქი

## I

ღამე ნათევი და უბინაო  
მივდივარ, მივსდევ მწუხარე წვიმებს.  
მსურს სული საღმე დავაბინაო,  
მსურს სული მივსცე თეთრ სერაფიმებს.  
როგორც არტახებს, როგორც მარწუნებს  
მომიჭერს ღამე უშავეს მკლავებს;  
მე რაც მალონებს და რაც მაწუნებს,  
შევიჩივი ჩუმად: — მთვარეს, ვარსკვლავებს.  
როს განთიადი წამოშლის გედებს  
და გაჰფანტს ღამის დაღლილ ჰუნეებს,  
მე ავტირდები და მკვდარ იმედებს  
გავატან განვლილ საუკუნეებს.

## II

ისევ ის ღამე, ისევ ის სევდა  
მე ამ ღამეებს ვერ ვეძმობილე.  
მივალ და ხეთა ტოტებზე ვხედავ:  
თვითმკვლელებს ბაწრით ჩამოხრჩობილებს.  
მე კვლავ ძველ ხსოვნებს გავეკრდები...  
(ვერ მიხსნის ფიქრი ზვარზე, მარანზე).  
აღბათ მეც ბაწრით დავეკიდები —  
ვით ესენინი, საღმე ფარანზე.

## III

მოვიდა დილა... გათენდა ისევ,  
მაგრამ ეს დილაც აღარ მახარებს.  
რაც ძალა მქონდა, რაც სიხალისე  
ღამეებს თავზე გადავაყარე.  
მივდივარ უგზოდ... ბილიკს ვერ ვხედავ...  
გულში დავიცემ ვალესილ დანას...  
„რისთვის გამზარდა ნეტავი დედამ —  
„რისთვის მეტყოდა ნეტავი ნანას“.

## IV

შენი თვალების მელანი ბნელი,  
მაგონებს ღამის უშავეს გიშერს.  
შენ საწამლავი შემასვე მწველი  
და ღამეც თასით საწამლავს მიშვერს.  
ღამეა ჩემი აწ, მეგობარი,  
რადგან არავინ არ მყავს ძმებიდან  
და ვტირი როგორც ბუ ნათფარი  
ძველი საყდარის ნანგრევებიდან.  
როდესაც დავრჩი განმარტოებით  
და ღამემ დამჭრა ბასრი ისარი:

# ა მ ბ ა ვ ი დ ღ ე თ ა

დილით... სარკესთან...

ადგები დილით... ნელი ზმორებით  
ფიქრებს, ოცნებებს ღამეში ნაკრებს  
და ლურჯ სიზმრების მუქი მორევით —  
შენ მიაღებე უშირო სარკეს.  
ღამეებს დინჯად თმის გადავარცხნით —  
(ტბანჯავს სიმრავლე დაცვენის თმების)  
და შენს გარშემო მარჯვნივ და მარცხნივ

უ შ ა ღ ლ ი თ ...

მაგრამ გოდება დიდია უფრო —  
ივიწყებ განვლილ ღამის სიავს...  
გახვალ და შვადლის მხურვალე სხივებს  
გაუფენ სულის სინოტიავს.  
შენ ფურცლავ სულში საყვარელ წიგნებს,  
ხან ითვლი ცაზე გაფრენილ მტრედებს.  
და გულიც ისევ გარშემო იკრებს  
სხვა ალტაცებებს, ახალ იმედებს.

გვოდებდნ მარტო, — მწარე გოდებით  
ვით უსინათლო, ბრმა კეისარი.  
არვის ესმოდა ტირილის ხმები,  
არც განწირული სულის ტაროსი.  
და დამცინოდა უხეშ გინებით  
ყველა მახინჯი და ბარბაროსი.  
ველოდი თქვენგან საქციელს ქველურს:  
ვერ მიხსნა ლექსმა, ვერც სახსოვარმა.  
მე გაპატიებთ საქციელს ველურს,  
შეგინდოთ ქრისტემ და მაცხოვარმა.  
თქვენ ეხლა გიცქერთ მეტად ამაყად,  
დღეს ირონიით თქვენ გაკვირდებით.  
მაგრამ წუხილი მოვა ამაღამ  
და კვლავ ქუჩებში გავნაპირდები.

## V

ღამე მაღალი ვით პირამიდა  
მოფრინდა ყორნის შრიალა ფრთებით.  
შენზე ოცნება ეხლა რათ მინდა —  
შენთან ბაასით როგორ დავთვრები?!..  
გავყვები ღამეს — გავყვები ზეცას...  
შევალ კაფეში, გადავკრავ არაყს.  
და ჭიანჭურის მწუხარე კენებს  
მე ვამფობინებ შენთან ლაპარაკს.

## VI

ისევ ის ღამე, როგორც წუხელი  
ჩამოშლის გიშრის უშავეს კავებს.  
და როგორც ლეკვი თვალაუხელი  
ჩემი ოთახის კართან წკავწკავებს.  
მე თვალს ვარიდებ მის თვალთა მინებს: —  
თან შიში მიპურობს ველურ ზმანებით  
და კარში ქარი ოხრავს, ქვითინებს —  
ცოცხზე ვაღამჯდარ კულნანებით.

## VII

ვერ ვადვურჩები აწ ღამის წყვილადს —  
თქვენ ერთად იართ, როგორც ტყუბები.  
რა ვქნათ, რომ ქარი გიმღერს ბაჟათს,  
რა ვქნათ, თუ საღმე დაილუბები.  
მაგრამ ლექსები და გრძნობა შენი  
ერთს მაინც თუ კი მოაგონდება,  
გადაიკითხავს ამ ფურცლებს შენიღოს.  
გადაიკითხავს და დალონდება.

თუ საკუთარ თავს სარკეში ხედავ: —  
ისმის შრიალი გაფრენილ წლების.  
შენ სასტიკ პროტესტს ცივ სარკეს ახლი,  
ვით ფრთებს წყლის ქავლებს თეთრი თოლია  
და გხურს არ გესვას ბეჭედნი დაღლის  
და დაბერების მელანქოლია.  
თუ ცაა სუფთა და მზეც ლივლივებს

მაგრამ თუ ლევა ღრუბელი შავი  
ცის სუფთა გუმბათს გადაეხურა,  
ხარ მოწყენილი და საცოდავი,  
ვით გაწუნწული ტყეში ბელურა.  
ასეთი დღე არ გიწვევს ბინიდან  
ხარ ნერვიული, ქუში, მწყურვალე.  
და სვამ ზედღივდ წითელ ღვინიდან  
მზის ტემპერამენტს და სიმხურვალეს.

# ს ი ზ მ რ ე ბ ი

## I

ჩაგეძინება.... რულში ჩაგძირავს....  
 ფერად სიზმრების გაიბმის ძაფი,  
 როგორც მდინარის რძისფერი ქაფი  
 ძველ დახავსებულ წისკვილის პირად.  
 თუ ნდომა მწველი დღისით ვერ ახდა,  
 ღამე სიზმრებში მიდევინაცვლებს;  
 და სინამდვილეს შიშველს და გამხდარს  
 ჭრელ, აბრეშუმის ჩააცმევს საცვლებს  
 და სანახავებს ნათელს და მზიანს,  
 სპარსულ ნოხებათ ფეხქვეშ გაიგებს.  
 ვხედავ უდაბნოს ცხელს და სილიანს  
 და ცივ ქვეყნების უღრან ტაიგებს.  
 კანადის წყლები: ცივი, ანკარა.  
 ოქროს თევზები ჩინეთის ტბებში.  
 ლომის ღრიალი: — ატლასის მთებში,  
 მთვლემარე ინდი და ნიაგარა —  
 თვალწინ მეშლება, უცხო მითებით  
 მსოფლიო სახის ჭრელ აღმანახებს  
 ფურცლავს სიზმარი ყვითელ თითებით  
 და ყოველივეს ცხადად მანახებს.

## II

მინდვრები, წყლები ჭალა თუ მთები  
 სხვა და სხვა სახე სიზმარი ძალი  
 იშლება როგორც ყორანის ფრთები  
 შრიალა, შავი, და იღუმალი,  
 მაგრამ უეცრად სურათი ქრება  
 ვით ძველი ზღაპრის ჯადო-ფერია  
 ოცნება ჩემი სხვა სახეთ ჰქრება  
 ვხედავ სიზმრების მახინჯ სერიას...

## III

აწეულ კუზით მოხუცი ქალი,  
 ჩამტყდარ კბილებით, ბნელ სათვალეთი;  
 გამიშლის კარტებს ტუჩთა კანკალით  
 ხელში უჭირავს ყვავის ვალეტი.  
 ცხვირი: — ნისკარტი კაპუეტ ქორის.  
 მუშია... ჩონჩხი... ყრუ მისტერია...  
 და გამხმარ შუბლზე დაუწერია: —  
 შავ ასობით „მემენტო მორი!“  
 შენ კუდიანო ჩემგან რას ელი?  
 რას მოგცემს ზვავი და ქარტახილი?!?  
 ჰო, ბედი ჩემი ხილია ძველი  
 ეხლა ჩაშლილი და ჩატეხილი.  
 თუ ნდომა მწველი ვერ ახდეს დღისა,  
 სიზმრებში მაინც დამატკობს წამმა.  
 განვედი ჩემგან... დაგწვევლოს ქრისტემ  
 და წმიდა გიორგიმ სამოცდასამმა

## IV


სხვა გვარ სურათებს ძილი მომისევს,  
 სასტიკ სიზმრების ვერ ვუძლებ შვავებს.  
 ვხედავ: მძლავრ ტალღებს მეწამულ ზღვისას  
 და შავ გველების შხამიან თავებს.  
 ვერ გავეპყვევო წყეულებს მგონი,  
 და მოვარიდო მათ მინდა თვალი.  
 თითქოს შევიქენ ლაოაკონი  
 მხრებს მეჭიდება გველების რკალი.  
 ბანჯგვლიან ქაჯის უხეში მასსა  
 სულს შემეხუთავს, გულს დამედება.  
 მინდა ვიყვირო, ვერ ვიღებ ხმასა.  
 მინდა გავიქცე, ფერხთ მეკვეთება.  
 გამელვიძება... საშინელ სიზმარს  
 ქარს დავადევნებ მსხვრეულ მინებათ.  
 ავანთებ სანთელს და ვიწერ პირჯვარს  
 სანამდე ისევ ჩამეძინება....

## V

მთვრალ, მემამოხე ქერა მეზღვაურს  
 მე დავამზგავსე სიზმრები ჩემი,  
 მარად ტალღების რომ ისმენს ხმაურს  
 და მარად ზღვებში რომ მიყავს გემი.  
 მან კაპიტანი შეშუბა ძალით  
 ჯანყის ალამი გემზე ასწია,  
 მაგრამ არ იცის ნავიგაცია  
 და არც მიზნისკენ სავალნი გზანი.  
 ეგრედ, როს დამლღის ფიქრი და შრომა  
 და ძილი ტკბილი მომპარავს თვალებს;  
 უცხო სიზმართა ფერადი კრთომა  
 მთვრალ მატროსივით მახეტიალებს.

## VI

მე ნეტარება დიდხანს ვეძიე,  
 მაგრამ ამ ქვეყნად ვერსად ვერ-ვპოვე.  
 ქარივით ფრთამალს ვერ მივეწიე,  
 გამოვიტირე და მივატოვე.  
 ან კი რას ნიშნავს ცბიერ ბედი  
 ქარივით ჩქარი და წარმავალი?!?  
 ვინ მოუხარა ქარიშხალს ქედი  
 ვინ შეუცვალა წყლებს გზა სავალი???  
 როგორც ნამებით სოფელი ყანა,  
 ანდა ცეკვის დროს ფერადი ქოში  
 იელვებს... ჰქრება ფატა მორგანა:  
 მწველი სურვნილი — კრულ უდაბნოში.  
 აღელდეს ზღვანი... მოვარდეს ქარი...  
 იყეფოს ხეტყვამ ტყესა და ველში.  
 მთელი სიცოცხლე სიზმარი არი,  
 სიზმარი ჭრელი: — ვალეტი ხელში.



გრიგოლ როგავაძე

ს ა ქ ა რ თ ვ ე ლ ო ს    ს ა თ ა ვ ე ნ ი

შინაგანი გეზი ამ ნარკვევისა მოქცეულია იმ მსოფლმდგომი, რომელსაც „ტრადიციულს“ უწოდებენ. „ტრადიციის“ — სიტყვა უცხო. ფრანგულად: tradition. გერმანულად: Ueberlieferung, რუსულად: პრედანიე, ქართულად: გადმოცემა. ნაგულისხმევია არა ჩვეული გაგება ამ ცნებისა — მაგალითად არა ესა თუ ის ჩვეულება რომელიმე ტომისა თუ გვარის, არამედ: ხილვით თუ ქმედებით გამოსლვა მეტაფიზიურ სათავეებიდან. მრავალ ავტორთაგან, რომელნიც იკვლევენ ტრადიციას ამ გაგებით, მინდა აქ დავესახელო მხოლოდ ხუთი: ფრანგი René Guénon, გერმანელი Leopold Ziegler, იტალიელი Julius Evola, დანელი Wilhelm Prönbeck, რუსი დიმიტრი მერეჟკოვსკი. ტრადიციის მხილდება მსოფლსახე, ერის შინაგანი არსის მიერ ხილული. ამ მხრით მრავალი მსოფლიო კულტურა განხილული, ზოგი გაკვირით, ზოგი ვრცლად: ჩინელთა, ჰინდოელთა, პალდეველთა, ასურელთა, ბაბილონელთა, ირანელთა, ეგვიპტელთა, ბერძენთა, ლათინელთა, კელტთა, გერმანელთა, სლავთა და სხვათა. ტრადიცია ქართველი ერისა ჯერ კიდევ არ არის რკვეული: მასალა კი მისი რკვევისათვის მრავალადაა „მონივთული“.

მე მარჯუნა ბედმა შინაგან გვლდომი შემოქმედების დროს ქართველთა ტრადიციას და მინდა: ვამცნო ქართველობას მისი, ტრადიციის, თაურები.

ქეთული და ქევალი

რას ნიშნავს გამოსლვა მეტაფიზიურ სათავეებიდან? ამ კითხვის გასაშუქებლად საჭიროა უპირველეს ყოვლისა ზღვარი იყოს გავლებული „ქეულისა“ და „ქევადის“ შორის. ავიღოთ მაგალითი. ვარდის მორჩი თავსა ჰყოფს მიწის საშოდან, იზრდება თანდათან, მტკიცდება როგორც კლერტი და ბოლოს ისხამს კოკორს, რომლისაგან ყვავილოვან იფურცლებს: შემდგომ, მიღწევის რა სრულყოფას, ჭკნება იგი, ხმება, ჭკრება: თითქო უზრუნდება მის მშობ წილს, რათა იქიდან კვლავ მოეღოს არეს, თუცა-და არა როგორც „ივავე“ გარნა მაინც „იმგავრი“. და ასე: წლიდან წლამდე, უკუნითი უკუნისამდე. ვარდი-მცენარე, ვხედავთ, „ქეულია“ იმ თავითვე: მისი ვითარება: მორჩიდან კლერტამდე, კლერტიდან კოკრამდე, კოკრიდან აყვავილებამდე — მიდის ერთი უცვლელი ხაზით; უცვლელით, ვინაიდან დროგანვლილი ვითარება მისი დაღვინილია ზესთადროულ დამყარებულ კანონიერებით. ასეთია ვითარება „ქეულს“ სამყაროში. ამ სამყაროში არა აქვს ადგილი: არც სწორს და არც მრუდეს, არცა წალმართს და არც უკუღმართს, არცა მართალს და არც უმართლოს, არცა კარგს და არც ავს, არცა კეთილს და არც ბოროტს. ეს მეტაფიზიური ტენილი შეაქვს სამყაროში მხოლოდ ერთ არსს: ადამიანს. ერთი მხრით ადამიანი „ქეულია“: მის ბუნებაში მინერალურიცაა, მცენარეულიც და ცხოველურიც.

მეორე მხრით იგი მეტია ვიდრე მინერალი თუ მცენარე ან თუ ცხოველი. რა არის ეს ზედმეტი მასში? პასუხი ერთია მხოლოდ: ლოგოს, ქართულად „პარი“ ან „გონი“. პარით თუ გონით ადამიანი თანაზიარია თვითონ შემოქმედისა, ღმერთის. ეს არის საოცარი და საცნაური. ზოგნი ამტკიცებენ: თითქო ღმერთი სამყაროს გარე იდგეს — ტრანცენდენტურ, ვიეთნი კიდევ: თითქო სამყაროში ვლინებით იწურებოდეს იგი — იმმანენტურ. ცალცალკე ავებული, არც პირველი მტკიცებაა მართალი და არც მეორე; ხოლო ერთიმეორესთან „შერიგებული“, ორივე სწორია. ღმერთი „ადგენს“ თავის თავს სამყაროში, გარნა ამ „დგინებით“ არ „თავდება“ იგი. ყოველი მქმედი აცხადებს — კიდევ მეტი: ამყარებს — თავისს არსებას ნაქნარში, მაგრამ შეგ-

ვიძლია ჩვენ ვთქვათ: რომ მქნელი და ქმნილი ერთი და იგივეა? არა. ასე თუ ისე, უდავოა ერთი რამ: ღმერთი მხილდება, ცნაურდება სამყაროში — ხოლო ორი გზით: „ქეულში“ მისი ქმედითი აქტი, ასე ვთქვათ, დასრულებულია — აქედან: უცვლელი კანონიერება მინერალურში თუ მცენარეულში ან თუ ცხოველურში; ადამიანში კი ეს აქტი ღვთისა ჩანასახია თითქო, რომელიც ადამიანმა თვითონ უნდა განასხელოს. აქ მარხია ადამიანის ღვთიურ-ზიარყოფილობა. ადამიანს შეუძლია ასეც იმოქმედოს და ისეც — თავისუფლება ღვთიურობის ნიშანია. ხოლო: რადგან ადამიანი ღმერთი არ არის მაინც, ამის გამო სიცოცხლე მისი ცდაა შინაგანი, ცდა: რომელსაც „ცდენა“ — „ცდომა“ თან ახლავს მუდამ ჟამ. შესაძლოა ვიღოდეს ადამიანი ღვთიური გეზით, შესაძლოა გადაუხვიოს მან ამ გეზს — და აი, გვევლინება იგი: სწორად ან მრუდედ, წალმართად ან უკუღმართად, მართლად ან უმართლად, კარგად ან ავად, კეთილად ან ბოროტად. იგი ყოველ წუთს ვხაჯვარედინზეა მიმდგარი: მარჯვნივ მარჯი, ანუ მისი ღვთიური მოდგმის „განაღდება“, მარცხნივ — მარცხი, ანუ თავის თავის ღალატი და განადგურება. ეს უსაშინელესი და თანვე უნაყოფიერესი ჭიმი თუ ძაბული ღვთიურისა და არაღვთიურის ადამიანის ბუნებაში მაისტერ Eckhart-მა გამოჰკვეთა ერთს სწორუპოვარ თქმაში: „თუცა-ლა სრულიად სხვა, იგი, ღმერთი, უფრო ახლოა ჩემთან ვიდრე მე თვითონ ჩემ თავთან“. ეს ერთი წინადადება ორმოც ტომს უდრის — ისეთი უკანასკნელი წდომით არის აქ ჩამოსხმული სიღრმე ღვთიურისა და ადამიანურის ურთიერთ მიმოქცევისა. დააკვირდით ამ თქმას! „სრულიად სხვა“ — ესე იგი ტრანსცენდენტი: „უფრო ახლო“ — ესე იგი იმმანენტი; და შემდეგ: „უფრო ახლო ჩემთან ვიდრე მე თვითონ ჩემ თავთან“ — ანუ: მე ვარ ნამდვილი მხოლოდ იმდენად, რამდენად ჩემში ხორციელდება იგი: „სრულიად სხვა“, ანუ ღმერთი. დავასკვნათ: ადამიანი, „ქეულია“, რადგან იგი ნახევრად ნივთიერ სამყაროს ეკუთვნის; იგი თანვე „ქევალია“, ვინაიდან მეორე ნახევრით თავის ბუნებისა იგი ღვთიურ თაურსაა ზიარებული: მქმნელი და მქნალი ერთად. ქევალი სამყარო — არა სამყარო, ერთხელ და სამუდამოთ ქმნილი, არამედ ისეთი, რომელიც მუდამჟამ იქმნის — არის არე ადამიანის თვითმხილებისა და თვითმყარებისა. ვითარება ამ არეში არ არის უბრალო „პროცესი“, ანუ ნატურალური დგენა მინერალის, მცენარის, ცხოველის, — არამედ ქმედითი „ისტორია“, სავე დრამატიული ხვეულით და განფენით. „ისტორია“ ესე მოითხოვს არა მარტო წინხედვას: „საითკენ“, არამედ უკან გახედვასაც: „საიდან“. ტრადიციის სათავეც აქაა. ტრადიცია აქვს მხოლოდ მას, ვისაც ძალუძს სიღმიდან თავის არსებისა აღიაროს ეკპარტივით: „თუმცა-ლა სრულიად სხვა, იგი, ღმერთი, უფრო ახლოა ჩემთან ვიდრე მე თვითონ ჩემთავთან“.

სათავე მითიურ სახული.

ტრადიციული სათავეს გნდესთან აშვის პირველხილვა (Umschau) და პირველქმედება (Urtat) ხილვა და ქმედება ტომისა თუ ხალხის. სიტყვით „სათავე“ ნაგულისხმევია აქ არა ისტორიული „დასაწყისი“: „ჯერ ეს იყო და შემდეგ ეს“, არამედ ზესთადროული ხტილი მარადი მყოფადისა: „ეს არ ყოფილა ერთხელ; ეს არის ყოველთვის“, ძველი რომაელი ავტორის სალუსტის ბრძული თქმა რომ ვინმართი. ავიღოთ მაგალითი. არქეოლოგებმა აღმოაჩინეს, ვთქვათ, სალდაც ერთი რამ ნაშენი განსაკუთრებული აღნაგობისა, რომელსაც ისინი როგორც მკოდნენი აკუთვნებენ მეშვიდე საუკუნის დამდეგს ჩვენი წელთაღ-



რიცხვისა. ეს იქნება ისტორიული „დათარიღება“ აღმოჩენილი ნაშენისა. ეხლა ვიკითხოთ: შეგვიძლია თუ არა ასეთნაირად დავათარიღოთ რომელიმე ტომის თუ ხალხის მოვლინება? არა. „ჩვენ შეგვიძლია ვთქვათ მაგალითად, რომ ესა თუ ის ტომი თუ ხალხი გვხვდება ისტორიაში არა უადრეს მეთუ საუკუნისა ქრისტეს დაბადებამდე — გარნა ეს დათარიღება სრულიად არ უდრის აღმოჩენილი შენობის დათარიღებას: შენობა იგი „შენდება“, ვგულისხმობთ, მეშვიდე საუკუნის დამდეგს ჩვენი წელთ აღრიცხვისა, მანამდე იგი არ არსებობს. მონახული ტომი თუ ხალხი კი არ „დგინდება“ პირველად მეთუ საუკუნეში ქრისტეს დაბადებამდე, იგი უკვე დგინებული გვხვდება წინ: ჯიშით, ენით, კულტურით; თარიღი მისი იქნება მხოლოდ აღნიშვნა მისი გამოსვლისა ისტორიულ არეზე — სხვა არაფერი; რაც შეეხება აქტს მისი შექმნისა, იგი ეონებში იკარგება. როგორ? იგი არსია და მაშასადამე: ღვთის მიერ ქმნილი სახე და როგორც ასეთი: „დასაწყისის“ გარე სღვას. კიდევ მეტი. მას არც ბოლო აქვს. შესაძლოა რომელიმე ტომი თუ ხალხი კიდევ გადაშენდეს, ხოლო ღვთიურ ქმნილი სახე მისი ამით არ აღიგვება სამყაროდან: იგი სადმე ამოყოფს თავს უთუოდ, — მართალია არა როგორც ტომი თუ ხალხი, ხოლო მაინც როგორც დანაშთი ყოფილისა. ეტრუსკები მაგალითად როგორც ხალხი დიდი ხანია აღარ არსებობენ, გარნა მათ ნაშთებს დღესაც შეხვდებით ფლორენციაში. დაახლოვებით ასეთს მაგალითს იძლევიან ჩვენი უღებიც.

„ურფენომენი“

ტომი თუ ხალხი არის ღვთიური ქმნილი სახე: იგი ცოცხალი არსია. მისი წარმოსახვა მხოლოდ მითიური ხილვით შეიძლება, რომლის სწორუპოვარი მშემლი დიდი გოეთეა: მგოსანი და ბრძენი. მისი სწავლა Urphänomen-ის შესახებ უგენილესი ცნაურებაა მთელს კულტურაში დასავლეთისა. მოკლედ ეს სწავლა. გოეთე იკვლევს მცენარის ბუნებას. მცენარე განადვილებით ვლინდება მხოლოდ რომელიმე ხტილში თავის ვითარებისა: ან მორჩობისას ან ცენებისას ან ყვავილობისას, — ასე ვთქვათ, ნაწილობით და არა მთლად. გოეთე ჰერეტს მის ვლენას წინისკენ: მორჩიდან ყლორტამდე, ხოლო თანვე უკანისკენაც: ყლორტიდან მორჩამდე. ამავე დროს მას ცოდნაც აქვს მოპოვებული: რომ ყოველ ნაწილისაგან მცენარისა შესაძლოა მთელი მცენარე აღმოცენდეს — და აი: იგი ხედავს მთელ მცენარეს ყოველ მის ბიჯრში და სალტავს მას როგორც „შინაგან სახეს“ მცენარისა. ეს სახე ერთთავდაა მოცემული მცენარის ვითარების ყოველ მუხლში. იგი არაა ხელსახები, ხოლო ნამდვილზე უნამდვილესია — რადგან იგი შინაგანი მქმედია მცენარისა. „Urpflanze“ — ეს სახელი დაარქვა მხილველმა მცენარის შინაგან სახეს. ამ ხილვაში პლასტიური, თითქმის ნივთიერი „ნისრქე“ (Dichte) იპოვა დიდი ტრადიციონალისტის ცნაურებამ: პლატონის „იდეამ“. არავის ეგონოს: გოეთეს ხილვა იყოს თითქო მხოლოდ პოეტური. ეს ხილვა ჩვენი დროის ბუნების მეტყველების გამოსასვლელ მუხლად ითვლება. ამ რიგად: „პირველ მცენარე“ შინაგანი სახეა მცენარის და როგორც ასეთი, ასე ვთქვათ, მისი მითიური რეალობა.

ხატი.

შინაგანი სახე: ესევეა ტომი თუ ხალხი როგორც კრებული არსი. არსად არ მიუღია კრებული არსის მითიურ ხილვას ისეთი „სახე“, როგორც ქართიელი ხალხის ვენების ერთ ხტილში: ვგულისხმობ „ხატს“. ბარში ხატი ნიშნავს სათაყვანო სურათს რომელიმე წმინდანისა, ხოლო მთაში მას ჯერაც არ დაუკარგავს თავისი პირვანდელი მნიშვნელობა: მითიური. ხატი მთაში სახელია სალოცავის; ხშირად მის მაგიერ „ჯვარიც“ იხმარება: „სკამს იჯდა ბაბურაული გუდანს გუდანის ჯვარშია“ — ნათქვამია ვაჟაფშაველას ერთს შაირში; „წილისმყრელები შევარდენ ბა-

ბურაულთან ხატშია“ — ნათქვამია მისსავე მეორე შაირში. ხოლო საკვირველი: მთიელთა — „ხატში“ — სალოცავში არავითარი „ხატი“ ამ სახელის ბარის გავებით არ მოიპოვება. შესაძლოა ვინმემ იფიქროს, რომ „ხატი“ შენობაა სალოცავი. არც ეს იქნება სწორი. იგივე ვაჟაფშაველა თავის შესანიშნავ შაირში „ფშაველი ჯარისკაცის წერილი დედის მიმართ“ ასე ამეტყველებს მეომარს:

„ერთი რამ უნდა გაუწყო,  
გაკვირვებულ ვართ ამითა:  
როცა ომი გვაქვს ქართველის ჯარს,  
ნათელი გვიძღვის ღამითა;  
კაცი-რამ ლურჯ-ცხენიანი,  
ამოღებული ხმალითა,  
მალლიდან თავზე დაგებრუნავს  
ტურფა სახით და ტახითა;  
სახე აქვს შავად მოცული  
მას დიდი კეფანითა;  
ეს ჩვენი ჩუმი მფარველი  
ლაშარის ჯვარად ვცანიოთ“.

„ჯვარი“ ანუ „ხატი“ შენობის ამსახველი რომ იყოს, რანაირად მოევლინებოდა იგი მეომართ როგორც „კაცი-რამ ლურჯ-ცხენიანი?“ არა: ჯვარი თუ ხატი რქმევია შინაგანი სახისა. ვისი სახის? ლაშარის — აი პასუხი, მოცემული ვაჟას უკვდავი შაირიდან. ლაშარი — ბრწყინვალე, სხივოსანი — გვევლინება როგორც პიროვნული განსახიერება ტომის ფიზიურ-„ჰარითი“ ღვთიური შუაგულისა. ლაშარი იგივეა ტომის ცალკეულთათვის, რაც პირველმცენარე რეალურ მცენარესათვის: იგი მითიური სახეა კრებული არსისა. ამ პირობებს ამარებს შედეგი. ლუდის რიტუალურ გამოხდისათვის წყალი მთელმა სოფელმა უნდა მიიტანოს ერთად სალოცავში: ხაზგასმულია ტომის დგინება როგორც ერთი „მთელისა“. კიდევ უფრო გარკვეულ: შესაწირავი მიაქვს სალოცავში ყოველ კომლს თანაბრად, მიუხედავად მეკომურთა რიცხვისა; ტომის განუცალკევებელი მთლიანობა აქ უკვე ხელსახებადაა გულგებული. ტომი: ერთი მთლიანი არსი, რომელიც პიროვნდება შინაგან სახედ ცალკეულთა ხილვაში — აი რა არის „ხატი“ ქართველთა. „ხატი“ მითიური ხილვა უხილავი არსის — მთაში ჯერ კიდევ ცოცხალია. ბარში ეს ხილვა უკვე დაკარგულია. ამ ხილვის ნათელსაყოფელად არ იქნება ზედმეტი, მოვიყვანო აქ როგორც ერთგვარი ანალოგია ჩვენი დროის ბიოლოგიიდან. სახელგანთქმულმა მეცნიერმა Hans Driesch ერთი საკვირველი სცადა. მან აიღო სინსილა ზღვის ბუძვებისა და განკვეთა იგი ორად. განკვეთილ სინსილასაგან წარმოიშვა ერთი წყვილი, მაგრამ არა ნახევარ-ნახევარ, როგორც საფიქრალი იყო, არამედ მთელ-მთელ. მხოლოდ ოდნობით, მიღავებულნი ერთიმეორესთან, უდრიდნენ წარმოშობილნი არწარმოშობილს. გასაოცარი საიდუმლო მთელისა, რომელიც ყოველთვის მთელი რჩება, მაშინაც კი, როცა იგი ნაწილდება. ზღვისბუძე, რომელიც უნდა შობილიყო, არ წარმოშობილა. გარნა არ არსებობს იგი? იგი ცოცხალია — თუმცა ვრცელ არ მოვლენილი — მისი სინსილასაგან წარმოშობილი წყვილი. მიეცით ამ პატარა ბუძვებს თვითცნობა ადამიანისა — თვითეული მათგანი იგრძნობს თავის თავში არშობილს: როგორც მის შინაგან მდგენს. უკანასკნელი — უხილავი და ხელუხლებელი — იქნება თვითეულ მათგანში წამოსახული როგორც სახე შინაგანი, ანუ: „ხატი“. ეს მაგალითი სწორუპოვრად გვისახავს ტომის „ხატებას“ ცალკეულთა თვითშეცხევაში. ხოლო ანალოგია ამის იქით ადამიანის სამყაროში არ უნდა გავცოდდეს, რადგან, როგორც უკვე ითქვა: ადამიანი მეტაბიოლოგიური მოვლენაა. ცხოველთა სამეფოში ცალკეული წარმავალია, გვარი კი წარუვალი; ადამიანთა სამყაროში კი იგივე ვერ ითქმის. მაგრამ ეს ცალკე საგანია.



სიტყვა და შესატყვისი

ტომი როგორც ცოცხალი არსი პირველ ყოვლისა ენაში ცხადდება. საოცარია ეს ცხადება ენის ძირა ფენებში. ავიღოთ ქართული სიტყვა: „სიტყვა“. ამ სიტყვას არავითარი კავშირი არ აქვს ზედა ფენაში სიტყვასთან: „ტყვე“; ძირა ფენაში კი — ყრმა. სიტყვა თითქო იჭერს საგანს თუ მოვლენას, როცა იგი ერქმევა მას: „ატყვევებს“, აქედან: „მჭერ-მეტყველი“, ხოლო დატყვევება აქ ძალადობას კი არ მოასწავებს, არამედ განაყოფიერებას — და სიტყვა „ტყვე“ ნახულობს გამოხმაურებას თავის მხრით კიდევ სხვა საიღუმლო სიტყვაში. თვითონ „რქმევა“ ამგვარი აგებულობისაა. იგი ნიშნავს „ხურვას“. აქედან: „სარქველი“ (ჭურის); „სარქმელი“ (ჭული, თავსახურავი); შემდგომ: „დარქმევა“ — სახელი ერქმის საგანს თუ მოვლენას: ხურავს, სალტავს მას; აგრეთვე: „მირქმევა“ (მირქმევა უფლისა); ბოლოს: „აღქმევა“ ათვისება Perception ენის ქვედენაში ცნაურდება პირველად „ლოგოს“ — და ნიშნავს იგი ხომ „სიტყვასთან“ ერთად „გონსაც“! ყოველი მოვლენა არის ის, რაც არის, თანახმად არისტოტელეს დებულებას: A=A. ხოლო ეს კანონი იგივეობისა ვერ ხსნის მაინც საბოლოოდ მოვლენას. „კაცი“ მაგალითად არის კაცი — ეს ცხადია, მაგრამ მის ბუნებაში თანვე მზიურიცაა, მუხურიც, ქეაურიც — და აი როშელიმე სახსარში თავის ყოფისა იგი „ედარება“: მზეს, მუხას, ქვას. ჩვენი დროის აზროვნებაში ფესვს იღვამს იგივეობის კანონის გვერდით მეორე დებულება: A. არის A, მაგრამ იგი სადღაც B-ს არის: ესე იგი იქ, საცა A ეხმაურება B-ს. საგანთა თუ მოვლენათა ამგვარად ხილულ ურთიერთობას ფრანგები უწოდებენ: „Correspondance“, გერმანელები: „Entsprechung“ ქართველში ამ ცნების გამოსათქმელად მრავალი სიტყვა მოაპოვება: შესიტყვება, შეხამება, შეფერება, შეფარდება, შეთანხმება. საგანთა თუ მოვლენათა გამოხმაურში ერთი მეორესთან ქართული უფრო მეტად ყურადღებს თვითონ საგანს თუ მოვლენას: რომელი ეხმაურება რომელს, ვიდრე თვითონ აქტს გამოხმაურისა, და ამისათვის ამბობს: „შესატყვისი“ მაგიერ „შესიტყვებისა“. კეთილზმონიერებისათვის შე ავირჩევდი: „შესადარს“, ან უფრო მოკვეთილ: „სადარს“. ამ რიგად: საგანი და მოვლენანი ერთი მეორეს ეხმაურებიან და ეთანხმებიან: ყოველი საგანი თუ მოვლენა ამსახველი სარკეა მეორე საგანს თუ მოვლენისათვის. ენა ამზურებს ამ საიღუმლოს. იგი უღრმესი მოაზრება, რადგან მის მიერ (ცხადებულ) აზრი სახეა თვითონ; იგი უდიდესი მგოსანია, რადგან მის მიერ ხილული სახე აზრია თვითონ. „სადარის“ ცნაურებაში ქართულს, ვფიქრობ, სხვა ენა ვერ გაეტოლებათ. მარტოდ მარტო შემოსენებულნი „რქმევა“ რად ღირს? და ეს ერთი მაგალითია ათასიდან. ტომის თუ ხალხის არსი ხშირად ორი სიტყვის გადაბმით უნივერსალურ ასპექტს იძლევა მსოფლიოთა. ვარსკვლავთა არეში ერთ ალაგს ქართველი ხედავს „ირმის ნახტომს“ იქ, საცა სხვა ხალხნი „დიდ დათვს“ ხედავენ. განიხილეთ მითიურ სვანეთის წმინდა ცხრველი თეთრი ჯიხვი (ჯვეგი თვაალ) და მისი შესატყვისი ხეუსურეთში თეთრი ხარირემი („ჯონქაი“), არკვეთ მითიურადვე, თუ რას ნიშნავს „ნახტომი“ — და თქვენ დაინახავთ, რომ ეს სახელდება „ირმის ნახტომი“ სწორუპოვარ პოემას უღრის. და ასეთი მაგალითი რამდენია ქართულში! დაუფრუხდეთ ისევ თვითონ საგანს და ვიკითხოთ: ვინ არის ავტორი მაგალითად ქართულ ენაში მოქცეული სახისა თუ აზრის? ცალკეულ აგებულები, არც ერთი ქართველი: რადგან ყოველ ქართველს ქართული ენა მზად ხვდება წინ. ენის მიერ ცხადებულნი აზრი თუ ხილული სახე იმთავითვეა მოცემული — „იმთავითვე“, ამ სიტყვის ზემორკვეულ მითიური გაგებით. ენაში აზროვნობს „რალაც“, ენით სახავს „რალაც“ — ხოლო აქ სიტყვა „რალაც“, ატყობთ უაზროა: შეუძლია ვანა „რალაცას“ რაიმე ვაიზრონან ან რამე გამოსახონ? იძულებული ვართ ვინმაროთ „რალაცას“ მაგიერ „ვილაც“. ეს აუცილებელია და მართებული. ვინ არის ეს „ვილაც“?

კარდჭუ.

ეს „ვილაც“ ტომია, ხალხი — როგორც ცოცხალი არსი ან უკეთ: „ხატი“ — როგორც შინაგანი სახე ტომისა თუ ხალხის. უკვე მივადექით საქართველოს სათავეებს. ქართველთა შეგნებაში ეს „ხატი“ ისე მძლავრად და მძაფრად იყო გზნებული, რომ იგი პიროვნებადაც იქცა. სახელი მისი: კარდჭუ. ვხმარობ ამ სახელს მისი პირველდელი რქმევით. „ქართლოს“ — მერმინდელი ფორმაა მისი, ბერძნული დაბოლოვებით. უფრო სწორი იქნებოდა მეთქვა „ქართუ“, ხოლო გავუბრუნო სიღბილეს ამ სახელისა. „კარდჭუ“ — უფრო ხერხემალმაგარია, როგორც ის „ვილაც“, ვინც ამ სახელით არის რქმეული. კარდჭუ: აქაა მოცემული საქართველო ათასი წლების მანძილზე. იგი, კარდჭუ, შორეთშია ვადასული; იგი, კარდჭუ თითქო გამჭრალა კიდევ — ხოლო საკმაოა, რომ ჟამსა უბედურებისა თავდატებისა გინდა მძლავრი ვახარებით აღტყინებისა შეიბრეს ერთიანად საქართველოს ცეცხლეული შუაგული, რომ უეცრად გამოაშუქოს მან, კარდჭუმ თავის მზეოსან წიაღიდან.

კარდჭუს გრძნობს ყოველი ქართველი, ერთი უფრო სუსტად ვიდრე მეორე, მაგრამ გრძნობს მაინც, გრძნობს ქართულ სიტყვაში, ქართულ ხმალის ამართებაში, ქართულ მეგობრობაში, ქართულ გულგადახსნილობაში, ქართულ წყაროს თვალისით ცილა გამოხედვაში, ქართულ ხალიში — გრძნობს განსაკუთრებით მაშინ, როცა იგი, შორს ვადახევილი და სამშობლოს გულისა თუ მაჯიცემას დახატრებული, თანამემამულეს ხვდება, და კიდევ უფრო მძაფრად, როცა ეს შეხვედრა უეცარია. დაიხ კარდჭუ ცოცხალია, ეხლაც. ხოლო მიმალული სადღაც შორს-შორს. ოდესღაც კი ქართველი ისეთი დანამდვილებით გრძნობდენ მის პიროვნებას, რომ მცხეთის ახლო მის საფლავსაც კი ივულვებდნენ: მიდიოდნენ ყოველ წელს და მუხლს იდრეკდნენ მის წინაშე და გლოვობდნენ ლოცვით. ეს საფლავის ამბავი გვაფიქრებს ოდნავ. როგორ? მითიური არსი — ვინმაროთ კიდევ თქმა სალლუსტისა: „ეს არ ყოფილა ერთხელ, ეს იყო ყოველთვის“ — მითიური არსი და საფლავი? აქ ორი რამაა შესაძლო. თუ ეს ამბავი საფლავისა წარმოიშვა იმ ხანაში, როცა ქართველთა ჯერ კიდევ არ მოჰკლებოდათ ხილვა მითიური, მაშინ კარდჭუს საფლავი სიმბოლიურად უნდა გავგოთ: ალბათ ხალხმა თავის დაკნინების, ასე ვთქვათ, „მიღვივის“ ხანაში ისე მტკივნეულად იგრძნო დაშრეტა ძალთა პირველ-მდგენისა, რომ მან უკანასკნელი გარდაცვალებულად მიიჩნია; ანდა ეს მოხდა იმ ხანაში, რომელსაც ისტორიული ეწოდება, და მაშინ საფლავი კარდჭუსი საკვირველი არაა: რადგან ამ ხანაში მითიური არსი ბიოლოგიურ წინაპრად გამოდის ხოლმე, რომელსაც: ერთხელცაა დასასრული მოეღოს.

ასე თუ ისე კარდჭუს საფლავის ამბავი ნათელყოფს, თუ როგორი სიძლიერით დგინდებოდა ქართველი ხალხის ფიზიურ-პარითის შუაგულში მდგენი მისი შინაგანი მყარებისა.

ლაშარი.

გავისხენოთ ეხლა, თუ რა ითქვა ზემოდ „ლაშარზე“ და „ხატზე“. რაც ბარში „ისტორიად“ იქცა, მთაში დარჩა მითოსად. მთის მითოსში ლაშარი „ხატია“, ანუ შინაგანი სახე ტომისა. ხატით წარმოსახული არსი წმინდანი და გმირი, რადგან მდგენი ღვთიურ ქმნილი სახისაა. კარდჭუ ღვთიურ ქმნილი სახეა ქართველთა. მაშასადამე იგი წმინდანი და თანვე გმირი: იგი ლაშარია. სიტყვა „ლაშარი“ ეპითეტია. „ლაშა“ — ქვეყნის მანათობელი, ასე მარტავს ამ სიტყვას ქართული ენის უდიდესი მწოდომი და მხედარი: საბა სულხან ორბელიანი. ქვეყნის მანათობელი — ამ სახით გვევლინება ჩვენ დიდი კარდჭუ. ამ სახეშია მოცემული მისი პირველ ხილვა და პირველ-ქმედება. მიემართოთ ამ ხილვას და ქმედებას. რას მოასწავებს ქვეყნის მანათობელი?

სოლარული ხანა.

ჰეზიოდი კაცობრიობის ვითარებას ოთხი ხანით საზღვრავს. აი ეს ხანანი: ხანა ოქროსი, ხანა ვერცხლის, ხანა სპილენძის და ხანა რკინის. სპილენძისა და რკინის ხანის შუა იგი ათავსებს კიდევ ერთს მოკლე ხანს: როგორც ციდას ოქროს ხანისაგან დაბრუნებისა. ჰინდოელთა გადმოცემაც აღნიშნავს ოთხ ხანას: „satya-yuga“ (ანუ „kriha-yuga“), „dvapara-yuga“, „kali-yuga“. ირანის გადმოცემაშიდაც ოთხი ხანაა დატული: ოქროსი, ვერცხლის, რკინის და ერთი კიდევ რომელიღაც შეზავებული ლითონისა. ამგვარივე დაახლოებები ქალდეველთა გადმოცემაშიც. ასეთივე საბერძნეთისა. ქმედითი ძალა ლვითურისა ამ ხანების განვლაში თანდათან კლებულობს: ოქრო, ვერცხლი, სპილენძი, რკინა. პირველ ხანაში იგი სრულია და ნაყოფიერი, ბოლო ხანაში კი დაშრეტილი და უნაყოფო. ჰინდოელთა გადმოცემა ამ „მიღვეს“ თუ დაქინებებს ხარის სახით წარმოიდგენს: ამ ხარს პირველ ხანაში ოთხივე ფეხი აქვს, მეორეში ერთი ფეხი ეკარგება, მესამეში, მეორე, მეოთხეში მესამე: ასე რომ იგი აქ ერთ ფეხზე დგას მხოლოდ. „კალი-იუგა“ ნიშნავს ბნელ ხანს, რომელსაც გერმანელთა გადმოცემაში უდრის „მგლის ხანა“. „რაგნა-როკკრ“, ანუ ღმერთთა დაბნელება. ტრადიციათა მკვლევარნი პირველ ხანას იგულებენ ჩრდილო პოლიუსის არეში. — ცნობილია ასტროფიზიური ლერძის გადახრა იწვევს ჰაერის გადახრას. ყინვამ და მარადმა ლამამ — განაგრძობენ მკვლევარნი — მოიცვენ ჩრდილოეთი. მცხოვრებნი გაეშურნენ დასავლეთისაკენ: წარმოიშვა ატლანტის კულტურა. დეკლიაციას, ასტროფიზიური ლერძის გადახრას თან მოჰყვა დევიაცია: ქმედითი ძალთა კლება. ხოლო ამ განხრით გამოწვეულ ცვლილებას და ძალთა კლებას ფიქრობენ ვიეთნი სრულიად სამართლიანად, პარალელურ ჰქონდა ადგილი და არა მიზეზ-შედეგის მიმართებით.

მეორე გეზი მსოფლიო კულტურის ვითარების იმართება დასავლეთიდან აღმოსავლეთისაკენ. თვითონ ცვლა „ხანებისა“ ბევრს „ისტორიულად“ აქვს წარმოდგენილი: ჯერ ხანა ოქროსი, შემდეგ ვერცხლის, მერე სპილენძის და ბოლოს რკინის. მართებული კი იქნებოდა იგიც მითითურად წარმოგვესახა: იქ, სადაც, მუდმივი დაძაბულობა სუფევს — ლვითურსა და არა ლვითურს შორის, იქ ყოველთვისა „ოქროც“, „ვერცხლიც“, „სპილენძიც“ და „რკინაც“ — იმისდა მიხედვით, თუ რაოდენ დაახლოვებულია თუ დაშორებული არაღვითური ლვითურს. პირველ ხანას ისახავენ როგორ „სოლარულს“ მზიურს. იქ მთავრობს „ქვეყნის მანათობელი“. ჰინდოელთა „Vishnu“ იწოდების ვითარ „hari“; თეთრყირმიში, ოქროვანი; „hari“ არის აგრეთვე „Indra“ — ირანის მზემეფის სახე მოფენილი იყო „hvareno“ — თი, შარავანდით: ნიშნით მარჯისა. ეგვიპტელთა მეფე იხსენებოდა ვითარ ქმნილი ოქროსაგან — ვინაიდან ეგვიპტელნი მზეში ჰგონებდნენ ფლუიდუმს ანუ სხივონებს, საცა ვითომ უნდა იქმოდეს უზრუნველი სხეული ლვითურ-უკვდავისა. დელფის აპოლონ ცნობილია როგორც „სხივთმფენელი“. ოქროვან ბზინავს გერმანეთის „Asgard“-ში ციხე-სიმაგრე ოდინისა. ჰინდოელთა უპანაშიდებში ნახსენებია „sueta dvipra“: „ადგილი სხივონს ცილისა“. ატტეკების ჩრდილო მხარე რქმეულია როგორც „Azilan“ — სიტყვის ფესვი ჰგულისხმობს „ელვარეს“. ბრძენთა „Tule“-ს მზიური ფერი გადაჰკარავს. მექსიკოს ღმერთკაცი „quetzalcoatl“ წარმოსახულია როგორც „თეთრი“. ატლანტების ტრადიციებში ღრმა მნიშვნელობა აქვს მინიჭებული „Avallon“-ს: „თეთრს კუნძულს“. შეეჩრდეთ! ოქროს ხანის გადმოშლა შორს წაგვიყვანდა. როცა ქართველი ისმენს ამ ხანის ნიშნების ჩამოთვლას, იგი ალბათ მოუთმენლად ელის: როდის იქნება აქ ნეტავ ხსენებული ერთი სახელიც: „ლაშარი“. გასაგებია ასეთი მოლოდინი, რადგან — ამ სახელში მზიურ არის სხმული მთელი ოქროს ხანა. „ლაშა“ — ეს

სახელი არაა უბრალო რქმევა, თუგინდ უაღრესად პოეტური: მასში მოცემულია კარდჰუ, მისი პირველ-ხილვა და პირველ ქმედება. საბუთი რამდენიც გნებავთ. შევეუდგეთ ამ ხილვის და ქმედების მადნეულობის გადმოშლას, ანუ „გამოშინვას“ — ვხმარობ ილია ქაეკავაძის ჯიქნიან სიტყვას.

მზის ხანა ქართველთა

1. დიდი ბრძენი პლოტინის მსოფლხილვაში გვხვდება: „თვალი მზიური“. გოეთემ მზიურობა თვალისა ერთ თავეს შაირში შესანიშნავ ხტილად გამოჰკვეთა: თუ არ იყოს თვალი მზიურ, ვით შეეძლოს მას ხილვა მზისა? მტევნის მწიფობის დროს ქართველი მევენახე ამბობს: „თვალი ჩასულა მტევანში“. თვალით აქ ნაგულისხმევია მზე. პლოტინი, გოეთე, ქართველი მევენახე — სამივე დიდ საიდუმლოს აცნაურებენ, მხოლოდ ერთი განსხვავებით: პლოტინისათვის და გოეთესათვის თვალი „მზიურ“, ქართველი მევენახისათვის კი იგი მზეა თვითონ. ხატული „სხეობის“ მხრით ქართველი მევენახის თქმას თვითონ გოეთეც არ გუხვდება პირველობას. თვალი მზეა, ფიქრობს ქართველი, რადგან იცის, რომ „მზე“ და „მზერა“ სადღაც ერთხმეზიან ერთი მეორეს. გავიხსენოთ საბა სულხან ორბელიანის განმარტება სიტყვისა: „ღმერთი“: „წვა და ხედა“. ეს განმარტება მზეზეა თითქო გამოჰრილი. მზე იწვის, არ იფერფლებს, იწვის და „მზერს“: ანათებს. „თვალი ჩასულა მტევანში“ — ეს ნამდვილი პოემაა ხსენებულ პოემასთან ერთად: „ირმის ნახტომი“.

2. უძველესი დროიდან სათაყვანო სიმბოლოდ მზისა „სვასტიკა“ ითვლებოდა: კაკვიანი ჯვარი, ბორბალში მოქცეული. ბორბალი ანიშნავდა მნათობის კოსმიურ ბრუნვას და ეს იმ დროს: როცა ნივთიერ კულტურაში ურემი ჯერ კიდევ არ იყო ცნობილი. ავილოთ ეხლა ქართული დასახელება: „ურმის თვალი“. აქ თვალით ბორბალი იგულისხმება. აქვს ბორბალს მსგავსება თვალთან — ისე მაგალითად: როგორც წყაროს ძირიდან მოჩუხჩუხე ნაკადს, რომელსაც ჩვენ „წყაროს თვალს“ ვუხმობთ? გარდა სიმრგვალისა არავითარი. საგულეველია მაშასადამე, რომ ქართულ ხილვას — შერჩა სახელობა სვასტიკისა — და რადგან ამ ხილვაში მზე თვალად იყო ცნეული, ურმის გამოგონებისას ბორბალი ჯვარისა ურმის თვალში გადმოვიდა საგნურად. ეს როგორც ჰიპოტეზი მხოლოდ.

3. მზე არის სიცოცხლის თესლი. ქართული ენის მკვლევარი მიხეილ წერეთელი გვამცნევს, თუ რა დიდი მნიშვნელობა აქვს ქართულში ფესვს: „ცხ“. — მისი აზრით „მუცელის“ პირვანდელი ფორმა იყო „მუცხელი“. მთავარი აქ „ცხ“ — არის, როგორც სიტყვაში „სიცოცხლე“ — შესატყვისი რუსულში: „ჟივოტ — ჟიხნ“, გერმანულში: „Leib - Leben“. თუ ეს ასეა, მაშინ „სიცოცხლე“ და „ცეცხლი“ სიტყვიერი ტყუპები ყოფილან. როგორ გაიხარებდა პერაკლის ეფესელი, სცოდნოდა მას: რომ რომელიღაც ენაში „სიცოცხლე“ ნაზარევია ვითარ „ცეცხლი“. სწამდა ხომ მას, რომ სამყაროს ძირითადი თაური ცეცხლია.

4. ცხოველთა შორის ყველაზე უფრო ცეცხლოვანი ცხენია. იმავე მკვლევარის მიგნებით, სიტყვაში „ცხენი“ იგივე ფესვი „ცხ“ — ცოცხლობს.

5. მზისაგან იშვის სხივი და ნივთიერი იღებს „სახეს“ — იმდენად, რამდენად იგი სხივმფენია. მხოლოდ სხივის გამოკოთბობით ეზიარების ნივთიერი ლვითურსა: იქცევა „სახხერა“. არც ერთს ენაში არ იხმარება ხედშესრული „სახხერი“ ლვთის მიმართ ისეთი ღრმა მნიშვნელობით როგორც სწორედ ქართულში. რაც სახხერია, ის ლვითურია — ასე ვგონებთ ქართველნი.

6. საუბარში ჩვენ შეფიცვის თუ შეჯერებისას ვხმარობთ ასეთ თქმას: „ჩემმა მზემ“, „შენმა მზემ“: თითქო ყოველ ადამიანს თავისი საკუთარი მზე ჰქონდეს. „ვეფხისტყაოსანი“, ეს მზეთანაზიარობა პირდაპირ კოსმიურ ყა-



ლიბს იღებს. გავიხსენოთ დაუფიწყარი წერილი ნესტანისა, რომლითაც იგი, ქაჯეთის ციხეში დატყვევებული, ტარიელს, მის მეტრფეს, ანუგეშებს:

„მზე უშენოდ ვერ იქნების, რადგან შენ ხარ მისი წილი. განალამცა მას ეახლე მისი ეტლი არ თუ წბილი. მუნა განახო, მადვე გსახო, განმინათლო გული ჩრდილი“.

აკადემიკოსი ნიკო მარი ამ სიტყვებში ნეოპლატონიზმის გამოძახილს ხედავს, ხოლო არ იცის მან, რომ თვითონ ნეოპლატონიზმში ეს გზნება მზიურობისა ოქროს ხანიდანაა გადასული. მარადიულ განსხეულებას მზიურობა აქ კიდევ უფრო აძლიერებს გენიალური ხტილი ქართული ზმნისა: მარადი მყოფადი. მითიურმა დრომ მხოლოდ აბსოლუტური აწმყო იცის, რომელიც „წარსულად“ არ იქცევა და „მომავალი“ შინაგან აქვს უკვე. ნესტანია არ ამბობს: „გნახავ“, „დაგსახავ“, „განმინათლებ“, არამედ: „გნახო“, „გსახო“, „განმინათლო“.

7. მზე სათავეა სინათლის, რომელიც სიბნელეს ებრძვის. ამ „მებმაში“ წარმოიშვის „ფერი“. ფერი უბრალო „ჩენა“ კი არაა, ეთერტალღების რხევათაგან გამოწვეული. ბრმად შობილს შეუძლია გამოცდისას სწორი ფორმულა გადასცეს მაგალითად წითელი ფერისა, მაგრამ წითელი მისთვის მაინც უხილავია. ფერი „თვისებაა“ და არა „ოდნობა“. ასე ესმოდა ფერი გოეთეს, ასე ესმოდათ იგი ჰინდოელებს. ფერის ასეთი გაგება მოქცეულია ქართულ ყოველდღიურ საუბარში. ჩვენ ვხმარობთ ხშირად „ქველას“ მაგიერ სიტყვას „ყველაფერი“ და „არა რას“ მაგიერ სიტყვას „არაფერი“. აქ ფერი „რაობად“ გამოდის რაიც შემდეგ თქმაში კიდევ უფრო ნათელი ხდება: „რაფერ გააკეთე“. დღემდე აუხსნელი სახელი „სწორფერი“, რომელსაც ხევსურეთში მეტრფეს უწოდებენ, ეხლა ნათელი ხდება: სწორფერი, ესე იგი შესაფერი, სიყვარულში მეორის სადარმხვედრი. კიდევ ერთი რამ მეტად მნიშვნელოვანია. ბაგრატიონთა საომარი ალაში მეწამული იყო, რომელსაც შუაგულში თეთრი ალი ჰქონდა გავწდილი. ეს არ იყო შემთხვევით არჩევა ფერისა. ინდოელთა „Vedanta“ სამფენად ისახავს ყოფას. ძირა ფენი ბნელია და ქოტიურა: „tamas“ — მას უღრის შავი ფერი; შუანა ფენი ჭიდილია, ბრძოლა, შებმა სინათლისა სიბნელესთან, წყობისა და რიგის ქოტიურთან: „rajās“ — მას უღრის წითელი; ზედა ფენი სისრულეა და ყუდროება ღვთიურა: „sattva“ — მას უღრის თეთრი. ბაგრატიონთა ალაში გვამცნევს: მეწამული ფერით ალამის ამპართველი ჯერ კიდევ შუანა ანუ ადამიანურ ფენაშია მდჭეული, ხოლო თანვე თეთრი ზოლით მას თითქო წინასწარ აქვს მოხმული ზედა ანუ ღვთიური ფენი. René Guénon-ის მოწმობით, ფრანგ მეფეთა საომარი ალაში მეწამული იყო; თეთრი ზოლი მას არ ჰქონია. თავის წიგნში — „Autorité spirituelle et pouvoir temporel“-ში შენიშნავს: —

„La substitution ultérieure du blanc au rouge comme couleur royal marque en quelque sorte l'usurpation d'un des attributs de l'autorité spirituelle“.

უღვათა: ბაგრატიონთა ალაში თავის სიმბოლიკით უფრო მაღლა სდგას ვიდრე ალაში ფრანგ მეფეთა. აქედან ნათლად სჩანს ისიც, თუ რად უწოდა ქართველმა ხალხმა თავის მცველს წმინდა გიორგის: „თეთრი“. უკანასკნელი — როგორ გმირი და წმინდანი — მოქცეულია ყოფის ზედა ფენაში, ჰინდოელთა თქმით: „sattva“-ში, ქართველთა ხილვა აქ ჯეროვნად ეხმარება „vedanta“ სიბრძნეს.

**ლაშარი და თეთრი გიორგი**

ასეთია პირველ-ხილვა ქართველთა მდგენის: კარდჷუსი. ვერც ერთი ტრადიცია, რომელიც გვამცნევს ოქროს ხანას, ვერ იძლევა სიბრძნითა და „სხეობით“ ასეთს მძლავრს ხილვას მზიურობისას. სხვა ტრადიციებში, „სწავლებლა“ უფრო ვიდრე, სინამდვილე, ქართულ გად-

მოცემაში კი იგი მოცემულია ვითარ ხელსახები მადნეული ყოფისა. ამ ყოფაში, საცა ყოველი სახსარი და ხეუფელი ცხრათვალა მზით არის აცოცხლებული, ელვარებს ერთი თვალისმომჭრელი არსი: ლაშარი — სხივმფენი, ბრწყინვალე, მზეოსანი. ლაშარი ეპიტეტია, როგორც ზემოთ აღინიშნა. ვისი ეპიტეტი? ეს არაა თქმული, ეს ნაგულისხმევი; ამის გამო სახელად გამოდის, ძნელი არაა ამ სახელ-ქცეულ ეპიტეტში ნამდვილი სახელი ამოვიკიზხოთ: კარდჷუსი. ლაშარი ანუ: მზეოსანი კარდჷუსი. ლაშარი განფენილი თვისებაა კარდჷუსის, ნეოპლატონური გამოთქმა რომ ვინმართ: მისი „მეორე“, მისი „სხვა“. **კარდჷუსი მზეობს ლაშარში** — აი უკანასკნელი განსაზღვრა. თეთრი გიორგი იგივე ლაშარია, ქრისტიანობის გავლენით სახეცვლილი. ერთი საულისხმო დეტალი: ჩვენს ფრესკოსურათებში წმინდა გიორგი გვევლება აქაიქ არა როგორც ცხენოსანი, არამედ როგორც ქვეითი გმირი, რომელიც შუბით ჰგმირავს ვეშაპს — იგი აქ, ასე ვთქვათ, ჯერ კიდევ არაა ბოლომდე „გაქრისტიანებული“. არსებითად ორივე ერთი და იგივე ფენომენია: ლაშარი და წმინდა გიორგი. ლაშარი წარმართული ჰიპოსტასია გიორგის: იგი წინ ხედება უკანასკნელს; პირველ შეხვედრისას ისინი ეუტხოვებიან ერთიმეორეს, შემდეგ კი ეცნაურებიან: ერთი ცნობს თავის თავს მეორეში, ხდება ძმების მისტიური ერთსახედ ქცევა. პირველი აძლევს მეორეს ეპიტეტს „ლაშარი“ ანუ ბრწყინვალე: „თეთრი“, მეორე აძლევს პირველს სახელს „გიორგი“. იშვის „თეთრი გიორგი“. გავიხსენოთ თეთრი გიორგის მისტირები ალავერდის ტაძრის ირგვლივ და ჩვენ წინ აღდგება ცოცხლად ერთსახედქმნა ძმებისა. ქართულ მეცნიერებას ამ მისტირების ხასიათი — სტრაბონის მოკლე ცნობის მიხედვით — მთვარის კულტისაგან გამოჰყავს. 1917 წელს ვახუთ „საქართველო“-ში დაიბეჭდა ჩემი ვრცელი ნარკვევი: „დიონისოს კულტი საქართველოში“. დიონისოსა და თეთრი გიორგის შორის მე შოვნახე 12 ნათესაური მუხლი. განსხვავება ჩემი შეხედულებისა ქართულ მეცნიერების შეხედულებისაგან არც ისე არსებითია, რადგან დიონისოს კულტში „მთვარული“ თაურიც-მძლავრია. მაგრამ აქ ამას არ გამოვუდგებო. აქ საჭიროა მხოლოდ ერთი რამის ახსნა: როგორ? თეთრი გიორგი, ძმა-ნაშიერი მზეოსანი ლაშარის, და მთვარის თუ მთვარულ დიონისოს კულტი? ამ უცნაურობის ახსნა არც ისე ძნელია. ავიღოთ მთვარის მომენტი თეთრი გიორგისა. მოვიგონოთ ერთხელ კიდევ, რომ ლაშარი მითიური რეალობაა ანუ შინაგანი სინამდვილე ქართველთა ტომისა. შესაძლოა ამ ტომის „წვა“ ლაშარით იკლო ერთხელ; მაშინ უკანასკნელის მზეობაც დაიკლებდა: იგი როგორც „ხატი“ სისხლნაკლულად გამოჩნდებოდა, სხივმართლად, ანუ „მთვარედ“. რაც შეეხება თეთრი გიორგის დღანისურ მუხლს, ამის შესახებ ითქმის შემდეგი. დიონისოს ბუნება ცვალებადია. დიდი მითოს-მკვლევარის ბაზოფენის მოწმობით დიონისოს ელინდება: ხან როგორც სტონიური არსი, ხან როგორც მთვარის თანაზიარი, ხან კი როგორც ნათელმდგენი, აპოლონის შემძობილებული. საფიქრალია, რომ თეთრი გიორგი დიონისოს მესამე ვარიანტია. ამ ვარიანტს ბაზოფენი ნათლავს ასე: „ენებული მზე“. არსად ისე არ „ენებულა“ მზე როგორც საქართველოში — და სახელდება „ენებული მზე“ პირდაპირ თეთრი გიორგიზეა გამოჭრილი. „ენებული“ — ხოლო მაინც „მზე“: აი თეთრი გიორგი, ანუ ლაშარი.

„სახე აქვს შავად მოცული მას დიდი კეშანითა — ეს ჩვენი ჩუმი მფარველი ლაშარის ჯვარად ეცანიოთ“.

**საკრალური წყობა**

ოქროს ხანაში იყო წმინდა იერარქია დადგენილი. ქართული ყოფაც ამ იერარქიით იყო იშთავითვე დამყარებული. უთვალავი მაგალითებიდან აქ მხოლოდ რამოდენიმე ჩვენ, ქართველებს, შეგვიძლია მანდილოსანს ხელზე „ვა-



კოცოთ“, ღვთისმშობელ მარიამის ხატს კი უნდა „ვეამბოროთ“; იქ — „კოცნა“, აქ — „ამბორი“, ვინაიდან მანდილოსანი ერთია და ღვთისმშობელი კიდევ სხვა, თუმცა ორივე ქალია, ჩვენ შეგვიძლია სადმე დარბაზში „ვიმღეროთ“, სალოცავში კი უნდა „ვიგალობოთ“; იქ — „სიმღერა“, აქ კი — „გალობა“, რადგან დარბაზი ერთია და სალოცავი კიდევ სხვა, თუმცა ორივე შენობაა. ჩვენ ვზნებართ საერო წიგნისათვის „მხედრულს“, საღვთო წერილისათვის კი „ხუტურს“, რათა ზღვარი იყოს გავლენიანი საეროსა და საღვთოს შორის. მე შემიძლია მივმართო ვინმეს: „ბატონო გიორგი!“ შემიძლია მე ასე მივმართო ღმერთს: „ბატონო ღმერთო?“ ეს ხომ საშინელება იქნებოდა ქართველთათვის. და აი ღვთის მიმართ ჩვენ ვზნობთ: „უფალო!“ და საოცარი: „უფლება“ ქართულში „ბატონისაგან“ კი არ გამოდის, არამედ „უფლისაგან“. ქართული გაგებით, მაშასადამე, უფლება საკრალური ბუნების ყოფილა, სწორედ ისე, როგორც ეს ესმოდათ ოქროს ხანაში. ამას ქართული მითიური თქმულებანიც ადასტურებენ. უძველეს დროში, მოგვიანებით ერთი თქმულებზე, დვალთა მთაზე მეფენი ისხდნენ დროდადრო; ესინი ცდილობდნენ: ერთი ციდან მოწყვეტილი ვარსკვლავი დაეჭირათო. რა მიზნით? თავიანთ ხალხთა ბედი მართებულად რომ წარემართათ. აზრი ამ თქმულებისა ნათელია: მეფემ თავისი მიწიერი ძალა ციური მაღლით უნდა ანოყიეროს და ამტკიცოს. ეს მაღლი აქ ვარსკვლავის სახით ვლინდება, თვითონ ვარსკვლავი „ხატია“ გრალისა; ბირნიის გრალის-ვარიანტი გრალი ქვაა, გვირგვინიდან ამოვარდნილი, ციდან მოსხლეტილი ლაფიციფერისა. და ა ამ ვარსკვლავ-ქვას იჭერენ თქმულების მეფენი. თამარ ედღვალს, მეორე თქმულებით, ჰქონდა იმავე დვალის მთაზე კომეცი, საცა ერთს სკივრში ასეთი ვარსკვლავი ესვენა, ციდან მიღებული. ერთხელ, როცა დედოფალი შინ არ იყო, მსახური გოგო მიეპარა სკივრს, ახადა მას სახურავი, ვარსკვლავი ამოვარდა და გაფრინდა ცისკენო. ამ თქმულებაში სხვა აზრისა: ვიგინდარას არ შეუძლია მიეკაროს საკრალურს; თანვე ისიცაა ნაგულისხმევი, რომ „მეუფლე“ საკრალურისა „მუდამ ფხიზელი“ უნდა იყოს („Egregoroi“), რათა ხელიდან, ასე ვთქვათ, არ „გაუშვას“ იგი.

არც ერთს ტრადიციაში ეს ცნება საკრალურისა არ ჩამოსხმულა ისე ღრმად და მძლავრად, როგორც ეს არის გამოკვეთილი უგენიალეს ქართულ სახელდებაში: „ხელმწიფე“. აი კიდევ ერთი პოემა ქართული ხილვისა, ერთი სიტყვით თუ ერთ სიტყვაში გამოთქმული. რატომ მაინც და მაინც „ხელი“ და რატომ მაინცა და მაინც „მწიფე“? ხელი, რადგან ხელი სდვარს ზღვარს კულტურის მხრით აღამიანსა და ცხოველს შორის; ვინ უნდა ვზნებდეს ამ ზღვარს უკიდურეს, თუ არ მმართველი, მეთაური ტომისა თუ ხალხის? რად უნდა იყოს მისი ხელი „მწიფე“? ოქროს ხანაში მმართველი ეგულვებოდათ მდიდრად და უხვად — რას ნიშნავს „მწიფე ხელი“, თუ არა სიმდიდრესა და სიუხვეს? ოქროს ხანაში მმართველი იყო ძლიერი და მარჯვე — რას ნიშნავს „მწიფე ხელი“, თუ არ სიძლიერესა და მარჯვს? მიხელო წერეთელის აზრით, „მწიფე“ ნიშნავს „მწოდოსასაც“. მაშასადამე „მწიფე ხელით“ ნაგულისხმევი „მწოდოელიც“: ესე იგი ის, ვინც წვდება მას, რაიც სხვისათვის მიუწოდოელია. ხოლო ამით არ თავდება ხელმწიფის სახელდებით ნაზრი: იგი კიდევ მეტს, უფრო გულსხმეირს მოასწავებს. ოქროს ხანაში მმართველი მეფეც იყო და მღვდელიც. ქართული გაგებით ეს ასეც უნდა ყოფილიყო, რადგან, როგორც ითქვა, „ფლობა“ გამოვლინებულია „უფლისაგან“. მფლობელი, მაშასადამე, „მღვდელიცაა“. იმავე მკვლევარის მიგნებით, სიტყვა „მღვდელი“ წარმოსდგება სიტყვისაგან „ლუღვა“, რაიცა „წვას“ ნიშნავს. მღვდელი: ანუ მწველი. იგულისხმება წვა არა მარტო გარეგანი: წვა შესაწირავ ცხოველისა, არამედ შინაგანიც: წვა წადილით ღვთიურის

მისაღებად. მფლობელი — როგორც მეფე და მღვდელი ერთს პიროვნებაში — კურთხეულად ითვლებოდა: იგი ჰფენდა ირგვლივ გარდამქნელ ძალას, სხივოსანს — მარჯს, გერმანული შესატყვისით (Heil) „ჰაილ“-ს, რაიცა ხელდასმით ვადადიოდა სხვაზე. რენე გენონ-ის მოწმობით, ამ ძალ-გადავლენას არაბულ-პებრაულად „ბარაქაჰ“ ეწოდებოდა. ეს სიტყვა ქართულ სიტყვარშიაც გვხვდება და სწორედ ხელთან დაკავშირებით უშთავრესად: „ბარაქიანი ხელი“; ნაგულისხმევი კურთხეული ხელი, მაღლის გამოვლინებელი. რა არის ეს ხელი კურთხეული, თუ არ იგივე „მწიფე ხელი“? დიან, ქართულ სახელდებით, „ხელმწიფე“, მოცემულია პლასტიურად მთელი კონცეპცია „Priester-König“-სა, მღვდელ-მეფის. ასე გვირგვინდება საკრალური წყობა კარლუს პირველ-ხილვამი, რომელიც აქ ყველაზე უფრო გარკვეულად მის პირველ-ქმედებაში ვადადის.

### დავით აღმაშენებელი

ეს მეფური მართვა — კიდევ უნდა დავლოცოთ გენია ქართული სიტყვისა: „მართვა“, ანუ ღვირვა „მართლისა“ — ეს მეფური მართვა, საკრალურად მიჩნეული, გვხვდება არა მარტო „მითოსში“, არამედ ქართულ „ისტორიაშიც“. „რამეთუ თქვენ ხელმწიფენი უფალ-გყვნა ღმერთთან ქვეყანასა განგებასა“ — ვკითხვობთ გიორგი მერჩულის უკვდავ ნაწარმოებში: „ცხოვრება წმინდა გრიგოლ ხანძთელისა“. „სამეფო ტახტი მერწმუნა პირველ ღვთისაგან და მერე მშობელთა ჩეთაგან“ — ამბობს დიდი დედოფალი თამარ. კიდევ უფრო საოცარი: საქართველოში ჩვენ გვხვდება თვით „მეფე-მღვდელიც“. სახელი მისი: აღმაშენებელი დავით, დიდი მხედარი და ნათელმოსილი პიროვნება. ომში მას „სამღვთო წერილიც“ მიჰქონდა ხოლო მე თან. ერთხელ „სამოციქულოს“ კითხვამ ისე გაიტაცა იგი, რომ კინაღამ წაავთ ბრძოლა მან. თავის სახელს იგი სწრიდა ფულზე ხან როგორც „ხრმალი ქრისტესი“ ხან კი როგორც „ყმა ქრისტესი“: „ხრმალი“ აქ მეფეა, „ყმა“ კი მღვდელი. გავისენოთ Saint-Bernard და მისი „Regle de l'Ordre du Temple“ მის მიერ როგორც „Milice de Dieu“ წოდებული. ჯვაროსანთა მიერ დავითი უდიდეს პიროვნებად იყო მიჩნეული. მოვიყვანოთ ის ცნობანი, რომელიც შენისაგან და „მონიეთა ზ. ავლიწვილმა თავის ცნობილ ნარკვევებში. 1109 წელს პარიზში მიიღეს ჯვარი, რომელზედაც ქრისტე აცვეს ვადმოცემით. გამომგზავნი იყო Ansellus, წმინდა საფლავის კანტორი იერუსალიმში. ჯვარი დაასვენეს დიდი მოწიწებით ერთს პატარა ბაზილიკაში, რომლის ალაგს შემდგომ აღიმართა ცნობილი ტაძარი „Notre Dame“ 1793 წელს, რეკონსტრუქციის დროს, ეს ტაძარიც დაარბიეს და ააოხრეს: ჯვარი დაიკარგა უკვალოდ. კანტორი სწერს თავის ეპისტოლეში: მე ეს ჯვარი საქართველოს მეფის დავითის ქვრივისაგან მივიღეო. ნუ გამოვუდგებით აქ ისტორიულ შეცდომას: დავითი იმ დროს ჯერ კიდევ ცოცხალი იყო. ჩვენთვის საგულისხმო: ეპისტოლეში ერთი თქმა: დავითმა „გოგსა და მაგოგს“ კასპის ბქენი გადაურაზა და ვზები მოუჭრაო. ვინ არიან ეს გოგი და მაგოგი? ჰინდოარული ტრადიციაში ხშირად იხსენიება „sakravatri“: მეუფე ქვეყნისა, რომლის სამყოფელ ადგილად იგულვებენ ჩრდილო პოლის არეს, საიდანაც იგი ებრძვის ბნელსა და ქაოტიურს. „მზე მეფენი“ — ვადმოცემათა მიხედვით — ამ „საკრავატრ“-ის მსახიერებელნი არიან, რომელნიც ავსა და უკულმართთან ბრძოლაში წარღვნას ვადაურჩებინ ხოლომე და მაღალ მთებს აფარებენ თავს — (გავისენოთ ნოე და მისი კიდობანი). ისინი მეფეებად ითვლებიან თორმეტისა: როგორც ზიგფრიდი, კარლოს დიდი და მეფე არტუს, ხალხთა თქმულებებში ამხიარადვე იხსნება ალექსანდრე დიდი, აგრეთვე ცეზარიც. ახოვდება თუ არა ბნელი ხანა, ანუ „ღმერთთა დაბნელება“, ეს მზე მეფენი ევლინებიან კვლავ ქვეყანას სხვადასხვა განპიროვნებით, აღვივებენ თავიანთ ქმედით



ძალას ღვთაურისა მოწოდებით ბნელისა და ქართველის წინააღმდეგ. გოგი და მავოგი, ტრადიციითა ცნობით, ხალხნია: ბიროტისა და უკულმართის მატარებელი. საკვირველი არაა, თუ ეს რწმენა გაცხოველდა ჯვაროსანთა რიგებში, რომელნიც იბრძოდნენ წმინდა საფლავის განთავისუფლებისათვის. და აი ერთი ჯვაროსანი აღნიშნავს სინარულით — დავითმა, საქართველოს მეფემ, გოგსა და მავოგს კასპიის საზღვარზე ბქენი გადაურაზაო. და ვის შეეძლო ეს, თუ არ „მზე მეფეს“, ანუ „მღვდელ-მეფეს“? ხედავთ, სად ასულა სახელი აღმაშენებლისა? გაცხვეთ ქვევით. სირიაში და პალესტინაში საქრისტიანო სამთავროების დაარსებით საგარეობლად შელახეს მუსლიმის სამფლობელო. ხოლო უკანასკნელი არ თვლის თავის თავს დამარცხებულად: იგი იკრებს ძალას და უცდის ხელსაყრელ ჟამს, რომ შეუტეოს ჯვაროსნებს და უკუავდოს ივინი. 1119 წელს ნადიმ ელდინ ელლაზმა, ალექსანდრის სულთანმა, დაამარცხა ანტიოქიის მმართველი როჟერ, ანტიოქიელად წოდებულნი. მუსლიმთა სამფლობელოს იმედი მიეცა. ხოლო ამ იმედს ჩრდილიც მოადგა: სწორედ ამ დროს მძლავრდებოდა ჩრდილოეთში ერთი საქრისტიანო მხარე: საქართველო. მუსლიმთა წინაშე გეგმა წამოიჭრა: ჯერ საქართველოს მოსპობა და შემდეგ ჯვაროსანთა ვარეკვა, გეგმა სწორი და კარგად ნაანგარიშევი. 1121 წელს აგვისტოში საქართველოს მოადგა ნადიმ ელდინ ელლაზის მეთაურობით დიდი ლაშქარი: ექვსასი ათასი მხედარი — არაბები, სელჯუქები, თურქმენები. აგვისტოს 14 „დიდგორის“ ველზე დავით აღმაშენებელმა დიდი საომარი ოსტატობით დაამარცხა ეს ურდოები. ნადიმ ელდინ ელლაზ თავში დაიჭრა და განადგურებული ჯარი უკუიქცა. დავითმა გაანთავისუფლა თბილისი საქმიროსაგან და ძველი ქალაქი სომხეთისა: ანი საქართველოს შემოუერთა. ადვილად შეგვიძლია წარმოვიდგინოთ, თუ რა დიდ შთაბეჭდილებას გამოიწვევდა ჯვაროსანთა რიგებში „დიდგორის“ გამარჯვება. დავითმა ამ გამარჯვებით არა თუ იხსნა მხოლოდ საქართველო განსაცდელისაგან, არამედ ამით მან ფასდაუღებელი დახმარებაც გაუწია ჯვაროსნებსაც. და აი იზრდება მისი სახელი ლეგენდად კიდითი კიდემდე. ერთი ინგლისური ქრონიკა როგორც ეს აქვს მოყვანილი ტიტე მარგველაშვილს ერთ ისტორიულ ნარკვევში — მოგვითხრობს: დავითმა, საქართველოს მეფემ, დაირქვა სახელი „Presbyter Johannes“, გადავიდა აღმოსავლეთში და იქიდან მოდის ეხლა საქრისტიანოს მოსაშველელადო. შევიჩრდეთ ამ ცნობაზე. საშველო საუკუნოებში წამოიჭრა მძაფრად ევროპაში იდეა „მღვდელ-მეფისა“. „Das Heilige Römische Reich“ გერმანელ მეფეთა მიერ ქმნილი მსოფლმნიშვნელი ცდა იყო ამ იდეის განხორციელებისა. ცდა ცდად დარჩა, რადგან „მღვდელისა“ და „მეფისა“ შეერთება ერთს პიროვნებაში არ მოხდა. კიდევ მეტი: იგი მღვდელისა და მეფის ერთიანობისთან შესხვედ იქცა. ამ შენლაში მღვდელი დარჩა თავისთვის და მეფე თავისთვის. მარცხი ამ ცდისა საბედისწეროდ იქცა მთელი დასავლეთისათვის. ნატვრა მღვდელისა და მეფის ერთ-სახედ ქცევისა ისე ღრმად იყო სწავალი საუკუნეთა ევროპაში ფესვგამდგარი, რომ მნატვრელთა მონატრებულნი სინამდვილედ წარმოგახათ: შორს, აღმოსავლეთში, არსებობს მფლობელი, რომელიც ერთსა და იმავე დროს „მღვდელიც“ არის და „მეფეც“, სახელით: პრესბიტერ იოჰანეს, ფიქრობდნენ დასავლეთში. პრესბიტერ: მღვდელმთავარი. და აი: ინგლისური მატინეს ეს მღვდელმთავარი დავით აღმაშენებელი ჰგონია. არც ერთს ისტორიულ მფლობელს, თუ გინდ „მზემეფედ“ სახულს, არ რგუნებია სახელის ასეთი ამალღება: მითიური რეალობის ისტორიულ პიროვნებად ქცევა, ეს ქცევა არ არის შემთხვევითი ამბავი. წიაღში იმ ხალხისა, რომლის მიხედვით სპრველ-ხილვით მფლობელი „მწიფე ხელანია“, ესე იგი: ხელკურთხეული და ხელმადლიანი, ერთხელც არის, „ხელ-მწიფე“ უნდა მოვლქნილიყო. დავით აღმაშენებელი არის ხელმწიფე კარდპუს გაცებით და როგორც ასეთი: მღვდელი და მეფე ერთსა და

იმავე დროს — „Priester-König“. მისი ხელის „სიმწიფეს“, მის სიმარჯვს, საქართველოს ისტორიაში შემდგომ განმტკიცებულს, განუწყვეტლევ გრძნობდნენ ჯვაროსანნი შემდეგშიც. ერთი რაინდი ჯვაროსანი სწერს მთავარ-ეპისკოპოს ბენანსონისა, და დაახლოებით 1195—1220 წლებში: საქართველოს ჯარმა, თამარ დედოფლის ახალგაზრდა ვაჟის მეთაურობით, გადმოლახა მძლეობით მცირე აზია, აილო ცხრა დიდი ქალაქი და სამასი ციხე შეანგრა; გამარჯვებულ სარდალს თან მოაქვს ნეშტი განსვენებული დედისა, რომლის სურვილი იყო იერუსალიმის განთავისუფლება; აფრთოვანებით მოვლით აქ ჩვენ მასო — აბოლოვებს რაინდი. ეს ლეგენდაა მხოლოდ, ჯვაროსანთა ნატვრით შექმნილი, მაგრამ ხშირად ლეგენდა უფრო ნამდვილია ვიდრე ისტორიული ამბავი.

### ჯვარი ვაზისა

უძველეს ქართველობას, უნდა ვიფიქროთ, მზის თაუროთ უცოცხლია, თორემ იგი ვერ შექმნიდა ასეთ მზენთან მსოფლსახეს. იგი აგრეთვე მიწის ერთგულიც უნდა ყოფილიყო — ამის ნიშნებიც მრავალია საქართველოში. ჩვენში მიწა ხორცია და სისხლი თვითონ. იგი ჩვენში არის ნამდვილი „მავნა მატერ“ — არა მხოლოდ როგორც მთელი: ყოველს ნაწილს მისას აქვს ზევრცეული რაობა, რომელიც მეტაფიზიურ არეში რომელიმე ზემიწიურ სინამდვილეს „ესიტყება“. ფშვეთში და ხვესურეთში ადიდებენ „მავნა მატერ“-ს როგორც „ადგილის დედას“, ესე იგი: როგორც „ნაშიერს“ დიდი დედისა. ყოველ სალოცავი იქ განსაკუთრებულ ადგილსა აგებულია: ერთი შველის ცხოველთა გამრავლებას, მეორე არჩენს უზაყოფო ქალებს და ასე ყველგან. ამ რიგად საქართველოში „მზე“ და „მიწა“ შეუღლებულ არიან ერთი მეორესთან როგორც ქმარი და ცოლი. ეს შეუღლება არსად ისე მკაფიოდ და ხატულად არ სჩანს როგორც „ვაზის ჯვარში“, რომელიც დღეს სიონის ტაძარში სვენია. მეოთხე საუკუნის დამდეგს მივიღეთ ჩვენ ქრისტეს სჯული წმინდა ნინოსაგან. ამ მომხიბლავემა ქალწულმა გამოსჭრა ვაზის ნასხლევისაგან ჯვარი, რომელსაც „ქრილობა თავის თმებით შეუხვია“. ეს ჯვარი ქრისტემდეც სიმბოლო იყო ვნებული ღმერთისა. მას სჭრიდნენ ხისაგან, ან ჰკვეთდნენ ქვისაგან, ან სკედდნენ რკინისაგან. წმინდა ნინომ იგი ვაზის ნასხლევისაგან გამოხსრა.

ვაზის სახეა მიწის ხალისისა ნაყოფში, სახე სწორუბოვარი: იგი მიწის ღმინია თვითონ, ვაზის ჯვარში ქრისტეს ვნება „წამებად“ კი არ ვლნდება, არამედ „შეგებად“. ვაზი მიწის ნოყიერების სახეა, სახე შეუღარებელი. ვაზის ჯვარი დედურ ანაყოფიერებს ქრისტეს ვნებას; ქალწულის თმები კიდევ უფრო აძლიერებენ ამ დედობას. ვაზის ჯვარში ღვთაური ვნება „ნაყოფად“ „იშვის“ — აი მისი უღრმესი აზრი და მნიშვნელობა. თუ ზემიწიური არ იშვა მიწიურში, იგი უბრალო „ratio“- რჩება, რომელსაც არ აქვს გარდამქმნელი ძალა. აი რას გვასწავებს ვაზის ჯვარი. ეს უდიდესი საიდუმლო დარჩა უგულვებელი საქრისტიანოში — აქედან სხვათა შორის, მკაცრი ბრძოლა უკანასკნელისა წარმართობის ამოსაფხვრელად, რაიც ქრისტეს სჯულის განმტკიცებისათვის საბედისწეროდ იქცა. საქართველოში ეს საიდუმლო იმთავითვე იყო გულისმიერ ყუარდებულნი — ამით აიხსნება ისიც, რომ ქართულმა ქრისტიანობამ წარმართობა კი არ მოსპო, არამედ შინაგან შეიზარდა იგი: ამით მან ნამდვილი გზა მოუწინაა ქრისტეს სჯულის განაყოფიერებას. დიან, ჯვარი ვაზისა ქრისტიანულ სიმბოლოა მთელს საქრისტიანოში.

### პრომეთე: ამირანი.

დავით აღმაშენებლის დროის ერთ მემატინანეს მოჰყავს ცნობა, ცნობილი უკვე ძველ ქართველ მემატინანეთა მიერ: რომ ქართველთა მოდგმა, „ორგულია თვისთა უფალთა მიმართო“. როგორ? მზის შვილი და ორგულნი ზავიანთ ხელისუფალთა? ეს საიდუმლო ჩვენი ხასიათისა არც ისე



ძნელ ასახსნელია. ყოფა არის არა მხოლოდ ღვთიური „ნიჭი“, იგი აგრეთვე ადამიანის „სა-ქმეცა“. თუ ამ „სა-ქმეს“ მართებულად არ ასრულებ, გიფუჭდება თვითონ „ნიჭი“. ორგულობა ქართველთა თავის ხელისუფალთა მიმართ „თვისება“ კი არაა ქართველთა, არამედ მათი „საფრზე“. ხსენებული ქრონისტის ცნობა ასე უნდა იქნას გაგებული. გენია მაგალითად ცეცხლია, ხოლო ამ ცეცხლს მასალა თუ არ მიეცი, როგორც იცოდნენ ეს არაბებმა, იგი თავის თავს „შესჭამს“, ესე იგი, დაიფრფლება. ფერფლი მაშასადამე „საფრზეა“ გენიისა და არა მისი „თვისება“: იმ თავითვე იგი ცეცხლია და არა ფერფლი. ქართველთაც აქვთ ამგვარი „საფრზე“. მზის შვილი „თავისთავადია“ პირველ ყოვლისა. შელახავს ვინმე ამ თავისთავადობას მისას, იგი განზე დგება, ხდება „თავნებად“. „თავნებობა“ კი ძირია: განდგომის, განკერძოების, განაპირების, გათიშვის. საქართველოს სამეფოს შინაგანი რღვევის სათავე სწორედ აქ უნდა ვიგულოთ. ესაა ჩემი ღრმა რწმენა. ქართველ მეთაურთ-უმრავლესობას არ ჰქონდათ შეგნებული თვისება ქართული ხასიათისა და ამის გამო ვერ შესძლეს მათ: ქართველი ხალხის ბედი მართებულად წარემართათ. ხალხის ქვეშევრდომ ფენებში კი ეს არ იყო და არც ეხლა არის უცნობი. რა არის მაგალითად ქართული სუფრა, რომელსაც ბადალს ვერსად მოუხანავ, თუ არ შეგნება საიდუმლოსი ქართული ხასიათისა? ბრძანებით საქართველოში ვერაფერს მიაღწევ, „შესახელებით“ კი ყველაფერს. მიზეზი? ქართველის თავისთავადობა. განსაკუთრებული ქართველმა თვითონ უნდა მოაგვაროს და არა სხვისი ბრძანებით. „შესახელება“ აქ იმალება: სადაა „სახელი“, თუ შესრულებული ბრძანების შედეგია? დიახ, ქართველი ბუნებით თავისთავადია, უბრალო გლეხიც კი. საკვირველი არაა, თუ მას უყვარს „პირველობა“. ქართულ სუფრაზე ყოველი დამსწრე რომელიმე მხრით „პირველია“: ერთი როგორც მომღერალი, მეორე როგორც მროკავი, მესამე როგორც მორკინალი, მეოთხე როგორც მჭერმეტყველი, მეხუთე როგორც მოშაირე, მეექვსე როგორც მონდენილი და ლამაზი, მეშვიდე როგორც ბრძენი და ასე ბოლომდე. თუ რომელიმე მათგანს მოქიშვე ჰყავს სუფრაზე, მაგალითად მოშაირეს, მაშინ მის „სხვაობა“-ს აკუთვნებენ „პირველობას“. ამრიგად ქართული სუფრა უბრალო „ქეიფი“ კი არაა, ანუ „დროსტარება“, არამედ ნამდვილი კულტი, რომელიც პოლიფონიურ მართავს მათ შეხვედრას ერთი მეორესთან. ქართული სუფრა აძლევს ქართველს საშვებობას აიცილოს „თავნებობა“, ანუ: განდგომა, განკერძოება, განაპირება, გათიშვა. თვითონ მითოსიც პრომეთე-ამირანისა ამ გეზით არის გამართული ქართულ შეგნებაში. პრომეთემ ცეცხლით გააბედნიერა კაცობრიობა. ხოლო მას ეს ცეცხლი შინაგან კი არ მიუღია ღვთისაგან მსხვერპლის გზით, მან იგი მოსტაცა ღმერთებს. იგიც თავნებაა ამ მხრით. დააკვირდით ეხლა ქართულ ვარიანტს პრომეთეს მითოსისა. ამირანი მიჯაჭვულია კავკასიის ერთ ნაპარალზე. მას უკორტნის ღვიძლს არწივი: მზის ფრინველი. ორი ძაღლი, ერთი შავი და მეორე თეთრი, ლოკავენ ჯაჭვს. იმ წუთს როცა ჯაჭვი ისეა დაცრეცილი, რომ ამირანს შეუძლია აიწყვიტოს — და საოცარი მითოსი აქ კულტურ ქმედებაში გადადის — იმ წუთს საქართველოს სხვადასხვა კუთხეში ყოველ წლებით ვნების კვირის ხუთშაბათს ალიონზე მჭედელნი იწყებენ ჰედვას სიმბოლიური ჯაჭვისა. შეკითხვაზე, თუ რისთვის — მჭედელნი იძლევიან პასუხს: თუ ვინიცობაა ამირანმა აიწყვიტა, ახალი

ჯაჭვი მზად გვექნებაო. არა მგონია რომელიმე ერის სიბრძნე ამაზე შორს წავიდეს. დიახ, ამირანი ჩვენი ძალაა, ხოლო აგრეთვე ჩვენი „საფრზეც“ — ტყვილად კი არ არის იგი მიჯაჭვული კავკასიის ნაპარალზე. ვისაც უნდა საქართველოს აღდგენა და მისი ხელშეწყობის განმტკიცება, იგი ყოველ დღე უნდა იკონებდეს — არა მხოლოდ ვნების კვირის ხუთშაბათს — ქართველ მჭედელთა სიმბოლიურ ჯაჭვს.

**ბოლოხსტყვა**

აი საქართველოს სათავენი! მინდა ბოლო სიტყვაც დაეუმატო ამ ნარკვევს.

1. ამ სათავეებშია მოქცეული ქართველთა მსოფლხილვა და მსოფლ სახე. ეს მსოფლხილვა თუ მსოფლსახე არ ჩამოეფარდება მსოფლხილვათა და მსოფლსახეთ, შექმნილთ ღიდ ხალხთა მიერ. ზოგიერთ მუხლებში იგი კიდევ უსწრებს მათ. ამას მერმისში უთუოდ დაინახავენ მკვლევარნი როგორც ქართველნი ისე უცხონი; დაინახავენ გაოცებით.

2. ჩემს შემოქმედებაში მე გამოვდივარ სწორედ ამ სათავეებიდან. ამით აიხსნება სხვათაშორის ისიც, თუ რად იპოვა ჩემმა მწერლობამ გერმანიაში თუ გერმანიის გარე ასეთი გამომხაურება.

3. მიუყენეთ ამ სათავეებს ბოლშევისტური გაგება კულტურისა, სტალინის მიერ განსაზღვრული და საბჭოეთში კანონად ქცეული: „შინაარსით ინტერნაციონალური და ფორმით ნაციონალური“. დაინახავთ უდავოდ: „შინაარსი“ ჩვენი კულტურისა ამ ფორმულის მიხედვით, უნდა ამოვარდეს ძირიანფესვიანად.


4. მთავარი მიზეზი იმისა, თუ რად დავტოვე მე საბჭოეთი იყო ეს: ამ ნარკვევში გატარებული გაგებით, ყოველ კულტურას ბოლო ეღება, როგორც კულტურას ქართველების, ისე სხვა ხალხთა. კულტურა, „შინაარსით ინტერნაციონალური და ფორმით ნაციონალური“, არის კულტურა ანონიმისა, უსახო, ესე იგი არავითარი კულტურა. გასაგებია, თუ რად ვადმოვიტანე ჩემი მუშაობა უცხოეთში.

5. საქართველოს სათავენი ამ ნარკვევში განხილულნი, წარმოადგენენ გჯხს ჩვენი შინაგანი ვითარებისა. ხილვა და გამოყენება ამ გეზისა გამოადგება ყოველ ქართველს: მგონანს, მოაზრეს, მეცნიერს, პოლიტიკურ მომჭმედს, მეომარს, მღვდელს, ყველას. ყოველი ქართველი, რომელიც კი ამ სათავეებს ეზიარება, იტყვის უთუოდ, გამხნეებული და ხერხემალ-გამაგრებული, ხევსურულ: „ჯანი მამიმატის!“

6. „სცდების და სცდების სიკვდილსა ვინ არ მოელის წამისად“. ჩემს მეგობარს მიხეილ წერეთელს ეს სტრიქონი „ვეფხისტყაოსნისა“ ჩამატებულად მიაჩნია. თუ ეს მართალია, მაშინ ისიც უნდა ითქვას, რომ ჩამატებული რუსთაველზე არა ნაკლები ბრძენი ყოფილა. მე ჯერ კიდევ არ „ვაპირებ“ გადასვლას ამა სოფლისაგან, მაგრამ ვინ იცის: „სცდების და სცდების სიკვდილსა ვინ არ მოელის წამისად“. ამ ნარკვევს მე ვუტოვებ ქართველობას ანდერძად.

7. ვლოცავ სიყვარულით იმ გენიას, რომელმაც შექმნა ასეთი გულისხმიერი მსოფლხილვა და მსოფლსახე. კურთხეულ იყოს შენი საშო, საქართველო! ნუ მოგაკლოს მადლი ზეციერმა! მუდამ იყავი: მზიური, მზიანი, მზესოსანი, მზეგრძელ! შენი „წყაროს თვალი“ არ დაიშრიტება.

**ბრიგოლ როზაქიძე**



# ეროვნული ერთობის საფუძვლები საქართველოს მთლიანობის დაცვისათვის

დამოუკიდებელი და თავისუფალი საქართველოს პირველი საზრუნავი იყო ზავისა და მშვიდობის დამყარება. ამ მიზნით ოსმალეთთან საერთო ენა უნდა გამოცხადებულიყო და ამისათვის გერმანიის დახმარება ხდებოდა აუცილებელი. ამიტომ საქართველოს მთავრობის თავმჯდომარე ნოე რამიშვილი და საგარეო საქმეთა მინისტრი აკაკი ჩხენკელი დაუყოვნებლივ გაემგზავრნენ ფოთს, სადაც იმ დროს გერმანიის დელეგაცია იმყოფებოდა. 28 მაისს 1918 წ. აქ მათ ხელი მოაწერეს გერმანიასთან შეთანხმებაზე, რომლის ძალით გერმანია კისრულობდა საქართველოს საზღვრების დაცვას, რისთვისაც მას თავისი ჯარით დახმარება უნდა გაეწია. გერმანიას მიეცემოდა საქართველოში ეკონომიური კონცესიები და მონაწილეობას მიიღებდა ქართული ჯარის შექმნაში. გერმანიამ საქართველოს აღუთქვა აგრეთვე დახმარება სახელმწიფოებრივ აღმშენებლობაშიც. ეს ხელშეკრულება სრულებით მეგობრულ დახმარებაზე დამყარებული, შესდგებოდა სულ ხუთი მუხლისაგან, რომელთაგან ორი სასწრაფოდ იქმნა ცხოვრებაში გატარებული. გერმანიამ ოსმალეთზე ერთგვარი დიპლომატიური დანწევა მოახდინა, რომლის შედეგად ოსმალეთის ჯარების წინსვლა შეჩერდა და ამასთანავე გერმანული ნაწილები მოულოდნელად გაიძინენ საქართველოს საზღვარზე. როგორ? მაშინ ხომ თვითმფრინავებით ჯარების გადაყვანა არ სწარმოებდა? საქართველოში მყოფი გერმანელი ტყვეები შეიარაღდნენ და გაგზავნეს საქართველოს საზღვრებზე! ოსმალები განცვიფრებით უტყუროდნენ უზინმაიჩინ გამოცხადებულ გერმანულ ჯარისკაცებს! არა ერთ ადგილზე და ბორჩალოში, მოუხდათ გერმანელებს ქართველებთან ერთად ოსმალურ თუ მათ მიერ მოწყობილ რაზმებთან შეტაკება. არა ერთი და ორი გერმანელი ჯარისკაცის გვამი მიეზარა საქართველოს მიწას! მალე შემოვიდა საქართველოში გერმანული ჯარიც (დაახლოებით 17.000) გენერალ კრეს ფონ კრესენშტაინის უფროსობით. ქართველი ხალხი დიდი სიხარულითა და ზეიმით შეეგება მას და ქვეყანამ შვებით ამოისუნთქა.

ოსმალეთი?

31 მაისს 1918 წელს საქართველოს მთავრობის თავმჯდომარე ნოე რამიშვილი აცნობებს ოსმალეთის საზავო დელეგაციის თავმჯდომარე ხალილ-ბეის საქართველოს მიერ დამოუკიდებლობის გამოცხადების შესახებ და ეკითხება: 26 მაისის ულტიმატუმში, ამიერკავკასიის საზავო დელეგაციას რომ წარედგინა, ეხება თუ არა დამოუკიდებელ საქართველოსო. რასაკვირველია, ხალილ-ბეიმ არ დააყოვნა დასტურით ეპასუხებინა. გერმანელების რჩევით, საქართველოს წარმომადგენლებმა გადასწყვიტეს ოსმალეთთან საჩქაროდ მორიგებულებიყვნენ და დათმობაც მოეხდინათ. ამიტომ ნ. რამიშვილი უპასუხებდა ხალილ-ბეის: საქართველოს საზღვარი უნდა შემოინახოს ბრესტ-ლიტოვსკის ზავის მიხედვით; პრინციპში თანახმა ვართ ახალ-ქალაქ — ახალ-ციხის საკითხი გადაიხინჯოს და ოსმალებმა ისარგებლონ საქართველოს რკინისგზებითო.

ამ დროს სწორედ ქართველებმა დასდეს ხელშეკრულება გერმანელებთან, რომლის ძალით რკინისგზებით სარგებლობის უფლება მიენდო გერმანულ სამხედრო კომისიას და ამგვარად ოსმალეთს აღარ შეეძლო საქართველოს რკინისგზები თავისი სურვილებისამებრ გამოეყენებინა.

ოსმალეთთან საზავო პირობების გამოსამუშავებლად ბათუმს ჩავიდა საქართველოს დელეგაცია, რომელშიც ყველა პარტიის წარმომადგენლები შედიოდნენ.

3 ივნისს 1918 წელს ხელი მოაწერეს ბათუმის საზავო ხელშეკრულებაზე, რომლის მიხედვით ოსმალეთსა და საქართველოს შორის საზღვარი გადიოდა დაახლოებით 1828 წლის საზღვართან ესე იგი ოსმალეთმა მიიღო ბათუმ-არდაგანის მხარე, ახალ-ციხე-ახალქალაქის მხარე, აწყურისა და აბასთუმანის გამოკლებით, ამნაირად, ოსმალეთმა თითქმის მიაღწია თავის მიზანს და არც აწყურ-აბასთუმნიდან გაჰყავდა თავისი ჯარები ანუ როგორც იწერებოდა ვებზე-ფაშა 20 ივნისს 1918 წელს: ზოგიერთი ტერიტორია არ გავათავისუფლეთ და დავსტოვეთ როგორც ზაწინდარი, სანამ საქართველოს მთავრობა ხელშეკრულების პირობებს არ განახორციელებსო! ამასთან ერთად ოსმალები შეუდგნენ ქართველების ანუ აჭარლების დევნას, ატუსაღებდნენ მათ და ამის გამო საქართველოს მთავრობა საქართველოში გერმანიის წარმომადგენელს გრაფ ფონ შულენბურგს პროტესტით მიმართავდა.

14 ივლისს 1918 წ. ოსმალეთმა ბათუმში მოახდინა, კომისიის გარეშე, რეფერენდუმი ხელშეკრულების მიხედვით, მაგრამ ისე, რომ აჭარლები, ქართველები გამორიცხა და ამის გამოც პროტესტი იქმნა განცხადებული.

გერმანიის დელეგაციაც 28 ივლისს 1918 წ. იძლეოდა პასუხს: ის მოვლენა, რომ ოსმალეთმა მეზობელ სახელმწიფოთა დაუკითხავად, მარტო მოახდინა ბათუმში რეფერენდუმი, ხელშეკრულებას არ შეეფერებაო. ამიტომ 1 აგვისტოს 1918 წ. საქართველოს მთავრობამ პროტესტი განუცხადა ოსმალეთს უკანონო რეფერენდუმის გამო, რაზეც 12 აგვისტოს ოსმალების სარდალი ესად ფაშა უპასუხებდა: კენჭისყრა კანონიერად მოხდა, ბათუმი იარალით დაეკავეთ და ოსმალეთს ეკუთვნისო.

ამ ხანაშივე, 28 ივლისს 1919 წ. ოსმალებმა გადასხეს ჯარი აფხაზეთში, მდინარე კოდორთან. საქართველოს მთავრობამ ასეთი ძალადობის წინააღმდეგაც პროტესტი განაცხადა. აფხაზეთში მყოფმა ქართული ნაწილების სარდალმა, გენერალმა გიორგი მაზნიაშვილმა ფიცხლავ დაიკავა სოხუმის პოზიციები. გერმანელებმა თავის მხრივ დაუყოვნებლივ მოსთხოვეს ოსმალეთს აფხაზეთიდან ჯარები გაეყვანა. ქართულ და თურქულ ნაწილთა შორის შეტაკებებიც მოხდა და ოსმალეთმა დასცალა აფხაზეთი.

ბათუმში დადებული საქართველო-ოსმალეთის საზავო ხელშეკრულება უნდა დამტკიცებულიყო ერთ თვეში ესე იგი უნდა მომხდარიყო მისი რატიფიკაცია. მაგრამ საკითხი გადატანილი იყო სტამბოლში გერმანელების დახმარებით; და ზურაბ ავალიშვილისა და გერმანულ, ჩვენთვის უკვე ცნობილ, ფონ ლოსოვის მოლაპარაკების შედეგად ოსმალეთმა გაათავისუფლა ახალციხის მაზრა და ყველა ადგილი, რომელიც ბრესტლიტოვსკის ხელშეკრულებაში აღნიშნული არ იყო. ეს ის დრო იყო, როდესაც ოსმალეთის იმპერია ქანაობდა, მისი დახვასებული შენობა ტორტმანობდა და დღე-ღამეზე წაქცევას ელოდა. ამიტომ იყო, ოსმალეთის მთავრობის თავმჯდომარე, დიდი ვეზირი იზეტ-ფაშა ზურაბ ავალიშვილს პირდებოდა: თუ ოსმალეთი იძულებული გახდა ბათუმისა, არდაგანისა და ყარსის ოლქები დასცალოს, მაშინ საქართველოს დაუთმობს მის მიწაწყალსო. რამოდენიმე დღის შემდეგ ოსმალეთის იმპერია მსოფლიო ომის ასპარეზზე გაინართა და 31 ოქტომბერს 1918 წელს, სასტიკად დამარცხებულმა მუდროსის დროებით ზავზე ხელი მოაწერა. ამ ხელშეკრულების ძალით ოსმალეთს უნდა გამოეყვანა ჯარები კავკასიიდან; გამარჯვებულ ანტანტას (ინგლისი, საფრანგეთი, იტა-

ლია და სხ.) უფლება ჰქონდა დაეჭირა ყველა ის ადგილი, რომელსაც ისინი მოიწადინებდნენ და საჭიროების მიხედვით, მთელ ოსმალურ სომხეთსაც დაიკავებდნენ.

როგორც ვხედავთ, საქართველო — ოსმალეთის ეს მწარე დავა გადასწყდა საერთაშორისო ბრძოლის ველზე და ამჟამად უკვე იწყება ანტანტის სახელმწიფოებისა და საქართველოს ურთიერთობის ამბავი.

11 ნოემბერს 1918 წელს გერმანიამაც დაპყარა იარაღი და დროებითი ხელშეკრულების ძალით მისი ჯარებიც უნდა გასულიყვნენ ყველა დაკავებული ტერიტორიიდან.

მას შემდეგ რაც თურქი-ოსმალები საქართველოს მეზობლად გაჩნდნენ და სტამბოლის იმპერია დაამკვიდრეს, საქართველო მოსწყდა ევროპას; ქართველი ერი მოექცა მაჰმადიანურ რკალში. ამ რკალის გარღვევას სცდილობდნენ ქართველი მეფენი, და გიორგი მერვეტი დაწყებული (1445—1469 წ.) ერიკლე მეორემდე (1744—1798) არა ერთჯერ სცადეს ოსმალური თურქეთის წინააღმდეგ მოკავშირეების მოძებნა ევროპაში, მაგრამ ამაოდ, მას იქ ინტერესები არა ჰქონდა. სამ საუკუნეზე მეტი გაგრძელდა ევროპიელი მოკავშირის ძებნა და ბოლოს რუსეთი იქმნა მონახული, რომელიც უფრო აზია იყო, ვინემ ევროპა. მხოლოდ რუსეთის წაქცევის შემდეგ მოვიდა საქართველოში ევროპა. და მოვიდა იგი საქართველოს დასაცავად. ევროპას ინტერესები გაუჩნდა საქართველოში. ეს პირველი ევროპიელი იყო — გერმანია.

იმ დროის განმავლობაში, როდესაც საქართველოს დავა და ჩხუბი ჰქონდა ოსმალეთთან, შინ და გარედ ბოლშევიკები საქართველოს წინააღმდეგ მოქმედებდნენ და ახალ სახელმწიფოს ძირს უთხრიდნენ. ქართველი ბოლშევიკები, რომელთა რიცხვი მეტისმეტად მცირე იყო, იმ შეზღუდულებას ადგენენ „რომ მსოფლიო რევოლუცია მალე მოხდება და ამიტომ ოსმალეთთან დავა ზედმეტი ია ვინაიდან მსოფლიო კომუნისმის დროს საზღვრებს მნიშვნელობა არ ექნება, რადგან კომუნისტური ძმობა დამყარდება ხალხთა შორისო, ამიტომ ისინი წინააღმდეგი იყვნენ ოსმალეთთან ომის, მაგრამ სცდილობდნენ ომი თვით შიგნით გამოეწვიათ და საქართველოში საბჭოთა წესწყობილება დაეყარებინათ. ასეთი ბრიყული თვალსაზრისით აღჭურვილნი, ისინი სცდილობდნენ საქართველოში არეულობა და აჯანყება მოეხდინათ და ამ მიზნით რუსული ბოლშევიკური ძალებით ესარგებლათ. — ჯერ კიდევ 1918 წლის მაისში, თურქეთთან ომის დროს ბოლშევიკებმა ვლადიკავკაზში შეადგინეს ბოლშევიკური რაზმები, რომელთაც დარიალის ხეობა უნდა გამოეჭრათ და თბილისი აეღოთ. მაგრამ ამ ცდამ ფუჭად ჩაუარათ. აქ რომ საქმე წაუხდათ, ივნისში და მერმე ივლისში 1918 წ. ბოლშევიკური დიდი ძალები მოადგენენ სოჭისა და სოხუმის მხარეს, დაიკავეს კიდევ იგი, მაგრამ გენერალ მაზნიაშვილმა ისინი სასტიკად დაამარცხა და გარეკა, ფეხდაფეხ მისდია მათ, 27 ივლისს 1918 წ. ქართულმა ნაწილებმა ტუაპსე დაიპყრეს.

მაგრამ ამ მხრიდან ცოტახნის შემდეგ ბოლშევიკები შესცვალეს თეთრგვარდიელებმა, რომელთაც უკვე ხელში ეჭირათ მთელი ყუბანის მხარე. თეთრგვარდიელები დიდი ძალებით მოადგნენ ტუაპსეს რაიონს და რადგან იქ ქართველების მხრივ მხოლოდ სამასმდე კაცი იმყოფებოდა, ამათ დაიხიეს სოჭისაკენ. სოჭის რაიონის მოსახლეობა იძულებითი არჩევანის წინაშე დადგა, ან თეთრგვარდიელებს უნდა მიმხრობოდა, ან საქართველოს უზენაესობა მიეღო; სოჭის მოსახლეობა უკანასკნელს გადაწყვეტილებას დაადგა და საქართველოს მფარველობა სთხოვა. საქართველოს მთავრობამ თავის მხრივ სოჭის მოსახლეობის სურვილი გაიზიარა და განაცხადა: სანამ საბოლოოდ გამოირკვეოდეს საზღვრების საკითხი, საქართველო კისრულობს სოჭის რაიონის მფარველობას.

ამ ამბავმა თეთრგვარდიელთა შორის აღშფოთება გამოიწვია. თეთრგვარდიელები, რომელნიც რუსეთის აღდგენაზე ოცნებობდნენ და ერების დამოუკიდებლობას სასტიკად უარპყოდნენ, საქართველოს დამოუკიდებლობას, რასაკვირველია, არა სცნობდნენ; და ამას ეხლა კიდევ ზედ დაემატა სოჭის მოსახლეობის ქცევა. შეტაკება ფართო ხასიათისა დღედღეზჭ მოსალოდნელი იყო და ამიტომ საქართველოს მთავრობამ მიმართა მშვიდობიან საშუალებას, მოლაპარაკების გზით ერთგვარი კეთილი განწყობილება დაემყარებინა. ამის შედეგად, საქართველოს საგარეო საქმეთა მინისტრი ევგენი გეგუშვილი 25 სექტემბერს 1918 წელს შეხვდა თეთრგვარდიელ მოხალისე არმიის წარმომადგენელს, გენერალ ალექსეევს, რომელიც მაშინ იმავე დროს არმიის მთავარსარდალიც იყო. მაგრამ, როგორც მოსალოდნელი იყო, გენ. ალექსეევმა არამც თუ არ იცნო საქართველოს დამოუკიდებლობა, არამც თუ სოჭის მხარეს დაცლა მოითხოვა; არამედ აფხაზეთსაც წაეპოტინა. მაშ ომი და თავდაცვა!

რუსის მოხალისე ჯარებმა შემოუტიეს საქართველოს არა ერთჯერ და ორჯერ, ხან ხმელეთით, ხან ზღვით. ქართული ერთეულები თავგანწირვით იცავდნენ სამშობლოს, ხან წინსვლით, ხან დახევით. ერთხანს ქართველები იძულებული გახდნენ მდინარე კოდესკიდან მდინარე ბზიბამდე დაეხიათ, მაგრამ შემდეგ მი ისევ შესძლეს წინაწევა და მდინარე მონადირზე გამაგრდნენ; ეს ამბავი მოხდა 1918 წ. ოქტომბერში.

ბოლშევიკები თავისმხრივ კიდევ არ ისვენებდნენ და სექტემბერში 1918 წელს კვლავ დარიალის მხრიდან შეუტყეს საქართველოს და ამასთანავე მოაწყვეს ამბოხება დუშეთის მაზრაში, სადაც უკმაყოფილო ელემენტებთან ერთად თავი მოეყარათ რუსის ყოფილ: პოლიციელებს, ჟანდარმებს, ოფიცრებს, უბრალოდ ავაზაკებსა და ვაზრიყვებულ ხალხს. საქართველოს ამ მხრიდან აწიოკების ცდაც ბოლშევიკებს ხელმეორედ ჩაეფუშათ.

როგორც ვხედავთ, ერთი მხრივ თეთრგვარდიელები, და მეორე მხრივ ბოლშევიკები საქართველოს მოსვენებას არ აძლევდნენ და მის დალუპავს ლამობდნენ. როგორც თეთრგვარდიელები, ისე ბოლშევიკები თავს ესხმოდნენ საქართველოს, მაგრამ ყოველი მათი ცდა ქართული სახელმწიფოს წაქცევის წადილით ნაკარნახევი, მათთვის ყოველთვის დიდი მარცხით დასრულდა. საქართველომ შესძლო ამ ორი დაუძინებელი მტრის გალახვა და ალაგვა.

საქართველოს ჩრდილო-დასავლეთით და ჩრდილოეთით როცა ეს ამბები ხდებოდა, მის სამხრეთში, სამცხე-საათაბაგოში ანუ ძველ მესხეთში, რომელსაც უწინ აგრეთვე შემოქართლი ერქვა, რუსეთის დროს კი ახალქალაქ-ახალციხის მაზრების სახელით იყო ცნობილი, ომი სწარმოებდა. ომი შეიძლება დიდი სიტყვაა, მაგრამ მუდმივი თავდასხმა შეტაკებები და სისხლისღვრა მიმდინარეობდა. რა ხდებოდა იქ?

ბათუმში საზავო ხელშეკრულების დადების მიუხედავად (4 ივნისი 1918 წ.) ოსმალეთი მაინც ცდილობდა ფაქტიურად ახალი ვითარება შეექმნა და ამ მიზნით მისი ჯარის ნაწილები და მის მიერ შექმნილი რაზმები საქართველოში ნამდვილ ბრძოლებს აწარმოებდნენ. მათ ერთხანს თითქმის მთელი ბორჩალო დაიკავეს და რამოდენიმე კილომეტრის მანძილზე თბილისს დაემუქრნენ. აქ მათ წინააღმდეგა. ქართული მხედრობა გერმანელებთან ერთად და ბორჩალოს მაზრა ივნისის ბოლოს 1918 წ. თურქული ბანდებისაგან უკვე გაწმენდილი იყო. არ გასულა ცოტა ხანიც, რომ თურქებმა ეხლა ბორჯომისაკენ გამოილაშქრეს. მათ აქაც მოაგროვეს და მოაწყვეს თათრული ნაწილები, კარგად შეიარაღეს ისინი და რეგულიარული ბრძოლით ბორჯომზე წამოვიდნენ. მხოლოდ ავგისტოს დასას-



რულისათვის გასწმინდა ეს მხარე ქართულმა მხედრობამ. დაკავებულ იქმნა აწყური და აბასთუმანი; ხოლო ახალციხე და ახალქალაქის მხარეები თურქები და მათი დამატებითი რაზმები ოქტომბერში იქმნენ გარეკილი, როცა ოსმალეთი უკვე მარცხდებოდა.

მუდროსის დროებითი ზავის თანახმად და გერმანიანტანტის (ინგლისი, საფრანგეთი, იტალია და სხ.) დროებითი ზავის მიხედვით, ის ადგილები, სადაც თურქული ან გერმანული ჯარები იდგნენ, შეიძლება ანტანტის ჯარებს დაეკავებინათ. ინგლისის სამხედრო გემები საქართველოს ნაპირს მოადგნენ. ჯარების სარდალმა გენერალმა ტომსონმა ქალაქ ბათუმის ქუჩებში პროკლამაცია გააკრეფინა, რომელშიც, სხვათა შორის, ეწერა: „მოკავშირეთა ჯარების კავკასიაში გამოგზავნას მიზნადა აქის საზოგადოებრივი უზრუნველყოფა დაამყაროს კასპიისა და შავი ზღვის შორის მდებარე რუსეთის ტერიტორიაზე“—ო. მაშასადამე, მოკავშირე სახელმწიფოები ანუ ანტანტა (ინგლისი, საფრანგეთი, იტალია, იაპონია და სხვანი) ამიერკავკასიის რუსეთის ტერიტორიად აღიარებდა და, ცხადია, საქართველოს სახელმწიფოს არა სცნობდა!

საქართველოს მთავრობის თავჯდომარემ, ნოე ჯორდანიამ გენერალ ტომსონს პროტესტი წარუდგინა და პროკლამაციის გაკვრა აუკრძალა. მართალია, პროკლამაციის გაკვრა არ შეაჩერეს, მაგრამ საქართველოს მთავრობის განკარგულებით ფურცლების გამკვრელები დააპატიმრეს და გამოუშვეს მხოლოდ მას შემდეგ, რაც გენერალმა ტომსონმა წერილობით განაცხადა, რომ ინგლისელები საქართველოს შინაურ საქმეებში არ ჩაერევიან, მხოლოდ ინგლისური ჯარებისათვის საცხოვრებელი ბინების მიცემა ითხოვა. ასეთი იყო პირველი ვაცნობა!

ინგლისის მოსვლამ ამიერკავკასიაში სომხეთს ფრთები შეასხა, ვინაიდან უცხოეთში და კერძოდ ინგლის-ამერიკაში სომხეთის საკითხი ოსმალეთის პოლიტიკის შედეგად (ხოცვა-ჟლეტა სომხეთისა თურქების მიერ) ცნობილი იყო, ამიტომ სომხეთს იმედი მიეცა, რომ მან მშველელი ძალა გაიჩინა და მოისურვა მისი შემწეობით თავისი წადილის განხორციელება: დიდი არმენიის დაარსება. ამ დიდ სომხეთში, სომხების აზრით, უნდა შესულიყო ახალციხისა და ახალქალაქის მაზრა, ბორჩალო, ბათუმსაც ეპოტინებოდნენ! ესე იგი სომხეთს სურდა წაეღო მესხეთი ანუ სამცხე-საათაბაგო (ახალქალაქ-ახალციხის მაზრები) და ბორჩალო.

ბორჩალოს მაზრას ძველს ქართულ ისტორიაში სომხეთი ეწოდებოდა, ვინაიდან იქ, ქართულ მოსახლეობაში, ფართოდ იყო გავრცელებული სომხური ანუ გრიგორიანული სარწმუნოება. ბორჩალოში შედიოდა სამი მხარე: თრიალეთი (წალკა), ლორე (ტაშირი) და ხუნანი (მაზრის ჩრდილო ნაწილი). მეჩვიდმეტე საუკუნეში ხუნანში სპარსელებმა დაასახლეს თათართა მომთაბარე ანუ მოწოწიანე ტომი ბორჩალუ და აქედან მთელ ამ მხარეს დაერქვა ბორჩალო. ბორჩალო ყოველთვის ქართულ სამეფოს ეკუთვნოდა, და მის მეწინავე დროშას წარმოადგენდა. აი ამ ბორჩალოს დაკავება მოისურვეს სომხებმა.

ჯერ კიდევ ოქტომბერში (1918 წ.) სომხური ჯარის ნაწილები შეიჭრნენ ბორჩალოში და დაიპყრეს ნათერი და კორინჯი. მერმე მოაწყვეს აჯანყება სომხურ სოფლებში სანაინ-კობერის გასწვრივ. 9 დეკემბერს (1918 წ.) თავს დაესხნენ ქართულ ჯარებს და სადარაჯო რაზმებს, ნაწილი ამოხოცეს, ნაწილი ტყვედ იგდეს. და მერმე უკვე აშკარად, სომხეთის მთავრობამ საქართველოს წარუდგინა ულტიმატუმი ახალქალაქისა და ბორჩალოს მაზრის დაცვის შესახებ. 18 დეკემბერს (1918 წ.) საქართველომ მობილიზაციით უპასუხა. ამ ხნის განმავლობაში სომხებმა დაიკავეს უკვე ჯავახეთი (ახალქალაქის მხარე) და ბორჩალოში მდინარე ხრამს მოადგნენ. ასეთმა მზაკერულმა

თავდასხმამ მთელი საქართველო აღაშფოთა და მრავალი მონახისე გამოიწვია.

19 დეკემბერს სახალხო გევარდიამ ეკატერინოველთან სომხეთის ჯარი დაამარცხა. ჯავახეთიდანაც იქმნენ ისინი გარეკილი. შემდეგ დაიწყო ქართული ჯარის საერთო შეტევა და 29 დეკემბერს შულავერი იქმნა აღებული, მერმე კიდევ. სადახლო და ბოლნისი. 31 დეკემბერს 1918 წ. ინგლის-საფრანგეთის ჩარევით ომი შეწყდა შემდეგი პირობების მიხედვით: ჯავახეთი და ბორჩალოს მაზრის ჩრდილო ნაწილი საქართველოს დარჩა, ხოლო ლორე შეიქმნა ნეიტრალურ ზონად, და მისი მართვა საქართველო-სომხეთის შეთანხმებით უნდა მომხდარიყო.

გათავდა სომხეთთან ომი საქართველოს გამარჯვებით და იანვარში 1919 წ. ოსმალეთის აგენტების მიერ შექმნილი რაზმები ფოცხოვის რაიონში შემოიჭრნენ. თებერვალში (1919 წ.) ოსმალთა აგენტებმა მოაწყვეს ახალციხის მაზრაში აჯანყება და კარგად შეიარაღებულმა რაზმებმა ქართულ ნაწილებს უკან დაახევინეს.

ინგლისურმა ხელისუფლებამ, რომელმაც ოსმალური შესცვალა, ბათუმის მხარე საქართველოს კი არ დაუბრუნა, როგორც ეს ბუნებრივად მოსალოდნელი იყო, არამედ მისი მართვა თეთრგვარდიელებს ანუ დენიკინელებს ჩააბარა. ეს იმას ნიშნავდა კიდევ, რომ ბათუმის მხარე ინგლისური სარდლობა აღსადგენ რუსეთისათვის ინახავდა და მის მომავალ პატრონს, დენიკინის ჯარებს, სამმართველოდ აძლევდა. აქედან სჩანს ის მტრული განწყობილებაც, რომელიც ინგლისურ სარდლობას საქართველოს მიმართ ჰქონდა. თეთრგვარდიელებმა ბათუმში შეადგინეს „მმართველი საბჭო“ მოსლოვის თავმჯდომარეობით. აქ სწარმოებდა კანონიერი ცარცვა-გლეჯა და მეჭრთამეობა; ასეთი აშკარა ბოროტმოქმედება ინგლისელებმა ვეღარ მოითმინეს და მასლოვი გააძევეს, მაგრამ მართველობა მაინც თეთრგვარდიელი რუსების ხელში დარჩა. არაა დასავიწყი ისიც, რომ ბათუმის მხარისათვის უმაღლესი სასამართლო ეკატერინობურგს მიაწერეს. იღვენებოდა ქართველობა. სამაგიეროდ აარსებდნენ რუსულ სკოლებს, ატუსაღებდნენ საქართველოს მომხრე აჭარლებს და სხვა. ეს ის ხანაა, როდესაც ახალი ოსმალურ-ინგლისურ-რუსული ინტრიგები იწყებოდა და სისხლიც იღვრებოდა.

ყარსში შეიქმნა ეგრედწოდებული ყარსის მთავრობა, რომელსაც თათრები ხელმძღვანელობდნენ. მთავრობამ პარლამენტიც კი მოაწყო და თავის ტერიტორიად გამოაცხადა: ყარაის, არდაგანის, ახალციხის, ახალქალაქის და ბათუმის მხარენი. ინგლისელებმა ამ საქმეში დიდი მზაკერული როლი ითამაშეს, მათ უნდოდათ ეს საქმე თავის ინტერესისათვის გამოეყენებინათ და მათ ზურგს კიდევ თეთრგვარდიელი რუსები იდგნენ.

ახალქალაქისა და ახალციხის მაზრაში სერვერ-ბეგმა თავისი რაზმების შემწეობით აჯანყება მოაწყო და თავისი თავმჯდომარეობით დროებითი კომისარიატი გამოაცხადა. ქართულმა ჯარებმა გენერალ გიორგი კვინიტაძის სარდლობით დაამარცხეს სერვერ-ბეგის ჯარები, 9 მარტს 1919 წ. აიღეს ახალციხე და მალე მთელი მხარე გაიწმინდა თურქული და ადგილობრივი ბანდებისაგან. აპრილის დასასრულს ინგლისის გენერალიტეტის წარმომადგენელი მივიდა „ყარსის პარლამენტში“ და იქ შემდეგი, მეტად საუფლისხმო, განცხადება გააკეთა:

„ინგლისის მთავრობის სურვილით თქვენ ჩავაბარეთ ხელისუფლება და გევალებოდათ თქვენ ამ ოლქის მართვა. თქვენ იმის მაგივრად, რომ ცხოვრებაში ინგლისის მიზნები გაეცარებინათ, — სხვა ორიენტაციისაკენ იწვევდით. ეს ყოველად მოუღებელია. თქვენი პარლამენტი დაშლილდა და გამოცხადებული და ამიერიდან მთელი ძალისუფლება ინგლისელების ხელში გადადის, რომელიც



ძალაუფლებას გადასცემს იმას, ვინც ინგლისის ინტერესებს დაიცავს“ — და ვგრეთწოდებული „ყარსის მთავრობა“ — ც დააპატიმრეს. ეს „სხვა ორიენტაცია“, რომელზეც ინგლისელი გენერალი ლაპარაკობდა, იყო ოსმალური, რადგან სწორედ ოსმალეთისათვის იბრძოდნენ „ყარსის მთავრობაც“ და მისი „პარლამენტიც“.

ამგვარად, ინგლისის წარმომადგენელი, იმის მაგივრად რომ ახლად წარმოშობილ საქართველოს სახელმწიფოს დახმარებოდნენ, მას ყოველგვარ დაბრკოლებას უქმნიდნენ და მის ისტორიულ მიწაწყალს სათამაშოდ ხდიდნენ და ამით ქართულ ინტერესებს აბუჩად იგდებდნენ, თორემ ძველი მესხეთი ანუ სამცხე-საათაბაგო სადავო არ იყო, იგი საქართველოს ეკუთვნოდა, რაც დადასტურდა მალე დამფუძნებელი კრების დამატებითი არჩევნებით. ამ არჩევნებში პასუხი გასცა ერთი მხრივ სომხეთს, მეორე მხრივ ოსმალეთსა და ინგლისს. ახალციხის მაზრის არჩევნებში ქართულმა პარტიებმა მიიღეს 26.500 ხმა; სომხურმა პარტიამ კი მიიღო — 3000 ხმა. და ეს 30.000 ამრჩევლის რიცხვში! ახალქალაქის მაზრაში ამრჩეველი იყო 21.000; აქედან ქართულმა პარტიებმა მიიღეს 13.000 ხმა და სომხურმა — 8 ათასი. ამ კენჭისყრით ზედმეტად კიდევ დადასტურდა, რომ ძველი სამცხე-საათაბაგო საქართველოს განუყრელი ნაწილია!

როგორი მდგომარეობა იყო ბათუმის ოლქში? ბათუმში ინგლისური ოკუპაცია იყო. — მაგრამ საქართველოსთან ბათუმის ოლქის გაერთიანების აზრმა დაიპყრო მთელი აჭარა. ჯერ კიდევ 31 აგვისტოს 1919 წ. ბათუმში შესდგა საოლქო ყრილობა, რომელმაც საქართველოსთან ბათუმის ოლქის გაერთიანება მოითხოვა. არჩეულ იქმნა ოცი კაცი — საგან შემდგარი დელეგაცია, რომელიც თბილისს ჩავიდა 5 დეკემბერს 1919 წ. და ეს რეზოლუცია მთავრობას გადასცა. საქართველოს დამფუძნებელმა კრებამ ერთხმად მიიღო გადაწყვეტილება ბათუმის ოლქის შემოერთებისა და ავტონომიის მიცემის შესახებ და 25 დეკემბერს 1919 წ. მთავრობის თავჯდომარე ნოე ჟორდანიამ სამუსულმანო საქართველოს მოწოდებით მიმართა: „რამდენიმე საუკუნის წინათ თქვენ, დროთა ვითარების გამო, მოსწყდით ძველ საქართველოს და მას ჭირში და ლხინში გამოეთშეთ, მაგრამ თქვენი სულიერი კავშირი სამშობლო კერასთან, საქართველოსთან არ შეწყვეტილა, თვით დაუძინებელი მტრებიც კი თქვენ გურჯებად, ან ქართველებად, გიხსენიებენ. მიუხედავად სასტიკი დევნისა, თქვენ ღღემდის შეინარჩუნეთ მამა-პაპათა ენა და ადათები. თანახმად მთელი საქართველოს მოქალაქეთა სურვილისა, ყოველივე გაუგებრობის თავიდან ასაცილებლად საქართველოს დემოკრატიული რესპუბლიკის მთავრობა საყოველთაოდ და გადაჭრით აცხადებს, რომ სამუსულმანო საქართველოს ის ანიჭებს ავტონომიას“.

ბათუმის „მმართველი საბჭოს“ გარშემო და თვით ბათუმში დენიკინელებმა, ბოლშევიკებმა, სომხეთის აგენტებმა, ოსმალეთის აგენტებმა, აზერბაიჯანის აგენტებმა, ინგლისის აგენტებმა, — ყველამ აქ მოიყარა თავი და ყველა ებრძოდა აქედან საქართველოს. აჭარაში დენიკინელები აწყობდნენ კრებებს; სადაც ძალით მოსყიდვით გამოჰქონდათ რეზოლუციები, რომ არ გვინდა საქართველოსთან შეერთება. ამ რეზოლუციებს რუსები ავზავნიდნენ პარიზს, საზავო კონფერენციისათვის. 29 თებერვალს

1920 წ. ბათუმში ინგლისელებმა მოახდინეს საქალაქო არჩევნები. ყველა ებრძოდა ქართველობას, მაგრამ ქართველობამ მიიწვია გამარჯვება. ასარჩევი იყო 36 ხმოსანი; აქედან ქართველებმა გაიყვანეს 20 ხმოსანი, რუსებმა — 2, ბერძნებმა — 8, სომხებმა — 4 ებრაელებმა — 2. ეს იყო ქართველობის ბრწყინვალე გამარჯვება ბათუმში ინგლისელების ოკუპაციის დროს.

მალე კიდევ, 6 მაისს 1920 წ. ანტანტის საბჭოს გადაწყვეტილების თანახმად, ბათუმი საქართველოსათვის უნდა გადაეცათ, 6 ივლისს ქართული ჯარი ბათუმში შევიდა და 7 ივლისს 1920 წ. ჩამოიხსნა ინგლისური დროშა. აფრიადდა ქართული დროშა! ქალაქი ბათუმი და მისი ოლქი ოფიციალურად საქართველოს შეუერთდა და ამგვარად საქართველომ დაიბრუნა აჭარა.

ჩვენ დავინახეთ, რომ ბრესტლიტოვსკში დადებულმა ზავმა, რომლის მიხედვით ამიერკავკასიის ერების დაუკითხავად, ბოლშევიკურმა რუსეთმა ოსმალეთს დაუთმო ყარს-არდაგან-ბათუმის მხარენი, — რა დიდი უბედურება დაატება თავზე საქართველოს! ბოლშევიკების ლალატისა, მზაკვრობისა, მუხანათობისა და გაიძვერობის შედეგად საქართველოს დიდი უბედურება ეწვია. ბოლშევიკურმა ბრესტლიტოვსკის ზავმა საქართველოს მიწაწყალი — სამცხე-საათაბაგო — სადავოდ გახადა, რამაც ოსმალეთთან ომი გამოიწვია და ორი წლის განმავლობაში ძველი მესხეთი საომარ ასპარეზად გადააქცია. ამავე ზავის ნაყოფი იყო ინგლისური ოკუპაცია. რამდენი მსხვერპლი შეეწირა ამ მხარის საქართველოსათვის შენარჩუნების ბრძოლას, მსხვერპლი ნივთიერი და სისხლითი! საქართველოსათვის მესხეთის დაკარგვა, ბათუმის სხვის ხელში გადასვლა, მომავდინებელი იყო და ქართველმა ერმაც არ დაზოგა თავი ეს უბედურება აეცდინა. დაბოლოს გამარჯვება მან. ბოლშევიკური რუსეთის წყალობით შექმნილი ამ დუხჭირი მდგომარეობიდან საქართველო ბრძოლით გამოვიდა და მთლიანი სხეული გამოიჩინა, დაგლეჯისა და დაფლეთისაგან თავი გადაირჩინა: გაერთიანებული ძველი საქართველო კვლავ აღსდგა.

როგორიღა იყო ვითარება აფხაზეთში? რა ურთიერთობა დამყარდა აფხაზეთსა და საქართველოს შორის? როგორც ყველგან ამიერკავკასიაში, აფხაზეთშიც დწესებულ იქმნა აფხაზეთის ეროვნული საბჭო. პირველად აფხაზეთის საბჭომ კავშირი დაიკავა კავკასიის მთიელებთან და მოლაპარაკება გაიმართა საერთო მთის მოსახლეობათა კავშირის შექმნისთვის. გრძელი მოლაპარაკების შედეგად შეთანხმდნენ კიდევ მთის ხალხების კავშირის დასამყარებლად, მაგრამ მთაში ისე აწეწილი იყო მდგომარეობა, რომ აქედან არაფერი გამოვიდა. შემდეგ, როცა ამიერკავკასიამ დამოუკიდებლობა გამოაცხადა, აფხაზეთის ეროვნულმა საბჭომ გადასწყვიტა ამიერკავკასიის ფარგლებში შესულიყო. ამ დროს აფხაზეთს შემოესივნენ ბოლშევიკური რაზმები, რომელთა გასარეკად იქ ქართული ჯარები ჩავიდნენ. ამას შემდეგ — მოჰყვა ოსმალების ჯარის გადმოსხმა აფხაზეთში, მერმე მათი გაძევება და ტატაშა მარშანის მიერ მოწყობილი აჯანყება; ყველაფერს ამას მალე ბოლო მოეღო და აფხაზეთის ახალმა ეროვნულმა საბჭომ დაადგინა საქართველოს მთავრობასთან მოლაპარაკება; ამ მიზნით თბილისს გაგზავნილი იქმნა აფხაზეთა წარმომადგენლობა, რომელმაც მთავრობასთან სრულ შეთანხმებას მიაღწია; ამ მოლაპარაკების თანახმად

აფხაზეთში უნდა მომხდარიყო ეროვნული საბჭოს ახალი არჩევნები და ეს ახალი საბჭო გადასწყვეტდა აფხაზეთის მომავალსაც. 20 მარტს 1919 წელს აფხაზეთის ახლად არჩეულმა „სახალხო საბჭომ“ შემდეგი დადგენილება გამოიტანა: 1. აფხაზეთი შედის საქართველოს სახელმწიფოს ფარგლებში როგორც ავტონომიური ერთეული; 2. ავტონომიური აფხაზეთის კონსტიტუციის გამოსამუშავებლად და საქართველო-აფხაზეთის უფლებრივი ურთიერთობის დასადგენად ამოჩეულ იქმნას შერეული კომისია, რომელშიც თანასწორი რიცხვით შეიკლენ საქ. დამფუძნებელი კრებისა და აფხაზეთის სახალხო საბჭოს დეპუტატები. რასაკვირველია, აფხაზეთის ავტონომიაც მალე გამოცხადდა. ქართველ ერთან ამ განუყრელმა ხალხმაც განაგრძო საქართველოსთან ერთად ბრძოლა საერთო სამშობლოს დასაცავად.

ჩვენ უკვე ვიცით, რომ ქართული სამხედრო ერთეულები მდინარე მებადირის პოზიციებზე იდგნენ რუსული მოხალისეთა ჯარის მოპირდაპირეთ. საქართველოს მთავრობამ კარგად იცოდა, რომ დენიკინი მას მოსვენებას არ მიცემდა, ამიტომ იგი სკდილობდა ინგლისელები დაეჯერებინა, საკითხის საბოლოო გამორკვევამდე, ამ მხარეში ნეიტრალური ზონა შეექნათ. ინგლისელი გენერალი კორის ჩარევით მართლაც ასეთი უზრულმყოფელი ზონა დაწესებულ იქმნა და ამის მიხედვით ქართულ ჯარებს მდინარე ბზიბამდე უნდა დაეხიათ. ინგლისელები თავის მხრივ საქართველოს მთავრობას დაპირდნენ, რომ დენიკინელები ამ ზონას დაიცავდნენ, მაგრამ ეს არ შესრულდა და უცხად რუსული ჯარები თავს დაესხნენ ქართულ მცირე ნაწილებს და გავრის რაიონი დაიჭირეს. საპასუხოდ ქართველებმა შეუტეს და 17 აპრილს 1919 წელს გავრა დაიბრუნეს. ამის შედეგად 23 მაისს 1919 წ. თბილისში მოხდა მოლაპარაკება საქართველოს მთავრობისა და მოხალისეთა (დენიკინის) ჯარის წარმომადგენელთა შორის.

ეს მოლაპარაკება მრავალმხრივ იყო საინტერესო; 1) მოხალისეთა არმიის წარმომადგენელად თბილისს მობრძანდა ინგლისელი გენერალი ბრიგსი, რომელიც იყო ინგლისის წარმომადგენლად მოხალისეთა არმიასთან; 2) რუსები მოითხოვდნენ აფხაზეთს და ამტკიცებდნენ, რომ აფხაზეთს საქართველოსთან შეერთება არა სურსო; 3) დენიკინი არა სცნობდა საქართველოს დამოუკიდებლობას. მაინც დაბოლოს საქართველოსა და რუს მოხალისე ჯარების მიერ დაკავებულ ტერიტორიას შორის დაწესდა ნეიტრალური ზონა.

ამ ნეიტრალურ ზონად გამოცხადებული იქმნა სოჭის მხარე, მაგრამ ფაქტიურად არც ეს ნეიტრალური ადგილი არსებობდა, რადგან ინგლისელებმა მისი პატრონობა სინამდვილეში დენიკინელებს ჩააბარეს, მაგრამ ეს „პატრონობა“ დიდხანს არ გაგრძელებულა. სოჭის მხარეში მალე დაიწყო აჯანყება რუსული მოხალისეთა არმიის წინააღმდეგ და ეგრედწოდებული „მწვანე არმია“, იარაღით ხელში ებრძოდა მათ და შემდეგში ბოლშევიკებსაც; ეს ამბები დაიწყო 1920 წლის იანვარს და ამას შემდეგ მოხალისეთა არმიას თვითონ დიდხანს აღარ უცოცხლია. მისი რეგენერული პოლიტიკის წყალობით მას გადაუდგნენ კახაკები და გლეხები, ბოლშევიკები გააფთრებით აწვებოდნენ მას და ბოლოს აპრილში 1920 წ. სრულიად განიავებული შეიქმნა და რუსული მოხალისეთა არმიის ისტორიაც დასრულდა. სამაგიეროდ საქართველოს საზღვრებს მოადგნენ ბოლშევიკური წითელი ჯარები და ბოლშევიკური რუსეთი საქართველოს უშუალო მეზობელი გახდა. ამგვარად, საქართველომ, დამოუკიდებლობის გამოცხადების დღიდან, ქართველი ერის სახელმწიფოებრივი სხეულის მთლიანობისთვის განუწყვეტელი ბრძოლა აწარმოა და გამარჯვებული გამოვიდა, — სანამ მას ისევ რუსეთი, ამჟამად წითელი, მზაკვრულად თავს არ დაესხა.

**3. ნოზაძე**

გამომცემელი: ქართული საკავშირო უბანი. მთავარი რედაქტორი: **გ. ფრონელი.**

რედაქტორი: **3. ნოზაძე.** მდივანი: მოხ. ი. დუჩუჯელი.

Berlin W 35, Ludendorffstr. 60.

ქართულ სტამბა არჩილ მეტრეველისა